



BIBLIOTECA NAZ.
Vittorio Emanuele III


XXIII

E

33

NAPOLI





PHILOSOPHIA

LIBERA SEU ECLECTICA

RATIONALIS, ET MECHANICA SENSUUM

*Ad Studiosæ Juventutis institutionem accommodata,
ac per lectiones digesta.*

A U C T O R E

D.IGNAT.MONTEIRO.

T O M U S V.

AEROMETRIA PHYSICA, PYROTECHNIA PHYSICA, NATURALIS,
ATQUE ARTIFICIALIS ELECTRICITAS.

H O C E S T

*Aeris elementum, Atmosphaera terra, mirabilia ejus mune-
ra, phaenomena, Metheora: Ignis natura, proprietates,
vires, effectus; mirabilia electricæ materiae phaenomena,
vires, agendi leges: milleque alia iis argumentis affinia.*

Editio secunda Veneta ab Auctore ipso correctâ,
aucta, & illustrata.



V E N E T I I S M D C C L X X V.

T Y P I S A N T O N I I Z A T T A

S U P E R I O R U M P E R M I S S U , A C P R I V I L E G I I S .

21 22 23 24

25 26 27 28 29 30

31 32 33 34 35 36

37 38 39 40 41 42

43 44 45 46 47 48

49 50 51 52 53 54

55 56 57 58 59 60

61 62 63 64 65 66

67 68 69 70 71 72

73 74 75 76 77 78

79 80 81 82 83 84

85 86 87 88 89 90

91 92 93 94 95 96

97 98 99 100 101 102

103 104 105 106 107 108

109 110 111 112 113 114

115 116 117 118 119 120

121 122 123 124 125 126

127 128 129 130 131 132



AEROMETRIA PHYSICA

SEU

DE ELEMENTO AERIS,

TELLURIS ATMOSPHERA,
ILLORUMQUE PROPRIETATIBUS,
ET PHÆNOMENIS.

1.



Ntegrum universi aspectabilis mundi systema, atque mundanorum corporum motus, magnitudines, distantias, naturam, phænomena, variumque inter sese ordinem superiori hujus operis volumine prosecuti, eam nobis comparare, aliisque exponere studuimus mundanæ

hujusce machinæ ideam, quæ neque sit a veritate aliena, neque in ullo hujus ætatis philosopho desiderari deberet. Post generalem totius tabulæ contemplationem ad eam illius partem penitus inspiciendam atque examinandam descendamus, quæ nos maxime spectat, datumque nobis a Deo patrimonium existit. Ab amplissimis mundanis orbibus, a tot cælestibus sphaëris ad vorticis centrum, ad tellurem nostram philosophando tandem veniamus. Philosophus rerum observator post totius mundanæ machinæ contemplationem propius ad terrestrem globum accedens, eumque omni ex parte examinans, duo hæc imprimis animadvertit. 1. Vastissimam hanc sphaeram ex quatuor potissimum insignibus plane corporibus esse compositam, *Aere*, *Igni*, *Terra*, *Aqua*: quæ idcirco generalia terrestrium corporum *elementa* vulgo nuncupantur: propterea quod non modo globum terrestrem maximam partem componant, sed omnium etiam peculiarium corporum compositionem ingrediantur. Philosopho igitur terrestrem physicam aggredi-

A 2

enti

enti primum illa esse debent meditationis argumentum: quod qui penitus perspectum habeat, non parum sese in naturali philosophia profecisse existimet. Ab astris ad terram nostram accedentes primum offendimus aerem, & permixtum cum aere ignem. Vastissimam circa tellurem atmosphæram componit primum illud elementum: globum circumdat, intra corpora omnia latens deprehenditur; atque una cum igne communis existunt infinitorum in corporibus effectuum causa, & principium. Ordinem idcirco secunda hac operis editione invertimus: atque Geographiæ & Hydrographiæ physicis Aerometriam, & Pyrotechniam præmittimus. Plurima enim vero in prioribus illis disciplinis offendes, quæ citra proprietatum aeris, atque ignis cognitionem intelligi plane non possunt. Jam vero quantum nostra hominum inter sit, aeris naturam diligenter examinare, infinita illa, quæ ab aere habemus commoda, atque necessaria munera luculentissime ostendunt. Aeri enim vero vitam ipsam, sanitatem, & utriusque conservationem debemus: illum, quamprimum in lucem eduntur, ad mortem usque respirant viventia: intra aerem nascimur, vivimus, & fato tandem cedimus; neque est in vita tempus ullum, quo ab aere semper circumdati, & in aere immersi non vivamus semper. Duplici imprimis ratione considerari a nobis potest, & debet aer: primo quidem illius natura, atque proprietates, ut peculiare corpus est, expenduntur; quin ad illius figuram, magnitudinem, statum, & mille alias circumstantias attendamus. Secundo spectari potest aer, ut sphæricus quidam annulus, & fascia terram circumquaque ambiens, ad certam altitudinem extensus, & immensam pene vaporum, atque terrestrium corporum exhalationum copiam comprehendens, omniaque metheora intra sese produciens: Hoc secundo sensu spectatus aer *atmosphæra* nuncupatur: Aerem modo in primo sensu, in secundo postea considerabimus.

PHYSICA.

LECTIO I.

Aeris natura, & proprietates.

DEFINITIO.

2. *Aeris nomine id elementum intelligimus, quod inspiramus, & expiramus; in quo vivimus, & movemur; quod supra terram undique diffusum nubes, & plurima id genus alia in se comprehendit; & terram cum cælo videtur committere. Hæc nominis definitio: rei naturam modo discutiamus.*

PROPOSITIO I.

3. *Id, quod nomine aeris significamus, est corpus: ac proinde est extensum, impenetrabile, cæteraque corporum proprietates, & attributa in se continet.*

Enim vero aer, ut modo dicemus, vel est purus, peculiare corpus, atque elementum ab omnibus aliorum corporum vaporibus, particulisque distinctum; vel cum iis omnino permixtum, & proinde impurum. De utroque vera est propositio, quam serio demonstrare, supervacaneum fere duco: ea resistentia, quam offendimus, dum progredimur, dum manus, stabellum, & id genus alia per aerem movemus, aerem corpus esse, manifesto evincit; quidquid enim motui corporum resistit, est corpus. De aere impuro, omnium consensu, vera est propositio. De aere puro id tantum in dubium vertitur, existat necne aliquod, aeris nomine donatum, quod a reliquorum corporum particulis sit distinctum. Qui aeris puri existentiam agnoscit, illum etiam esse corpus adstruit. Quod si veteres aliqui spiritum dixere; ejus subtilitatem intellexere, & eo nomine significarunt.

PROPOSITIO II.

4. *Duplicis generis admittendus est aer, impurus scilicet, qui in vaporum congerie puro aeri permixta consistit, & terræ circumfusus atmosphaera, seu vaporum sphaera dicitur; purus alius, corpus nimirum ab omnibus aliis corporibus diversum, telluri circumfusum, per*

quod vapores a corporibus terrestribus ascendunt, in eo-
que sustinentur:

Stoici apud Tullium (a), Boyle (b), Otho-Guerike (c), Gravefande (d) aerem a congerie vaporum non distinguebant: eoque nomine non peculiare aliquod corpus, elementum, aut substantiam, sed particulatum, seu atomorum ex terrenis corporibus ascendentium complexionem, & mixtionem intelligebant. Quidquid tamen ii contra communem hominum sensum asseruerint; propositio facile patet. Terrestrium corporum particulæ, vapores, exhalationes sunt omnium confessione graves; neque alia ratione a telluris superficie ascendunt, nisi quia a fluido graviore, cui sunt immersæ, sursum urgentur, impelluntur, & detru-
duntur; fluidi enim pressione cessante, aut fluido ipso destructo, vapores illico in terram relaberentur: vapores igitur universi ab aliquo fluido graviore impelluntur, & sustinentur: id autem fluidum terræ circumfusum, & vaporibus ipsis permixtum nuncupamus *aerem*.

5. *Secundo*. Quamprimum aer e machina pneumatica inferius describenda extrahitur, fumus illico, & quicumque alii corporum vapores intra recipientis capacitatem in aere antea innatantes ad fundum cadunt, neque amplius elewantur, quamdiu non introducit iterum aer; licet intra recipiens ponantur prunæ, aqua calida &c. ideo igitur ascendunt vapores; quia aliquod fluidum a vaporibus distinctum eos ad ascensum urget: quo sublato, vapores amplius neque elewantur, neque sustinentur: iterum autem admissio, iterum etiam ascendunt. Alio modo philosophari Hydrostaticæ leges non permittunt. Totum enim vero aerem circum terram diffusum mente parumper sublato concipe: ascenderentne ea in hypothesi e gravibus corporibus graves proculdubio particulæ? quænam ascensionis causæ.

6. 3. Plurimas aeris proprietates agnoscimus adeo
con-

(a) *Lib. 2. de Nat. Deorum cap. 10.*

(b) *Exp. phys. med. edit. Genev. 1677. pag. 69.*

(c) *Exp. nova Magd. l. 2. c. 1.*

(d) *Phys. Elem. Math. pag. 586.*

constantes, atque a cæterorum corporum proprietatibus diversas, ut certam naturam semper eandem & constantem, ex qua profluant, manifesto indicent. Quomodo tamen hæc, si aer in vaporum congerie consisteret; cum hæc in eodem statu fere numquam permaneat, sed continuam semper variationem patiatur, ex qua proprietatum etiam, & effectuum varietas consequi deberet? Hæc proculdubio præter alia plane constant, corporum vapores, & exhalationes corrumpuntur, in propriæ speciei corpora veruntur, de novo efformantur: hæc vero vicissitudines non patitur aer. Vapores & igni, & flammæ, & humanæ respirationi sæpissime nocent; juvat ex adverso semper aer, iisque omnibus est plane necessarius.

Quarto: Aeris elasticitas illius densitati est proportionalis; densitas prementium ponderum rationem sequitur: utrumque autem in vaporum congerie fallit, ut experimentis *Muschenbroeckii* edocemur (a).

7. *Quinto*. Aer ab intimis corporum poris, seu subtilissimis sinibus liber, elasticus semper existit: vel enim frigescat, vel calore afficiatur, humorem, aut siccitatem servet; elasticitatem semper suam habet: neque etiam, quantumvis frigidus, aut humidus evadat, in liquorem sensibilem, aut in glaciem vertitur, ut vaporibus fere semper accidit: sunt igitur duo corporum genera longe inter se diversa: ad diversaque munera a rerum auctore Deo primitus constituta. Aer sane, ut ex toto hoc opere constabit, universalis videtur esse naturæ cardo, atque principium, unde terrestrium corporum vires, & effectus potissimum pendeant.

PROPOSITIO III.

8. *Est etiam aer corpus maxime fluidum, pellucidum, subtile, sonorum, elasticum.*

Omnia hæc esse aeris proprietates, ratione, experimentis, sensuum testimonio constat. De singulis pauca indicare sufficiet. Aerem esse maxime fluidum, id luculenter conficit, quod sensibilis quælibet

(a) *Elem. Phys.* n. 1069.

bet illius massa, aut particula, quomodocumque tractetur; quocumque loco, & tempore, magno licet frigori, humori, & aliis id genus qualitatibus, cuiuscumque etiam pressioni subjiciatur, in firmum corpus evadere numquam potuit: dum interea fluida alia corpora nobis nota, si ætherem, seu ignem purum *elementarem* excipias, liquiditatem amittunt, aliquid tantulum concresecunt; & magna frigoris intensitate accedente, in glaciem etiam vertuntur, ut de hydrargyro, seu mercurio, & spiritu vini, corporibus sane, si qua alia, fluidis infra probabitur.

9. Intra omnia corpora infinitas aeris particulas hac illac dispersas, & cum partibus corporum irretitas latere, non ignoro: ejusmodi aerem vocari ab aliquibus *fixum*, indeque educum, seu explicatum *factitium aerem* nuncupari, agnosco. Peculiaris tamen hic particularum aeris status, inferius a nobis exponendus assertæ proprietati non opponitur: ut ex rei ipsius expositione apparet. Id scilicet unum asserimus, sensibilem aeris massam, quantumvis comprimatur, frigescat, aliisque modis tractetur, quibus fluida concresecunt, fluidam semper manere. Aliquas vero aeris spiras intra corpora cum solida, tum etiam fluida explicari, elasticitatem amittere, particulis corporum adhærescere, cum iis concresecere: firmique propterea corporis partes fieri post experimenta *Stephani Hales* admitto (a). Quod istiusmodi aerem *fixum*, seu solidum nuncupes, per me licet: nihil tamen id propositioni opponitur: cujus veritatem ipsemet *Hales* confirmat (b).

10. Aeris pelluciditas sensuum evidentia constat. Nullum terrestre corpus, solidum illud, aut fluidum existat, parem, atque aer, pelluciditatem habet. Hoc ego dum dico, tria insimul animadverto; 1. quo pacto lux per mediam aeris substantiam transeat, explicare hujus loci non esse: rem asserimus, rei modum alio remittimus: 2. quomodocumque ta-

men

(a) Rem experimentis fuisse probat *Stephanus Hales* *statique des végétaux*.

(b) *Hales* *statique des vég.* append. exp. 7. description d'un instrument &c.

men lux transeat, aerque existat pellucidus; est tamen corpus, plurimique radii a solida ejus partium massa reflectuntur: 3. suos esse aeri colores, statim demonstrabimus: ii tamen vaporibus potius, seu atmosphæ, quam puro aeri tribuendi sunt.

11. Mira aeris subtilitas a nemine in dubium veritur. Ex scrupulosa plurimorum corporum solutione, a Roberto Boyle, & Stephano Hales (a) diligentissime peracta, plane constat, in angustissimis omnium corporum poris, atque intimis receptaculis, & sinibus aerem inveniri: illinc soluto corpore explicari, expandi, & in spatium longissime, atque corpora ipsa, majus distendi. Aeris tamen particulæ & lumine & igne crassiores esse apparent: per vitrum, plurimaque alia corpora facile penetrat lux, calor, ignis; non tamen aer: ut vilitur in vitreo recipiente vacuo, intra quod posita corpora a luminoso exterius admoto & illuminantur, & calefiunt, & ignescunt, quin tamen aer per vitri poros traduci ulla arte possit. Id vero diversæ partium figuræ tribui posset, si in uno tantum aut altero corpore observaretur: cum in tot corporibus, pororumque varietate accideret; partium tenuitati referri opus est.

12. Si aerem cum aqua, & aliquot aliis liquoribus conferamus facile dictu non est, quam ex parte major partium subtilitas reperiatur, Robertus Boyle (b), & Reaumur (c) ex plurimis experimentis a se factis deducunt, aeris particulas, aquæ, & aliorum liquorum particulis non parum subtilitate cedere: Chartam siquidem permeat, & transgreditur aqua, non aer: charta etiam aqua jam madida, & lota aerem adhuc excludit; licet aliqui liquores illam hinc inde penetrent: igitur ejus foramina aqueas, non aereas particulas excipiunt: aqua proinde aerem subtilitate vincit.

13. Ab hisce tamen experimentis minorem aeris subtilitatem satis evinci non existimo: ab ipsamet enim aqua per chartam traducta, seu percolata plurimum aeris defertur, atque ab illa postea extrahitur.

(a) Hales. *Analisi dell' aria*.

(b) *Nov. Exp. Phys. Mech.*

(c) *Mém. de l' Acad.* 1714. p. 59.

tur : aquæ idcirco particulae aeris partes complecti , secum trahere , & mole superare videntur . Quare tamen aer seorsim chartam facile non permeat , ab aqua permeante defertur ? Forſan id erit a figurarum ratione derivandum . Si aeris partes ſtriæ , ſeu ſpiræ minutiffimæ exiſtant , quæ ſe ſolis genio proprio convolvantur , ab aqua vero explicentur , tatis hoc uno intelligeretur , aerem , ſe ſolo , chartam , plurimæque alia corpora penetrare non poſſe , ab aqua penetrantè facile tranſduci .

14. Hæc forſitan rerum poſitio a vero rerum ſtatu non multum abludit . Si vera illa eſt , ratio ſubtilitatis inter aquam , & aerem definiri a nobis non poteſt : ſpiræ ſphæris minores eſſe poſſunt ; ampliorem tamen , ut tranſeant , porum requirere : poſſunt etiam ex adverſo ſphæras mole superare ; per æquales tamen ſphæris poros facile pertranſire ; ſi in cilindros explicentur . Hæc præterea rerum poſitio cum obſervationibus , & proprietatibus aeris convenit : aer ſe ſolo ſemper eſt elæſticus ; intra corpora in particulas minimas diviſus vim elæſticam amittit , aut non exerit , ut inferius demonſtrabitur : primum eſt convolutis , ſecundum explicatis ſpiris conforme .

15. Duplex alia aeris proprietas in propoſitione aſſerta , eſſe ſcilicet aerem corpus apprime elæſticum ; atque ſonorum , certa plane res eſt . Sed quoniam utraque hæc aeris proprietas infinitorum fere effectuum naturalium cauſa exiſtunt , quos ſuſſime inferius proſequemur ; a peculiari earum examine , & probatione ſuperſedeo . Rem exiſtere aſſerui : exiſtentiam , modum , cauſas , effectus probare , atque exponere , alio remittamus . Hoc potius impræſentiarum quæri poſſet ; eſt ne aer relatarum modo proprietatum adeo tenax , ut in corpus durum , & non elæſticum converti nequeat ? Rem ſtatim poſt gravitatis , preſſionis , elæſticitatis aeris , diſcuſſionem examinabimus . Ex hucufque dictis id imprimis conſequitur , omnes aeri proprietates competere , quæ ſunt fluidis corporibus communes . Quænam illæ ſint , in Hydroſtica expoſuimus . Quod de fluidi , de elæſtici pariter corporis proprietatibus dictum habet : poſtremas hæc in Generali Phyſica recenſuimus , illæque eo perfectiori gradu aeri conveniunt , quod huiusmodi fluidum atque ſubtile elementum ad perfectam elæſticitatem

citatem proxime accedat. His tamen modo prætermiſſis, quænam aliæ aeris proprietates, & qualitates ſint, examinemus. Et primo quidem nihil eſt hominibus magis familiare, quam de aeris frigore, calore, ſiccitate, humore queri. Suntne hæc puri aeris qualitates?

PROPOSITIO IV.

16. *Perperam omnino dicitur, aerem purum, & elementarem eſſe humidum, calidum, & ſiccum, ex ſe enim neque humidus; neque calidus, neque ſiccus, neque frigidus dici poteſt; eas tamen qualitates omnes ab aliorum corporum particulis in aere ipſo natantibus, impurumque aerem componentibus, habet.*

Primo. Enim nullum eſt experimentum, aut ratio, ex quibus aeris ſiccitas, humor, calor inferatur: aer utique, in quo vivimus, & experimenta inſtituimus, eſt maxime impurus: calidis modo, frigidis poſtea, aut humidis particulis abundat: Nullum igitur experimentum inſtituere poſſumus, ex quo aerem purum, & ſecundum ſuam propriam naturam prædictas habere qualitates, evincatur.

17. *Secundo.* Licet corpora aeri expoſita plurimas mutationes ſubeant; id tamen nequaquam aeri puro, & elementari, ſed innatantibus, & permixtis cum aere aliorum corporum particulis referri debet; alias enim aer & frigidus, & calidus, & humidus, & ſiccus, & innumeris aliis qualitatibus ſibi invicem contrariis præditus eſſet. Madida enim ſæpiſſime corpora, ut veſtimenta & alia, & ipſa etiam terra, lacus, paludes, aeri expoſita exſiccantur: ſicca interdum humorem contrahunt; ad aerem aliquando caleſcimus, frigore interdum corripimur: plurima morborum genera a nocivo, quem respiramus, aere contrahimus; ſanitatem aliquando ipſi met aeri referimus acceptam; & plurima id genus alia paſſim vera eſſe experimur: at dici nequit, aerem & frigidum, & calidum, humidum, & ſiccum eſſe, & ſanitatem, & morbos afferre.

18. Eſt igitur aer ad omnia hæc penitus indiſſerens, neque ullam ex allatis qualitatibus ex ſua habet natura: illas tamen ab extraneis corporum particulis, quibus ſemper eſt, tamquam naturalis ſpongia,

gia, copiosissime imbibitus, in sese accipit. Est igitur humidus, si magnam terrestrium vaporum copiam contineat: Siccus, si & aqueis vaporibus priveretur, & terrestribus exhalationibus, & calore insimul abundet; caloris enim beneficio madida corpora incallescunt: eorum particulae aquae rarescunt, & raritate leviores factae sursum per aerem in vapores versaevolant. Neque alia ratione aerem male sanum dicimus, nisi quia nocivis corporum ea in regione exstantium particulis nimium scateat, easque secum in intima corporum animalium receptacula, venas, arterias, cor, pulmones, copiosam morborum materiam respiratione, cibo, potu aliisque rationibus afferat. Quid enim? in uno eodemque loco, eadem aeris massa oppositarum qualitatum multipliciter consequenter edit. Eiusdem quidem palatii aer in inferiori camera humidus, in superiori siccus, in hac temperatus, aut calidus, in alia frigidus deprehenditur: qua in camera lectis ornata vespere pura, & salubris existerat, mane tamen a nocturna corporum transpiratione male sana exiit. Idemmet aer, mutato loco, tempore, corporum exhalantium statu, numero, natura, illas omnes qualitates contrahit, amittit, mutat: non igitur ex natura aeris, sed ab externis causis illae qualitates profluunt.

19. Idem vulgi praedictum ex ipsamet adductarum qualitatum notione constat: quid calor, & frigus existat, inferius exponimus: neutrum ex notione aeris derivari, re perpenſa, animadvertes. Idem pariter post inspectas humidi, atque sicci notiones pronuntiabis. Esto, inquires, calidus, frigidus, humidus non sit, neque dicatur aer; siccum tamen corpus esse, cum recentioribus aliquot dicendum videtur. Aer scilicet corpora alia numquam ex sese humectat, ut caeteri liquores: igitur non est humidus, sed siccus. Respondeo, idem non esse, corpus non esse humidum, atque esse siccum: utrumque est physica qualitas relativa ad diversa corpora, & in eodem subiecto desiderari utrumque potest. Elementum fluidum, quod neque humorem corporibus communicet, neque ab iis auferat, neque humidum, neque siccum dici potest: huiusmodique esse puri aeris conditionem probavimus.

PROPOSITIO V.

20. *Est etiam aer peculiare quoddam corpus ab aura, seu substantia ætherea distinctum.*

Est dicere, præter aeris elementum, quod respiramus, & atmosphære terrestris fundum veluti efficit, alius est aer longe subtilior, auraque idcirco nuncupatus, qui in atmosphæra etiam nostra existit; præcipue tamen supra atmosphæram longissime distenditur. Utriusque fluidi distinctio ab observationibus deducitur. Aer hic noster crassus ex machinæ pneumaticæ inferies describendæ recipiente ope anthliæ pneumaticæ extrahitur; non autem aura ætherea: recipiens siquidem aere vacuum adhuc est aura ætherea plenum. Hinc aliquid inter utrumque corpus dignoscitur discrimen. Aer vitri, plurimorumque aliorum corporum poros libere non ingreditur: maxime autem aura ætherea: qua idcirco aere nostro longe subtilior existit.

21. 2. Per aerem fumus, & reliqui terrestrium corporum vapores elewantur, & sursum ascendunt ab aeris gravitate impulsî, & detrusi: hoc autem auræ æthereæ minime competit: aere enim e recipiente extracto, fumus, flamma, quæ antea per aerem ascendebant, elevari amplius non possunt, sed deorsum relabuntur.

3. Auram ætheream a crasso aere distinctam existere, per omnia corpora diffundi, vi quadam activa esse præditam, quæ infinitorum fere effectuum causa sit, luculentius adhuc confirmabitur, cum de igne elementari disputabimus. Quænam sit duplicis hujusce aeris præcipua distinctionis causa, nos penitus latet.

22. Aer igitur crassus, quem respiramus, terram circumquaque cingens ad certam altitudinem porrigitur, ultra quam per immensa firmamenti spatia ad stellas usque fixas per plurimos leucarum miliones subtilior quidam aer, seu aura ætherea distenditur; cujus limites, naturam, & proprietates unus agnoscit Deus. Neque tamen credendum est, aerem a terra ad supremam usque illius superficiem, esse æque crassum, densum, & eadem terrestrium vaporum copia refertum: aeris enim crassities, & densitas sursum

sum ascendendo gradatim decrefcit ad certum ufque raritatis, & subtilitatis terminum; ultra quem æther extenditur. Neque etiam vapores ad fupremum ufque aerem elevantur: fed pro diverfo raritatis, subtilitatis, & relativæ levitatis gradu alii ad majorem, alii ad minorem altitudinem fubfiftunt, quin ad fupremum aerem, elevandis, & fufiinendis vaporibus imparem, afcendant. Sed de his iterum redibit fermo.

PROPOSITIO VI.

23. *Aer etiam purus, & elementaris intra telluris atmofphæram exiftens, eft fluidum grave, & perinde, ut alia corpora, in terræ centrum ponderat.*

Antequam propofitionis veritatem demonftremus, ut deinceps dicenda plane intelligantur, machinæ illius indicanda eft descriptio, atque ufus, quæ & *pneumatica*, & *Boyleana* nuncupatur: *pneumatica* quidem ab aere, qui fpiritus sæpe dicitur, cujus experimentis infervit: *Boyleana* vero a *Roberto Boyle*, nobili philofopho Anglo, qui eandem maximo perfecit. Multiplex, variaque eft ejus compositio, partiumque ordo, aut numerus: rei fuma, & fimplior ftructura eft: Paretur ex vitro vas quoddam I D I cavum, admodum capax in tintinnabuli feu æris campani formam tornatum, quod a convexa fummitate D amplitudine lenfim crefcens in apertum os fatis amplum alia ex parte definat: idque recipiens nuncupatur. G G eft patina quædam metallica fuperius complanata, atque levigata, cui recipiens imponitur: atque ut recipientis labia ita patinæ congruant, ut nullus aeri permittatur ingreffus; quædam ex molli corio paratur circumferentia, quæ recipientis ori congruat, atque inter illam, & patinam interponatur. In patinæ centro foramen L exiftit, quod tubo metallico L E cavo refpondet. Tubus ille L E ex fuperiori parte patinæ, ex inferiori autem anthiliæ E F ita committitur, ut aerem ex recipiente, aut ex anthilia folum poffit accipere: & media quadam clavis O aeri per tubi cavum permittitur, aut negatur tranfitus. Anthilia E F eft cylindrus metallicus fatis amplus, cavus, utrimque claufus, fi os inferius F excipias: in fuperiõri bafi duplex

plex habet foramen, quorum altero cum tubo LE communicatur, alteri autem clavis Y aptatur. Embolus A medio manubrio AN stapedi N, stapes manubrio etiam NK committitur. Tota machina ope mensæ, aut tripodis, aut alio modo firmatur, ut citra successionem, & machinæ periculum experimenta fieri possint. (fig. 8. tab. 1.)

24. Machina multiplici alia ratione construi potest, & ad diversos etiam usus inservire: generalia duo capita sunt, recipiens aere evacuare; aerem in recipiente comprimere: intra recipiens experiendi causa plurima ponuntur corpora, aves, animalia, fructus, carnes, pisces, tubus torricellianus, hemisphæria magdeburgica, liquores, corpora sonora, milleque alia: ut quid iis in vacuo, aut addensato aere accidat, experimento comperiatur. Ut recipiens evacuetur, embolus A ad E adducatur; tum vero claudat Y, recludat O: pede stapedi N imposito, embolus A ab E ad F deducatur: aer igitur a tota capacitatem cylindri EF expellitur, atque a recipiente ob vim elasticam per tubum LE in EF irruit: tum vero claudat O, recludat Y, embolusque A ad E iterum adducatur: aer ille novus totam anthlie capacitatem implens per Y expellitur: eo expulso, claudat iterum Y, recludat O, subducatur embolus: eademque usque adeo iterentur, quoad nullus jam aer per LE descendere animadvertatur. Quæ in hisce extractionibus accidunt, vide inferius phænomeno 14.

25. Aeris pondus, quod veteres Scholastici tantopere negarunt, adeo evidenter hisce temporibus experientia, & ratione est demonstratum, ut nullus quem sciam, de illo jam dubitet. Supervacaneum igitur esset, magnum, ut fieri poterat, observationum apparatus præmittere, ex quibus hujusce rei veritas ad evidentiam deduceretur; sed uno vel altero experimento, & ratione rem conficiam.

26. 1. Nullum inter terrestria corpus est, quod dilatari, rarefieri, dissipari, abire magis adnitatur, difficiliusque in peculiare aliquod centrum tendat, quam aer: ipse etiam pulvis pyrius, qui facillime in auras dissipatur, ab aere longe superatur, ut omnibus, qui pulverem pyrium Physicorum more tractarunt, notum est, & in loco evincimus. Nisi igitur
aer

peculiari aliquo vinculo circa tellurem circumfusus detineretur; in auras jam pridem evanisset: hujusmodi autem vinculum est gravitas, qua ad telluris centrum urgetur, & perpetuo circa illam retinetur.

27. 2. Extra dubitationis aleam positum est, terrestrium corporum vapores, & corpuscula caloris, ope rarefacta, & a suis corporibus avulsa, sursum per aerem ascendere, & medio in aere ad magnas sæpe altitudines sub nubium specie sustineri: sunt vero illa omnium confessione gravia: ascendere igitur per medium fluidum alia ratione non possunt, nisi quatenus medium ipsum fluidum iidemmet corpusculis gravius, ea sursum impellit, & urget, ut ex Hydrostatica facile demonstratur.

28. 3. Innumeris experimentis eadem veritas ostenditur: e millibus unum seligo. Si vas vitreum satis amplum majori, qua fieri poterit, diligentia ab aere evacuatum, exactissime utrimque clausum, ope exactissimæ libræ ad æquilibrium cum pondere alio noto adducas, deinde vero aperto vasis foramine, illud aere impleri permittas, iterumque appendas; sensibile pondus ex alia parte adjungi necesse est, ut æquilibrium servetur (a): aer igitur in vitreo vase inclusus proprium habet pondus.

Idemmet experimentum pari semper eventu plures hujus ætatis Philosophi multoties instituerunt; imprimis vero *Homborg*, quo teste aer in sphaera vitrea inclusus, cujus diameter erat 13. pollices longa, uncie pondus continebat (b); duas vero uncias aer in sphaera vitrea 20. pollicum diametri inclusus (c).

29. Contra experimentum tamen opponi hic facile posset: deprehensum illud ponderis discrimen non ab aere, sed a natantibus in aere vaporibus provenit: indubium est, aerem esse semper terrestrium corporum vaporibus, & particulis, seu corpusculis admodum impurum: ea autem corpuscula sunt citra dubium gravia: quid igitur mirum, si vitri pondus augeant? Resp. Impossibile esset, ut modo diximus, gra-

(a) *Nollet t. 3. des Lecons de Physiq. leç. 10. exp. 1.*

(b) *Hist. de l'Acad. an. 1696. p. 403.*

(c) *Mariotte t. 1. p. 153.*

gravia corpuscula per fluidum non grave, ac proinde levius, ascendere contra Hydrostaticæ leges. 2. Id tandem *Nolleti*, & aliorum dexteritate factum est, ut aer ipse corpusculis purgaretur, iique vapores, qui antea in aere intra vas vitreum sustinebantur, in vase subsiderent, in illoque, aere extracto, remanerent; nihilominus idem gravitatis discrimen semper deprehenditur.

30. 4. Denique eadem veritas ab experimentis in tubo Torricelliano institutis luculentissime demonstratur. Sit tubus vitreus C A B (quem *Torricellius* cogitavit, & auctoris nomen servat), cujus altitudo, crassities, & diameter seu capacitas varia ad libitum esse potest; tres tamen pedes semper excedat, ex parte B apertus, ex parte C vero perfecte clausus: illi etiam non raro committitur sphaera vitrea M interius cava. Tubo erecto mercurium ad summam usque infunde, manu deinde ori B (fig. 12.) ne mercurius effluat, imposita, invertitur tubus, ita ut extremum B intra stagnans in aperto vase hydrargiri immittatur, ab eoque recta erecto, & firmato subducitur manus, libereque hydrargirum effluere permittitur.

31. His itaque peractis, sponte effluit hydrargirum donec ad punctum A, ad duorum scilicet pedum altitudinem cum dimidio descendat, ibique sistit; vacua interim relicta superiori parte tubi, & vitrea etiam sphaera M, quantumvis magna statuatur. Pro altitudine duorum pedum cum dimidio, seu 30. pollicum, sæpe 29. aut 28. pollices apud auctores leges: eadem tamen est altitudo diversa pollicum magnitudine significata. Ex simplicissimo hoc experimento res ita demonstratur. Hydrargirum ad $2\frac{1}{2}$ pedum altitudinem semper sistens, eamque altitudinem constantissime servans ab aliqua externa perenni, & constanti causa retinetur, sustentatur, & impeditur nisi enim impediretur, nativa gravitate omnino descenderet: hæc autem causa alia esse nequit, quam aer externus, qui pondere suo deorsum nititur, ulterioremque hydrargiri descensum impedit. Si enim intra machinæ pneumaticæ recipiens immittatur tubus C A B cum hydrargiro ad altitudinem B A suspensio; quamdiu aer non extrahitur, ad eam alti-

tudinem sustinetur hydrargirum, at aere sensim extracto, sensim etiam descendit; si penitus extrahatur aer, penitus etiam descendit: si paulatim iterum admittatur, paulatim iterum ascendit hydrargirum. Aer igitur unica existit hujusce elevationis, atque sustentationis causa.

32. Hujusmodi experimentum multiplici alia ratione, magna locorum, atque temporum diversitate, aliisque & aliis liquoribus adhibitis, millies fuit a philosophis institutum, ad radices, in declivitate, supra verticem montium peractum duo hæc semper demonstravit, liquores ad eas altitudines in tubis sustineri, quæ sint inter se in ratione inversa gravitatis ipsorum liquorum. 2. Si altior est prementis aeris columna; altior etiam est liquoris in tubo altitudo; breviori columnæ minorem altitudinem respondere. Sed fusius hæc statim exponentur, & ulterius aeris gravitas confirmabitur: de qua, usque ad elapsi proxime sæculi dimidium ignota, & acriter a scholasticis philosophis negata, post *Torricellii*; *Galilæi*, *Mersennii*, *Paschalis*, *Boyle*, *Guerikii* experimenta nullum jam superest dubium.

PROPOSITIO VII.

33. *Aeris massa est maxime elastica, & mirabilis plane compressionis capax.*

Duplicem hanc aeris proprietatem omnes agnoscunt, & admittunt: & si quis negaret; ad quotidianas, & obvias passim observationes esset provocandus, ut innumeris experimentis utramque illam aeris vim edoceretur: a quibus humana lingua, vita nostra, infinitaque alia physica effecta omnino pendent.

Secunda pars, ut ab illa incipiamus, innumeris experimentis constat, quorum aliqua indicare sufficiat. In globum æneum aere plenum ope anthliæ multo plus aeris immittitur, quam sphaera in se contineat. 2. Parum aeris CD in recurvi barometri BD C (fig. 3.) minore latere CD inclusum, eo magis restringitur, & ad minus spatium reducitur, quo plus mercurii in alio tubi latere AB infuderis: adeo, ut magis & magis contrahatur aer in sphaera C E contentus, quo prementis fluidi in latere BA altitudo augetur. Tubus scilicet vitreus CBA ex C om-

omnino clausus, ab extremo A apertus, sit. plures pedes, 6, 10, 15 longus: aer tubi capacitatem occupans, v. g. aer in sphaera CE perinde est ab atmosphæra, atque esset ab hydrargiri columna, 30. pollices alta, compressus: hydrargirum insuper tubo ad altitudinem BH, 30. pollicum infundamus: aer CE duplo atmosphærae pondere pressus, in spatium dimidium compimitur: hydrargiro ad parem altitudinem HA ulterius infuso, in tertiam spatii partem constringitur aer: eademque ratione ad singulas ponderum additiones magis contrahitur.

34. Ex his, & aliis experimentis, sæpe jam accuratissime peractis, constat, aeris pressiones ponderum, aut virium prementium rationem sequi: cum vero volumina eo sint minora, quo majores fuerint pressiones, volumina, in quæ eademmet aeris massa reducitur, sunt reciproce, ut prementia pondera, aut vires prementes. Si v. g. pollex cubicus aeris a potentia duplo majori, atque antea, comprimitur, in spatium & volumen pr.oris dimidium constringitur; & ita similiter in alia quacumque quantitate, & mensura: experimentis in eam rem institutis rationem hanc late probat *Mariotte*, & *Boyle*, & ex ipsis *VVolfius*, *Hales*, *Muschembrock*, *Nollet*, & alii.

35. Aer juxta *Roberti Boyle* experimenta, & calculum ita comprimitur, ut in volumen 13. vicibus minus redigatur, atque prope telluris superficiem occupat: ubi ipsemet aer a superincumbente atmosphæra admodum addensatus existit. Longe ulterius rem produxit *Stephanus Hales*, qui aerem in 38 partem spatii proprio experimento redegit (a). Ex quodam etiam *retri Muschembrockii* experimento circa ferrei fili tenacitatem instituto, longo calculo deducto, concludi posse existimat, aerem in spatium 1598. vicibus minus a se intra bombardam ferream fuisse redactum, antequam pressione, & interna aeris, & aquæ resistantia rumpereetur. Verum in eo calculo non pauca video incerta, ob quæ postremam hanc pres-

(a) *Statique des veget. Append. Exper. 1. Description d'un instrument. &c.*

pressionem affirmare non aulin (b). Illud præterea circa propositam superius regulam, *aerem scilicet comprimi in ratione virium prementium*, animadvertendum, eam quidem ad quatuordecim pressionem non extendi: aliter posset aer in infinitum semper magis, & magis comprimi, & in volumen infinite parvum redigi, quod dici nequit: quantumvis id assermet Boyle, Mariotte; Benjamin (a).

36. Aer igitur ad certum usque densitatis terminum ita comprimi poterit, ut volumina sint in reciproca ratione virium prementium. Deinceps vero magis semper, & magis pressionem resistet: neque in volumina viribus prementibus reciproca ratione exacte respondentia reduci poterit; cum vero ad certum densitatis terminum fuerit redactus; nulli ulterius naturali pressionem cedit. De his iterum redibit sermo.

37. Prima propositionis pars experimentis etiam probatur, & a nemine in dubium vertitur: Aer compressus illico, ac a premente pondere, aut potentia liberetur, in pristinum statum, & extensionem sua sponte restituitur, ut omnia experimenta confirmant: at nihil est aliud corporum elasticitas. Vesica v. r. utrimque exactissime clausa, ut nihil aeris in eam ingredi possit, corrugata, & aere pene vacua, ac in recipiens immissa, quamprimum ab eo aer, vesicam utrimque comprimens, extrahitur, dilatatur, quasi esset aere plena; aere vero iterum in recipiens ingresso, in pristinum statum reducitur.

38. Exiguæ scilicet aeris particulæ in corrugata vesicula inclusæ eandem, ac externus aer, compressionem habent; quamprimum autem a circumstante aere liberantur; distenduntur, vesicam inflant, & dilatant: aere iterum ingresso, iterum comprimuntur, & in priorem statum redigitur vesica. Huiusmodi autem phænomenon ab aeris elaterio provenire, id ad evidentiam demonstrat, quod si vesica sit acu perforata; quantumvis evacuetur recipiens, nunquam dilatatur, aut extenditur; sed easdem semper rugas servat; internus enim aer dilatatur quidem, cum

(a) Hales loc. cit.

(b) Gramat. de la Scienza filos. p. 3. c. 1.

cum alius e recipiente educitur; sed per vesicæ foramen extrahitur, eamque proinde inflare nequit.

COROLLARIA.

CIRCA GRAVITATEM, ELATERIUM,
ET COMPRESSIONEM AERIS.

COROLLARIUM I.

39. Quoniam aer est fluidum grave, communem reliquis fluidis proprietatem habet, quod scilicet in inferiorem locum e superiori dilabatur. Fac v.g. intra atmosphæram, seu in suprema ejus parte casu aliquo massam quamdam destrui, seu alio transferri; circumstans illico aer, relicta cavitate superior in eam proprio pondere prolabetur; ad eum modum, quo aqua in inferiorem, cum potest, descendit locum. Unde etiam sequitur, supremam aeris superficiem, nisi externa obstet causa, in sphæram debere esse curvatam, seu aerem in sphærae modum sese circa tellurem componere, ut de fluidis generatim demonstravimus.

COROLLARIUM II.

40. Cum gravium pondera sint in ratione densitatum, fit, aerem eo graviores esse, quo magis comprimuntur, & in minora volumina reducitur: eadem enim massa aeris eo est densior, quo a majoribus viribus comprimuntur; illius igitur pondus, seu gravitas est in ratione inversa voluminum, directa vero potentiarum prementium: major enim compressio aerem ad volumen minus, & ad pondus majus reducet. Hoc intellige ad certum usque compressionis terminum, ultra quem, ut superius monui, hæc ratio perturbatur.

COROLLARIUM III.

41. Aer quo fuerit ad telluris superficiem propior, eo erit magis densus, & gravis: eo levior, & rarior; quo editior, & a tellure remotior: ad montium proinde radices gravior, densior, & magis com-

pressus existit, quam in summitatibus. Fluidorum enim partes in se ipsas graves sunt, & aliæ alias premunt (ut demonstr. in Hydrostatica physica): aer igitur superior inferiorem comprimit; compressus fit magis densus, ac proinde gravior: dum interea superior aer est magis rarus, & levis, quia minus premitur. Præterea aeris pondus, & densitas sequitur rationem pressionis: quo igitur humilior fuerit aer; majus habebit pondus, & densitatem.

42. Hoc tamen dictum intellige, attenda solum aeris natura, atque si cætera sint paria. Non una enim est causa, quæ dat exceptioni locum: ver. gr. si ad montis radices, ut plerumque fit, major existat calor, quam ad illius summitatem, rarior, & levior erit in primo, quam in secundo loco aer; calore enim, ut statim dicemus, plurimum distenditur, frigore plurimum constringitur aer. Fieri proinde potest, ut aer magis compressus ab alio aere, vel corpore superincumbente, sit tamen superiore, & minus pressio aere levior, & rarior: quod sæpissime fit, si valles cum montium summitatibus comparentur: in iis enim calores subterranei, & radii solares hinc inde a montibus, rupibus, cavernis percussii, contentum intra valles aerem plurimum calefaciunt; dum interea aer supra montium summitates existens, a subterraneo calore, & radiorum percussionibus immunis, & liberiori vento agitatus frigescit.

COROLLARIUM IV.

43. Gravitas igitur aeris continuatis variationibus est obnoxia: neque enim æqualiter semper premitur: cum modo plures, pauciores modo sint in atmosphæra vapores, qui proprio pondere inferiorem aerem comprimunt: varius etiam subinde est calor, & frigus, ex quibus raritas, & densitas ac proinde pondus aeris tantopere pendent. Ad hujusmodi gravitatum discrimina dignoscenda Thermometrum inservit, de quo alio loco disserimus. Asserta hæc effectus inconstantia ab inconstantia causæ deducitur: causæ densitatis aeris sunt superincumbentis aeris pressio, vaporum copia, frigus, caloris decrementum: quatuor hæc perennes ferre semper vicissitudines, atque mu-

mutationes patiuntur : eademque in effectu varietas existat necesse est.

COROLLARIUM V.

44. Aer quo magis densus extiterit, majorem habet elasticitatem; minorem, quo rarior, cæteris paribus: est enim aer perfecte adeo elasticus, ut sibi libere derelictus ad eam semper extensionem restituitur; a qua fuit ad minus volumen redactus, ut experimenta passim demonstrant (a); sed eo majori potentia & viribus opus est, quo certa aeris massa ad minus volumen redigitur, & in majorem densitatem adducitur; majus igitur eo in statu elaterium, & se se restituendi virtutem habet: vis enim, qua restituitur, vires prementes adæquat. Dixi *cæteris paribus*, quia calore plurimum augetur aeris elasticitas, ut postea dicemus: fieri proinde potest, ut aer minus compressus, magis tamen calidus, majores habeat se se restituendi, atque dilatandi vires.

COROLLARIUM VI.

45. Vis elastica aeris compressi vim comprimentem adæquat: ac proinde aer perfecte restituitur. Aer scilicet, cum comprimi ulterius non potest, parem pressionem, & viribus prementibus resistantiam opponit: si minor esset resistantia, ulterius adhuc cresceret compressio, quoad tandem ad æquilibrium inter actionem, & resistantiam deveniretur: hujusmodi resistantia est ipsummet aeris elaterium: quod idcirco est viribus prementibus æquale. Experimentis etiam quamplurimis eadem veritas ostenditur; ex iis enim aperte constat, aeris compressi elasticitatem pondus attollere, & sustinere illi, a quo antea comprimebatur, æquale. Id tamen a me de aere assertum intellige ad eum usque compressionis gradum, ultra quam comprimi ulterius non possit. Pondus aeri, quantum fieri potest, jam compresso superadditum vim quidem prementem auget; ulterior tamen illa,
in-

(a) *Nollet loco cit. pag. 205. Vide etiam inferius disenda.*

insuperabilis forsitan, resistentia non elaterii, sed soliditatis effectus existeret. Corollarii ita a me expositi veritatem experimentis confirmavit *Nollet* (a).

46. Aer igitur inferior majus habet elaterium, quam superior: est enim magis densus, & a superincumbente aere compressus. Aeris etiam inferioris elasticitas eam adæquat gravitatem, quæ a superiori aere comprimitur; eosdemque proinde effectus producere poterit, ac comprimentis aeris pondus; sunt enim æquales prementis potentiaë efficacia, & compressi aeris resistentia, seu nîsus, ut in pristinam extensionem restituantur.

Aer compressus eam quoque elasticorum corporum habet proprietatem, quod elaterium suum exerceant, cum libertatem nacta fuerint, versus eas partes, ex quibus comprimuntur: sed id tamen est aeri peculiare, quod, dum comprimitur, ab omni parte comprimitur; ac proinde versus quamcumque partem elaterium suum exercet, sursum, deorsum, ad dexteram, ad sinistram. Equidem si in vase quocumque aerem compresseris; eo postea versus quamcumque velis partem perforato, pari impetu aer erumpet.

PROPOSITIO VIII.

47. *Vis elastica aeris plurimum calore augetur.*

Pluribus, & obviis passim experimentis res plane constat. Ut plurima, quæ afferri possent, prætermittam unum a *Nollet* peractum tantummodo adducam. Massa aeris, quæ in inferiori thermometri parte ab hydrargiro 28. pollices alto, & a pari atmosphæræ pondere premitur, eaque sustinet duo pondera, hæc, inquam, aeris massa, si intra ebullientem aquam cum thermometro immergatur; ita rarefcit, & dilatatur; ut præter duo dicta pondera, 18. adhuc hydrargiri digitos sustineat, & elevet: eo igitur calore accedente, pondus tertia parte majus, quam prius, sustentat elasticitate sua, est enim 18. pars tertia numeri 56. (b). Calore sæpe, seu potius igne ad

(a) *Nollet l. cit. exp. 3. Leç. 10.*

(b) *Nollet l. cit. Exp. 9.*

ad prodigium usque aliquorum corporum elaterium intenditur. Mirabilem hanc ignis elementaris proprietatem fufe in loco prosequimur.

S C H O L I O N.

48. Aerem purum esse corpus grave, consecimus, atque a nemine jam in dubium vertitur. Quodnam tamen sit illius pondus, seu quanam inter illius, & aliorum corporum gravitatem ratio existat, non unus est Physicorum sensus, & opinio. Si Galilæum audias, pondus aeris eo in statu, quo cum respiramus, est ad aquæ pondus; ut 1. ad 400. juxta Mersemmum; ut 1. ad 1346. uterque calculus nimium est a veritate alienus: Secundum Rob. Boyle, ut 1. ad 940. præter propter: Juxta Homberg, ut 1. ad 1087. Halley rationem 1. ad 860. probat: tresque pollices cubicos aeris cum dimidio pondus grani habere statuit (a). Haukxbee, 1. ad 885. Mulchembroek 1. ad 621. VVolffius pedem cubicum aeris uncie, & 27. granorum pondus habere pronunciat. Mirum porro non est, in sententias adeo oppositas Physicos abiisse; quod multiplici de capite ortum est. Primo enim iis, qui omnium primi aeris pondus investigarunt, plurima defuerunt tum ad instrumentorum supellestem, tum ad Physicas notiones spectantia, & necessaria. Generaliter vero instrumentorum, quæ ad id negotii accuratissime fieri debent, imperfectioni, & aeris vicissitudinibus, aliisque obstaculis, quæ in re delicatissima evenire plerumque solent, totum illud discrimen tribuendum est.

49. Pondus aeris ad aquam communiter statuitur, atque citra sensibilem errorem teneri potest, ut 1 ad 900: igitur 900 pedes cubici aeris, quem respiramus, idem habent pondus, ac pes cubicus aquæ, cujus gravitas 70 libras continet: sunt enim volumina in ratione ponderum inversa: unde tandem sequitur pedem aeris cubicum uncie unius, & duorum scrupulorum pondus habere. Ex nota gravitate aeris secundum eam pressionem, & densitatem, qua circa telluris superficiem fungitur, facile elicitur ejusdemmet gravitas,
dum

(a) *Analise dell' aria Experim. 79.*

dum vel magis comprimitur, vel magis dilatatur : sunt enim pondera, ut densitates.

50. Illud omnem fere imaginandi vim superat; quantæ scilicet compressionis, & dilatationis capax sit aer. Imprimis enim indubium est, aerem prope telluris superficiem existentem valde esse compressum : cum vero aerem ad spatium 400 vicibus majus occupandum sua sponte, & elaterio dilatari, experimentis Mariotte edocemur (a). Rem tamen ulterius promovit Boyle : experimentis siquidem accuratissimis, coram Vallisio (b) factis, aerem sua sponte nullo calore adhibito ad spatium 8000 vicibus majus occupandum sese extendisse comperit : aliis postea experimentis edoctus fuit ad spatium 10000, & tandem ad 13679 vicibus majus sese dilatasse. In delicatissimos hujusmodi calculos sensuum æstimationi ex parte innixos non levis fere semper irreperere solet error. Non pauca idcirco citra observatoris injuriam detrabere possumus, omnibus tamen detractionibus factis, prodigiosa adhuc aeris compressio, & raritas elicitur. Mulchembroek bullam aeris ex aquæ fundo in machinæ pneumaticæ recipiente paulatim emergentis, & sese dilatantis diametros scrupuloſe dimetiri conatus, dilatationem aeris infinite fere majorem calculo inito deducit (c) : sed in re incertissima referenda amplius non immoror.

51. Circa hanc, & alias aeris proprietates hucusque assertas aliqua ulterius animadverti oportet, I. Mirabilis hæc aeris raritas, in quam sese genio suo expandit, cum ea densitate confertur, quam habet in superficie telluris. Ad densitatem tamen 38 vicibus majorem eum compressit Hales : si igitur superiores numeros raritatem aeris indicantes per 38 multiplices ; inventus numerus erit terminus summæ raritatis cum summa densitate hucusque nota comparatæ. Raritas aeris ita compressi est ad aquam, ut 24 ad 1. circiter ; cum in statu naturali sit 900 fere ad 1. Unde etiam patet, longe aliam esse aeris, atque aquæ naturam, partiumque texturam : neque enim aqua comprimi umquam

po-

(a) De la nat. de l'air p. 173.

(b) Vallisus Hydrost. prop. 13.

(c) Comments in tentam. exper. Acad. del cimento.

potuit : maxime vero aer . Si hic comprimi ulterius semper posset , atque columna aeris a telluris superficie versus centram ad 18 usque leucas recta protenderetur ; infimus hujusce columnæ aer gravitatem , atque densitatem hydrargiri æquaret , ut facili calculo deduxit Amontons (a) . Utraque tamen desideratur conditio .

32. Secundum : Aerem adhibito calore fieri magis elasticum supra probavimus : cum item aqua ferventis calore affectum ita dilatari , ut spatium , in quod sola elasticitate sese diffundit , sit ad spatium , in quod & elaterio , & calore dilatatur , ut 2 ad 3 : si igitur caloris etiam actionem in suprapositum calculum admittamus ; erit spatium (terminus dilatati aeris) , longe majus , quam antea ponebatur .

33. Calore equidem elasticitatem , & raritatem aeris augeri , plurimis aliis experimentis ostenditur : vesica scilicet corrugata , aere pene vacua , & ita occlusa , ut neque aeris egressum , neque ingressum permittat , si igne admoto nimium caleseat , ita inflatur , ut nonnumquam cum strepitu dirumpatur : frigore autem calori succedente ad pristinum statum reducitur . Eidem causæ plurima naturæ phænomena , quæ postea explicabimus , referenda sunt . Id obiter notandum : aerem , si ad sese dilatandum libertatem habeat , plurimum calore rarefieri , & dilatari : si tamen sit undique compressus ; calore accedente , plurimum illius elasticitatem augeri .

34. Elasticitas igitur aeris duplici de capite , ex densitate scilicet , & calore potissimum crescit . Eaque propter quo rarior , atque frigidior fuerit aer , minores etiam vires habebit : si cætera omnia sint paria . Et hinc plures deduci , atque statui possunt regulæ , quibus aeris vires secundum proportionum leges definiantur .
Exempla sint .

1. Si paria aeris volumina eundem habent calorem ; vires elasticæ sunt , ut densitates .

2. Si eandem habent densitatem ; vires sunt in ratione caloris .

3. Si diversum habeant calorem , atque densitatem ; vires erunt in ratione composita densitatis , & caloris .

4. Si

(a) Mem. de l'Acad. 1703. p. 101.

4. Si caloris sint in ratione reciproca densitatum; vires erunt æquales.

55 Has quidem, & similes alias regulas ex proportionum doctrina in Geometriæ elementis tradita nullo negotio demonstrabis: cujus rei exemplum in primo Physicæ volumine de corporum viribus disputantes dedimus. Duo præterea circa præsens argumentum animadverto. 1. Eas ego regulas cum experimentis conferri, & nonnisi post experimenta statui velim: quantum enim Geometricarum veritatum simplicitas a compositis Physicæ argumentis vitiat, omnes agnoscunt. 2. In iis regulis statuendis cætera omnia aliunde paria suppono. Aliqua enim præterea esse, quæ in aeris elasticitatem influere videantur, statim indicabo, suo tandem loco fusius explicaturus.

56 Si ex me quæras, unde ista ignis sit in aeris elasticitatem actio? Respondeo, ex iis, quæ in Pyrotechnia tradimus, satis liquet, quare ignis, & calor aerem, aut quodcumque aliud corpus elasticum ingrediens, illius raritatem, & elaterium augeat subtiles particule intestino, & perturbato motu versus omnes partes vehementer agitata, cum aeris poros ingrediuntur, parietes hinc inde separant, spiras evolvunt, explicant dissendunt, eoque pacto totam aeris massam rarefaciunt. Unde fit, ut quo densior fueris, & intensior calor, majus erit elaterium: majori enim vi, & efficacia confertiores aeris spiræ explicantur, & dissenduntur.

57. Alia etiam est, & insignis plane elasticitatis aeris proprietas postremis etiam hisce temporibus observando comperta: ejus scilicet compressi vires diuturnitate temporis non minui, aut debilitari. Insigne est in eam rem Rob-ervalli tentamen, qui annorum 15 spatio aerem in fistula clausum, & compressum servavit: iis autem elapsis, eandem in illo elasticitatem deprehendit (a). Pari etiam eventu rem tentarunt, licet per minus temporis spatium, Mariotte, Boyle, Muschembroek; & alii (b).

58. Ex allatis hisce experimentis compressi aeris vi-

re 8

(a) Nollet. lec. cit. Exp. 1.

(b) Muscb. Elem. Phys. n. 1106.

res aut ex sese , aut ex pressioni diuturnitate , non debilitari conſciunt : illas tamen a nulla externa cauſſa infringi , non probant . Quin imo aliquas eſſe ſubſtantias , & ſubtiliſſimos corporum halitus , atque vapores , qui una cum aere permixti ejus elatiſſitatem ex parte deſtruant , ab experimentis apparet . Hujusmodi ſunt ſulphuris fumus , atque vapores , halitus ex foſſilibus carbonibus accenſis , humana reſpiratio . & tranſpirationo , diverſorum animantium , metallicarum , atque foſſilium ſubſtantiarum exhalationes , & halitus . Rei veritatem quamplurimis confirmavit experimentis Hales : unius , aut alterius ſummam accipe : Recipiens II (fig.8.) machinæ pneumaticæ fit aere plenum , erectum ſupra aquam , cui os vaſis aliquantulum fit immerſum , ita ut externus aer ingredi , neque internus egredi poſſet : ſibi , aut ſulphuris candela intra recipiens poſita accendatur , tamdiuque ardeat , donec extingatur . Aer quidem ſenſim caleſcit ; ejus tamen volumen minuitur , & aqua paulatim intra recipiens aſcendit . Volumen aeris interni ad 80 90 100 pollices cubicos & amplius amittit , pro diverſa vaſorum magnitudine : neque aer poſtea frigefcens , extinctis candelis in priſtinum volumen reſtituitur ; ſed aqua in ea , ad quam aſcenderat , altitudine ſuſtentatur . A ſumi , cæterorumque halituum particulis perinde forſan , atque ab aqua partes aeris abſorptæ explicantur , & ſpirarum formam amittunt (a) . Aer idcirco ejuſmodi corporum halitibus infectis humanæ reſpirationi , & vitæ fit paulatim inſipius , atque noxius : unde ſæpe eſt reſpirandi difficultas , non raro etiam ſuffocatio , & violenta mors conſequitur . Sed de hiſ fuſius diſputabimus , cum de humana reſpiratione , ejuſque cauſſa , effectui , neceſſitate agemus .

COROLLARIUM.

59. Ex demonſtratis hucusque aeris elementaris proprietatibus aliquam jam illius definitionem nobis cedere poſſumus . Eſt igitur aer corpus maxime fluidum , pellucidum , elatiſticum , mirabilis plane compreſſionis

(a) Hales *Analife dell' aria* . Exp. 106. &c.

nis, & dilatationis capax, cujus partes sunt subtilissimæ, sese mutuo premunt, & in terram ponderant. Hæc omnia de hoc elemento demonstravimus, alia etiam demonstraturi. Quænam illius partium figura sit, definire non possumus. Plura etiam nos latent circa naturalem hujus substantiæ indolem, partes, naturam. Hæc dum mente volvo, notosque aeris effectus perpendo, quin naturam causæ penitus videam; eundem quamdam mihi ipsi effingo hujus elementi ideam, seu hypothesein.

60 Aerem ego mente concipio, ut massam quamdam fluidam, cujus partes sunt tenues, & ultra omnem imaginationis vim subriles, ramosæ, filamenta contorta, aut in spirarum, & cochlearum modum convolutæ, multipliciter inter se plicatæ: sensibilem autem particularum congeriem, aut massam, ceu laneum vellus apprimè carminatum, quod manu compressum contrahitur, sibi relictum versus omnes partes dilatatur: hujusmodi flocci sibi impositi, & appositi sese comprimunt; unde inferiores superioribus sunt densiores, cum superiorum pondere premantur; per eorum interim poros innumeræ aliæ terrestrium corporum particulae, vapores, corpuscula sursum deorsum, versus omnes partes transvolitant: modoque aereos floccos dilatant, modo contrahunt: humectant aliquando; quandoque exsiccant: alias hic, diversas alibi qualitates pro locorum, temporum, & corporum etiam statuum varietate impertiunt. Hujusmodi hypothesin pro aris, & focus ne defendas: ea enim in millibus fortasse a veritate aberrat; in aliquibus tamen aeris naturam videtur referre: neque alia occurrit, quæ phænomena non infelicius explicet.

LECTIO II.

Naturalia quamplurima, amœna, & utilia phænomena, quæ ab aeris gravitate, compressione, elaterio seorsim, aut ab omnibus simul sumptis pendent, proponuntur, explicantur, & ex eorum causis deducuntur.

61. Quot in natura sint, & passim producantur effectus ab expositis hætenus aeris proprietatibus, & phy-

physicis viribus, mirari satis non potest, qui rem penitus contempletur. Viventia omnia, & vegetantia in terra perirent, natura ipsa in nostro hoc globo stare non posset; si prædictæ aeris proprietates tollerentur. Luculenter hæc constabunt ex rebus per totam hanc physicam dicendis. In supradictarum rerum confirmationem, atque ulteriorem explicationem phænomena aliqua in rei totius specimen proponamus.

PHŒNOMENON I.

Suspensio fluidorum in tubis.

62. Si experimentum Torricellianum modo superius explicato instituiamus; inverso tubo, & ab ejus extremo inferiori, in stagnans hydrargirum BD (fig. 2.) immisso, subductæque manu, descendit liquor ad 28 (seu 30) pollicum altitudinem, in qua post aliquot descensionum, & ascensionum oscillationes subsidet. Hydrargirum totum tubum MB adimplens, descendere nequit, quin & stagnantem liquorem B in vase, & incumbentem liquori columnam aeris elevet: cum igitur hæc columna hydrargirum ad altitudinem tantum BA, 28 pollicum sustineat; liquor ex majori altitudine M gravitate sua nullo obstaculo impedita deorsum labitur, motum suum labendo accelerat, viribusque acceleratione auctis, altitudinem A, suspensionis terminum, transgreditur, stagnantem liquorem, & incumbentem aerem plus jussu aliquantulum elevat: aer, & stagnans hydrargirum vicissim relabendo liquorem in tubo contentum aliquantulum etiam supra A attolunt: quoad, libratis viribus, & oscillationibus cessantibus, ad dictam altitudinem subsistit liquor. Columna hydrargiri 28 digitos, seu duos pedes cum dimidio alta, cum aeris columna, cujus altitudo atmosphaera supremum attingit, æquilibrium servat.

63. Cum autem hydrargirum unum pedem altum, aquam ad 14 pedum altitudinem circiter elevet, & sustineat; si fueris 28 pollices altum, aquam ad 32 pedes cum dimidio elevat, & sustentat secundum Hydrostaticæ leges: unde fit, aquam in tubo ad $32\frac{1}{2}$ pedum altitudinem ab externi aeris pondere sustentandam fore, si in aqua instituat experimentum, ut per-

ricu-

riculo factō probavit Rob. Boyle (a). Hujusmodi autem experimentum repeti facile non potest; cum tubi adeo longi parari facile nequeant: quod in causa est, ut fere semper adhibeatur hydrargirum.

PHŒNOMENON II.

64. Hydrargirum in tubis Torricellianis, experimento in vallibus, & ad montium radices factō, ad majorem altitudinem subsistit, quam si supra montium fastigia instituat: quin imo a radice ad montis usque summam altitudo hydrargiri semper minuitur: quia scilicet quo editior fuerit locus, eo minor erit atmosphææ altitudo, ac proinde pondus: liquorem idcirco ad minorem altitudinem elevabit. Hujusmodi phænomenon primus observavit Perrier in montibus Alvernæ in Gallia, quem postea alii sunt subsecuti, & rem adeo accurate observarunt, ut in calculum etiam, & tabulas redigerent, quantum in tubo descenderet ad datam supra horizontem elevationem hydrargirum: hodieque hujusce instrumentum adhibetur ad montium altitudines inter se, & cum maris superficie referendum, & dignoscendum.

65. In relato experimento in Alvernâ prope Claramontium factō hydrargirum ad montis radicem ad 26 digitos, tres lineas cum dimidia subsistit: in montis declivitate, loco 150 hexapedas magis elevato, ad 25 digitos descendit: in montis summitate; 500 hexapedas altiori, ad 23 digitorum altitudinem descendit (b): Columna aeris 69 pedes alta a superficie maris hydrargiri lineam sustinet (c).

Pars illa superior AM (fig. 2.) tubi Torricelliani, e qua hydrargirum descendit, aere quidem crasso, & denso est vacua: in eam tamen emergunt, & ascendunt aliquæ aeris particule in hydrargiro latentes, quæ antea ab incumbētis aeris pondere nimium compressæ intra hydrargiri poros detinebantur: modo ab aeris pressione liberæ sese dilatant, & ob relativam le-

vi-

(a) Opere supra citat.

(b) Mariotte de la nat. de l'air. p. 196.

(c) Hist. de l'Acad. 1712. p. 4.

vitatem ad superficiem emergunt, & per vacuum diffunduntur. Eam quoque tubi partem aura ætherea, & lucis materia, quibus vitri, & cæterorum corporum pori non sunt impervii, replent, cum objecta interius posita videamus, & ignei etiam radii per eam actionem suam transmittant, & exerceant: lucis autem, & ignis materia sunt proculdubio corpus.

PHOE NO M E N O N III.

Idem affectus a tantillo aere.

66. Non solum in aperto aere, ubi tota atmosphæra libera est, sed etiam intra cubiculum, ubi aeris columnæ sunt brevissimæ, sustinetur in tubo hydrargirum perinde ac in aperto campo. Duplex distingui potest casus: vel aer internus cum externo communicatur, per januas scilicet, tabularum commissuras, & rimas, quod sufficit: vel est prorsus separatus: in priori casu sustinetur liquor ob explicatam jam causam: Si descenderet; stagnans hydrargirum, & incumbentem aerem elevaret, e cubiculo excluderet, externumque aerem ad summitatem usque atmosphærae attolleret. Uno verbo, in fluidis communicantibus ut jam supra diximus, eadem in fundo est pressio, quantumlibet altitudo in singulis vasis sit inæqualis: hydrargirum igitur stagnans eodem modo intra cubiculum, ac in aperto campo ab aere premitur; eumque proinde elevare nequit contentus in tubo liquor: qui necessario suspensus hærebit.

67. In secundo casu descendere nequit ex tubo liquor, quin aer intra cubiculum contentus, plusquam antea comprimatur, & in minorem molem, & spatium redigatur, ut ex se patet: at ab hydrargiro 28. digitos alto comprimi ulterius nequit aer: eandem enim habet pressionem, seu densitatem, ac externus, cum quo antea communicabat: est igitur ita compressus, & in eum statum reductus, in quem atmosphæra pondus eum potest reducere, & comprimere: hydrargirum autem, 28 pollices altum, idem habet pondus, & eodem modo premit, atque integra atmosphæra columna: Ab eo igitur comprimi ulterius nequit: sed utrinque æquilibrium servatur inter hydrargiri gravitatem, & aeris resistentiam, seu elaterium; quæ semper sunt æquales.

Aeris igitur intra cubiculum existentis elaterio, viribus prementibus æquali, referenda est liquoris suspensio.

PHŒNOMENON IV.

68. Manus stagnanti hydrargiro, atque vasi BD supposita totum pondus vasis, liquoris stagnantis B, & tubi BC sustinet: præterea autem non suspensi hydrargiri BA gravitatem, sed æquale pondus sustentat, acream scilicet columnam E, superiori tubi clausi extremo M insistentem, innixam, & deorsum prementem sublato enim hydrargiro, & tubo BM (fig. 2.) duæ columnæ E, FG sese mutuo sustentarent, & essent in æquilibrio: tubo BM, & hydrargiro BA in columnæ E locum inductis, aerea columna FG, quæ prius columnam E sustinebat, modo hydrargirum sustentat: supposita autem manus in D columnæ E pressionem hydrargiri pressionem æqualem, sustinet.

PHŒNOMENON V.

69. Si tubus Torricellianus sit ex superiori parte non hermetice quidem clausus, sed vesica obductus, & circumligatus; facto experimento, vesica intra tubum incurvatur, & magno cum strepitu disrumpitur: columnæ enim prementis E pondere intra tubum vacuum, in quo nulla est resistentia, protruditur, distenditur, & incurvatur. Quod si facto experimento, Vesicam acu perforaveris, & acum subduxeris; aer illico magno impetu per exiguum foramen ingreditur intra tubum magno etiam sibilo edito; hydrargirumque in subiectum vas totum descendit. Primo enim columna atmosphææ vesicæ incumbens, eamque vehementer præmens aeris particulas vesicæ proximas per apertum foramen magno impetu protudit; unde aer magna celeritate descendit; hinc sibilus enascitur. Tubo autem semel aere pleno, integra atmosphææ columna hydrargirum in tubo contentum premit, & exterioris aeris nisum, cujus beneficio hydrargirum sustinebatur, vincit, ac proinde liquor proprio pondere labitur.

PHŒNOMENON VI.

70. Incluso intra machinæ pneumaticæ recipiens II
(68.

(fig. 8.) tubo torricelliano B, in quo hydrargirum ad 28 pollicum altitudinem hæreat suspensum, aereque sensim extracto; ad singulas eductiones aliquantum semper magis, & magis descendit liquor: quod aere penitus, quantum humana industria potest, extracto, ad horizontalem stagnantis hydrargiri superficiem descendit: neque supra illam, nisi tantillum, lineam scilicet, aut lineæ dimidium elevatur. Aere postea sensim introducto, sensim etiam, & paulatim ascendit hydrargirum: quoad in pristina altitudine subsistat. Phænomeni ratio patet ex dictis: extracto, aut introducto paulatim aere, extrahitur, aut introducitur sensim suspensionis causa: sensim igitur ad singulas eductiones, aut introductiones descendit, aut elevatur hydrargirum. Tantillum fere semper manet elevatum: quia aliquid aeris in recipiente manet semper: neque ulla arte extrahi potest.

71. Mirabile prorsus phænomenon, & præter omnium expectationem semel observavit Boyle, hydrargirum in tubo Torricelliano intra recipiens, extracto aere, ad 75 digitorum altitudinem hæsisse suspensum, cum in aperto aere, vel intra recipiens non vacuum, facto experimento, ad 28 solum digitos ascendat, & suspendatur. Id imprimis circa huiusmodi phænomenum notari debet, tubum exacte omnino usque ad summitatem fuisse hydrargiro plenum: neque ulla arte consequi unquam potuit, ut ad maiorem, quam 28 digitorum altitudinem, hæreret liquor, si vel minima aeris bulla in tubi summitate superesset. Eiusmodi effectus, cum in crassioris aeris pondus referri nequeat, in subtilioris aeris pressionem, in peculiarem hydrargiri illius statum, ad tubi parietes adhæSIONem, & alias, quas ignoramus, causas refundi debet.

PHŒNOMENON VII.

72. Si tubus Torricellianus sit ex superiori parte apertus, manumque super imponas, & leviter tubi labia attingas, dum inferius aer extrahitur; manus adeo tenaciter tubo postea adhærebit, eamque pressionem, & pondus senties, ut nulla arte manum extrahere possis: quin imo pars inferior manus intra tubum cedens, turgescit, & deorsum non citra doloris sensum dilatur. Quod si superiora tubi labia a manu pressa non

sint satis obtusa, sed in aciem definant; adeo contra illa manus comprimitur, ut per carnem ipsam tubi labia introducantur. Aere postmodum intromisso, manum facillime subduces. Cum enim nullus aer deorsum manum sustineat; aut cum super incumbente æquilibrium servet; manus integrum columnæ atmosphære pondus sustinet, eoque violentissime versus tubum, ejusque labia constringitur, ut avelli inde non possit. Spiritus deinde animales, sanguis, & latens intra carnem, & sanguinem aer, cum primum ab externa aeris pressione liberentur, elastica vi sese dilatant, cutem extendunt, & carnem intra tubi cavitatem protrudunt.

73. Eadem de causa, dum cucurbitæ BD, accensa interius Rappa, incalcescentis labia humanæ carni rite adaptantur, ut nullus exterior aer ingredi possit, Rappa consumpta, igne extincto, & aere frigescente, caro D (fig. 4.) cucurbitæ ori respondens, æque subiecta inflatur, & intra cucurbitam turgescit chirurgicis operationibus locum datura: flamma enim rarefactus aer e cucurbita majorem partem exiit: mox succedente frigore condensatur, & ad tantillum in cucurbita spatium occupandum reducitur; cum igitur pene nulla in cucurbita sit resistentia; particulae aeris intra carnem, & sanguinem cucurbitæ ori respondentem latentes, ab externa pressione liberæ elastica vi sese dilatant, & carnem intra cucurbitam protrudunt.

Simili fere modo vasa vitrea in oblongum, & exilissimum collum definentia, per quod scilicet aqua, aut liquores cæteri facile ingredi nequeant, isdemmet liquoribus implentur; igni enim admota vehementer incalcescunt; aerque rarefactus per canaliculum erumpit; postmodum in aquam collum immergitur: frigefcente autem vitro, inclusus intra vitrum aer contrahitur, & aquæ ingreßui amplius non resistit: aqua igitur externa ab exterioris aeris pondere compressa per angustissimum collum ad vas implendum ascendit.

74. Eadem de causa fit, quod si tubus Torricellianus superius in superficiem planam definat; aere extracto disrumpatur. Cum enim vitrum citra fractionem incurvari nequeat; ob vehementem aeris pressionem in frustra dissiluit. Quid ni, inquis, disrumpetur etiam recipiens in sphericam figuram exterius convexam tor-natum? Respondeo. Id ex convexitate provenire: cum enim partes sint in modum fornicis dispositæ; si exte-
rius

rius introrsum premantur, magis ad se se invicem accedunt, & a rupione liberantur: contra si vitrum sit exterius concavum; experimento scilicet facto in frustra dissilit, ob peculiarem pressionis modum: tunc enim viri partes a superficie concava ad convexam impulsæ, mutuo a se invicem, si pressioni cedant, separantur.

PHŒNOMENON VIII.

75. Facto experimento, si tubum BC (fig. 2.) hydrargiro ad 28 digitos plenum manu sensim elevas; sustinetur quidem hydrargirum, quoad inferiora tubi labia stagnantis superficiem attingant: tubo autem tantillum supra hydrargirum penitus emerso, cum primum vel gutta e tubo cadat, tota illico suspensi liquoris massa sursum contra tubi summitatem adeo violenter projicitur, ut tubus nonnumquam in frustra dissiliat: aereque interim in tubum ascendente, totus effluit liquor. Dum totum in tubo suspensum hæret hydrargirum, inter ipsum, & externum aerem servatur æquilibrium; cum primum aliquid effluat; præponderans aer reliquam hydrargiri massam sursum violenter propicit; ad eum modum, quo si ex una parte libratae lancis aliquid ponderis educas; aliud pondus ex alia parte appensum, & præponderans deorsum ruens, oppositam lancem, & quod in ea superest pondus, sursum violenter pretrudit.

PHŒNOMENON IX.

76. Vesicula exactissime clausa, corrugata, & aere fere vacua intra recipiens posita, aere extracto turgescit, & aliquando dirumpitur: poma corrugata iterum levigantur, & veluti reviviscunt; vitreae bullæ aere plenæ in frustra dissiliunt: ova item intra parvum vas vitreum v. g. inclusa, & inferius acu subtiliter perforata, se se per exilissimum foramen acis exonerant, aere iterum intromissa, iterum etiam per idemmet foramen eademmet materia replentur: Quæ omnia aeris elaterio referenda sunt: aeræ enim particulae intra prædicta vasa aut corpora comprehensæ, cum primum ab externi aeris pressione liberantur; elasticitatis viribus dilatantur, & vasa diringunt. In superiore etiam

ovi parte bulla aeris ovi albumine levior supernatans; dum sese dilatat, albumen, & reliquam ovi materiam per exiguum foramen expellit; at aere iterum in recipiens ingresso, aeris particulae intra ovum, vesiculas, bullas, poma latentes iterum comprimuntur, & in pristinam parvitatem reducuntur: unde iterum flaccescunt poma, corrugantur vesiculae, implentur ova &c.

PHOENOMENON X.

77. Quod si intra recipiens sit tubus Torricellianus B (fig. 8), in quo hydrargirum ad consuetam altitudinem CB sustineatur, atque ope anthliae pneumaticae violenter comprimitur internus aer; hydrargirum pro majori & majori aeris compressione, magis & magis ultra 28 pollices elevatur: aucta enim aeris densitate, illius etiam elaterium augetur, pro ratione compressionis, & densitatis; Hydrargirum igitur altius elevabit. Idem in elevatione observabitur effectus, & variatio, si aer intra recipiens nimium incalescat: calore enim non parum aeris elasticitas augetur.

PHOENOMENON XI.

78. In aeris etiam gravitatem, & elaterium referendum est celeberrimum phaenomenon, quod Magdeburgicum appellatur. Sint duo hemisphaeria AB (fig. 5.) aequalia, concava, & ita parata, ut sibi invicem secundum maximorum circularum EF circumferentias adeo congruant, & cohaereant, ut nullum aeri ingressum permittant. Ad id rei madida corii circumferentia adhibetur, & inter maximos circulos interponitur. In hemisphaeriorum etiam altero foramen fit valvula externa ita instructum, ut aeri quidem egressum, non tamen ingressum permittat. Ab huiusmodi hemisphaeriis sibi ita commissis ope anthliae aer extrahitur. Postea vero, quacumque directione, recta, obliqua, parallela ad horizontem, unum ab alio sejungere conemur; non nisi magnis viribus adhibitis, vel ponderibus adjunctis separari a se invicem possunt. Hemisphaeria, quorum diameter erat 6 digitos longa, adhibuit Nollet (a): neque

(a) Loco cit. Exp. 4. & 5.

que tamen 63 librarum pondere appenso separari potuerunt.

79. Quamprimum autem per foramen intra hemisphæria aer ingreditur ; nullo negotio , immo sua velut sponte separantur . In recipiens intromissa , extracto aere , per se se dilabuntur , & separantur : aere iterum intromisso , eadem tenacitate sibi adhærent , idemque requiritur pondus , ut a se invicem separantur , quod in libero aere opus erat . Quod si magna hemisphæria adhibeantur ; fit aliquando , ut neque quaternis equorum bijugis in singulas , & oppositas partes trahentibus separari valeant . Columna scilicet aeris , cujus altitudo ad summitatem atmosphære pertingit , latitudo eadem , ac maximus hemisphæriorum circulus , toto pondere hemisphæria in se invicem agit , & committit ; integrum igitur hujusce columnæ pondus superare oportet , ut hemisphæria separantur ; majoribus igitur viribus ad majora hemisphæria separanda opus est .

80. Intra recipiens aere plenum idem est effectus ; quia inclusi aeris elaterium idem plane efficit , ac atmosphære pondus ; cum easdem habeat vires . Equidem tot equorum juga ad hemisphæria in diversas partes trabenda opus esse non mirabitur , qui animadvertat pondus columnæ aeris unius pedis quadrati esse libras (16 unciarum) 2240 : id enim est pondus columnæ aquæ 32 pedes altæ , cujus basis sit pes quadratus : pes scilicet cubicus aquæ dulcis 70 libras , 16 unciarum , ponderat . Ad hemisphæria idcirco separandum , quorum circuli maximi pedem quadratum æquarent , tot equos ex singulis partibus adhibere opus esset , quot ad 2240 libras superandum necessarii existunt . Sturmius ea adhibuit hemisphæria , ad quæ separanda viribus opus erat , quæ 16574 libras superarent .

81. Hominis superficies 13 aut 14 pedes quadratos continet : summa idcirco pressionis aeris in hominem est dictarum librarum triginta circiter millia . Quodsi in mare immergatur ; ad singulos 32 pedes descendendo confectos æquale semper additur pondus . Quanam de causa hujusmodi pressionem non sentiamus , habes in Hydrostatica physica expositum .

P H O E N O M E N O N XII.

82. Duæ etiam tabulæ marmoreæ rite complanatæ , & sibi cohærentes , & impositæ ADCE (fig. 6.) separari , nisi difficillime nequeunt , si superiorem v. g. ab inferiori ita distrabere conemur , ut parallelæ semper maneant , illaque per lineam inferiori rectam attollatur : quod si ad latus alia ab altera subducatur ; trahentis manum facillime sequitur : in priori enim casu aeris columnam ejusdem , ac tabula , amplitudinis superare necesse est , perinde ac de hemisphæriis Magdeburgicis rem eandem explicavimus : in secundo casu laterales columnæ , inter quas est perfectum æquilibrum , sese mutuo sustentant ; neque mutua earum actio tractione suspenditur ; tabulam AC versus F manu impellente , lateralis aer G pone sequitur , anteriorem columnam semper sustinens ; neque manus aliud præter marmor trahit . Intra recipiens idem plane observatur , dum non extrahitur aer ; eo tamen extracto , per se ipsas tabulæ quacumque directione separantur : cum nullus illic supersit aer , eam separationem impediens . Nos omnes usu , & experientia edocti , ut duo corpora satis apte secundum planas superficies sese tangentia separemus , vel unum supra aliud trahimus , & subducimus ; vel unius extremum aliquantulum elevamus , ut inferius ingrediens aer superioris columnæ pressionem , & pondus superet , seu adæquet .

P H O E N O M E N O N XIII.

83. Anthliæ TV (fig. 7.) extremo O in aquam immisso , & embolo R sursum adducto , sequitur aqua per anthliæ cavum ascendens . Eadem arte si fistulæ utrinque apertæ extremum unum ori , aquæ alterum immittas , & pectore interim dilatato aerem e fistula extrahas ; e fonte in os ascendet aqua . Extracto enim ex anthlia , & fistula interno aere , nihil est , cur aqua stagnans ab atmosphææ pondere compressa , per apertum canalem , uti nulla est resistentia , violenter protrusa non ascendat . Eidem principio innititur multiplex anthliarum genus , quibus e puteis , lacubus , fluviiis , fontibus aquam sursum ad hortos , campos , & id genus alia irrigandum extrahimus , magno totius reipublicæ ,

Et humani generis beneficio . Id unum caveri debet , ne scilicet anthliæ tubus plusquam 32 pedes altitudinem contineat : ad eam enim altitudinem aqua a premente aere impulsâ ascendit ; ibique sistit . Si igitur aqua sit ad majorem altitudinem elevanda ; anthlias prementes adhibere opus est : ita nuncupantur illæ , quibus aqua non ab aeris , sed ab alterius potentia pressione elevatur . Aquæ per anthlias ascensum in vacui HORROREM nescio quem veteres Peripatetici referebant . Eorum sententia vacuum tota natura abhorrebat , Et impedire semper conabatur , ut læthale Mundo vulnus , quo inscripto tota Mundi machina dissolveretur , Et in pristinum chaos iterum rueret . Eliminata jam est è scholis hujusmodi cantilena Et vetularum nania : pudetque cordatos Philosophos hujusmodi nugas , Et fabulam in scholas aliquando irrepsisse . Cur enim hydrargirum ad 28 pollices ascendit immensis totius universi , Et naturæ viribus impulsus ; deinceps autem ne lineam quidem altius ascendit , quantumvis per tubum extrahatur embolus ? Ad 28 scilicet pollices ascendit : cur non ad 30 , 40 , 50 , 60 , dum ad eam altitudinem embolus , Et aër e tubo educitur ? Debile enim vero est ad vacuum evitandum in natura præsidium .

P H O E N O M E N O N XIV.

84. Cum è recipiente bene clauso I D I (fig. 8.) aërem per anthliam E F modo superius exposito extrahimus ; ad primum aeris suæum facillime embolum A subducimus : qui sponte quasi manum sequitur ; ab aeris enim in recipiente existens , compressi , Et sese dilatare nitentis elaterio per anthliam impellitur embolus , eoque elaterio totam aeris pressionem equiparante , trabentis manus juvatur potentia . Ad ultiores aeris suæus difficiliter semper magis , Et magis embolus educitur , quo plus aeris extrahitur : quia magis semper rarefcit in recipiente : quo rarior ; est minus elasticus , Et debilius embolum pone impellit : dum interim externi aeris compressi , Et elastici embolum sursum elevare conantis eadem est pressio , Et efficacia ; minus igitur juvatur manus , majoremque difficultatem experitur . Ex adverso (ob easdem causas) embolus ad anthliæ infimum deductus , Et sibi relictus , post duos , tresve suæus sponte ad summitatem anthliæ ascendit ; eoque celerius ascen-

ascendit, quo rarior sit aer intra recipiens: quia aere magis rarefcente, minor est illius resistentia, & elaterium: embolus igitur ab externo aere nimis compresso & elastico sursum impellitur; & adducitur, licet a manu non trahatur.

PHŒNOMENON XV.

85. Si intra recipiens vas aliquod C (fig. 8.) cerevisia plenum statuas, & aerem aliquantulum extrahas; innumerae aeris bullae e cerevisia erumpunt, & eo magis ampliantur, quo propius ad superficiem emergunt: aere ulterius extracto, ingens super cerevisiam efformatur spuma. Innumerae enim aeris particulae intra cerevisiam latitantes & compressae, dum ab aeris externi pressione liberantur, sese dilatant, sursumque ascendant: ascendendo magis ampliantur, quia magis a cerevisiae partium liberantur pressione. Aere ulterius extracto, & rarefcente, minus premuntur; majori numero erumpunt, & amplius dilatantur ejusmodi bullae, tenui & viscosa fluidi superficie circumseptae, & e cerevisia erumpentes, aliae supra alias imponuntur, eoque pacto spumam constant.

86. Quod si loco cerevisiae aquam tepidam intra recipiens statuas, aeremque extrahas; aquam illico magno impetu fervere deprehenditur, perinde ac si supra vehementissimum ignem imponeretur; magno enim fervoris aestu sese per vacuum recipiens sursum, & in latera, projicit. Quod eidem causae modo explicatae referendum est. Innumerae aeris bullae ab externa pressione liberatae per tepidam aquam, cujus particulae intestino cientur motu, facilius erumpendi libertatem natam, earumque interim elasticitate ob adjunctum aquae calorem aucta, velociter in aquae superficiem tumultuose erumpunt, aquam secum adducunt, ante se impellunt, & magno fervoris aestu hac illac projiciunt. Si curiose quaeras, cur in aqua frigida ejusmodi phaenomenon baud observemus? Quia, respondeo, aeris bullae intra aquam frigidam latentes sunt minus elasticae, magisque compressae, & aqua ipsa minus divisa, & agitata bullarum emergencei difficilior cedit.

PHŒNOMENON XVI.

87. Omittendum non est, celeberrimum instrumentum, Pneumaticum scilicet sclopetum, nostra ætate excogitatum, & constructum, cujus mirabiles effectus, compressionem, & elaterium aeris causas habent; aeris enim compressi, & elastici beneficio obtinetur, ut plures successive plumbeæ glandes sine ullo strepitu intra paucissima temporis minuta ordinatim in scopum eadem vi emittantur, qua a nitrato pulvere accenso disploderentur. Glandes plumbeæ ab hujusmodi sclopeto ordine disposæ ad octavam usque ea emittuntur vi, ut tabulam ligneam 6 lineas profundam in distantia 25 passuum perforent. Hæc vero sunt, quin ad singulas disensiones novo aere instruatur sclopetum.

Hujusmodi instrumenta diverso modo construuntur: sequenti forma constructum offendes apud Muschenbroek (a): embolo MM (fig. 9.) per tubum metallicum NM, & valvulam P, quæ introrsum recluditur, & versus embolum occluditur, aer in tubum XD utrinque clausum, & tubo altero capaciorem EAC comprehensum immittitur: ibique prohibito comprimitur. Aeris ita compresso in sclopeti tubum CA ope stili chalibei D, & valvulæ ad id rei elaboratæ permittitur irruptio: aer igitur per eam valvulam intra cavitatem KA violentissime irruens, glandem K in via offendens, eam per KA in scopum protrudit. Ut autem glandes facilius intra tubi cavum citra temporis jacturam inducantur, atque disponantur; tubus XC sclopeto additur, cujus cavo ex parte C valvula respondet, quæ versus sclopeti cavum recluditur: in adjuncto tubo XC glandes plumbeæ constituuntur, nullo negotio in K introducendæ.

PHŒNOMENON XVII.

88. Aves, & animalia terrestria intra recipiens inclusa, aere extrahito, respirationis defectu moriuntur: aves quidem ad primos aeris succus dilabuntur, convulsioni-

(a) Elem. Phys. loc. cit.

tionibus agitantur, excrementa per utramque viam nonnunquam expellunt, & nisi aer intra pauca minuta secunda intromittatur, moriuntur: aere autem brevissime restituto, pristinum vigorem recuperant. Muscæ, quæ recipiente haud evacuato, liberrime per vitri lavigatissimi parietes ascendunt, & hinc inde prorumpunt, aere extracto dilabuntur, neque in vitri parietibus sustineri possunt. Pisces in vasibus aqua plenis intra recipiens non evacuatum inclusi liberrime natant, & vivunt: ad singulas aeris eduções plures, & plures aeris bullæ ex piscium corpore, branchiis, vero potissimum, atque ore erumpunt: pisces ipsi ad aquæ superficiem emergunt, neque demergi ulterius possunt; aliquot deinde horis elapsis moriuntur. Quod si aer denuo intromittatur, ante vel postquam pisces moriantur, ad fundum labuntur, neque emergere ulterius possunt.

90. Affine etiam dictis est aliud, & notum satis phænomenon: homines, qui in altissimorum montium cacumen ascenderunt, diu illic subsistere non poterant ob aeris ad respirationem apti defectum; quæ de causa ad radicem iterum descendere, ut libere viverent & respirarent, coacti erant (a). Horum effectuum satis ex supra dictis, & ex dicendis infra, cum de respiratione sermo erit, luculentissime patet: & constat causa.

Animalia omnia, quæcumque sint, volatilia, terrestria, aquatica, quantum humana industria assequi potest, respirant: & aere crasso ad id muneris opus habent: aere igitur extracto, vivere, ut antea, non possunt.

91. Deinde innumerae aeris particule intra animalium fibras, sanguinem, carnem, ossa, minima vascula, & receptacula sunt dispersæ, ut statim dicemus; hæc igitur ab externi aeris pressione liberatæ, elasticitate extenduntur, proprias fibras rumpunt: aer, qui intra stomachum, ilia, & cætera intestina vasa reperitur, distenditur, cibos, chylum, excrementa ante se per os & destinatam excrementis viam ejicit: hinc nausæ, vomitus, ventris exoneratio, convulsiones, & tandem mors oriuntur.

92. In-

(a) De Chales stat. lib. 1.

92. Intra aquam plurimum aeris contineri, probavimus supra; intra piscium etiam corpora reperiri, esseque ad eorum respirationem necessarium, allatum experimentum demonstrat: cum ex piscis corpore aer erumpat; eoque extracto; piscis supernatet & hianti ore aerem expiscari conetur. Aer in piscium folliculis contentus, & a pressione liber, folliculos, & animantis corpus nimium dilatat, efficitque levius, quam aqua; emergere igitur necesse est; neque ad fundum iterum descendere poterit, quoad exterior aer iterum admittatur, cujus pressione parum aeris, quod superest intra folliculos, & reliquum corpus iterum comprimatur, piscisque in minus, quam antea, volumen redactus, fiat gravior, quam aqua, atque ad fundum, non emersurus, delabatur.

93. Muscæ, & id genus alia è recipientis parietibus cadunt, quia ab aere non sustentur. Postremi tandem Phænomeni pars duplici de capite oritur: primo cum supra altissimos montes rarissimus, & levissimus fit aer; corpus humanum, illius animales spiritus, & aeræ particulae intra sanguinem, arterias, nervos, fibras contentæ dilatantur, erumpunt, avolant, dissipantur: sensimque vigor corporis, & vires cadunt: unde ad inferiora statim descendere opus est. Secundo, cum inspiratio ex eo fiat, quia aer externus nimium compressus, proprio pondere per apertum os in thoracem, & pulmones descendat: ea, inquam, aeris compressione, & pondere deficiente, inspirationem etiam deficere opus est.

94. Qui ad ignem assident hiberni frigoris arcendi causa, ventum a tergo frigidum & aerem versus ignem recurrentem experiuntur. Aer siquidem prope flammam, aut carbonem accensos vehementi calore nimium dilatur, atque rarefcit, & per superius camini spiramen erumpit: aer igitur lateralis ab igne magis remotus, frigore concretus, compressus, densus, elasticus versus ignem, ubi rarior aer minus resistit, recurrit, & ventum efficit.

PROPOSITIO IX.

95. Omnia corpora, in quibus hætenus experimenta capere potuimus, aere intra eorum poros consistente plurimum scatent.

Sen-

Sensus propositionis est, innumeræ aeris particulæ a se invicem divisæ intra mixtorum omnium corporum massam latent : partim quidem cum ipforum corporum partibus irretitæ, partim etiam intra eorum poros solutæ . Rem probant numerosa illa experimenta , quæ in omnium generum corporibus instituere *Mariotte (a)* , *Boyle (b)* , omnium tamen accuratissime *Stephanus Hales (c)* . Id primo de fluidis facile constat : quæcumque enim fluida intra recipiens ponantur , si aer extrahatur , innumeræ illico aeris bullæ erumpere videntur . Multipliciter vero ex corporibus solidis , & fluidis elici potest aer : primo , si corpora ipsa per aliquod tempus intra vacuum asservantur : Secundo , si admoto igne vehementer incalescant , aut inflammentur : Tertio , dum a statu liquiditatis in firmitatem corporum speciem concreverunt : Quarto , si in minimas , & insensibiles partes dividantur : quod fermentatione , distillatione , dissolutione , aut putredine peragitur .

96. Posterior hicce modus est omnium , qui ad id negotii adhibentur , efficacissimus , eo scilicet corpora in minutissimas partes dividuntur : non tantum majora , sed minima etiam foramina , pori , & reconditoria receptacula recluduntur : aerque intra hujusmodi cellulas interclusus , apertis claustris , erumpit , & in atmosphæram elabitur . Postrema hac ratione rem examinavit *Hales* . Corpora plurima ex genere animantium , vegetantium , fossilium , mineralium ope caloris , menstruorum , mixtionis cum aliis corporibus fermentantibus intra vacuum recipiens dissolvi curabat : ab iisque in liquiditatem jam redactis aerem gradatim explicari adnotabat : & quantum explicati aeris volumen esset , ex recipientis capacitate , quam occupabat , exactissime dimetiebatur . Ejusmodi aerem e corporibus eductum , atque paratum , *factisium* nuncupat .

97. Ab illius experimentis sequentia plane constant : Aer intra corpora prius latens , & ab iis extra-

(a) *De la nat. de l'air .*

(b) *Exp. phys. continuatio 2.*

(c) *Statiq. des vegetaux ch. 6.*

tractus, non modo æquale, sed longe etiam majus habet volumen, quam ipsa corpora, ex quibus extrahitur. Non eadem tamen aeris quantitas, intra omnia, & singula corpora, quantumvis volumine æqualia continetur. Facto in pluribus corporibus periculo, sequentia comperit: aer ex porcino sanguine distillato extractus ad sanguinis volumen erat, ut 33. ad unum: ex cornu damæ, ut 234. ad unum: ex materia quercea, ut 128. ad unum: ex terra virgine, ut 43. ad unum. Ex pollice cubico pisorum, cujus pondus erant 318. grana, 393. pollices cubicos aeris extraxit: hoc est, aerem ponderis 116. granorum, tertiam scilicet partem ponderis pisorum. Ex humano calculo, cujus volumen erat $\frac{1}{4}$ pollicis, pondus autem 230. grana, 516. pollices cubicos aeris eduxit: hic igitur aer calculum volumine continebat 688. vicibus (a).

98. Atque hæc quidem, & similia alia quam plurima ab experimentis constant. Illa quidem generatim probant, intra universa terrestria corpora nobis nota plurimum aeris contineri: quod demonstrandum proposuimus. Utrum vero rarum illud, atque pellucidum fluidum a corporibus extractum, & factitius aer nuncupatum verus aer sit, an potius ipsorummet corporum solutorum halitus, & vapores maximam partem existant, qui plurimum etiam aeris una secum habeant admixtum, dubitari merito potest. Rem statim secundum posteriorem sensum adstruemus. Interim vero cum fluidum illud magnam partem aer existat; facile inde deducuntur sequentia. 1. Aer intra corpora est longe magis compressus, atque densus, quam dum liber existit, soloque atmosphæræ pondere premitur. 2. Intra corpora ita minutissime divisum elasticitatis vires maximam partem amittere. 3. Eas tamen recuperat, vix ac aut ab igne excitatur: aut plurimæ ejusmodi particule in unam confluunt, bullamque efficiunt sensibilem.

99. Aer idcirco intra corpora longe aliter, atque extra illa existit: eumque habet statum, & existendi modum, quem certo definire non valeamus. *Mai-*

ran

(a) Hales *Analise dell' aria exp.* 57. & 77.

van (a), & Mariotte (b), qui aerem velut laneum vellus concipiunt, ingeniose, & divinando conjece-
re, aeris particulas figura longiusculas sese intra cor-
pora non contingere, sed in longum porrectas per
contorta, aut recta corporum foramina distendi, in
iisque velut in aptis vaginulis explicata, & distenta
existere: at cum primum e corporibus erumpunt,
multiplicibus plexibus sese implicant, velumque effi-
ciunt innumeris poris, cavitatibus, & recessibus sca-
tens; spatium igitur longe majus occupare poterunt
hujusmodi fila in varias spiras convoluta, & secum
ipsis implexa, quam corpora ipsa, e quibus educun-
tur, & intra quorum poros distendebantur. Haben-
dum hoc est, ut pura hypothesis superius a nobis
proposita; licet aliunde constet, lanci velleris fila,
si distendantur, & juxta se invicem aptentur, longe
minus spatium occupare, quam si perturbato stria-
rum, & plexuum ordine juxta se invicem convol-
vantur.

Fatendum tamen est, præter dicta aeris fila mu-
tuo a se invicem separata, & intra minutissima fo-
ramina disposita, alias & sensibiliores aeris massulas
intra sensibiliores corporum anfractus existere, qua-
rum elaterio non parum adjuvetur propria ipsorum
corporum elasticitas.

100. Aereis particulis intra cibos, & potus laten-
tibus tribuendi sunt ructus, dolores colici, & pluri-
ma id genus alia. Benim fluida, & solida alimenta
dentibus primo contrita, saliva deinde in ore immix-
ta, imbibita, temperata, in stomachum recepta,
mutuo, & peculiari ventriculi attritu, acidorum ope,
& fermentatione in minutissimas particulas divi-
duntur, ut massam ad chylum, atque sanguinem ef-
formandum aptam efficiant. Hinc non majora solum
receptacula, sed minutissimæ etiam cellulæ, reclu-
duntur, latens in iis aer erumpit: minutissima aeris
fila libertatem nata coeunt, grandiores aeris massas
conflant, dilatari conantur: si igitur inferius vel
superius per dispositos a natura carnales erumpendi
li-

(a) *Dissert. sur la Glace.*

(b) *Essais sur la nat. de l'air.*

libertatem, & viam offendant, ructus &c. efficiunt: quod si vias, & canales cibis impeditos inveniant, eorum interim elasticitate ob calorem aucta, viscera ipsa, colon anatomico idiomate nuncupata, ilia, & similia vasa plus æquo distendunt, unde colici, & alii dolores originem ducunt. Fusius hæc in Physica viventium prosequimur, cum de ciborum digestionem differimus.

PROPOSITIO X.

101. *Aer ille factitius, de quo hætenus loquebamur, maximam partem sunt halitus, seu subtilissimi spiritus, atque vapores in quos corpora ipsa solvuntur, qui cum innumeris etiam veri aeris particulis permixti mixtum illud fluidum componunt aeri externo simillimum.*

Ut ita rem statuam, ipsamet experimenta, atque observata in iis phænomena faciunt. In fluido illo *factitio* proprietates observamus proprietatibus aeris contrarias: cujusmodi sunt sequentia. Aer *factitius*, 393. pollices cubici, ex pollice cubico pisorum extractus, quem superius retulimus, per 9. dies intra recipiens conservatus, admoto postea igne totus inflammabatur: deciesque ope aquæ extinctus, toties admoto iterum igne ardebat. Idemque aut simile phænomenon in *factitio* aere ex aliis, & aliis corporibus elicitum observatur. Atque hæc fluidum illud spiritus potius subtiles corporum, quam verum aerem demonstrant. Rem confirmat status corporum, e quibus istiusmodi aer fuit elicitus: liquores enim aliquos, elicitum ex iis aere, evanidos deprehendebat Hales (a).

102. 2. Aer ille *factitius* animalium respirationi non inservit: immo est plane noxius: cum animalia in recipiens eo aere plenum introducta, illico moriantur. 3. Flammam etiam extinguit: atque hæc duo observantur, licet eadem in *factitio*, atque in naturali aere densitas, & elaterium existat. 4. *Factitius* una & verus aer intra recipiens permixti fermentantur, pelluciditatem amittunt, colorantur. 5. Si

ve-

(a) loco cit. Exp. 86.

Mont. Phil. Tom. V.

verus ille esset aer; id ex observatis deduceretur, tertiam partem substantiæ quercus v. gr. esse purum aerem: aliaque esse corpora solida, quæ dimidiam partem sint aer solidus, & intra corpora ipsa consistens: quod quidem sine demonstratione dici non debere existimo.

103. Relata hæc effecta expertus est *Hales*, accuratissimus observator: non illa quidem rem certo definiunt; mihi tamen argumento sunt, ut sensum probabiliorē esse existimem. Nihilominus *factitium* illud fluidum esse verum aerem, tenet ipsemet observator: idque ex eo probat, quod idem plane pondus, atque elaterium in *factitio*, atque in vero aere deprehendatur. Ita quidem res habet: utrumque tamen illum aerem idem fluidum esse, meo iudicio non probant. Corporum vapores, halitus, exhalationes idem plane, atque naturalis aer, pondus habent, cum in medio aere sustineantur, ut ex Hydrostatica constat: par igitur pondus duobus fluidis diversis sæpe convenit. Idem pariter de vi se se expandendi, seu elastica dici debet: corpora inter se diversa pari densitate, pondere, elaterio prædita esse possunt. Ita in re nostra rem esse debere, vel id probat, quod in fluido illo *factitio* innumeras etiam veri aeris particulas esse fateamur.

104. Contra hætenus dicta, præcipue vero contra pondus aeris opponi potest 1. Si aer esset fluidum grave, & inclusa in ipso corpora comprimens; humana corpora vehementissime premerentur, & enorme pondus sustinerent: cum toti atmosphæræ succumberent; eam tamen pressionem, & pondus neque experimur, neque deprehendimus. Argumentum nullius plane momenti esse, apparet in piscibus, & cæteris viventibus infra aquam immerfis, & illius, citra dubium gravis, pondus sustinentibus, quin tamen sese comprimere animadvertant, aut ullam inde molestiam patiantur: eademque libertate intra aquam, ac nos in aere, moveantur.

Respondeo igitur: Enorme nos atmosphæræ pondus ferre: illud tamen triplici de capite neque sentimus, neque deprehendimus. Primo; Quia æqualiter ab omni parte premimur: nullaque est corporis pars, quæ plus, quam aliæ, urgeatur. Secundo Aer; per nostrum corpus ubique diffusus æqualiter versus

omnes partes externi aeris pressioni resistit. Tertio ; Ejusmodi ferendo ponderi jam inde a nativitate as-
fueti illud non sentimus . Porro si corpus ab una par-
te comprimi desinat , ut fiet, si manu supernum eva-
cuati recipientis os (modo supra explicato) occlu-
damus ; totum illico atmosphæræ pondus sentimus ,
ut ibidem retulimus , & explicavimus . Aeris verti-
ci nostro incumbentis pondus 1000. libras longe su-
perat , ut nihil de lateralibus pressionibus dicam .

105. Objicit . 2. Quæcumque aeris massa , in qua
experimenta instituuntur , est quamplurimis terre-
stribus particulis , vaporibus , & corpusculis scatens ,
atque perfusa ; iis igitur particulis , quæ e terrenis
corporibus solidis , & fluidis elewantur , & sunt pro-
culdubio graves , tribui debet pondus , & gravitas ,
quam in aere deprehendere nobis videtur .

Resp. Periculo facto , ut objectam difficultatem e-
xaminaret & dilueret , aerem a crassis vaporibus , &
extraneis corpusculis purgavit *Nollet* (a) ; eaque in-
geniose , & quantum per humanam industriam licet ,
separavit ; nihilominus aerem eo pacto expurgatum
eodemmet pondere præditum comperit . Deinde nisi
aer esset fluidum grave ; vapores , & terrestria cor-
puscula gravia per medium ipsum fluidum ascendere
non possent , secundum Hydrostaticæ leges .

Plurimas alias aeris qualitates philosophi conside-
ratione dignas inferius explicabimus , cum de atmo-
sphæra terræ differemus . Priusquam in hæc descen-
damus , quandoquidem de liquorum in torricellianis
tubis suspensione , atque elevatione plura disputavi-
mus , atque ejusmodi effectus ponderi , & elaterio
aeris tribuimus , argumenti ratio ad contraria plane
phænomena in aliis tubis observata examinandum nos
deducit . Si capaciorum scilicet tuborum loco subti-
lissimos adhibeas , opposita fere omnia observabis ,
atque de amplioribus tubis hucusque retulimus .

LECTIO III.

De tubis Capillaribus.

DEFINITIO.

106. **T**ubi *Capillares* A, E, G, I (fig. 11.) dicuntur minutissimi quidam tubi, recti, curvi, torti, parum refert, utrimque aperti, qui ob cavi & foraminum exilitatem capillos referunt, & nomen inde derivant. Ex quacumque materia fieri possunt: qui tamen ad experimenta frequentius adhibentur, vitrei sunt, ut per pellucidam materiam ascendentium; aut descendentium liquorum effecta spectari possint. Cavi diameter, & capacitas varia esse potest: a capilli tenuitate ad unam, aut alteram lineam extendi.

Quæ in tubis capillaribus observantur liquorum phænomena, communes Hydrostaticæ leges labefactare videntur, & omnium Physicorum ingenia torquent. Hujusmodi phænomena veteres Philosophos penitus latuere: cum vix sæculum sit evolutum, ex quo deprehendi cæperunt, & observari. Quæ in hac materia sunt præcipua, & varias deinde Physicorum ad ea explicandum opiniones paucis accipe.

OBSERVATIO.

107. Si capillaris tubi EF, utrimque aperti, & erecti, extremum aliud F liquorem quemcumque stagnantem vel tantum attingat, vel intra illum aliquantulum immergatur; stagnans liquor per tubum ascendere observatur: intra recipiens vacuum, vel in aperto aere fiat experimentum, nihil refert. Quod si tubus ulterius intra fluidum immergatur, ulterius etiam liquor per capillarem tubum ascendet. Unum est hydrargirum, quod per tubum non solum non ascendit, sed ab infimo tubi ore immerso velut refugit: pars hydrargiri ori immerso inferius respondens, illudque propius contingens, deorsum incurvatur, seu deprimitur infra libellam, eoque magis refugit, quo minor fuerit tubi diameter. In metallis etiam fufis idem observatur. Et hæc quidem in vitreis tubis:

ex ea tamen materia parari possunt, quos neque hydrargyrum fugiat, neque metallâ fusa. Hujusmodi experimenta unusquisque per se ipsum facere potest; & ab observatoribus sæpe repetuntur (a).

OBSERVATIO II.

108. Liquores, intra quos tubi capillares immerguntur, per ipsos ascendunt, nulla eorundem liquorum densitatis, aut gravitatis ratione habita: aliquando enim qui graviores sunt, superius ascendunt: altius quippe urina oleo vitrioli: vitriolum aqua falsa, hæc spiritu nitri, nitrum spiritu vini elevatur. Maxime omnium ascendunt urinæ, & spiritus salis ammoniaci: omnium minime spiritus ille vini bis iterum ope ignis distillatus, *alcohol* vulgò dictus, licet sit subtilissimus, & liquorum levissimus (b). Si tamen eidemmet fluido tubi diversarum diametrorum exposita ratione immittantur; eo altius elevatur, quo diameter tubi fuerit minor. Quare cum tubi capillares sint tenuissimi cylindri, eorumque proinde superficies sint, ut diametri (c), erunt liquorum ascensiones, seu altitudines in ratione inversa superficierum: neque rationem hanc aut tuborum crassities, hoc est, major vitri massa, aut major ascendentium liquorum densitas perturbat. Eademmet phænomena vel in vacuo, vel in libero aere deprehenduntur. Ea autem in mille passim corporibus observantur: spongia, pannus sericus, laneus, multiplex etiam materiæ, seu lignorum genus, si aquam tangant; interius humectantur & aquam trahunt: quid autem sunt hæc corpora, nisi innumeri tubi capillares secum ipsis commissi, & uniti?

109. Aliquando etiam ad experimentum adhibetur tubus v. gr. GH, aut IL: diversæ omnino capacitatis; ab una scilicet parte GN gracilior, ab alia vero NH amplior. Si totum hujusmodi tubum liquo-

quo-

(a) Nollet, Regnault, Kbel, Muschemb. Desaguliers, Graves. & alios in locis toties citatis.

(b) Muschembr. Elem. Phys. de tub. capill. Essais de Physique.

(c) Elem. Geom. Elem. 4.

quore impleas, isque ex latiore extremo stagnantem liquorem tangat, aut in illum immittatur; manebit tubus usque ad summitatem G plenus: minime tamen, si gracilius extremum G fluido immergatur. Quin imo si vas satis amplum AB. in tubum capillarem desinat, totumque vas, & tubus liquore impleatur, amplo ore B stagnantem liquorem tangente; plenum omnino & vas, & tubus manebit. Tandem si cætera sint paria, quo longior fuerit capillaris tubus; eo altius per illum liquores eleventur. Ad liquorum elevationes dignoscendas, colore aliquo tingi oportet.

Præcipua habes tuborum capillarium phænomena: singularia illa quidem, atque ab Hydrostaticis legibus aliena; quæ tamen in natura infinitum pene habent usum. Quænam vero hujusmodi effectuum causa? Communisne, & crassioris aeris pressio; an potius vis aliqua attractionis, qua tuborum parietes liquores ad sese trahant; an alia tandem ab iis diversa?

PROPOSITIO XI.

110. *Liquorum per capillares tubos ascensio aeris crasso stagnantem liquorem prementi, & sursum per tubos urgenti referri nequit.*

Opposita quorundam opinio, novissime a P. Gerdil propugnata (a), cum experimentis non cohæret. Primo enim tubo EF v. gr. (fig. 11.) in aperto aere ad experimentum adducto, aer æqualiter in stagnantem liquorem, ac in superiorem tubi aperturam deorsum premit: æquis igitur viribus liquorem ad ascendendum, aeremque e tubo expellendum urget, & aeris ipsius egressum impedit: liquorem igitur ea de causa ascendere, impossibile est.

111. At, inquis, ramosæ aeris particulæ mutuo sese impediunt; neque facile per parvum tubi cavum ingredi possunt, liquoremque interius premere, & ne ascendat, impedire: dum ex adverso liberrime stagnantem liquorem aer premit; premendo sursum ele-

(a) *Dissert. de tubis Capillarib.*

elevat. Sed datæ huic responsioni ratio, & experimenta opponuntur. Aer, ut superius retulimus, per exilissimum foramen, in vesica superiorem tubi evacuati partem operiente, acus cuspidè factum, facillime in tubum irruit; ergo & per angusta capillarium tuborum cava, foramine illo ampliora, ingredi, atque fluere facillime potest. Sunt scilicet aeris particulæ diametro tuborum subtiliores. Deinde aer superiori aperturæ E incumbens egressum aeris e tubo æque impediret, atque aliæ columnæ stagnantem premunt: fluidum igitur ex inferiori parte non ingrederetur; at opposita omnia novimus. Observante *Muschembroek*, gutta aquæ per exteriorem tubi EF superficiem labens, illico ac os inferius attingit, tota illico in tubi cavum se recepit, & ascendit: erat tamen tubus aere plenus: perinde autem in hoc experimento premit aer aquam per F ingredientem, atque aerem per E egredientem: neque ingredi potest aqua, quin insimul egrediatur aer.

112. *Secundo*: eadem veritas in vacuo clarius ostenditur: Eodem modo in recipiente vacuo, ac in aperto aere liquores per tubos capillares ascendunt: crassioris igitur aeris pressio liquores non elevat. Nam vel totus aer crassus, vel major illius pars e recipiente extrahitur: si primum, penitus e tubis descenderet liquor; si secundum, major saltem illius pars laboretur: causa enim sublata, aut diminuta, tolli etiam, aut imminui debet effectus: cum neutrum igitur accadat, falsa apparet opposita illa opinio, quæ ad primas phænomeni observationes sponte quasi in Physicorum mentem subiens, post accuratiores experimenta penitus corrui.

Tertio. Si in crassiorem aerem hæc referrentur phænomena; pro relativa gravitate liquores ascenderent atque sustentarentur, ut leges æquilibrîi omnino postulant, quod tamen est falsum.

PROPOSITIO XII.

113. *Fluidorum per tubos capillares ascensus, & recessita phænomena legibus attractionis corporum, quas Philosophi, hanc qualitatem admittentes, statuant, non sunt conformia, ac proinde per vim attractionis non explicantur.*

Non unus jam est inter clariores attractionis universalis assertores, qui tuborum capillarium phænomena per leges attractionis exponere, rem esse desperatam agnoscat, & candide fateatur. Plures tamen sunt, qui generale hoc totius materiæ attributum in causa esse volunt, cur liquores per tubos capillares ascendant; eamque virtutem ex hoc-met phænomeno maxime confirmant. Quoniam vero eam virtutem, velut universam naturæ legem alibi rejicimus; impræsentiarum pauca superaddere sufficiet: imprimis vero animadvertendum, Newtonianos eam vim ex tubis capillaribus, & aliis ejusdem generis phænomenis potissimum probare: deinde vero ipsosmet effectus per eandem vim probant, & vicissim explicant. Eo tamen prætermisso facile patet propositio, si cum phænomenis leges attractionis conferantur: Rei exemplum demus.

114. Quare per capillares tubos vitreos non ascendit hydrargirum, aut metalla fusa: sed potius deprimitur, & refugit? Quia, inquit, est vitro densius, plusque a se ipso, quam a tubo attrahitur. Id tamen secundum unde probatur? ex majorine densitate? id quidem esset universali attractionis legi conforme quod vis attractionis sit materia, seu densitati proportionalis: minime tamen cum recensitis phænomenis cohæret: sæpissime enim densiores præ rarioribus liquoribus magis a vitro, minus a se ipsis attrahuntur: deberent autem rariiores magis ascendere; cum minus a se ipsis attrahantur, quam densiores: perperam igitur ex majori densitate major vis attrahendi petitur. Eo tamen etiam dato, nihil est, cur infra stagnantis hydrargiri superficiem descendat, tubumque effugiat, hæc fuga in vim attractionis refundi nequit. Deinde, ut modo dixi, fluida non attrahuntur in ratione raritatum: sed aliquando quod est magis densum, magis elevatur: ergo magis attrahitur: fieri igitur potest, ut densiora fluida minus a se ipsis, magis a vitro attrahantur, quam rariora. Adde per tubos capillares, qui ex omni pene materia consilari possunt, fluida ascendere, tubis ipsis graviora, & densiora; magis proinde a tubis minus densis, quam a se ipsis densioribus attrahuntur: si tubus ipse vitreus interius sit sebo illitus; rer eum ascendit hydrargirum: illane forsan subtilis superficies sebi tubum

bum efficit hydrargiro graviolem? Contra vero factò experimento in tubo capillari aureo, in hydrargirum immerſo, liquor perinde atque per vitreum non aſcendebat (a): eſt tamen aurum hydrargiro longe gravius; attentaque idcirco denſitatis ratione, & attractionis lege, magis ab auro, quam a ſe ipſo, ſeu inferiori hydrargiro deberet attrahi: en igitur attractionis leges, & vires phænomenis penitus oppoſitas.

115. *Tertio*. Quoniam vis attrahendi juxta Nevtonianos maſſarum, & denſitatum rationem ſequitur; indeque eſt, ut hydrargirum vitro denſius magis a ſe ipſo, quam a vitro attrahatur: quo igitur denſiores fuerint, aut craſſiores tuborum parietes, & maſſæ, altius in iis aſcendent liquores: quod tamen eſt falſum. At, reponent attractionis aſſertores, tubi capillares liquorem attrahunt non ſecundum maſſarum, ſed ſecundum internæ ſuperficieï rationem: unde fit, inquiunt, ut in ſubtilioribus tubis ad majorem altitudinem aſcendant, pro majori ſcilicet eorum ſuperficie relatu ad aſcendentis liquoris maſſam: unde tamen id probent, niſi ex ipſomet tuborum capillarum experimento, non video, unde circulus committi videtur. Cur præterea interna tubi ſuperficie, non maſſa attendenda eſt; cum maſſa non ſuperficie attrahat: ſitque præterea univerſalis attractionis lex, vim attractionis ſequi rationem maſſarum, non ſuperficierum?

116. Objiunt tamen. Nulla aſſignari poteſt impuſſio, ſeu vis impellens, & premens, cui tuborum capillarum phænomena adſcribi poſſint: ergo ad vim attrahentem, primariam, & univerſalem Naturæ legem ex una Dei voluntate pendentem rem referre opus eſt. Reſp. Eſt verum argumentum; non indetamen attractionis virtus admittenda eſt, plurima ſiquidem ſunt, imo innumera Naturæ phænomena, quorum explicatio nos latet, & perperuum latebit; quin tamen novas ſubinde, & incognitas cauſas admittere liceat; quamdiu eæ per plurima etiam, & indubitata phænomena aliunde non probentur.

PRO-

(a) Rem obſervavit Gerdil. loc. cit.

PROPOSITIO XIII.

117. *Liquorum per tubos capillares ascensio a ratione insensibilium atmosphærarum, quibus liquorum, tuborumque partes præditæ sunt, potissimum provenit: peculiaris etiam partium fluidi tenacitas, & ad tuborum parietes adhæsiō, ex earum figura, & magnitudine pendens in rem eandem insuit: nonnihil tandem inæqualis pressio aeris in eundem effectum influere videtur.*

Posterior hæc pars, ut ab ultima, & minus præcipua causa incipiamus, observando demonstratur. Experimento enim de tubis capillaribus factō, iisque tubis (fig. 11.) in recipiens non vacuum machinæ pneumaticæ intromissis, & aere mox subducto, liquor aliquantulum descendit: 2. si tubus capillaris ita intra cylindrum aptetur, ut per os superius aeri communicet; cylindrus tamen non nisi per epistomium, & anthliam aerem recipiat, aut emittat; aere extracto, liquor deprimitur; iterum immisso, aut violenter etiam compresso, ascendit: crassior igitur aer ad ejusmodi assensum aliquantulum influere videtur. Quod si in evacuato recipiente ad consuetam altitudinem subsistit, aut ad majorem aliquando ascendit, ut statim dicemus; ad alias causas in propositione expositas res est referenda.

118. Id etiam factō sæpe experimento confirmatur; si capillaris tubi ad consuetam altitudinem pleni pars stagnanti fluido immersa extrahatur, tubusque penitus repente educatur; aqua in tubo ad 8., vel 9. lineas altius ascendit (a). Aqua etiam per externam tubi superficiem profluens, cum ad aperturam inferiorem pertingit, tubum ingrediens, per illum ascendit (b). Duplicis phænomeni eadem est causa; aer externus labentem aquam comprimens eam per tubi cavum, ubi minor est ejusdem aeris pressio, cogit ascendere.

119. Prima, & potissima propositionis pars, & phæ-

(a) *Mem. de l'Acad.* 1724. p. 100.

(b) *Nollet leq. append. ad lect. 8.*

phænomeni causa satis probata erit , si hæc duo con-
ficiam , corpora omnia terrestria , atque compolita ,
solida , aut fluida sint , suas habere atmosphæras ;
2. earum atmosphærarum ratione tuborum capilla-
rium phænomena ; (imo & quamplurima alia) pro-
duci , atque explicari .

Primum inductione constat , præcipua universi , seu
systematis planetarii corpora , sol , tellus , reliqui
planetæ proprias habent atmosphæras : sed ut de ter-
restribus tantum corporibus agam , animantia omnia ,
atque vegetantia a suis semper atmosphæris circum-
cingi , perennis eorum transpiratio , atque odor , qui
prope ipsa , a diversis animantibus percipitur , mil-
leque aliis effectibus constat . Magnetes , corpora om-
nia origine electrica circa sese ad aliquam distantiam
agunt : idem etiam de corporibus excitatione , aut
communicatione electricis verum esse , electrica phæ-
nomena inferius exponenda demonstrant . Duæ aquæ
guttæ sese prope tangentes , ante contactum in sese
mutuo confluunt : universimque duæ diversorum li-
quorum guttæ prope contactum , aut in sese mutuo
confluunt , aut sese fugiunt : radius luminis corpora
fere lambens , seu per corporum angulos , aut flexus
prope contactum pertransiens , a via recta flectitur ,
trahitur , aut repellitur : quin immo lux a corpori-
bus reflectens , eorum sæpe superficies contingere non
videtur ; sed ante contactum repelli , ut in Optica
exponetur .

120. Acus chalybea supra aquam distensa , & sus-
pensa aquam & aerem a contactu removet . Huc et-
iam spectant phænomena a P. *Bertier* observata : ex
diversis plane materiis , corio , charta , ligno , &c. acus
pedem unum longas , in nauticarum acuum formam
confecit : illæ vero crinibus alligatæ , & in aere sus-
pensæ levissima plura corpora ad duarum , aut trium
linearum distantiam ab iis posita ad sese infra pauca
minuta secunda trahebant , aut repellebant (a). Hæc
sane rerum inductio , quæ longius multo protrahi
posset , atmosphæras corporum demonstrat : a ma-
gnis

(a) *Memoires de l'Acad. Royale* 1741.

gnis ad parva corpora, ab hisce etiam ad insensibilia eorum elementa inductionis argumentum deducitur. Corpora gradatim semper divisa in insensibilia eorum elementa resolvuntur; eadem tamen & corporum sensibilibus, & eorum elementorum natura & ratio est.

121. Jam vero hujusmodi atmosphæaræ sunt fluidissimi, & subtilissimi halitus a corporibus ipsis evaporati, circa ipsa suspensi, & in illa alternatim cadentes. Earum amplitudo a corporum magnitudine, virtute, subtilitate pendet, iisque proportionalis existit. Earum diversitas a partium potissimum figura, subtilitate, & motu derivatur: quarum ratione fit, ut aliæ quidem cum aliis facile permisceantur, aliis resistant, nec mutuo misceri possint. Ex iis sane capitibus est, quod menstruum quodcumque datum v. gr. aqua regia cum dato metallo, auro scilicet imbibatur, illudque solvat, cum aliis vero nequaquam penetraret: eadem utrobique ratio est; atmosphæaræ rationem, & naturam suorum corporum servant. Sicut igitur corpora, ita & eorum atmosphæaræ vel secum ipsis facile, & mutuo permiscuntur, vel sibi mutuo opponuntur. Ex eadem causa aerem a se magis vel minus excludunt, aut cum illo permiscuntur; aliaque sunt corpora solida, aut fluida, quæ hujusmodi atmosphæis insensibilibus semper circumdata, earumdem ratione aerem, lucem, sonum, & aliqua alia fluida a contactu suo excludunt: dum interim cum aliis continguntur.

122. Ab iis ego esse, atque derivari crediderim naturales illos effectus *antipathie*, & *Sympathie* nomine donatos, qui passim in natura observantur: atque in eo consistunt, quod certa quædam corpora sponte, & invisibili vinculo sese trahant, uniant, & mutuo amare videantur: dum interim ab aliis fugiunt, & sese mutuo repellere, atque odio habere apparet. Atque hæc quidem materialis repulsio, aut attractio a corporibus mutuo ante contactum peracta, ad diversas a corporibus distantias pro corporum varietate diffenditur: quod iterum in atmosphæararum ratione refertur.

123. Istiusmodi atmosphæarum causa exposita phænomena potissimum produci, quod erat alterum nobis probandum, facile conficitur. Vitrum imprimis,
cor-

corpus perquam electricum, aerem a proximo contactu aut repellit, aut facilius saltem alia fluida admittit. In tubis igitur capillaribus vitreis in quibus parietum atmosphæaræ totum fere cavum occupant, aer maximam partem excluditur, liquores vero ratione similarium atmosphæararum facillime insinuantur, permiscentur, ascendant. Aer æque in stagnantem liquorem, atque in superiorem tubi aperturam premit: minus tamen liquori inferiori, quam superiori aeri resistitur, ut tubum ingrediantur. Eo usque ascendit liquor, quoad particule aeris intra tubum antea existentes, & sursum ab ascendente liquore protrusæ eam efficiant densitatem, quæ ulteriori ascensui resistant.

124. Cætera tuborum capillarum phænomena hinc etiam facile explicari videntur. 1. Ampliores tubi pressionem superioris aeris facilius admittunt: minusque idcirco per illos ascendant liquores. 2. Si liquores prorsus non ascendent, aut etiam a tubo repellentur, quorum partes, & atmosphæaræ cum tuborum atmosphæis permisceri nequeant, hæc vero est hydrargiri conditio: neque enim vitrum humectat, aut ejus superficiem adhæret. 3. Liqueorum ascensio non quidem eorum levitati, sed atmosphæararum similitudini, & rationi proportionalis esse debet. 4. In vacuo recipiente iidem fere produci debent effectus: quod potissima illic etiam est effectuum causa. Atque ab iis discite alia: neque enim minutissima quæque argumenti phænomena prosequi lubet, aut præscripti hujus operis fines patiuntur. Id a te diligenter animadverti velim, innumera pene esse naturæ phænomena, quæ ad tubos capillares reducuntur: aqua per bibulam arenam supra scaturiginis libellam, per spongiam, per vestes; vapores ipsi e terrenis corporibus calore avulsi, & erumpentes per aeris canales: succus nutritius plantarum per truncorum venas ad ramos, folia, fructus ascendit; quæ omnia, & alia quamplurima suis in locis exponenda ad capillares tubos reducuntur: sed de his omnibus iterum redibit sermo.

125. Duo opponi possent: 1. Si hucusque dicta vera sunt; non est cur hydrargirum per tubos capillares non ascendat, maxime vero cæteri omnes liquores. Solumne illud atmosphæram habet omnium tubo-

borum atmosphæris dissimilem : cæteri vero liquores quibuscumque tubis secundum atmosphæram similes existunt? Resp. Per nullos tubos ascendere hydrargirum, neque dixi, neque verum est : de vitreis tantum loquutus sum : neque etiam alios omnes liquores per tubos quoscumque ascendere affirmavi. Quin imo hæc ex adverso observantur, quod si internos tubi capillaris vitrei parietes sebo inungas, per illos tum ascendit hydrargirum : alia tunc efformatur atmosphæra, aut prior illa puri vitri modificatur : per tubos etiam nimium antiquos parum, aut nihil sæpe liquores ascendunt, qui per eos antea elevabantur. Temporis diuturnitate insensibilis aliarum materialium crusta tubos obducit : unde alterius etiam rationis componitur atmosphæra, oppositorum sæpe effectuum causa.

Opponi iterum potest. Si intra recipiens fiat experimentum; recipiente evacuato altius nonnumquam ascendunt liquores, quam antea : nulli tamen ex alatis causis acceptum id referri potest. Resp. Evacuato recipiente, internus etiam tubi aer dilatatur : e cellulis, sinibus, & angulis hac illac dispersis erumpit : liquor igitur facilius in evacuatos sinus, & cellulas ingreditur, ibique infigitur altius, minusque inferiores, & succedentes partes pondere premit. Adde minutissimas aeris particulas in ascendenti per tubos liquore dispersas, & elasticas, cum primum ab externi aeris pressione liberentur, amplius dilatari, & fluidas, quibus velut capsulis involvuntur, particulas fursum per tubi altitudinem elevare : cum e lateribus tubi ipsius parietes obstant, ne dilatentur in latera.

LECTIO IV.

De Aere, prout est Terrestris Atmosphæra.

DEFINITIO.

126. **A**tmosphæra, seu atomorum sphæra est magna quædam aeris massa, seu anulus sphæricus terram circumquaque complectens, eamque intra se ipsam, quasi nucleum comprehendens, ad aliquarum leucarum altitudinem extensa, in qua insi-

nita pene vaporum, & exhalationum copia ascendant, librantur, variaque ratione moventur, spirant venti, formantur nubes, fulgura, tonitrua, tempestates, & millia id genus alia gignuntur metheora. Plurima autem sunt quæ de atmosphæra disputari debent, illius scilicet natura, figura, altitudo, munera: postea vero in ea, quæ in atmosphæra fiunt, metheora descendendum.

Hypothesis loco dandum est, aerem ubique circa Tellurem esse diffusum; ubique enim vivitur, & aerem respirant viventia. Nullus est terræ angulus, quem homines non incolant, vel in quem viatores non appulerint: Telluris globus sæpe jam est circumnavigatus: ubique vero aer, mare, aut continens terræ.

DEFINITIO.

127. *Terrestres Halitus* sunt tenuissima, & subtilissima quædam corpuscula, quæ e Tellure, corporibusque terrenis separantur, in aerem præ levitate ascendant, & hac illac disperguntur. In duplici sunt differentia; alii enim *exhalationes*, alii *vapores* nuncupantur; exhalationes sunt *halitus*, qui ex corporibus siccis, aut inflammationis capacibus exhalantur: vapores vero sunt *halitus*, qui a fluidis, aquosis, humidis elevantur.

PROPOSITIO XIV.

128. *Atmosphæra est massa, & fluidum quoddam impurissimum ex omnigena terrestrium corporum varietate, eorumque particulis constatum.*

Nullum liquidem est corpus terrestre, prope telluris superficiem existens, e quo innumera quotidie corpuscula non effluant, exhalantur, avolent; quidquid enim igne absumitur, aut calore attenuatur, substantiæ suæ partem in aerem emittit: lacus quotidie, & paludes exsiccantur, arescunt terræ, & dehiscunt, flaccescunt, & corrugantur roma: arbores, folia, olera, & quidquid in terris vegetabile est, attenuatur, exsiccatur, minuitur, putrescit, dissipatur, disparet: humana corpora, animantia cætera perennem halituum copiam expiratione, sudoribus, in-

insensibilique transpiratione emittunt; eundem efflu-
viorum perennem fluxum ex odoriferis, quotquot
sunt, corporibus erumpere, olfactu ipso deprehendi-
mus: at commune jam est omnium Physicorum effa-
tum, nihil in rebus naturalibus naturaliter perire,
destrui, & in nihilum redigi, sed omnem penitus
substantiam, & materiam (miraculum Eucharisticum
excipio) a Deo, cum Mundum conderet, productam
servari: omnes igitur omnium terrestrium corporum
halitus, corpuscula, & particulæ in aerem ascen-
dunt, & hinc inde disperguntur, quoad in terræ su-
perficiem iterum relabantur. In aerem etiam exha-
lat, & dispergitur humanorum, & ceterorum ani-
mantium cadaverum caro, sanguis, cæteræque om-
nes innumerabilium fere istorum corporum partes:
infinita pene ex omnium animantium, & vegetan-
tium generibus, & speciebus individua.

129. Quanta præterea sit atmosphæræ impuritas,
& quænam in illa corpusculorum vis & massa cir-
culetur perenniter, ex sequenti *Stephani Hales* expe-
rimiento, & calculo conjicere possumus. Materia ex
vulgari, & mediocri arbore, pomo ex-gr. intra 100.
dies exhalans crustam circa totum arboris corpus
efficeret unum digitum crassam. Alit tellus plusquam
730. hominum milliones: omnibus compensatis, at-
que æstimatis, 8. libras singuli homines diebus singu-
lis insumunt, ex quibus quinque expirantur in ae-
rem: summa idcirco humanæ expirationis intra 24.
horas ad 3650. librarum milliones ascendit. Si hanc
summam unica animantium species unica die produ-
cit; quanta erit annua? Quanta omnium terrestrium
corporum summa? Statui verosimiliter potest, integram
ex omnibus corporibus evaporationem diurnam esse 8.
cubicarum hexapedarum milliones, hoc est, duas leu-
cas cubicas: annua igitur est 730. leucæ cubicæ. (a)

130. Vapores, & perenne substantiæ effluvi-
um ex plurimis corporibus erumpere, ipsis etiam oculis de-
prehendimus: plura alia, & subtiliora mycrosco-
piis armati detegimus; ut ea omittam subtilissima cor-
puscula, & fumos tenuissimos, quos sub solis or-
tum,

(a) *Hales Statique des vegetaux.*

tum , & paulo ante occasum oculis observant illi , quos *Vedores* hoc est , *videntes* , appellamus , qui scilicet aquas sub terram labentes vident , aut videre dicunt : penes quos sit fides . Id in optica versabimur argumentum . Aer igitur , qui terram circumambit , innumeris omnium terrestrium corporum corpusculis , atomis , substantiis ubique , & semper scattet . Nolim tamen credas , omnium terrestrium corporum atomos in qualibet aeris regione , tractu , aut angulo reperiri , aeri v. gr. Lusitano aromaticos Indiae , aut Brasiliae halitus admisceri : æ potissimum atomi , & halitus in aliquo aeris tractu innatant , & permiscentur , quæ ex illius regionis corporibus elevantur : nisi aliunde , ut plerumque fit , ventorum beneficio alia trahantur corpuscula .

COROLLARIUM.

131. Ex dictis abunde liquet , aerem esse corpus impurissimum ex innumeris diversarum substantiarum corpusculis constatum . Rudem earum recensitionem proponit *Muschembrock* (a) ; quam tu ipse longius deducere facile poteris . En capita , & ordo ab auctore proposita , meis tamen verbis concepta .

1. Omnes odorum substantiæ ex plantis universis , earumque floribus , & fructibus elicitaæ .

2. Vegetantium aquæ , ab iis multiplici de causa exhalantes .

3. Spiritus plantarum ardentes , & volatiles ex illis , earumque succis natura , aut arte parati , quibus natura ipsa , & humana industria sæpissime utitur ad diversos usus , & effectus peragendos .

4. Volatilia plantarum olea , actione caloris per aerem dispersa .

5. Diversi plantarum sales , facti a natura volatiles .

6. Plurimum etiam terræ volatilæ , quod una se cum deferunt subtiles fuliginis , olei , salium particulæ .

7. Quidquid subtile ex animalibus expirat , sudor
olea,

(a) *Elem. Phys. n. 1180.*
Mont. Phil. Tom. V.

olea, & salia animalium subtilissima, a vivis, aut mortuis cadaveribus exhalantia: quibus quidem nominibus plurima significantur inter se diversa.

8. Immensa vaporum copia ex omni aquarum genere, fluminibus &c. elevati.

9. Sulphura ex ardentibus, aliisque non dissimilibus montibus, & terræ tractibus elevati.

10. Multiplicia oleorum, & salium genera, quæ ex fossilibus, terris, aliisque corporibus fermentatione, solisque, & ignis actione, aliisque causis inferius proponendis exhalant, & volatilia sunt.

11. Quamplurimæ diversi generis particule, quæ a metallis, metallicisque corporibus, eorumque fodinis igne solvuntur, & elevantur in aera.

12. Plurimæ tandem minutissimæ plantæ, & animalcula invisibilia; subtilissimaque plantarum semina.

Tanta sæpe est in aere harum substantiarum, seu halituum massa, ut tertiam partem ponderis aeris efficiant copiosi illi diversorum corporum vapores, & exhalationes: ut accurata *Stephani Hales* demonstrant experimenta (a).

132. Hæc & plurima alia substantiarum genera nobis parum nota terrestrem componunt atmosphæram. Sunt illa proculdubio partes substantiales eorum corporum a quibus elevantur, propriamque naturam in diversa illa statuum, & locorum vicissitudine servant. Rem satis evincunt ratio, & experimenta. Nulla substantia materialis de novo fit, nulla etiam destruitur. Corpora per continuatam evaporationem, aut expirationem sensim attenuantur, & diminuuntur, ut videre est in floribus, oleribus, & id genus aliis: quia scilicet continuam particularum, & propriæ substantiæ jacturam faciunt, subtilioresque eorum partes avolant. Nisi ita fieret, nihil esset, cur corporum moles sensibiliter quotidie diminueretur.

133. *Secundo*. Fumus ex aqua abulliente, aut fervente sursum erumpens, manu, aut quocumque in vase receptus, & collectus in sensibiles aquæ guttas conformatur: idem est de aliorum quorumcumque flui-

(a) *Hales statique des veget. append. experim. 6.*

fluidorum fumo, seu vaporibus, ut omnes ii norunt, qui diversorum corporum fumos examinant, & chymicorum meditantur experimenta. Corporum igitur fluidorum halitus sunt ipsorummet corporum partes substantiales, & propria substantia: idem vero est de solidorum corporum effluviis.

Tertio. Tenuis ille ebullientis aquæ fumus, & vapor solari radio illustratus, si mycroscopeo inspicatur, & attente observetur, nihil aliud esse deprehenditur, quam spissa minimarum aquæ bullularum congeries, quæ calore rarefactæ & inde leviores sursum erumpunt. Rem apud omnes certam multis non prosequamur.

SCHOLIUM.

134. *Ex immensa hac vaporum, & exhalationum copia fit, atmosphæram non esse perfecte pellucidam; sed plurimos lucis radios e sole in aeris superficiem illapsos hac illac inordinate reflectere: ut facile animadverteret, qui supra atmosphæram terrestrem a sole illuminatam existens, oculos in eam intenderet. Aerem tamen purum esse perfecte pellucidum, nullumque idcirco habere colorem, auctor esse nolum. Atmosphæra enim vero proprius est cæruleus ille cælestis, quem dum oculos in Cælum circumquaque intendimus, ubique deprehendimus, & quem ex infantie præjudiciis Cælestis nescio cujus superficiei proprium judicamus; cum ille color non in Cælo, sed in ipsa terrestri atmosphæra existat.*

135. *Primo. Ubinam est Cælestis illa superficies cæruleo colore prædita? A terra per universum firmamentum, per spatia fere immensa innumeris leucarum millionibus circumquaque extensa, nil nisi fluidissimum ætherem ex omnium jam Astronomorum sententia agnoscimus: æther autem aere nostro longe subtilior, & rarior lucis reflectendæ, & refringendæ penitus impar existit; nullumque proinde habere potest colorem. Si igitur prædictus color in atmosphæra non existit, id unum superest, ut per plures leucarum milliones sit a Tellure diffusus: in ea autem immensa leucarum distantia equis oculus cæruleum colorem posset deprehendere; cum cæruleum corpus ad exiguam unius, aut alterius millia-*

rii distantiam aut penitus disparcat, aut in nigrum vertatur colorem?

136. Secundo: Cæruleus color, ut de aliis item dicemus in loco, ex radiorum solarium reflexione, & refractione ortum ducit: ad immensam tamen superficiei cælestis distantiam radii solares non pertingerent, neque illinc observari, aut deprehendi posset sol, ut in *Astronomia physica* habes demonstratum. Fixarum ne radii in eam superficiem illapsi, reflexi, & refracti eum efficiunt colorem? at pauciores, & remissiores sunt fixarum radii, quam ut vividum adeo colorem in immensa a nobis distantia efficere possint.

137. Tertio. Radii lunares noctu Cælo sereno in charta alba excepti cæruleum in ea colorem exhibent (a): lux autem lunaris ea tantum ratione colorem aliquem contrahit, quatenus per medium eodem colore præditum pertransit, & transeundo tingitur, ut alibi explicamus: nullum autem aliud in præsentī casu medium est ad id rei aptum præter atmosphæram. Utrum cæruleus color ab ære solum, an ab ære cum vaporibus permixto proveniat, nullus facile pronuntiabit.

138. Unde tamen est, quod in ære tantummodo longinquo præfatum colorem observemus, in eo autem a quo proxime circumcingimur, nullum colorem deprehendimus? Resp. Non qualemcumque aeris massam sufficere, ut sensibilem in nobis coloris speciem efficiat: seu quod idem est, ut radii solares per ærem transcentes ita afficiantur, & modificentur, ut colorem referant; ingentem aeris tractum pertransire necesse est: hoc autem ex aeris raritate provenit. Simile exemplum habes in vino rubello; parva enim illius gutta vel nullam vel insensibilem rubedinem contrahit; insignis quantitas virida rubedine oculos afficit.

PROPOSITIO XV. PROBLEMA.

139. Modum, & peculiarem legem, atque causam, quæ halitus terrestres e suis corporibus sursum elevet, secundum *Physicæ Hydrostaticæ* leges explicare.

Immensa vaporum, & exhalationum, hoc est, diver-

(a) Mariotte de la nature de l'air.

versatum substantiarum vis perenniter a terra elevatur in atmosphæram. Mirabilia illic producit phænomena, inferius explicanda: iterumque in antiquam labitur tellurem. Quænam perennis illius fluxus, & elevationis causa? Hujusmodi difficultatem, quæ non levis est momenti, uno vel altero verbo vulgares Physici expediunt, majorem scilicet halituum, quam aeris, raritatem, levitatem, & circumstantis aeris pressionem in medium afferentes. De hac quidem causa conveniendum est; illius tamen leges discutientæ: sunt præterea, qui halituum elevationem ex solis virtute, & subterranei caloris repellente derivent: hæc omnia, earum vires, leges modum examinemus.

140. Dico igitur 1. *Vis illa attrahens solis, aut repellens caloris subterranei non sunt halituum elevationis causa physica.*

Primo enim vires illæ non materiales existere in natura non probantur. Si etiam darentur, quorsum tandem ab attrahente sole non elevarentur vapores; ab ipso semper magis & magis ascendendo attracti?

Secundo. Subterraneus calor sunt ipsimet subterraneorum corporum halitus motu perturbato agitati, & sursum erumpentes: a quo autem hujusmodi calor sursum impellitur, & vim alia corpuscula impellendi accipit?

Tertio. Fumus aquæ ferventis, aut corporis accensæ, & inflammati intra recipiens evacuatam sursum nunquam ascendit, sed deorsum semper relabitur; quantumvis magnus sit & circumflans & subterraneus calor, & solares radii ardentissimi; præfata igitur halituum elevationis causa, nisi aliæ etiam admittantur, est liberum prorsus commentum.

141. Dico *Secundo.* *Ex multiplici causa terrestrium corporum halitus ascendunt in atmosphæram, & primo quidem ex solari, & subterraneo calore; Secundo: Ex majori superficie, quam, dum calore dilatantur, acquirunt: Tertio. Et potissimum ex circumstantis aeris pressione: Quarto. Ex iisdemmet causis ex quibus per capillares tubos ascendunt liquores, quas superius explicavimus.*

Facile intelliguntur, & suaderi possunt relatæ omnes causæ, Solari, & subterraneo calore, & ignibus incalescunt corpora; dilatantur eorum partes,

intestino motu perturbatae cientur, aliae ab aliis dividuntur, ampliantur, in volumen longe majus crescunt, & capaciorem longe superficie terminantur. Igne enim particulae tenues, rariae, subtiles, multiplici motu agitatae per aquae, & liquorum poros se se insinuant, parietes concutunt, laxant, subvertunt, minimis poros ingrediuntur, alias ab aliis particulas multipliciter agitando avellunt, explicant, inflant & in bullas tenuissimas, seu insensibiles vapores conformant, & resolvunt, subtiliores igitur corporum particulae a crassioribus separatae, atque calore solari, & subterraneo rarefactae majorem, quam ceterae corporis, & ambientis aeris particulae, levitatem acquirunt, sursumque avolant.

142. *Secundo.* Aer circa terrae superficiem magnopere compressus, & condensatus, fluidorum more omnia corpora circumquaque premit, premendo expellere loco, & elevare nititur; quo autem subtiliores, rarioreque fuerint corporum particulae, eo minus incumbens, & circumstantis aeris pressioni, & actioni possunt resistere; quo majus enim est ejusdem massae intra fluidum grave existens volumen, eo minus resistit, facilius expellitur, & elevatur. Equidem terrestrium corporum vapores (idem de exhalationibus dicendum) dum calescunt, longe magis, quam aer, rarefcunt: particula aquae in vaporem redacta, in volumen 1400. vicibus majus, quam antea, distenditur, ut facto experimento, & calculo subducto,prehendit. *Muschembrock (a).*

Est igitur volumen vaporis ad volumen aquae ejusdem ponderis, ut 1400. ad 1. Volumen autem aeris ad volumen aquae aequalis ponderis est, ut 1000. ad 1. Volumen igitur vaporis ad volumen aeris ejusdem ponderis est, ut 1400. ad 1000. sunt autem voluminum ejusdem ponderis raritates directae, ut volumina; raritas igitur vaporis est ad raritatem aeris, ut 1400. ad 1000. at sunt gravitates inverse, ut raritates: gravitas igitur aeris prope terram existentis est ad vaporis gravitatem, ut 1400. ad 1000; aer igitur aquam, & vapores ita premit, ut eos sursum facillime elevare possit.

143. Bene est, inquis, aquam calefcentem vapores sursum ob comprimentem aerem elevandos ex se emittere, demus parumper: sed ex ipsa etiam nive, ex gelu, & frigidissimis corporibus vapores erumpunt, & sursum elevantur, cum eorum volumina, & pondera paulatim imminui Physici deprehendant: nix scilicet terræ superficiem cooperiens intra paucas horas aliquando disparet: gelu etiam aeri frigidissimo, & radiis solaribus impervio expositum sensim minuitur. Resp. Nivem, & gelu majorem saltem partem disparere, eo quod illius partes ab aeris, & terræ humore solvantur, liquecant, defluant, & intra tellurem imbibantur. Pars tamen non exigua solvitur in vapores: sed est etiam in gelu, & nive calor, ut inferius demonstrabitur. Id præterea aliis causis referendum est in propositione adstru-
ctis.

144. Neque enim soli calori vapores rarefacienti id rei tribuitur sed externi aeris pressione, vapores, tamquam spongia, per tubos capillares sugentis, & elevantis, ex iisdemmet causis, quibus per dictos tubos ascendunt liquores. Postremis vero hisce causis magnam partem deberi vaporum elevationem, fusior indicati modo experimenti explicatio confirmat. Quod scilicet ex aqua congelata sensibilis, & magna evaporatio erumpat cælo etiam frigidissimo, periculo facto experti sunt *Muschembroek*, *Perrault*, *Walerius*, & alii: quorum primus e glaciei cubo quatuor unciarum ad solem non exposito, & cælo congelante 4. grana inter 24. horas defecisse in vapores resoluta, experimento didicit: quin imo plus vaporum e glacie, quam ab aqua soluta sub eodem cælo, & circumstantiis erumpere, expertus est *Walerius*: & quodnam in glacie ignis, aut caloris vestigium? *Secundo*. Hyberno tempore fiante vento frigidissimo mirum in modum exsiccantur corpora, lacus, paludes. Non igitur ab igne, aut calore solum elevantur vapores, sed aliis causis in propositione assertis res est tribuenda: quæ præsentibus sunt, & iis effectibus sufficientes.

145. *Tertio*. Insensibiles particulæ quo majori superficie comprehendantur, eo majores ab aere comprimente ictus recipiunt, eoque facilius repetitis impulsibus cedunt: notum enim est, fluida media,

quale est aer, in solida corpora secundum superficierum rationem agere, & impellere.

Quarto: Denique Aeris particulæ ramosæ, flexibiles, striatæ secum ipsis implexæ innumeros, & continuos inter se canales minutissimos spongiæ instar efficiunt; totaque proinde aeris massa terræ incumbens, velut magna spongia innumeris capillaribus tubis hinc inde interspersis scatens considerari debet. Cum igitur insignis hæc spongia, & disseminati per ipsam canales, seu capillares tubi terrena corpora fluida, & solida semper tangant, & premant; terreni halitus, & particulæ sursum per ejusmodi canaliculos eleventur ob easdem causas, quibus liquorum per tubos capillares ascensum supra retulimus.

146. Enim vero ea corpora, quæ intra aquam, aut alia fluida dissolvuntur, ut sal, saccharum, & mille id genus alia, ope tuborum capillarium, quorum innumeram copiam aquæ partes, & columnæ efficiunt, superius ascendunt, huc illuc disperguntur, licet sint graviora, quam ipsa aqua: quidni igitur idem in aere fiet? Est enim fluidum subtile, elasticum, innumeris poris refertum, qui tuborum capillarium instar habendi sunt. *Secundo*. Per apertos, & satis amplos spongiæ canales, atque tubulos multipliciter intortos, angulosos ad summitatem usque spongiæ superiorem ascendit aqua, quam inferius contingit. Per similes igitur canales in aere dispositos ascendunt vapores, accedente potissimum crassioris aeris circumstantis pressione.

147. *Tertio*: Quia ea demum una ratione intelliguntur difficilia alias ascensionis, & sustentationis vaporum, nubium, & pluviae phænomena, quæ soli calori, & igni tribui nequeunt. Hinc enim bene intelligitur 1. vapores modo ad majorem, ad minorem modo altitudinem ascendere, pro vario, & vaporum & aeris statu. Ampliores enim modo, angustiores aliquando sunt capillares aeris tubi, seu pori. 2. Aere humido minor vaporum copia, quam sicco elevarur: per spongiam enim aqua saturatam, qualem aer humidus refert, difficilius, & minor, quam per siccam, ascendit aqua. 3. In pluviam condensantur, coeunt, & resolvuntur vapores; cum aer iis refertus constringitur, & condensatur, veluti cum spongia liquore referta manibus comprimitur, aquam copio-

piose exprimit . 4. Multoties etiam repentino calore , aere vaporibus saturato incalcescente , copiosa descendit pluvia . Capillares enim tubi , qui aquam retinebant , calore dilatati eam sustinere nequeunt , sed emittunt , ut superius explicavimus , cum de tubis capillaribus sermo fuit . 5. Fit etiam aliquando , ut cælo omnino claro , nullisque nubibus obducto prægrandes depluant guttæ . Ex iis plurima consequuntur fusius statim explicanda .

148. Dico Tertio: *Fluidorum in vapores resolutio , eorumque elevatio , & suspensio igni seu materiæ electricæ e globo Telluris in atmosphæram erumpenti magnam partem debetur* . Post tot electrica experimenta quot paucis abhinc annis tota in Europa fuerunt instituta , atque scrupulose examinata , hanc etiam notissimi phænomeni causam usque ad nostra tempora ignotam prætermittere non possumus . Primo enim ipsasmet nubes , hoc est , terrestrium vaporum congeries , esse electricas negari omnino non potest ; cum id ab experimentis habeamus , quæ inferius referemus , cum de fulminum natura disputemus . Quamdiu enim vero pluvium est Cælum , atque nubibus obductum , magnam in nubibus ipsis electricitatem animadvertimus , quæ tamdiu durat , quoad in pluviam penitus resolvantur (a) . Jam vero materia electrica nubibus seu vaporibus ab aere non communicatur : a tellure illa materia ascendit : ascendendo viam sibi facit per medium aerem : id autem peragit mediis corpusculis communicatione electricis , quæ secum defert : aer enim origine electricus prædictæ materiæ resistit ; corpuscula vero communicatione electrica sursum per aerem ascenduntia sunt ipsimet vapores . Omnia hæc luculenter demonstramus , cum de Electricitate , & Fulminum natura instituimus disputationem .

149. Materiam electricam vehementissima impellendi virtute esse præditam , magno impetu e corporibus electricatis emitti , evibrari , & effluere , leviora corpora , in quibus inest , secum deferre , sursum attollere , in aere suspensa sustinere , quamdiu ab
 ipsis

(a) *Beccaria . Elettric. naturale , l. 10. p. 166.*

iplis corpusculis non avoiet, experimentis electricis edocemur (a). Nobis etiam constat magnam ignis electrici vim e terra erumpere, & per atmosphæram diffundi, atque insimul vapores esse corpuscula levia & communicatione electrica. Si ergo materia electrica secum defert, sursumque attollit corpuscula communicatione electrica, cujusmodi sunt vapores, quibus quasi *deferentibus* ipsa sibi per medium aerem illi aliunde resistens viam faciat; si ex globo telluris dicta materia perenniter effluit, atque sursum circumquaque profilit, consequens est, ut vaporum elevatio istiusmodi causæ veræ, & sufficienti referatur.

150. Duo præterea sunt, quæ rei veritatem mihi ulterius confirmant: vaporum scilicet elevatio hyberno tempore a corporibus frigidissimis, qualia sunt gelu, nix, & alia quamplurima. *Secundo*: Ipsarummet nubium formatio: quæ enim causa vapores elevatos, & in aëre suspensos in unum cogit? Deberent potius ad instar fumi per totum aerem dispergi, atque distribui: nihilominus nubes diversâ corpora inter se sejuncta componunt. Aliunde autem sciimus materiæ electricæ indolem esse, ut corpora communicatione electrica ad se mutuo impellat, cogat, & in unum corpus adducat. His & aliis, quæ brevitatæ gratia prætermitto, facile credo, materiam electricam potissimum habere locum inter Physicas causas elevationis vaporum.

151. Omnia quidem de electrica virtute asserta, cum experimentis plane consentiunt luculenter inferius exponendis; nova hæc elevationis vaporum causa jure merito hoc in loco adstrui, aut indicari debebat. Ea vero est hujus materiæ índoles, imprimis notanda, quod non modo particulas secum attollat, aëre minus, aut æque graves, sed longe etiam illo graviores deferat, & in atmosphæra sustineat. Rem modo asserimus, modum atque rationem inferius daturi.

CO-

(a) Vide, quæ dicimus de Electricitate.

COROLLARIUM I.

152. Quo igitur ardentior fuerit in terrenis corporibus calor a sole, vel ab ignibus subterraneis proveniens; eo copiosiores halitus, vapores & exhalationes in atmosphæram ascendent. Cum enim calor, aut ignis sit causa raritatis; pro majori illius intensitate major etiam erit in corporibus raritas; facilius & copiosius corpuscula ab se invicem separantur: majorem levitatem acquirunt, & ab circumstanti aere pressa copiosius elewantur. Hinc est, quod panni quicumque, aut quælibet alia corpora madida, & igni, aut soli, ut exsiccantur, exposita, eo facilius & brevius exsiccantur, quo propius adinvenitur ad ignem, aut ardentiori exponuntur soli. Eatenus enim corpora exsiccantur, quatenus ipse, quo interiorius exteriusque madescunt, humor & liquor calore in vaporem conversus exhalatur.

COROLLARIUM II.

153. Hinc etiam est, quod corpora madida aeri exposita, exsiccantur interdum, nonnumquam tamen magis humectentur, pro vario scilicet aeris statu, & existentium in ipso vaporum copia. Aliquando enim aer ita est aqueis vaporibus pertusus, ut ejus canales & partes sint magnam partem madidæ, & quodammodo dilutæ: in spongiæ igitur modum, aqua penitus imbibitæ, vapores potius ex se guttatim distillat, & in corporum, quæ tangit, superficiem diffundit, quam eos e corporibus accipiat, & velut exhauriat. Nonnumquam tandem vaporibus non admodum plenus, aquea corpuscula e madidis corporibus calore exhalantia intra se recipit, & premendo elevat. Tum vero potissimum exsiccantur corpora, cum ventus spirat aridus, qui aquam e corporum superficie radas, radendo sursum attollat, & secum deferat in atmosphæram.

COROLLARIUM III.

154. Hinc etiam infertur, majorem vaporum, & exhalationum vim e terrenis corporibus interdum quam noctu, æstate, quam hyeme sursum elevari, si cæ-

si cætera sint paria . Major enim æstate, quam hyeme, interdiu, sole scilicet terras illuminante, & calefaciente, quam noctu viget calor, præcipua nimirum causa, ex qua vaporum elevatio pendeat . Ad didi tamen, si cætera sint paria; quia plurimas patitur exceptiones hæc propositio . Fit sæpiissime, ut majus hyeme, quam æstate, noctu, quam interdiu sit aeris pondus, major intra corpora humiditas, copiosior liquor, major interdum etiam fermentatio, & subterraneus calor: ex quibus fiet, ut copiosior noctu, quam interdiu, hyeme quam æstate vaporum copia elevetur . Effectuum non una ex eorum causis, sed omnes simul vera sunt mensura .

COROLLARIUM IV.

155. Intra Zonam torridam copiosiores etiam elevantur vapores, quam intra temperatas, & frigidas, cæteris tamen paribus . Sol perpetuo inter Tropicos existens, Torridæ regiones efficacius calefacit, quam cæteras Zonas, quæ hinc inde a Tropiciis ad polares circulos, a polaribus ad polos jacent . Plurimæ tamen sunt in Zona torrida regiones, quæ vel ob perennem, qui illic spirat, ventum, vel ob alias causas, quas inferius examinabimus, sunt magis temperatæ, & calore minus ardenti perfruuntur, quam aliæ regiones in Zonis temperatis sitæ: mirum igitur non erit, si minor ex illis, quam ex illis vaporum copia elevetur . Si expolitæ causæ vim cum plurimarum Zonæ torridæ regionum in America, & Africa situ conferas; aliasque immensis maribus circumdatas, ut in America, alias aridissimis continentis terræ tractibus circumseptas esse animadvertas, quæ quidem est Africæ conditio; tum vero quæ miram illarum regionum temperiem, aut intemperiem causa efficiat, quæ flumina, imbres diluvium referentes producat, facile concipies . Sed hæc impræsentiarum indicasse satis .

COROLLARIUM V.

156. Ex iis locis, quæ corporibus humidis, calidis, & facile inflammandis magis abundant, major va-

vaporum vis erumpit, quam a cæteris, licet à sole acrius incalecant. Corpora, quæ citius, & facilius inflammantur, subtilioribus constant particulis, plurimo item interno igne abundant: facilius igitur subtiles ejusmodi particule calore dilatantur, & sursum ob aeris pressionem avolant. Hinc circa paludosa loca nebulæ plerumque æstivo tempore, mane potissimum observantur. Loca etiam sunt adeo arida, ut pluviosum cælum, nivem, grandinem, pluvias numquam videant: cujusmodi sunt arenosa illa peruanæ regni littora per 700. & amplius leucas ab æquatore ad austram protensa, Ægyptus, Thebais, aliæque interioris Africæ provinciæ.

COROLLARIUM VI.

157. Aer, seu atmosphæræ tractus cuicumque regionis proprius, iis potissimum vaporibus, & exhalationibus scatet, quas ejusdemmet regionis corpora ex se emittunt: nisi frequens ventus alios ex aliis regionibus, ut plerumque fit, adducat vapores; & quos transcurrentes illic offendit, alio etiam secum deferat. Halitus enim, seu subtilia corpuscula e corporibus expirantia sursum recta ut plurimum, & quoad sensum ab aere premente attolluntur, usque dum ad eam altitudinem deveniant, in qua æqualis raritatis, & ponderis aerem offendant, factoque æquilibrio suspensa hærent; donec casu aliquo (inferius explicando) in pristinam densitatem, & liquoris statum reducta in tellurem relabantur.

COROLLARIUM VII.

158. Terrestria corpuscula, seu vapores ad diversas altitudines in atmosphæra ascendunt: pro vario scilicet atmosphæræ, ipsorumque vaporum calore, raritate, pondere, & pressione. Quo enim gravior sit premens aer, & exhalatio levior; in altiore ascendunt locum juxta Hydrostaticæ leges. Diversa igitur erit, pro varia anni statione, calore, & aeris temperie, vaporum, ipsiusque atmosphæræ altitudo. Quin immo pro locorum diversitate diversam esse vaporum elevationem, & atmosphæræ altitudinem opus est: cum varia sit alio & alio tempore,
& lo-

& loco caloris solaris, & subterranei intensitas, aeris & vaporum raritas, ac proinde elevatio. Hinc altiores ut plurimum æstate, quam hyeme nubes esse observamus, crassiores enim, & graviores sunt hyeme vapores, ex quibus constantur nubes: humiliores igitur esse necesse est.

COROLLARIUM VIII.

159. Hinc est, quod vapores altius interdum, quam sub noctem ascendant; quin imo qui diurno, & solari calore rarefacti sursum ascendunt, nocturno frigore correpti, & condensati in inferiorem aerem, vel in terram relabuntur, & descendunt. Locum etiam in atmosphæra identidem mutant vapores: altius modo assurgunt, inferius statim descendunt; cum varius & inconstans semper sit atmosphærae status. Innumeros, qui intra atmosphæram visuntur, effectus, phænomena, & metheora, quorum materia, & causa sunt iidemmet vapores, & exhalationes, inferius fule explicabimus. Interim majoris explicationis gratia duo, quæ opponi possunt, solvamus argumenta.

160. Opponi potest I. Si aer, velut immensa spongia, innumeris capillaribus tubis utrimque perforata ponitur per quos aqueos, terreos &c. halitus sursum elevet, inque capillares tubos vaporum ascensio refunditur, dubium iterum fiet aeris pondus, ex quo quamplurima phænomena, & effectus hætenus explicavimus, atque deduximus: iterumque in antiquum *Vacui horrorem*, antiquæ Philosophiæ lemurem e physica feliciter eliminatum relabimur, quo nihil pejus in veram philosophiam committere possumus. Resp. Aeris gravitatem luculentissime a Physicis demonstrari, supra vidimus; neque citra aeris pondus illa, quæ in atmosphæra visuntur, phænomena ederentur. Deinde liquorum per tubos capillares ascensio in ipsius aeris gravitatem ex parte etiam refunditur. Tandem neque liquorum in tubis amplioribus suspensio, neque eorum, qui a tubis capillaribus refugiunt, intra capaciores tubos elevatio in capillares tubos, sed in aeris crassioris pressionem referri potest.

161. Opponi potest II. Intelligi explicarique nequit, quo tandem pacto vapores, & halitus fiant rarefundo leviores. Dum enim rarefcent; corporis sinus, &
nova

nova receptacula aeris particulis replentur : ita ut soli parietes ex vaporis materia consistent ; at conflatum ex aere , & yapore , seu liquore , v. g. a qua , non est aere iplo levius , ut ex se patet . Non levem difficultatem attingimus . Resp. Ampliatam aquæ particulam duplici de capite fieri posse circumstanti aere leviozem : Primo , quia ejus pori , & sinus sunt majorem partem vacui : Secundo , quod si disseminata vacua non admittas , intra vaporis , seu particulæ superficies , atque parietes ætherem seu subtilem materiam introire , & admittere opus est : quæ quidem materia subtilis aut nullam in se habet gravitatem , aut , quod verosimile est , crasso aere levior existit .

162. At , si nulla sunt in aquea particula , seu vapore disseminata vacua , inquis , erit vaporis particula æque densa , atque aurum ipsum , seu materia , & corpus omnium gravissimum : est igitur vapor corpus gravissimum : neque per aerem ascendere , aut elevari potest . Hujus difficultatis solutio ex iis , quæ de gravitatis systemate diximus , petenda est . Vel igitur disseminata vacua sunt admittenda ; vel iis rejectis , omnino tenendum est , non omnem materiam esse gravem : quod quidem nos de igne elementari , materia fluidissima , & subtilissima per universa corpora terrestria , & atmosphæram diffusa inferius statuemus . Quod si Neutonianus aliquis subridens contendat gravitatem , seu attractionem esse universalem proprietatem materiæ juxta Neutonianam regulam , *qualitates corporum , quæ intendi , aut remitti nequeant , & omnibus corporibus conveniunt , in quibus experimenta capere licet , pro universalibus habendas esse* ; ridentem pariter ridebis : universalem gravitatem , & allatam regulam serena fronte inspicari , eorumque probationem incalendas græcas affectendam expectare potes . Equidem *Petrus van Muschembroek* , Physicus præclarus , qui Neutonianam philosophandi rationem tenebat , gravitatem in luce non agnoscebat (*) : hinc autem totum corruiit systema : *Bor-*
rha-

(*) *Quantumvis alio in loco non modicam a luce gravitatem provenire corporibus statuat . Elem. Phys. c. 26.*

rhæve in Physica experimentalī, & Medicina plane egregius, de gravitate aeris puri nimium dubitabat (a). Sed difficultatem in nostra sententia tollit vis elastica.

PROPOSITIO XVI.

163. *Inter cæteras vaporum, & halituum proprietates præcipua, & maximi momenti illa est, quod aerem reddant salubrem, aut insalubrem, seu salubritas, aut insalubritas aeris.*

Physicum modo maximæ utilitatis attingimus argumentum. Præcipua hic quæritur vulgaris quidem phænomeni, magni tamen momenti causa. Regiones sunt, in quibus saluberrimus est aer: in aliis plurimarum ægritudinum existit causa. Sunt etiam, quæ aerem indigenis sanum, advenis nocivum habent: cuiusmodi sunt *Angola*, insula *D. Thomæ*, insulæ prope promontorium *viride*, *di cabo verde* nuncupatæ, & alia loca. Generatimque infinita fere est aeris, seu temperamenti in diversis regionibus, quod salubritatem, vel insalubritatem attinet, varietas. Unde ista? A puro aere, una eademque causa, esse non potest tanta effectuum diversitas. Ex adverso in infinita illa vaporum, & exhalationum vi atque varietate, qui in aliis, & aliis regionibus diverso plane modo aerem inficiunt, in oppositis eorum naturis, proprietatibus, & fermentatione multiplici tot aeris qualitarum agnoscimus causam.

164. Plurimæ, & familiares observationes ab omnibus passim hominibus factæ, & breviter a nobis indicandæ, propositionem evincunt. Aerem generatim admodum vaporosum, humidum imprimis, humentibus terræ tractibus & stagnantibus aquis incumbentem, fere semper experimur insalubrem. Contra vero in puriori regionis atmosphæra, si cætera aliunde sint paria, suavius semper vivimus, respiramus, agimus: liberior animus, spiritus vivacior, major fibrarum, & musculorum agilitas. Nimio illo humore lentescit vis aeris elastica, siccitate, & puritate in-

ten-

(a) *Chemiæ P. 2. de Aere.*

tenditur: eamdemque rerum vicissitudinem humana sentiunt corpora, in aere semper immerfa, circumdata, penitissime perfusa.

165. 3. Torpidus aer eidem semper telluris tractui incumbens; parumque ventis agitatus animantibus plerumque est insalubris. Vento non spirante, elevati semel vapores eo atmosphæræ tractu diuturno tempore torpent, fermentantur, non depuratur aer, difficiliorque procedit corporum expiration, ad animantium, vegetantiumque nutritionem, functiones, & vitam adeo necessaria. Aer iis jam corporum halitibus saturatus ulteriorem eorundem expirationem difficilior recipit. 4. In huiusmodi locis vespertinus aer post solis occasum noxius ut plurimum, matutinus vero suavior, atque salubrior. Priori illo tempore; frigefcente atmosphæra, vapores frigore addensati in tellurem paulatim relabuntur, inferioremque aerem, quem interea respiramus, nimis humidum efficiunt, atque impurum. Mane idcirco subsequente, vaporibus jam in terra lapsis, aerem respiramus puriorem.

166. 5. Præter communes hæc, & plurimas huiusmodi observationes, infinita alia suppetunt ejusdem veritatis argumenta, tristi sæpe experimento confirmata. Pauca è multis attingamus. Fumus, aut ipsi sulphuris vapores momentarium est venenum. Noxias pariter experimur cupri, plumbi, carbonis terræ, aut vulgaris exhalationes in caveis, aut cameris sparsas. Subitanea sæpe morte corripiuntur homines, qui male cauti aerem hisce halitibus saturatum respirant. Notissimus omnibus est tristis ille Cornutensis pistoris casus (*de Chartres*), quem in pistoria camera accensorum illic carbonum halitus enecavit, septemque alios unum post alterum, in eandem cameram ingressos pari violentia interfecit. Similes sæpe casus in subterraneis metallorum fodinis in clausis cameris, ubi accenduntur carbones, quin aeri pateant spiracula, in caveis etiam, & cellis, quibus vel fermentant liquores, vel magna fructuum vis asservatur, & fermentatione maturescunt, in chymicorum officinis accidere, quotidiana habemus exempla. Factum sæpe legimus, & scimus, ut repentina suffocatione morerentur homines, vix ac vaporem per foramen e vini dolio erumpentem inspirabant. Satis aliquando est, cellam cerevisiæ ingredi, in qua

magna ejus liquoris vis fermentet, neque liberum habeat spiraculum, ut illico cadant mortui.

167. Puteum sibi notum testatur *Saintignon*, cujus aqua potui quidem salubris, capacitas tamen ea vaporum malignitate scatebat, ut homines laborandi causa illuc descendentes suffocatione morerentur: cujus quidem casus oculatum testem se fuisse tradit citatus auctor (a). Hujusmodi vapores in carbonum fodinis e terræ fissuris tamquam subtilissimæ aranearum telæ exhalare, & hac illac moveri videntur: vix ac lucernæ lumen attingunt, perinde ac tormenta bellica disploduntur, hominesque ad terram dejiciunt violenta morte necatos. Ad 60 aliquando, 70, aut 80 homines vel unica ejusmodi dispositione moriuntur. Præsentis, aut impendentis mali indicium est languescens candelæ lumen: remedia vero prompta luminis extinctio, fugam illico arripere, aut sese in faciem in terra distendere: imprimis vero curare, ut priusquam ad fodinæ laborem descendatur, exhalati vapores displodantur (b).

168. Neque respiratione tantum, sed & per innumeros animantium, vegetantiumque corporum poros & immittentia vasa innatantes in atmosphæra halitus ingrediuntur, ingressique afficiunt, excitant, debilitant, enervant intimas corporum partes, a quo tandem salubritatis, aut insalubritatis causæ proveniunt, aut effectus. De postremis hisce vasis in Physica viventium proprius erit differendi locus.

PROPOSITIO XVII.

169. *Atmosphæra terrestris in perpetuo semper, & perturbato insensibilem, & sensibilem partium motum in ejus superficie, tum intra illius massam, & profunditatem existit.*

Cum per universam telluris superficiem, & atmosphæram continua sit frigoris & caloris, raritatis & densitatis vicissitudo ob variam tempestatum, stationum, & fermentationum, solaris, terrestrisque caloris

(a) *Desaguliers. Cours de phys. vol. 2. pag. 126.*

(b) *Hales statique des vegetaux.*

loris perennem mutationem ; necessario fiet , ut per omnem atmosphæram continuus sit vaporum , & exhalationum motus sursum deorsum in latera , & versus omnes partes : modo enim calefcentibus corporibus , & rarefactis corpusculis , halitus ascendunt ; frigefcente statim atmosphæra ; & telluris superficie , densati iterum vapores relabuntur . Hac in parte calore rarefcent vapores , & cum vaporibus aer , dum in circumpositis regionibus & aer , & vapores frigore condensantur : aer autem , & vapores condensati fluidum efficiunt gravius , quod in aeris rarioris , & levioris , minusque proinde resistentis locum inferius recta , aut obliqua elabatur ; necesse est , juxta peculiare pressionis , & fluxionis corporum fluidorum leges .

170. Ventî etiam hac illac secundum multiplicem directionem spirantes sursum , deorsum , versus omnia latera , vapores , atmosphæramque continue interturbant ; variorum locorum , regionum , & corporum halitus secum deferunt , & permiscunt . In eodem etiam loco dum aer inferior , & terrestria corpora calefcent , vaporesque sursum in atmosphæram altiore emittunt ; suprema , aut media aeris regio innatantesque illic vapores frigore densati ad inferiorem aerem alii , ad terram utque cæteri relabuntur . Alii etiam vapores , pristina densitate acquisita , tarde labentes ascenduntium vaporum , in quos incurunt , calore iterum rarefacti partim sistunt , partim in superiora regrediuntur .

Eodem fortasse hujusce rei ideam concipies , si in solatæm radium in obscuram domum ingressum oculos intendas ; innumeras enim illic natantes atomos hac illac versus omnes partes volitare animadvertes : licet crassiora tantummodo corpuscula aspicere possit hebes oculorum acies . Quod si supremam atmosphære ipsius superficiem considerare lubeat ; notabilem etiam rerum , & phænomenorum vicissitudinem , & figuræ mutationem fieri necesse est .

P R O P O S I T I O XVIII.

171. *Licet figura atmosphære seu suprema illius superficies spherica esse debeat , & haberi possit , spectata solummodo aeris , & vaporum , fluidi nimirum gravis,*

natura; reapse tamen versus polos est depressior, altior versus æquatorem.

Quoniam atmosphæra terrestris est corpus fluidum in telluris centrum grave; supremæ illius partes eandem a centro habere deberent distantiam, ut fluidis omnibus commune est; & idcirco componi in sphæram: cum ea sola sit figura, cujus superficiei omnia puncta æqualiter a centro distant: unde si tellus, & atmosphæra quiesceret, nullaque exterior causa ejusmodi æquilibrium perturbaret; eam figuram procul dubio haberet atmosphæra. Nihilominus tamen tellus non est perfecte sphærica, ut alibi demonstramus; sed pressior ad polos, ad æquatorem elatior; eandem igitur figuram aeri, seu atmosphæræ tribuendam necesse est; cum idemmet corpus & terra, & atmosphæra constituent.

172. Præterea ex aliis capitibus deducitur propositio. Terram, & ærem circa suum axem diurna vertigine moveri, adstruunt fere omnes Astronomi, nos semper supponimus: partes igitur versus æquatorem sitæ, & majori celeritate proculdubio circumvolutæ vi centrifuga majori donantur: sunt igitur aliis partibus longius ab æquatore circumactis leviores; longius igitur a telluris centro recedere necesse est; nota enim est fluidorum proprietas, quod levius à graviore sursum impellatur; aer per Zonam Torridam circumquaque terram cingens altior est, quam versus polos; ac proinde etiam atmosphæra in eandem, aut similem componitur figuram.

Ex motu & calore solis eadem deducitur veritas. Sol extra Tropicos numquam excurrans, longe ardentius Zonam Torridam calefacit; ejus igitur Zonæ aer, & vapores magis a solari calore rarefcunt, ac altius etiam ascendunt, quam per alias Mundi plagas. Deinde quo magis ad polos accedimus; eo intensus est frigus; minor proinde aeris, & vaporum raritas, majus pondus, & ascensio per atmosphæram minor.

173. Opponi possunt duo: Atmosphæra terrestris est immensa quædam massa fluida, terram undique circumcingens, & in ejus centrum gravis: ergo circa hujusmodi centrum componi debet in sphæram. Sicuti ob aliquam ex allatis causis amplius aer, seu fluidum elevatur; in laterales illico partes, ubi depressior

sior est, effluere debet juxta legem omnibus fluidis peculiarem: tandem igitur suprema aeris superficies in sphaeram compopetur. Resp. Ex argumento sequi solummodo, aerem in suprema ejus superficie ab æquatore versus polos perenniter effluere, & dilabi; unde si alius semper in dilabentis locum non succederet aer; teneret argumentum. Cum tamen causæ modo adductæ semper existant; eundemmet effectum semper efficiunt: perenniter quidem a torrida versus Zonas temperatas effluet aer; in affluentis tamen locum etiam perenniter elevabitur, & prædictam atmosphæræ figuram conservabit.

174. Opponi 2. potest. Hydrargirum in barometris ad majorem altitudinem sullinetur in regionibus polo proximioribus, quam prope æquatorem, ut ex observationibus *Richer*, & aliorum, quas alibi retulimus, plane constat: gravior igitur est versus polos, quam in Zona Torrida atmosphæra, & major aeris massa: erit igitur versus polos altior, versus æquatorem depressior atmosphæra. Resp. Minor aeris gravitas ad æquatorem, quam versus polos majorem, aut minorem elevationem atmosphæræ non probat; sed ex eo nascitur, quia vapores in regionibus extra Zonam Torridam sitis sunt crassiores, & magis densi, quam in Torrida ipsa: licet igitur aer sit in his regionibus depressior, majus tamen habet pondus. Adeo, aerem circa æquatorem esse a Telluris centro remotiorem, quam juxta polos; alibi enim docuimus, eo minorem esse corporum gravitatem, quo magis a centro removeantur.

COROLLARIUM.

175. Ille aeris tractus, cui sol perpendicularis incumbit, ob majorem, quem à sole recipit, calorem, & ortam ex calore raritatem, & levitatem, supra lateralem aerem attollitur, & vastum supra aerem efficit cumulum: cum autem Sol 24. horarum spatio revolutionem suam conficiat, aliique semper, & alii aeri, & regioni perpendicularis respondeat; inde fiet, insignem aeris cumulum in Zona Torrida perpetuo solem comitari ab ortu in occasum, non quia aer cum sole deferatur, sed quia alius & alius attollitur cumulus. Alias subinde supra aerem in suprema atmos-

phæræ superficie mutationes perpetuo evenire credimus; hic enim calore aliquo rarefactus, & elevatus, velut in montem assurgit, illic frigoris causa condensatus, & gravior in vallem deprimitur: hæc tamen sensibilem illam sphæræ figuram parum turbant, ut de terrenis montibus, & vallibus, majorique ejuldem terræ in æquatore elevatione diximus, & demonstravimus.

ATMOSPHERÆ ALTITUDO.

176. Si eadem esset aeris inferioris, & superioris a telluris superficie ad supremum utque atmosphæræ densitas, & pondus; facillime illius altitudo eliceretur; hydrargiri enim in tubo torricelliano, aut barometro ad montis insignis, & notæ altitudinis radices, & supra summitatem observata diligenter suspensione, atque altitudine, ad quam suspensus hæret; altitudinum etiam differentiam dignoscimus; unde per regulam auream tota aeris altitudo sequenti analogia eruitur. Quoniam 2. digitos v. g. altitudinum differentiam, columna aeris datæ montis altitudini æqualis, sustinet; ad 28 digitos sustinendos quota aeris altitudo opus est?

177. Verum, ut superius jam probavimus, non eadem est aeris in diversis altitudinibus gravitas: eo minus est pondus quo minor est compressio, seu major elevatio. Neque certum est, qua proportionem hujusmodi aeris gravitas, & pressio decreascit, ut inde institui possit calculus. Inferioris aeris pondus data opera, & periculo pluribus in montibus, atque vallibus diligentissime factis, sæpius explorarunt *Cassinus*, *De la-Hyre*, *Picart*, *Bougner*, & plures alii: neque tamen eorum calculi exacte sibi respondent: quod nequaquam mirandum; cum in delicatissimo negotio, quod a pluribus causis physicis nondum satis notis pendet, facillimum sit a vero deflectere. Juxta *Cassini* observationes 12 hexapedis altitudinis aeris linea hydrargiri respondet: *Phylippus De la-Hyre* 10 solum hexapedas cum 5 pedibus observatione comperit.

178. Hoc postremum cum aeris gravitate supra a nobis stabilita melius cohæret. Hujusce indagationis difficultas vel ex eo dignosci potest, quod unius lineæ de-

descensio difficilime in barometro exacte omnino discerni, & observari possit. Licet vero aer aeri incumbens, illumque premens, & ad majorem densitatem redigens in causa sit, ut ab atmosphæræ summo ad terram usque aeris densitas, & gravitas gradatim crescat, quod est rationi, & experientiæ consonum; nihilominus aeri intra unius milliarii extensionem in altitudinem exsistenti citra sensibilem errorem prædicta gravitas attribui potest, ut *Cassiani*, *Maraldi*, *De-Chazelles* observationibus edocemur (a).

179. Hac igitur methodo exacte numquam habebitur atmosphæræ altitudo. Potest tamen insignium montium, civitatum, regionum supra maris libellam elevatio satis accurate dignosci. Duobus enim barometris similibus eodem tempore supra montem, aut intra civitatem, & ad maris littora, vel loco alio, cujus elevatio supra maris superficiem sit nota, liquoris altitudines, earumque discrimina observentur: computatisque ad singulas elevationis lineas 10. hexapedis & addito insuper ad primam lineam, seu 10. hexapedas pede uno, duobus pedibus ad secundam, tribus ad tertiam &c. nullo negotio montis altitudo elicitur.

180. Alia methodo rem eandem aggressi sunt Astronomi, ope scilicet refractionis, quam radii solares terrestrem atmosphæram ingredientibus patiuntur; crepusculumque matutinum, & vespertinum efficiunt. Posito enim infra horizontem AB (*Fig. 12*) sole S, ejus radii SC atmosphæram ingressi ex variis, quas offendunt, atomis CF versus spectatorem E refringuntur, & reflectuntur. Hujusmodi refractione fit ut sol S infra horizontem adhuc existens in puncto G supra horizontem appareat. Illius igitur ope ad atmosphæræ altitudinem cognoscendam Trigonometrico calculo perungere contendunt: eum tamen prætermittimus; quia incertis aliquibus nititur principiis.

181. Hac tamen ratione, quam *De-la-Hyre*, & *Halley* (b) potissimum coluerunt, atmosphæræ altitudinem ea, qua fieri potuit, industria ad 15, aut 16

F 4

leu-

(a) *Mem. de l'Acad.* 1703. a pag. 229.

(b) *Mem. de l'Acad.* 1713. pag. 34.

leucas statuerunt. In id fere omnes conveniunt, atmosphæram plusquam 6 leucas in altitudinem extendi, ad 15 aut 20 pertingere. *Alazen*, & *Vitellio* (quibus fere consentiunt *Clavius*, *Ticho*, *Longomontanus*, & *Cabæus*) milliaria Italica 51 atmosphæræ tribuunt (a): *Mariotte*, *Cassinus*, *Picardus*, *Scheuchzerus* 20 leucas, aut 25; *Volfus* denique 40 milliaria Italica: verum ipse etiam *Cassini*, & *Mairan* altitudinem atmosphæræ ad 200, vel 300 leucas, & forsitan longe amplius extensam posuere. Is esse videtur horum academicorum sensus, ut crassiores vapores, & sensibiles halitus ad 20 leucarum altitudinem attingant, ad aliam vero 200 milliariarum aliquando eleventur halitus subtiliores. Mea opinione atmosphæræ altitudo, ad quam terrestres vapores, & exhalationes copiose ascendunt, ad 20 leucas præter propter statui potest. Sensibilia phænomena his temporibus observata sunt ad eam altitudinem elevata. Altius adhuc subtiliores halitus eleventur: nubes tamen ultra duo, aut tria milliaria vix umquam ascendunt.

ATMOSPHÆRÆ MUNERA.

182. Innumera pene sunt, quæ terrestris atmosphæræ ope ab authore naturæ Deo accepta referimus beneficia. Sapienti scilicet consilio magnam gravis aeris massam telluri circumposuit Deus, ut plurima inde in hominum vitam derivarentur commoda. Et primo quidem sublata atmosphæra, omnis Zona torrida esset penitus inhabitabilis. Ardentissimis enim solis radiis semper subjecta, nullisque vaporibus, ventis, aut pluviis temperata in magnos hiatus dehiscens tellus, ardentissimo æstu conflagraret; at terrestris atmosphæræ beneficio temperatissimo Cælo perfruuntur quamplurimi earum regionum incolæ: hic enim pluviis, ventis, nubibus; nebulis alibi irrigatur tellus, Cælum obducitur, refrigeratur aer, & ardentissimo caloris æstu mitigato mirabilis enascitur temperies.

183. Sub-

(a) Vide *Ricciol. Almag. l. 1. c. 31.*

183. Sublata etiam atmosphæra, nulla essent matutina aut vespertina crepuscula, ut jam in Astronomia Physica demonstravimus, quo Lectorem remittimus, ne illic exposita in hunc locum transcribamus. Quin etiam atmosphæra acceptum referre debemus, quod per immensum oceanum innumeris periculis superatis hinc ad remotissima orbis littora transfretemus; nullus sit in tellure angulus, ad quem navigia appellere non possint, pluresque hominum nationes in unam velut familiam mutui commercii causa uniantur, & non levia inde lucra homines reportent: atmosphæra enim sublata, nulli essent venti; necessarium navigationis subsidium.

184. Mirabilis etiam illa temporum, & stationum diversis in locis, immo & in eadem regione varietas, diversaque climatum temperies magnam partem atmosphærae debentur. Agrorum fertilitas ab eodem etiam principio derivatur: ecquam enim in terris fertilitatem experirentur agricolæ, nisi copiosi de Cælo imbres, rores, nives, aura serotina, & plurima alia, quæ statim explicabimus, metheora terram identidem sæcundarent, & colonorum spem alerent. Quid quod a plurimis etiam infirmitatibus ambientis aeris, seu atmosphærae beneficio liberamur, firmam valetudinem servamus incolumes; prudentique medicorum fere omnium consilio pluribus subinde ægrotis ad recuperandum sanitatem remedium injungitur, quod solum vertant, saniozem quærant aerem, patriam revisant.

185. Concipe parumper sublatum e medio aerem, & consequenter atmosphæram: nulli amplius essent corporum odores, non sonus, respiratio, vita. Quænam a ventis non accipimus beneficia! Ii vero sunt atmosphærae munera. Omnium vegetantium, & animalium nutritio ab atmosphæra etiam derivatur: Uno verbo, nisi esset atmosphæra, tellus nostra horridus esset, atque inhabitabilis planeta a præseuti rerum statu toto cælo alienus. Atque mirabilia hæc atmosphærae munia, & beneficia argumentum id existunt, quod fusc prosequimur integro sequenti tractatu.

DE METHEORIS.

S E U

DE IIS , QUÆ IN ATMOSPHERA
TERRESTRI VISUNTUR.

P H Æ N O M E N I S.

186. Pulcherrimum , & jucundissimum particularis Physicæ tractatum , *Μετεωρῶν* scilicet Græce , sublimium latine phænomenorum , seu effectuum discussionem aggredimur ; in qua & jucunda , & utilia , & scitu necessaria occurrent plurima . *Metheora* aut vera sunt , aut solum apparentia ; posteriora hæc sunt *Iris* , *Parhelia* , *Halones* , & alia inferius exponenda : primi generis phænomena sublimia in triplici sunt differentia ; vel enim sunt *aërea* , vel *ignea* , vel *aëqua* . Cum autem hæc omnia intra terrestrem atmosphæram existant phænomena ; ea hoc loco explicare , postquam Aeris , & terrestris atmosphærae naturam exposuimus , rerum ipsarum ordo videtur postulare .

L E C T I O V.

De Ventorum Natura , nomine , numero , Historia , causis , directione , motu , & qualitatibus.

D E F I N I T I O .

187. **V**entus est aeris de loco in locum translatio sensibilis . Id & nomine significamus , & facile experitur quisquis vento agitur . Ut ventorum directiones , numerum , & id genus alia dignoscere possis ; te ipsum in telluris superficie , & in horizontis centro locatum finge , omnemque horizontis circumferentiam circumspecta in 360 gradus divisam.

DE-

DEFINITIO.

188. Ventorum directio multiplex : alii enim , & potissimum , ab uno ad aliud horizontis punctum , puta a Septentrione ad austrum v.g. diriguntur , & horizontales nuncupantur , de quibus præcipue sermo est : alii a tellure sursum erumpunt , & spirant perpendiculares ad horizontem ; alii item oblique : alii denique ab aere deorsum recta , vel oblique spirant ; rariores tamen sunt . Horizontales ventos prosequamur ,

DEFINITIO

189. Totidem numerari possunt venti , quot in horizonte sunt diversa puncta : ne tamen multitudine obruamur quatuor primum distinguimus : *Cardinales* nuncupamus , propterea quod e 4 præcipuis horizontis plagis *Septentrione* , *Meridie* , *Oriente* , *Occidente* spirant : & barbaris quidem vocabulis in toto oceano inter occidentalis Europæ nationes usitatis appellantur *Nord* , *Sud* , *Est* , *Ouest* . Per quadrantem integrum singuli a se invicem distant , & horizontem in quatuor æquales partes dividunt . Latina ventorum nomina , & Germanica alia , seu barbara e regione posita , quibus nautæ potissimum in oceano utuntur , in subiecto Schemate habes : ordine autem ab *Oriente Est* versus *Austrum Sud* progrediuntur (*).

CAR-

(*) Desunt tamen plurima nomina latina , imo & aliqua a nobis adhibita non satis nostræ ventorum divisioni respondent : propterea quod Romanorum tempore , & pauciores ventos distinguebant , & aliam eorum divisionem statuebant , ut videre est apud A. Gellium l. 2. c. 62.

CARDINALES, *Sexdecim alios in-*
 ET COLLATERALES: *termédios Ventos vi-*
 NOMINA. *de in Figura 13.*

<i>Latina.</i>	<i>Germanica.</i>	O C T O INTERMEDI PRÆCIPUI
Subsolanus	Est	
Eurus	Sud-est	
Notus, seu Auster	Sud	
Africus	Sud-ovest	Est-sud-est
Zephyrus	Ovest	Sud-sud-est
Caurus, seu Corus	Nord-ovest	Sud-sud-ovest
Boreas	Nord	Ovest-sud-ovest
Cæcias	Nord-est	Ovest-nord-ovest
		Nord-nord-ovest
		Nord-nord-est
		Est-nord-est

In mari Mediterraneo alia nomina iisdem Ventis tri-
buuntur, quorum initiales litteras demonstrat figura.

T. Tramontana	Nord.	G. T. Greco-tramontana
L. Levante	Est.	G. L. Greco-levante
O. Ostro	Sud.	S. L. Sirocco-levante
P. Ponente	Ovest.	S. O. Sirocco-ostro
G. Greco	Nord est.	L. O. Garbino-ostro
S. Sirocco	Sud est.	L. P. Garbino-ponente
L. Garbino	Sud ovest.	M. P. Maestro-ponente
M. Maestro	Nord ovest.	M. T. Maestro-tramont.

(Fig. 14.)

DEFINITIO.

190. Horizontales Ventos *Strabo* statuebat 6; 10
Aristoteles, *Varro* 12, *Vitruvius*, *Kircherus*, & post
 eum omnes Europæ nationes 32 (a). Primi quatuor,
 &

(a) *Almagest*. l. 2. part. 6.

& præcipui *Cardinales*, quatuor alii, etiam præcipui *Collaterales* appellantur, propterea quod inter *Cardinales* pari a singulis distantia constituuntur; desumptoque ab iis, inter quos existunt, vocabulo nuncupantur *Nord-est*, *Nord-vest*, *Sud-est*, *Sud-vest*. Octo, qui sequuntur, venti inter cardinalem, & collateralem interpositi, ab eorum, quibus adstant, nominibus peculiare, & barbarum vocabulum derivant; dicimus *Nord-nord-est*, qui inter *Nord-est* & *Nord* intercipitur. Sexdecim tandem arcibus inter sexdecim recensitos ventos æqualiter divisis, sexdecim alii enascuntur, ut in *Rota Nautica* videre est; eorum nomina maxime barbara ex nomine venti cardinalis, & collateralis addita voce *quart* componuntur, v.g. *Nord-quart-de nord-est* eum dicimus ventum, qui ex *Nord* ad *Nord-est* progredienti primum occurrit.

D E F I N I T I O .

191. Venti *perennes* sunt ii, qui in aliqua regione ab eadem plaga semper spirant: cujusmodi est ventus in *Zona torrida* ab oriente semper in occidentem directus. *Venti Periodici* ii nuncupantur, qui certa temporis statione in aliquo loco a certa plaga statim dierum aut mensium numero spirant, quo elapso penitus cessant, quoad anno, aut periodo revoluta, statim iterum tempore ab eadem plaga excitentur. Horum celeberrimi sunt *Etesia* in mari *Jonio*, *Græciæ* littora alluente, quæ a *Caniculæ* initio per 40 dies tribus horis ab ortu solis numeratis solummodo agunt.

192. Venti *Generales* sunt, qui per magnum plurimarum *Provinciarum*, regionum, aut regnorum numerum ab eadem cæli plaga spirant. *Provinciales*, qui in certo solum regno, aut *Provincia* regnant. *Regulares* sunt, qui certo tempore, & directione efflant. *Irregulares*, seu *liberi*, qui plagam, aut tempus non servant, sed & directionem subinde mutant, & incerto tempore durant.

193. Quod ad ventorum historiam spectat, neque omnia, neque nulla attingenda: neutrum enim præscripta operis ratio, & limites paterentur. Qui exactam, & amœnam ventorum historiam scire velit, adeat

adeat *Varenium* (a) & *Dampierium* (b), e quibus selectiora transcripsit *Muschenbrock* (c) & *Buffon* (d). Ex his, & aliis præcipue autem ex Lusitanorum nautarum diariis, relationibus, & experimentis pauca accipe. *Primo*, in Zona Torrida ventus ab oriente in occidentem perpetuo spirat, atque ad 30 latitudinis gradus extenditur, & hinc difficilius ab Europa in Indiam orientalem, quam ab India in Europam navigatur. *Secundo*, alii etiam inter tropicos perennes sentiuntur venti *Nord-est*, *Sud-est*: seu potius venti illi perennes in Zona torrida a sectione orientali horizontis, & tropicorum in occidentem agunt: & potissimum observantur in mari atlantico. *Tertio*, extra tropicos, a gradu scilicet latitudinis 23 ad 40 usque, ventum ab occidente spirantem fere semper experiuntur nautæ. Unde qui e Brasilia, Nova Hispania, aliisque Americæ regionibus australibus in Europam solvunt, extra tropicos se subducunt, ut facilius in Europam appellant.

194. *Quarto*: Celebres sunt in India, & Arabia venti periodici, quos *Moussons* Galli, & Batavi, *Moncoens* Lusitani appellant: hyberno tempore ab una; æstivo ab altera opposita plaga efflant; primo scilicet a punctis inter Boream, & Eurum, seu *Nord*, & *Est*; secundo a punctis inter *Sud*, & *Ovest*, seu Meridiem, & Zephyrum spirant. Quinto per universa Peruanæ imperii littora, 700 & amplius leucas protensa, ab austro tantummodo spirat ventus toto anno. Sexto per omnem Europam sunt venti maxime variabiles, & incerti. Septimo in oceano, seu freto inter Sinam & Japoniam sito frequentissimi sunt *Typhones*. A parva nubecula, quæ sensim, & brevissime augetur, & totum occupat horizontem, incipiunt, & sursum deorsum hac illac versus omnem plagam, & turbine etiam facto, simul diriguntur.

Octavo: Ad *Bonæ spei* etiam promontorium ejusdem fere generis typhones experiuntur Nautæ. Nono

tan-

(a) *In Geographia.*

(b) *Traité des vents.*

(c) *Elem. Physicæ cap. 41.*

(d) *Buffon histoire naturelle tome 1.*

tandem celeberrimæ sunt apud Græcos *Etesia*, periodici, & provinciales venti, quos supra retulimus. His animadversis, & per summa capita indicatis, ad alia descendamus.

PROPOSITIO XIX.

195. *Causa ventorum Generalium in Zona Torrida spirantium non est telluris vertigo, ut aliqui sibi persuasum habuerunt.*

Si a telluris vertigine esset ille ventus; in omnibus regionibus, & Zonis ab ortu in occasum spiraret, ac proinde non esset torridæ Zonæ peculiare phænomenum. Cum enim omnis terra in præfata hypothese circa suum axem in Orientem revolvatur; per omnem telluris superficiem ventus contraria directione spiraret.

II. In hypothese terræ motæ etiam aer, & tota atmosphæra eodem temporis spatio una cum tellure circumvolvitur: nullus igitur ab eo motu ventus oriretur: ad eum modum, quo vector intra navim una cum aere delatus nullum ab aere secum delato ventum experitur.

III. Ejusmodi ventus 10 tantum pedes singulis minutis secundis percurrit: contra vero tellus, seu locus sub æquatore diurna vertigine latus 1423 pedes eodem tempore conficit. Enormis hæc celeritas supradicto vento competeret, si ab ea causa proveniret.

PROPOSITIO XX.

196. *Venti generatim omnes ex rupto aeris æquilibrio gignuntur: id vero æquilibrium rumpendi multiplex existit causa: præcipue sunt calor, frigus, ponderis, aut elasticitatis mutationes, fermentationes aeræ, electricismus naturalis.*

In ventis distingui semper debent excitatio, directio, vires, velocitas, qualitates. Primum modo quaerimus: seu quænam causa impellat aerem, ut ab uno loco irruat in alium? Cætera omnia ventorum phænomena, seu affectiones ex causæ modo, & viribus profluunt, atque circumstantium locorum dispositione. Si ergo illud caput, totius rei cardinem genera-

ralem ventorum causam inveniamus, & explicemus; magna non erit in reliquis expediendis difficultas. Cum in re præsentī nihil hæcenus legerim, quod humanæ menti faciat satis; promittamne ego ex me aliquid melius? Quid mihi saltem post diuturnam argumenti meditationem, & cum naturalibus causis, earumque legibus collationem in mentem venerit, ita in medium produco, & mihi probo, ut lectoribus tamen tenendum relinquam, aut rejiciendum.

197. Ventus, quicumque tandem ille sit, est physica translatio aeris: hoc est, liquidi corporis fluxio, diuturnior, aut brevior, perennis, aut interrupta, uniformis, aut inconstans. Est igitur fluidum in simile fluidum irruens, illudque ante se e loco pellens, & pone fluendo insequens: aut etiam aereum flumen aliis sane legibus, atque aqueum fluens. Hujusmodi fluxio fit semper in pleno, in atmosphæra aerea. Aer fluit per aerem, & in aerem fluit, ab aere, seu virtute aliqua cietur. Rursus in hujusmodi fluxione distinguenda sunt fluendi principium, continuatio, finis, seu extinctio. Quodnam fluendi principium & causa? Tota atmosphæra ex indole fluidi gravis in terræ centrum ponderantis, esse deberet fluidum stagnans, in sphæram compolitum, servato inter ejus partes æquilibrium. Aereum mare stagnans tibi considera, quo una cum tellure immergi circumdamur. In aquarum oceano, qui stagnans deberet esse fluidum, varii excitantur semper, & peraguntur motus: sicut vero in mari sunt fluctus, fluxus, refluxus, vortices, contrarii torrentes, multiplicesque alii aquarum motus, & translationes: in aereo etiam mari multiplices etiam peraguntur motus, & aeris translationes a marinis non dissimiles, quas nuncupamus *ventos*.

198. Si atmosphæra, ut mare interim omittamus, stagnans semper esset fluidum, illiusque partes æquilibrium inter se servarent; nullus sequeretur earum in alias motus, seu ventus. Ea enim est vis æquilibrii in corporibus universis in sese mutuo agere conantibus, ut æque mutuo impendantur, & in quiete conserventur. Omnis igitur ventus est rupti æquilibrii partium aeris consequentia: seu æquilibrii ruptio inter diversos atmosphære tractus necessarium est ventorum principium: tamdiuque durabit ventus, quam-

quamdiu ruptum servabitur æquilibrium . Illæ præterea causæ , ex quibus ejusmodi æquilibrium rumpitur , ultimæ haberi debent physicæ ventorum causæ . Quænam principia dictum æquilibrium rumpant , & totius rei modum ex notis causis , viribus , & legibus physicis deducamus .

199. Singuli atmosphæræ tractus sibi ordine contigui , se se mutuo ex fluidorum gravium indole , & elasticitate undequaque premant (a) ; tamdiu erunt inter se immobiles , quamdiu duæ illæ vires , pondus , & elaterium sint æquales . Si igitur in duobus atmosphæræ tractibus non admodum a se se distitis harum virium inæqualitas inducatur ; ab uno in alium irruet aer , & spirabit ventus . His vero rationibus inæqualitas illa producet , si inæqualiter augeantur , aut minuantur in utroque loco ; si in provincia una crescat , aut decrescat , dum interim in alia manent constantes : si in alia intenduntur , dum in alia remittunt . Atque in singulis hisce combinationibus multiplex esse potest graduum discrimen . Similiter inæqualitas illa elasticitatis , quæ in re præsentî præcipuum caput est , brevior , aut diuturnior , constans , aut varia esse potest : prout causa elasticitatem augens aut minuens , aut conservans brevior , diuturnior , constans , aut variabilis exstiterit .

200. Jam vero 1. aeris elasticitas frigore semper intenditur : calore etiam augetur , si eadem maneat illius densitas , aut minus hæc decrescat , quam ille augeatur . 2. Calore tamen ita ut plurimum rarefcit aer , ut illius elaterium minuat . 3. Infiniti etiam sunt diverforum corporum halitus ; puta sulphuris , aliorumque plurimorum , qui cum aere permixti ejus elasticitatem destruunt , aut admodum imminuunt . Rem explicavimus in superioribus , & experimentis demonstravit *Stephanus Hales* (b) . 4. Diverforum etiam corporum , seu substantiarum fermentationibus aerem sæpe produci , multoties etiam absorberi , seu ejus elaterium modo infringi , modo intendi , res jam est in physica certa . In atmosphæra proculdubio in-

fini-

(a) *Hydrostaticæ lect. 14. Phys. vol. 2. lectione 18.*

(b) *loco superius citato .*

Mant. Phil. Tom V.

finitzæ quotidie fiunt hujus naturæ fermentationes . Quid enim hujusmodi in immenso illo promptuario tot subtilissimorum spirituum , seu substantiarum inter sese permixtarum , & in sese semper agentium non fiet ? Res censeretur prodigio similis , si hæc aliquando interromperetur fermentandi vicissitudo .

201. Hæc omnes aerei æquilibrii rumpendi causas in atmosphæra existere , infinitis modis inter se combinari , ex iisque naturale inter diversos aeris tractus æquilibrium rumpi , res est plane certa . Si in iis ergo *existentibus* causis præterea demonstrarem *sufficientem* omnium ventorum *rationem* ; ab iisque facile deducantur , & explicentur universa ventorum phænomena , vires , directiones , periodi ; tum vero plane constabit propositio . Hæc cum dico , vim etiam electricam intelligo inter ventorum causas a nobis assertam . De illa statim sermo erit . Ordine remotam evolvamus .

202. I. In diversis partibus vastissimi atmosphærae tractus continuas fere esse caloris , frigoris , densitatis , raritatis , ponderis , elasticitatis vicissitudines : multiplicique ratione alternas hæc vicissitudines , aeris status , & qualitates inter se combinari , & secundum intensiorem , locum , durationis tempus variari communis est observatio .

203. II. Si igitur vastam aliquam provinciam , & atmosphæram , velut aereum mare elasticum , illi incumbentem consideres : Italiam v. gr. ejusque atmosphæram ab alpebus ad extremam usque Calabriam protensam , & maribus undique fere circumdatam mente concipias : relatas qualitatibus , & rupti æquilibrii aeris vicissitudines animadvertes .

204. III. Aeris densitate in aliquo atmosphærae tractu v. gr. ad alpes ob majus frigus , aut pondus acta ; major etiam illic intendetur ejus elasticitas . In adjacentes igitur regiones , Italiæ provincias , ubi incumbens aer est rarior , minus elasticus , minusque idcirco resistens , irruet , & perenniter fluet : quamdiu ruptum non reparetur æquilibrium .

205. IV. Familiare totius rei exemplum ad caminos , & ad ignem illic accensum assidentes habemus . A tergo semper experimur ventum , seu aerem versus caminum fluentem . Necessariam id esse scimus rupti æquilibrii consequentiam . Calidior in camino est

est aer; rarior, minus elasticus, minus resistens: frigidior ex adverso, densior magis elasticus est qui a tergo existit in aperta, & libera camera. Continua hinc & perennis versus caminum posterioris aeris irruptio, fluxio, ventus: Quo quidem in exemplo sequentia facile vides: 1. rupti æquilibrii causas: 2. ex rupto æquilibrio sequi semper ventum. 3. tamdiu hunc fluere, quamdiu illud non reparetur: 4. fluentis aeris vim, & velocitatem semper esse in rupti æquilibrii, seu inæqualitatis virium ratione: 5. si alterne rumpatur, & re reparetur æquilibrium; alterna etiam fiet spirantis, & cessantis venti vicissitudo: 6. Sæpe etiam aerem e camino superne effluentem, & iterum frigescentem circulatione facta versus cameram, & caminum fluere accidet: 7. Si aeris in camino existentis elasticitas tota destrueretur; circumstans aer toto atmosphæræ pondere, seu vi elastica in caminum fluere.

208. 8. Aer in postrema hac hypothési in vacuum fluens 1305. pedes in uno minuto secundo præter propter conficeret. Eam esse aeris in vacuum fluentis velocitatem observatione, & calculo deduxit *Papin* (a): velocius igitur fluere, quam propagetur sonus. Secundum observationes Londini factas maxima ventorum velocitas est 66. pedum in singulis minutis secundis. Ex observationibus Lutetiæ Parisiorum habitis ad 32. tantum pedes ascendere existimatur (b). Quamcumque status veram; velocitas aeris in vacuum ad maximam velocitatem major est; quam 19. ad 1. Vacuum quidem in atmosphæra non existit perfectum: aeris tamen raritate aliquo in tractu aucta, aut elasticitate diminuta, imperfectum quoddam inducitur vacuum, seu tale virium discrimen, quale esse conspicitur inter spatium elastico aere plenum, & spatium imperfecte vacuum. Cum hæc inæqualitas virium agendi ex una parte, resistendi ex alia, a summa quidem illa inter vacuum, & plenum differentia admodum distans, per infinitos fere gradus

du

(a) *Transact. Philos. in comp. redactæ* vol. 1. pag. 586. *Hales statique des vegetaux append. exp. 3.*

(b) *Saintignon Cours de philos. tom. 5. pag. 180.*

das possit augeri, atque minui; aeris fluxio a majore densitate, & elaterio in minorem resistentiæ tractum facta a celeritate illa pedum 1305. erit quidem longissime remota, satis tamen superque erit ad summam quamcumque ventorum celeritatem hucusque notam producendum, & effectus quoscumque agendos.

207. Quæ hucusque dixi, ex quotidianis constant experimentis, observationibus communibus, materialium causarum viribus, & theoria. Si hæc arte nostra peraguntur, quid non natura? Quot & quanti in telluris superficie, & atmosphæra naturales camini, aut tales rerum positiones, quæ observata illa circa caminos phænomena edant, & longe plura possint, atque majora? Plus sæpissime calefcit in una, quam in vicina regione aer: phænomena habes observatis ad caminum similia. E vicina igitur provincia frigidiori fluet in primam ex rupto æquilibrio aer: en ventum ex sua causa productum. Durat illa caloris inæqualitas per aliquot dies? ad quasdam diei horas intenditur, minuitur, interrumpitur, instauratur? Exigua est aut magna inæqualitas illa virium, seu frigoris & caloris æquilibrium tandem restituitur? Quid hisce vero usitatus? Habes igitur in quotidianis hisce vicissitudinibus ventum perennem, auctum, imminutum, intermittentem, instauratum, vehementem, aut tenuem, & tranquillum tandem aerem. Aer ille a frigidiori tractu fluens in calidiori vicissim calefcit, vires amittit, rarefcit, sursum pellitur, in altiori regione aeris iterum addensatus in primum, unde fluxerat, tractum regreditur, ut iterum refluat? En circumstantem ventum, veluti in camino sæpe aerem, & aereum vorticem, qui a multiplici locorum dispositione produci potest.

208. Alterne sæpe in iis provinciis, aut aeris tractibus mutatur pondus, frigus, elasticitas: en igitur ventum priori directæ, aut obliquæ oppositum. Sæpissime fit, ut frigus aliqua in parte intendatur, quin in vicina regione crescat calor. Perinde tamen id est ad æquilibrium rumpendum, & ventos producendos. Fieri etiam potest, & quotidie eveniet, ut ex provincia, seu tractu aeris minus elastico in magis elasticum spiret ventus. Id cum fiet, ventus ex tertio aliquo atmosphære tractu magis, duobus reliquis,
ela-

elastico per secundum in tertium spiret opus est.

209. Si quæ dixi, & electricæ etiam materiæ indolem, vires, vicissitudines, agendi rationem, uno verbo, electricitatem *artificialem*, & *naturalem* fufè a nobis inferius differendas tecum penitus mediteris; ex iis cauffis sponte veluti fluere animadvertes mirabilia alioquin ventorum phænomena, vires, vicissitudines. Niti ego me nimium amo, & mihi illud, nihil in metheoris hisce video, quod ex prædictarum cauffarum genio, statu, & combinatione, necessitate quadam non consequatur. Dabimus statim rei totius specimen.

210. Naturalem electricitatem ventorum etiam causam existere, aliasque juvare cauffas, non levibus conjecturis mihi persuadeo. Hujusmodi sunt vis ipsiusmet vaporis electrici, & electricorum phænomenorum indoles: ipsa scilicet materia ab uno in aliud corpus, aut locum fluens statum per se se efficit; tenuissimum quidem, dum illa etiam est valde debilis, qualem arte excitamus; intensissima igitur illa naturalis electricitas in atmosphæra, & globo telluris existens, & inibi sæpissime excitata, vitibusque suis fulmina, tonitrus, terræmotus, & hujusmodi alia phænomena edens, ventum infinite fere vehementiorem, hoc est, eos ventos, quos in atmosphæra experimur, efficere poterit.

211. 3. Materia electrica aeri magnopere resistit, eumque propellit, cum ipsa excitatur, & in corpore, locove aliquo accumulatur; citissime etiam ab uno ad alium locum movetur, & si per aerem sibi viam faciat, illum protrudit: at immensam pene vaporis electrici vim in atmosphæra, & globo esse, plurimis de cauffis inibi alterari, accumulari, ab uno ad alium locum transvolare, a tellure ad aerem, & vicissim omni plane directionum genere transfluere, atque explodi, res sunt de quibus dubitare amplius non permittunt numerosa experimenta circa rem electricam inferius a nobis exponenda. Ex iis præter innumera alia illud consequitur ad rem nostram faciens aerem multiplici ratione, viribus, atque directione ab electrica materia agitari, protrudi, & moveri; quod ipsa est, ventos efficere.

212. 3. Cum vix ullum in atmosphæra sit metheoron, in quod electricitas non influat, ut ex toto

hoc tractatu palam fiet ; aliaque ex parte ventorum proprietates electricæ materiæ genio sint plane conformes , iique generentur , ubi præsens semper est vis electrica , ubi densissima existit , & sæpissime alteratur ; in eam etiam , tamquam in causæ partem referenda sunt mirabilia ventorum phænomena . Sed postremum hoc ventorum principium tum plane intelligetur , cum omnia de electricis viribus inferius dicenda rite perpendantur . Unum interim referre sufficiet in assertæ causæ confirmationem . Malacia illa , procellosas tempestates in mari ut plurimum præcedens , cessat , cum materia electrica agere , & diffundi in atmosphæra incipit : tum vero malaciæ succedit ventus , eo semper magis impetuofus , quo copiosior , seu vividior excitetur electricitas . (a)

§. I.

Præcipua Ventorum phænomena ex allatis causis explicata .

213. Non melius expositas confirmabimus causas , quarum existentia in atmosphæra est indubia , quam si ex iis sponte consequi appareat definitos superius ventos , & singulares eorum proprietates . Et primo quidem ventorum directio a positione tractuum atmosphæræ pendet , inter quos ruptum est æquilibrium . Illæ positiones esse possunt secundum horizontis planum in omnes cæli plagas , vel etiam sursum , aut deorsum , recta , aut obliqua . Situs montium , unde originem sæpe habent venti , determinat eorum directionem . Ventos enim e tellure etiam gigni , & spirare , compertum est , & explicatarum causarum fert conditio . Ab alto alios terram veluti ingruere , vulgare est experimentum . Communiores sunt , aut esse nobis videntur horizontales venti ; propterea quod eos tantum animadvertimus , qui terram , ubi vivimus fluendo veluti radunt , & ex prima eorum origine , vel ex obstaculis fiunt tandem quoad sensum horizontales . Sæpe enim vero pri-

(a) *Hist. de l' Acad. royale 1752.*

primitiva directio in aliam reflexione vertitur : id quod ab objectu corporum, ab angustia, & dispositione montium, aut vallium, ab oppositi venti actione, & similibus aliis causis pendet : fitque semper secundum reflexionis leges alibi traditas.

§. II.

214. Venti e terra sæpe sursum spirant : id vero est causarum genio conforme. Et primo quidem intra terram plurimæ, & frequentissimæ sunt multiplicis generis fermentationes, quæ partim ex caloribus, & ignibus subterraneis per immensas voragines, & canales hac illac transcurrentibus, plurimosque secum diversarum materiarum halitus, adferentibus proveniunt, partim ex plurimorum multiplicis generis corpusculorum permixtione enascuntur. Ex hisce fermentationibus terrestria corpora incalescentia plurimam exhalationum copiam in aerem recta, aut oblique emittunt : quarum motu, & calore aer, quem offendunt, movetur, calefcit, rarefit, elaterio dilatatur, & ventum efficit multiplici directione varium.

215. Secundo : tellus etiam intra ejus profunditatem, & prope superficiem innumeris cavernis, lacubus subterraneis, voraginibus, cryptis scatet, quæ per spiramenta quædam, fatiscentes terræ meatus, & scissuras communicant cum externo aere. Earum plurimæ labentibus subterraneis aquis, multiplicique vaporum, & liquorum genere pervaduntur : fermentatione igitur, & subterranei ignis ope hujusmodi liquores incalescunt, in vapores resolvuntur, & per angustos, multiplices tamen canales magna vi in aerem recta, aut oblique erumpunt : ad æolipilæ modum, cujus beneficio ventum etiam pro instrumenti, & liquoris tenuitate satis validum effecimus ; non exiguam igitur ventorum vim ex naturalibus hisce, & immensis æolipilis erumpere necesse est.

216. Subterranea etiam sunt quamplurima flumina magno interdum impetu quibusdam in locis transfluentia, & præcipiti lapsu ex alto cadentia. Aerem hæc per eorum canales existentem maxime commovent, agitant, & sursum per fatiscentis terræ fissuras, & spiracula propellunt. Relatis modo causis ii

venti adscribendi sunt, qui e terra plerumque erumpunt, de quorum existentia, & numero plena sunt historicorum, & observatorum monumenta. Id de *Senta* in Dalmatia, & de rupe quadam in Cyrenai-
ca provincia refert *Plinius* (a). De quibusdam cavernis in *Danbigasa* Britanniae comitatu, ventum ita vehementem erumpere, ut vestes disjiciat, & secum deferat, author est *Gilbertus*. Similia plurima de Neapolitano regno, Germania, Polonia, Catalaunia, de Sveciae lacubus, oceano Sinensi referunt alii apud *Muschembrock* (b). Cælo etiam, & aere sereno, tranquillo mari, subsidentibus fluctibus insignis interdum in Oceani aqua fervor observatur, quam plurimarum exhalationum sensibilis evaporatio subsequitur, quæ vehementem tempestatem paulatim excitat, & producit, ut oculatus testis refert *Ficinus* apud *Regnault* (c). Plurimum hæc eadem causa in typhones confert, infame illud in mari indico ad Sinam, & Japoniam ventorum, & tempestatum genus: Typhones tepor. quidam, & sensibilis aquarum fervor, summa etiam hyeme, & sulphuris odor præcedit, ut factæ in locis observationes testantur (d). Atmosphærae idcirco elasticitas mirum in modum destruat-
tur opus est. Et hinc contrarii illi venti, seu vehementissimæ aeris fluxiones omni ex parte in se se mutuo confligentes, & conflictu ipso electricitatem excitantes, & tempestatem augentes.

§. III.

Ventus zonæ torridæ.

217. Sol intra tropicos sese semper volvens ab ortu in occasum zonæ torridæ aerem, cui incumbit, perpetuo calefacit ab ortu consequenter in occasum. Atmosphæra in montem superne attollitur soli semper respondens: totus vero ille aeris tractus infra
fo-

(a) *Hist. nat. l. 2. c. 45.*

(b) *Elem. Phys. cap. 41.*

(c) *Entret. Physiq. t. 4. letre 2.*

(d) *Mem. de l'Acad. 1687. p. 261.*

solem rarefcit, & dilatatur: aer idcirco, quem fol post fe relinquit verfus orientem, abfente fole in priflinum frigus, & denfitatem reftitutus, vi fua elaftica verfus occiduum aerem foli confequenter refpondentem, rariorem minusque propterea refiftentem illabitur: aliufque femper & alius in labentis locum ab oriente fuccedit aer: indeque generatur ventus in zona illa perennis. Ex eadem etiam cauffa fiet, ut in zonam torridam confluat aer ex oriente a tropicis, regionibusque extra tropicos, & prope illos fitis verius æquatorem: hoc eft, quod ventus ille in zona torrida perennis ab ortu non femper directe fpiret, fed inter tropicos veluti libretur, modoque ad unum, modo ad alium magis convergat inter utrumque varius (a).

§. IV.

218. Alius aliquando ventus in telluris fuperficie, alius & penitus contrarius in nubium regione fpirat; pro diverfa eorum cauffa, origine, & directionis principio. Eam porro ventorum varietatem, & ex eo, quem prope nos fentimus, & ex oppofito nubium tranfcurfu sæpe dignofcimus. Validior rupti æquilibrium pars, fuperiorem ventum creans, eft ad austrum v. gr. ut ventus, & nubes in Septentrionem moveantur; dum e contrario cauffa terreftreis venti ad boream exiftens nos verfus austrum propellit. Multoties etiam fit, ut duo aut plures venti oppofitis directionibus ex diverfis mundi plagis fibi invicem magis vel minus directe adverfentur, & occurrant. Quo in cafu plurima enafci poffunt phænomena: primo uterque ventus aliquantulum infringitur; validior tamen debiliorem vel penitus deftruit, ejufque cauffam fecum alio defert, vel aliam directionem affumere compellit. Secundo: plurimi inde nafcuntur violentiffimi turbines, & periculofi vortices. Si enim ventus vento ex adverfo occurrens, quafi per latus elabatur, intermedius aer duplici directione

(a) Rem observavit Anfon viaggio intorno al mondo pag. 36.

ne accepta in turbinem, seu vertiginem revolvitur, paulo infra explicandam.

§. V.

219. Per tota Peruani regni littora 700. & amplius leucas extensa unus semper spirat ventus ab austro, seu plaga fere *Sud-Oyvest*, e mari scilicet pacifico Zone temperatæ australis. Geographicum illius regionis situm scienti res est conceptu facilis. Longissima illa peruana littora in zona torrida jacent, ab æquatore ad austrum recta fere protensa: littorale illud solum 700. leucas longum, 10. 15. 20. latum, totum est arenosum: acus nautica ad id transmeandum opus est: eoque in solo post hominum memoriam pluisse numquam visum est cælum: licet per plurimos anni menses rarioribus nubibus semper sit obductum. Id præterea littorale solum immensa illa continua, & altissima *andium* catena, tamquam murus a natura extructus, a septentrione ad austrum producta, a ventis omnibus toto semicirculo orientali spirantibus tuetur. Ex hac locorum positione facile explicatur, & intelligitur phænomenon. In toto illo littore aer semper est calore æstuans, perinde ut reliquum atmosphæræ pacifico mari in zona torrida incumbens: rariorque est minus elasticus, quam aer ultra australem tropicum prædicto mari incumbens, & ad austrum fere extensus. Est igitur semper æquilibrium inter illius littoris, & maris pacifici in torrida zona atmosphæræ: ex hujus propterea æquilibrii, & *andium* a Quitto ad Chyle usque obiectu, ex arcu solummodo horizontis circum plagam *Sud-oyvest* spirare potest ventus. Atque cum eadem semper maneat rupti æquilibrii causa; idem semper est ventus. Arenosi etiam illius soli, ejusque atmosphæræ calor, & constans ventus vapores inibi addensari, & in pluviam resolvi non permittunt: unde in altissimos & frigidissimos andes semper propulsi, & delati in copiosissimos illic solvantur imbres.

§. VI.

220. Plurimis in locis ad solis ortum lenis multoties

ties ab oriente spirat aer : qui in eandem causam referri debet , ac generalis Zonæ Torridæ ventus . Græcorum *Etesæ* , quæ æstivo tempore in Græciæ littoribus regnant , e septentrionalium nivium solutione pendere videntur : interea enim sol Tropicum Cancræ percurrrens , septentrionales regiones , quarum plurimis per aliquot dies , hebdomadas , menses non occidit , magnopere calefacit , immensamque nivium copiam , quibus erant obductæ , resolvit . Cur tamen , inquis , in aliis regionibus septentrionalibus ejusdem , ac Græcia , climatis & latitudinis , non idem regnat ventus ? Resp. Id ex peculiari Græciæ ad septentrionales regiones situ , ex maris ægæi , Jonii , propontidis positione , ex montium Græciam dividantium , aut circumdantium objectu pendet . Alius hyberno tempore in Græciam ab austro spirat ventus , quem dicunt *Cbelidonium* , qui ex simili etiam causa provenit ; sol enim Tropicum capricorni eo tempore percurrrens in australis Africæ montibus Monomotapæ , quæ Græciæ opponitur , nives solvit , contrariumque producit ventum .

221. In oceano Athlantico a Tropico usque ad 40. latitudinis gradus ab occidente in orientem recurrit ventus ; subsolanus enim , eurus , & cæcias in altissimas Americæ rupes , & montes impacti in orientalem plagam regrediuntur , navibusque ab America in Europam vela facientibus maxime favent : seu potius americana sub dicta altitudine atmosphæra , cum frigidior deprehendatur , quam illa sit oceani , aut etiam Europæ sub æquali latitudine , ex majori elasticitate in atlanticum versus occidentem semper irrui , fluendoque ventum illum efficit fere perennem.

6. VII.

222. Periodici venti per Indicum mare spirantes ex relatis etiam pendent causis . Idem dicendum de ventis procellosis , quorum præcipui sunt *Ecnephias* , *Turbo* , *Prester* , *Exbidria* . Est autem *Ecnephias* ventus magno , & repentino cum impetu e nube erumpens . Eum experientia edocti prædicunt nautæ ex parva quadam , & subnigra nube , quæ sensim crescit , & dilatatur : illa eminens visa , illico vela colligunt , & mala , si licet , demittunt ; vix enim elabi-

bitur tempus, cum navigium impetit vehementissima, & periculosa procella. Frequentiores sunt *Ecnephie* circa *Bonæ spei* promontorium, in oceano inter Guineam, & Brauliam, nec non in mari æthiopico.

223. *Turbo* est ventus magno cum impetu in orbem actus, & vertiginoso motu concitatissimo transcurrentes: præter contrarios illos motus superius indicatos, ex quibus nascitur vortex, tertius etiam accedit, quo certa quadam directione deferitur, in orbem interim volutus. Corpora, in quæ incurrit, in orbem circumagit, lussum elevare, secum deferre adnititur: eradicat sæpe arbores, subvertit domos, ad magnas altitudines, & distantia, loca projicit enormia, & gravissima corpora. Quod si ex illo aeris vortice emicant flammæ, seu inflammatae vibrentur scintillationes, quod aliquando observatur; ejusmodi vorticosus ventus dicitur *Præster*. Ea autem flamma e vortice erumpens a plurimis exhalationibus sulphureis, nitrosis, bituminosis nascitur, quæ agitatae, & secum ipsis permixtae in flammam accenduntur, scintillant. Id præterea purum esse existimo electricitatis effectum: cum multa alia his similia arte obtimeamus ope materiae electricæ. Ex turbine enim magna oritur frictio: frictione autem corporis origine electrici ignis electricus excitatur, & accumulatur: hinc igitur scintillæ. Ex adverso si nubes in vorticem acta plurimis sit aqueis vaporibus onusta, qui revoluta celeriter nube addensentur, & in aquam solvantur, ut magna ex turbine aquarum, seu pluviae copia enascatur, *Exbidria* nuncupatur, & ex indicata modo causa originem ducit.

§. VIII.

Ventorum celeritas, qualitates, & utilitas.

224. Alii aliis velociores, & vehementiores sunt venti, ut quotidiana nos docet experientia. Neque etiam ventus eadem semper vi, & velocitate spirat: quin immo rarissimus erit ventus, cujus velocitas ad singula fere minuta non varietur, imminuatur, interrumpatur, & novis iterum non fluat viribus. Venti aliqui sunt vehementiores, qui magnas, & plurimas provincias percurrunt; Britanniam aliqui, totam

tam Germaniam, Helvetios, & finitimas alias regiones *Schœuchzero*, & *Derbamo* observantibus percurrerunt.

225. Venti violentissimi, & velocissimi singulis minutis secundis 66. pedes conficiunt, seu 45. milliaria Britannica intra horam. Hujusmodi venti omnium maxime procellosi, arbores eradicant, integras sternunt sylvas; domos evertunt, & multa alia damna similia hominibus inferunt. Hæc ventorum celeritas, & vis plurimum minuitur, & infringitur ob venti ipsius in montes, rupes, saxa, domos, arbores & contrarios etiam ventos incursum.

226. Ventorum qualitates sunt eademmet, quas habet aer earum regionum, e quibus spirat aut per quas transluit ventus. Exhalationes enim vapores, & omnia corpuscula, ex quibus atmosphæra componitur, ab aliis in alias regiones transferunt: earum proinde qualitatibus sunt præditi: In Lusitania v. gr. subfolano spirante plurima e Castilia, Legione, & reliqua Hispania, immo & e Gallia ad nos perveniunt corpuscula, halitus, atomi. Contra si ab austro spiret ventus, multiplex ab Africa, & Gaditano freto vaporum copia advenit. Plurimæ hinc ventorum qualitates, & accidentia oriuntur; alii enim sicci, humidi calorem aliqui secum trahunt, frigus, gelu nives alii: mortiferi hæc ex parte, salubres ex alia spirant.

227. Hinc etiam notandum, ventos cui quibusdam regionibus sunt frigidi, calorem aliis afferre: ex qua parte nobis spirat ventus humidus, sicci alii experiuntur; ad quæ dignoscenda attendendæ in primis sunt circumpositæ regiones, & loca, sint ne gelu, aut nive coopertæ; an potius ferventi æstu, & ardenti sole tum temporis æstuent; per spatiosum oceanum, an potius per continentem trajiciant venti.

228. In Lusitania degentibus sicci maxime est ventus subfolanus, quem vernaculo idiomate *Castelhana* appellamus: propterea quod e Castilia, & Legione spirans, per longumque terrarum tractum excurrans siccos, & terrestres halitus secum affert: est etiam ipse ventus æstate calidissimus, hyeme autem frigidissimus: æstate siquidem plurimas secum exhalationes in nos adducit; hyeme autem nitidos spiritus, frigoris causam & comites, quibus Pynngi montes,

&

& cetera Hispaniæ loca abundant, secum affert.

Venti Septentrionales nobis sunt sicci, & frigidi; ex septentrionalibus siquidem regionibus gelu majorem anni partem rigentibus spirant. Deinde per longum continentis tractum transfluendo contrahunt siccitatem. Hinc est, quod spirante borea, nubes illico e nostro cælo dispareant, & dissipentur, humida quæque corpora, paludes, & id genus alia exsiccantur; neque nisi rarissime, ejusmodi flante vento pluit apud nos cælum.

229. Deinde boreas pluviam, & vapores aqueos, quos in via offendit ab austro adductos, multoties quidem attenuat, in aerem sursum attollit, dispergit; aliquando tamen horizontem pene totum verrens universam nubium, & vaporum massam alio transfert, & in pluviam resolvit. Æstate dum ferventiorum experimur calorem, boream maxime desideramus; eo enim flante, minuitur æstus, calor, & aer temperatur, refrigerantur corpora, vitalemque spiramus aerem.

230. Ex adverso auster, & zephyrus nobis sunt humidi, & calidi, seu temperati; propterea quod e Gaditano freto, & vastissimo Africæ continenti primus, ab oceano atlantico, qui nostra Lusitanæ littora alluit, spirat secundus. Hyberno tempore potissimum regnant; sæpe tamen æstate magnam nobis pluviae copiam afferunt, qua non modicam terris fertilitatem impertiunt.

231. Alii item venti sunt male sani; alii ex adverso valetudinem adjuvant, & amissam restitunt, suntque propterea salubres. Plurima siquidem sunt loca aere male sano prædita; ejusmodi sunt paludosa loca, & similia alia: aliæ item sunt regiones, quæ aere nocivo, vaporibus pestilentibus abundant; ventus igitur ab iis regionibus spirans, & plurimam prædictorum halituum copiam deferens, iis omnibus qualitatibus afficitur, quæ prædictas inficiunt, aut infamant regiones, earumque atmosphæras.

232. Quod ad ventorum utilitates attinet, clario-
ra ea sunt, quam ut in iis fusc recensendis immorari necesse sit. Si enim oculos, & animum vel leviter intendamus; obvia passim occurrunt exempla, & argumenta, quibus de maxima ventorum utilitate, & necessitate convincimur. Omnis scilicet ars nau-
tica

tica vento deficiente corrueret, & institutum inter tot longinquas nationes commercium cessaret, magno totius humani generis damno. Plurimæ item machinæ vento agitantur; sata crescunt, imbres, pluviz, nubes adducuntur, per varias regiones maxime siccas disperguntur, e quibus prorsus pendent telluris fertilitas, arborum incrementa, fructuum, & factorum maturitas. Aer etiam novus, & salubrior quotidie in alterius male sani locum succedit, quo pacto a contagiosis morbis liberamur. Nisi enim frequenter renovaretur aer; sensim pigresceret, corrumperetur, & plurimarum ægritudinum esset causa. Infinita alia omitto, quæ si paululum mediteris, facile animadvertes.

LECTIO VI.

*De Veris Metheoris igneis, Fulgure scilicet,
Tonitru &c.*

DEFINITIO.

33. **M**ultiplicia sunt metheora ignea, ad duo tamen reducuntur generalia capita. Alia scilicet sunt vera, & realia; alia apparentia. De prioribus modo, posteriora statim expediam. Vera ignita metheora sunt Fulgur, aurora borealis, stellæ cadentes, Capræ saltantes, Castor, & Pollux, Helena, ignis lambens, fatuus, pyramis, columna, draco, trabs, clypeus. Fulgur, fulmen, & tonitrus tria sunt phænomena, seu effectus, qui ab eodem principio oriuntur, atque simul, ut plurimum, eduntur & apparent. Nubilo per æstatem Cælo coruscationem sæpe e nubibus displosam animadvertimus, strepitum, & continuatum murmur audimus, stragem alicubi editam experimur.

Repentinam eam coruscationem, & scintillationem dicimus fulgur: factum intra nubem, aut in aere strepitum, & murmur, tonitrum nuncupamus: eam vero coruscantem, seu inflammata materiam, qualiscumque sit, secutz stragis causam, una & stragem ipsam Fulmen apellamus.

OBSERVATIONES.

234. Nubilo cælo, æstivo potissimum tempore, plurimas e nubibus vibrari videmus coruscationes vivacissimas, sæpe continuas, aliquando interruptas, quæ in oculi ictu secundum omnes directiones longum cæli tractum conficiunt, via fere semper tortuosa. Nonnumquam simul in diversis locis interruptis emicant: multoties etiam in serpentis modum variis ductibus in oculi ictu discurret, seu apparet, & transvolat scintillatio. Quæ e nube erumpunt coruscationes, ad terram raro pertingunt, sed in aere dissipantur, evanescent, & extinguuntur. Majorem etiam coruscationum partem e nube sursum dirigi observavit *Lozeran* oculatus testis, qui supra montes Carpathios existens infernam tempestatem desuper observabat. Sed integra jucundi æque atque periculosi phænomeni ab ipso Jesuita deinceps observati prætereunda non est.

235. Dum ab altissimo monte descenderet, densissimam infra se nubem ad medium montis consistentem deprehendit, eamque aliquandiu desuper observavit: ex nube plurimi hac illac promicabant, & scintillabant ignes, quorum pars intra nubem, pars extra illam erumpebant; eo quidem modico strepitu, & specie, ut festivi ignes ab observatore reputarentur: ab experto tamen viæ comite, de periculosa tempestate admonitus, properandum ratus, cito gradu descendere incepit, & mediam, quæ ducebat iter, subiens nubem, illam adeo densam, & obscuram esse comperit, ut ne equum quidem distingueret post se habenis ductum. In nubem jam ingressus jucundissimum spectaculum observavit, ignes undique accendebantur, discurrebant serpentis ductibus, in globosam quasi figuram conformati; alii majores, minores alteri: plures interdum in unum constabantur; progredientes circa sua centraolvebantur: eorum color rubeus ad cæruleum declinans.

Rem observavit, quoad in parva 8. passuum distantia inflammatuſ repente globus ejecto lucidissimo igne cum fragore disruptus observatorem adeo concussit, & terruit, ut vitæ periculum imminere animad-

medvertens, maxima, qua potuit, celeritate e nube, & vitæ discrimine se subduceret (a).

Si prope observatorem sit tempestuosa nubes; visa coruscatione, simul auditur murmur; si aliquot centena passuum existat remota, tonitrum præcedit coruscatio.

236. *Christiano VVolfio* apud *P. Kbell* referentē (b), cum quidam pistor Uratislaviæ fornacem nimium accendisset, neque satis occluderet spiracula, flamma per os fornacis repente erupit, mediam pistoris barbam transiens adussit, ligna e regione posita corripuit, inflammavit, hominem proxime stantem ad aliquot ulnarum distantiam eo cum fragore abiecit, ut bene firmi ædificii parietes in prima etiam contiguatione succuterentur: in altera vero velut displosi sclopeti fragor insonuit. Globus ignis, tota pistrina percursa, uno aut duobus parietibus dissillis, factoque foramine, quod caput humanum caperet, in subterraneum cubiculum sibi viam aperuit: unde in pistrinam reversus, tanta vi in fenestram impegit, ut vitra in portam 25. passibus distantem infingerentur: liberum tandem nactus aerem globus, tamquam ignea pluvia dispersus, evanuit. Phænomenon non ablimile refert *Hoffmannus* apud eundem *Kbell*, innumeraque alia referri possent prorsus similia: unum præ omnibus retulisse, satis.

237. Liceat etiam ex *Academiæ Bononiensis* commentariis unam, aut alteram observationem alienis verbis conceptam in hunc locum transcribere. „ Die „ 22. mensis Julii anno 1745. tantum fulgur Bono- „ niæ est factum, ut in paucissimis, quæ quidem in „ hac memoria extiterint, sit numeratum. Erat ho- „ ra diei fere 20. cælumque tranquillissimum, sed nu- „ bibus variis infectum: cum subito exarsit, tonuit- „ que horrendum in modum. Sunt qui dicant toni- „ trus fuisse duos, sed brevissimo intervallo disjun- „ ctos, ut unus videri possent. Interim flamma tur- „ rim perculit ornatissimam, pulcherrimamque, quam „ no-

(a) *Recueil des dissert. qui ont remporté le prix tom.*

2. p. 46.

(b) *Phys. to. 2. disp. 2. art. 1.*

Mont. Phil. Tom. V.

„ nobilissimo monasterio D. Christinæ adnexam re-
 „ ligiosæ mulieres tenent. Labes facta incredibilis:
 „ nam tono bona pars turris corrui, & subiectos
 „ fornices, & laquearia firmissima perfregit horren-
 „ do fragore (a). “ Eum deinceps ignem seu fulmen
 e terra erupisse, e subterraneo scilicet cavo, inde-
 que, cum in porticum quamdam subiisset, in turrin
 statim convolasse, ubi sese explicans, dictam modo
 stragem, & fragorem, quantus dici vix possit, edi-
 disse ex omnium, qui rem oculati testes observarunt,
 testimonio idem commentariorum Scriptor confirmat.

238. In Quesnoi Gallæ civitate die 4. Januarii an-
 no Domini 1717. cum Cælum esset nubbus maxime
 obductum, intra nubem medium forum occupantem,
 & extructas hinc inde domos fere attingentem, glo-
 bus quidam igneus repente apparuit, qui arrepta via
 in templi turrin impegit, ibique strepitu edito, tor-
 menti muralis sonum referente, atque æquante, va-
 rie distractus in pluviz modum sese per forum pro-
 labens dispersit (b). Cujusdam etiam oppidi, *Hague*
 dicunt Galli, in inferiori Normandia habitatores die
 7. Januarii anno 1700. accensum in aere ignem, ar-
 boris formam, utcumque referentem observarunt.
 Phænomenon brevi deorlum in mare ruens, eo soni-
 tu evanuit displosum, quo circumposita littora tre-
 mere visa sint. Alia multa prætermitto mihi ab ob-
 servatoribus ipsis communicata.

VE-

(a) *Coment. Acad. Bonon. to. 2. p. 460.*

(b) *Mem. Acad. 1717. p. 8.*

VERA FULMINUM CAUSA

ET

THEORIA PROPONITUR

PROPOSITIO XXI.

139. **M**ateria electrica modo a telluris superficie ad nubes, & atmosphæram ascendit, modo etiam ex adverso ab atmosphæra ad tellurem descendit. Lectorem iterum moneo, ut antequam totam hanc lectionem, præcipuum naturalis electricitatis caput aggrediatur, tractatum de electricitate artificiali legat inferius a nobis ponendum. Ita fert plurimorum physicæ argumentorum ratio, ut mutuo a se ipsis pendeant, mutuaque sint sibi ipsis explicatio. Utramque propositionis partem multiplici experimento comparit *Beccaria (a)*: cum enim volatilem chartam seu chartaceam illam figuram, quam juvenes animi causa, vento flante, in aerem elevari, ibique retineri compellunt, ad magnam altitudinem ventus attolleret, diùque sustineret; per ejusdem chordam, tamquam per conductorem, seu catenam electricitas transmittebatur, omniaque electrica phænomena habebantur. Ad inferiorem ipsius chordæ papyrum dirigentis, & retinentis, extremitatem luminosa aliquando stella, nonnumquam vero pennicillus emicabat: quorum primum influentis, secundum vero effluentis materiæ electricæ indicium est: quæ quidem phænomena observabantur intra *laternam electricam*, hoc est, vitream phialam obscuratam, intra quam inferior chordæ extremitas pendebat, & ope lateralis tubi chartacei 8. pollices longi videbatur in obscuræ phialæ cavo. Hujusce electricæ laternæ descriptionem videas apud ipsum auctorem; mihi enim phæ-

(a) Dell' Eletticismo terrestre atmosferico lettera 8.

phænomena hisce, & aliis etiam modis edita, & observata referre, satis sit.

240. Neque solum in inferiori d.æ chordæ extremo luminosus modo pennicillus, stella modo emicabat; sed pro vario atmosphæræ statu uno interdum, eodemque die, immo intrabreve tempus stella in pennicillum, & vicissim convertebantur. Sensim utrumque excitari, languescere, deficere, iterum apparere milleque aliâ vicissitudinis, & mutationum indicia edere observatur. Cum chorda ipsa a terra & corporibus non electricis erat separata; nota attractionis, & repulsionis phænomena, scintillas præterea edebat, & in humano corpore succussiones. Alia omnia electricitatis phænomena ope hujusce chordæ habentur, perinde ac si esset peculiaris conductor, per quem materia electrica ab uno ad aliud extremum transmitteretur. Neque prædicti effectus sola *charta volatili* obtinentur, sed radiis etiam, hoc est, tubulis nitrato pulvere instructis, & in altum in lætitiæ argumentum explodi consuetis.

Cum enim eorum caudis fila quædam oblonga, & subtilia annecterentur, quæ chordæ deferentis munus agerent, & quorum inferius extremum vitreo in vase servaretur; non dissimilia eliciebantur electricitatis phænomena novi etiam hujusce conductoris ope.

241. Quoniam tamen utraque hæc observandi ratio satis per se est incmoda; præterea vero prima spirantibus solum ventis adhiberi potest, secunda autem infelici plerumque effectu tentatur; viam longe meliorem, securiorem, omnibusque indiscriminatim temporibus aptam inierunt *Franklin, le Monier, & Beccaria*: ferream virgâ, aut filum e sublimi aliquo loco, v. gr. editionis turris, aut domus fastigio ita sursum erigunt, ut deorsum etiam obliqua, aut parallela ad horizontem per longum tractum 200. nimirum, 700. 1500. pedes distendatur. Quoniam hæc experimenta caute omnino instituenda sunt (agitur enim aliquando de maximo vitæ periculo, & de fulmine a se se removendo); auctor tibi esse, ut priusquam rem tentares, instituendi experimenti rationem legeres apud *Beccariam* (a). Postrema hæc ratio

eo

(a) *Opere cit. Lettera 9.*

eo maxime commendanda est, atque aliis supra relatis præferenda, quod & securissima sit; omnique tempore capi possit experimentum: omnesque proinde atmosphæræ mutationes, quod vim electricam attinet, citrà periculum observari.

Hujusmodi filorum ope magna assiduitate, diligentia; & cura rem hanc prosecutus est *Beccaria*, & præter quamplurima alia id imprimis quotidiano fere experimento comperit, materiâ electricam a tellure ad nubes, & vicissim transcurrere.

242. Et sane si omnes effectus, atque phænomena, quæ modo retulimus, cum perinde in papyri volatilis, aut radiorum cûda, atque in catena, & conductore machinæ electricæ appareant, edantur, atque observentur; sintque aliunde proprii electricitatis characteres; atque effectus; huic uni causæ tribui possunt materiæ scilicet electricæ per hujusmodi conductores ascendenti, aut descendenti. A qua enim alia causa relata phænomena provenirent? A ventis fortitan? At idemmet plane effectus diversis omnino spirantibus ventis observantur: contra vero, eodem plane, & æque intenso afflante vento, diversa eduntur phænomena. Quin immo cum periculum sit sine papyro volante, & cum nulli omnino spirant ventis; prædicta omnia habentur phænomena, atque effectuum varietas. Tam igitur in machinis electricis, quam in novis hisce conductoribus ab arte, vel a natura ipsa paratis eorundem plane effectuum eadem omnino est causa juxta notissimam philosophandi regulam. In machina electrica omnes relati effectus eduntur a materia electrica per catenam, vel conductorem a machinâ, vel ad machinam transmissa: transmissionis vero causa est naturalis ipsiusmet materiæ elasticitas, & vis se se circumquaque diffundendi, atque major in uno, quam in alio loco densitas. Cum enim ex hac proprietate ad æquilibrium semper tendat; sit, ut si in duobus corporibus sit inæqualiter densa, quamplurimum inter utrumque corpus communicatio aliqua aperiatur, a corpore, ubi densior est materia; ad aliud violentissime projicitur, ut in utroque æqualiter secundum æquilibrii leges se componat. Omnia hæc in lectionibus de Electricitate late explicamus.

243. Ab hisce experimentis ad evidentiam fere demon-

H 3

stra-

stratur, materiam electricam non modo per telluris globum esse semper diffusam, sed per ipsam etiam atmosphæram, nubes, aliaque corpora, seu metheora intra atmosphæram pendula: ipsamque materiam electricam modo a terra in atmosphæram, seu nubes, modo vicissim ab atmosphæra ad terram communicari: cum scilicet corpus aliquod origine non electricum inter tellurem ipsam, & nubes v. g. seu supremam atmosphæram interponitur, quo mediante communicatio inter utrumque existat. Hujusmodi communicantia corpora, seu conductores in re nostra sunt papii volatilis chorda, & fila dirigentia, de cætero autem sunt nubes ipsæ, seu nebulæ: quæ terræ insidentes, aut aliqua sui parte tellurem tangentes per atmosphæram attolluntur, & distenduntur, atque cum superioribus nubibus, aut vaporibus communicant. Nonnumquam etiam vapores ipsi, quibus aer redditur humidus, atque a tellure perenniter, copioseque eleuantur, licet sensibilem nubem, aut nebulam non component, conductoris munus agunt: alias enim aer siccus, & serenus materiam electricam a tellure ad nubes, aut vicissim non transmittit, cum sit corpus origine electricum, electricitatem neque ab alio accipiens, neque per suammet substantiam transmittens, sed potius resistens, & vaporem in corporibus communicatione electricis retinens, & servans: ut fusc exponimus in citato loco.

COROLLARIA.

244. *Primum.* Quotiescumque in terra, & nube non sit electricitatis æquilibrium, quamprimum communicatio aliqua inter illas inducatur, materia electrica ab una ad aliam violentissime projicietur, quoad tandem ad æquilibrium perveniat. Id evidenter sequitur ab notissima materię electricę proprietate, atque experientis omnibus consonum est. Et hinc terra relata ad nubes erit modo per defectum, modo per excessum electrica, & vicissim etiam nubes telluri comparatæ.

245. *Secundum.* Cum nubes non eandem omnes, aut æqualem habeant electricitatem (id quod quotidiano experimento constat); hinc tellus relata ad unas erit per defectum electrica, per excessum vero relata ad alias:

lias : infinitique erunt in utroque casu defectus , aut excessus gradus , & differentiarum . Intensitas vero , atque summa virium , & impetus , quo materia electrica a nube ad tellurem , aut vicissim projicitur , erit proportionalis excessui , aut differentiarum virium , si cætera sint paria : attendi enim debet conductorum numerus , capacitas , & longitudo , ut in loco dicimus .

246. *Tertiam . Aliquando igitur accidet , ut nulla in filis deferentibus electricitatis signa deprehendantur : cum scilicet vel electricitas est in utroque corpore ad æquilibrium redacta , vel nulla superest nubes , aut meteoron aliud , cui illa communicari possit . Nulla electricitatis signa edunt communiter deferentia fila , cum atmosphæra est quidem valde humida , non tamen pluvia ; cum sereno Cælo validissimus spirat ventus ; cum tandem nubilum est Cælum , nubes tamen & steriles apparent , & nimium elevatæ , atque a tellure penitus disjunctæ existunt .*

247. *Quartum . Materia electrica a tellure ad nubes ascendit , & a nubibus ad terram descendit , & sese projicit (in casu rupti æquilibrii) per omnia illa media , seu corpora communicatione electrica , inter terram , & nubes interposita , quæ conductoris seu catenæ munus agere possunt , quibus terra , & nubes inter se communicentur .* Corollarii veritas & ab indole , atque natura materiarum electricarum , & ab experimentis ipsis constat . Cum plura ad eandem procellosam nubem pertingunt ferrea fila , quæ supra descripsimus ; per omnia , tanquam per conductores , electrici torrentes irrumpunt , & versus illam partem transfluent , in qua est negativa electricitas . Arborea cum plurimo humore abundant , turre , nebulæ , vaporum ascendentium , aut descendentium tractus continui , & alia hujusmodi sunt totidem naturales electricitatis conductores a natura ipsa ad materiam electricam transmittendam parati : sunt enim corpora communicatione electrica , quæ ex una parte terram , ex alia vero atmosphæram , & multoties procellosas nubes contingunt . De arboribus experimento res constat ; cum enim viridem cujusdam ramum , in aere a corporibus origine electricis separasset *Becçaria* ; eum a procellosæ nubis contactu electricatum postea offendit , & electrica phænomena edere .

(a) Neque opus est, conductores hujusmodi naturales, aut artificiales ad magnam altitudinem, & profunditatem intra nubem ascendere; satis est quod nubem a limbo inferiori tangerent, ut ex alibi dictis omnino constat. Plura hinc fulminum phænomena inferius deducemus.

248. *Quintum*. *Ex nubibus procellosis ad terram, aut vicissim a tellure ad nubes copiosissimi materiæ electricæ torrentes, & prodigiosa quantitas transmittitur.*

Ex ipsismet experimentis veritas hæc deducitur, quæ aliunde ex hætenus dictis manifeste etiam consequitur. Etenim procellosæ nubes, dum interim tonat, fulgurat, fulminat, effuse pluit, grandinat, largissimum terræ tractum, plurima sæpe milliaria quadrata comprehendentem supereminet, obumbrant, atque per totum illud spatium cum tellure ipsa communicant mediis imbibus, arboribus, turribus, milique alijs corporibus communicatione electricis. Teneant hujusmodi procellosi imbres horæ circiter dimidium, 3. quadrantes, & tempus aliquando diuturnius. Experimentis autem constat, quod toto illo tempore copiosissimi materiæ electricæ torrentes per ferrea fila ultra arborum, aut turrium fastigia non transcendentia, ad tellurem velocissime transfluant, aut ad nubes ascendant; cum præter vividas, & micantes scintillas in filorum extremitatibus vividissimas semper pennicillos, aut stellulas, effluentis, aut affluentis electrici copiosi torrentis indicia, animadvertamus. Neque id in uno tantum filo observatur, sed in quamplurimis paucos pedes a se invicem sejunctis, atque ab eadem nubis parte materiam derivantibus. Quid tum fiet per innumeros densorum nemorum, agrorum, & montium arbores, quæ & nubem ipsam, terramque contingunt, & aptissimi sunt materiæ electricæ conductores? Quid etiam per turrium, aliarumque domorum fastigia, ea præcipue, e quibus metallici canales ad recipiendam, deducendamque aquam pluviam ad terram usque descendunt? Quid per sublimiora etiam montium cacumina, quæ nonnumquam intra procellosæ nubis profunditatem comprehenduntur?

RPO-

(a) loc. cit. lettera 2. prop. 6.

PROPOSITIO XXII.

249. *Fulmina, & fulgura aliud non sunt, quam copiosæ materiæ electricæ torrentes, seu scintillæ a nubibus ad terram, a tellure ad nubes, aut ab una ad aliam nubem profluente, atque explosæ: omniaque fulminum phænomena a notissimis materiæ electricæ proprietatibus descendunt, atque explicantur.*

De hac propositione, & veritate post tot experimenta omnibus notissima, atque pluribus in locis, potissimum vero a *Franklin*, & *Beccaria* de re electrica optime meritis instituta, dubitare amplius non licet.

Primo. Enimvero fulmina, tonitrua, fulgura ope machinæ, atque materiæ electricæ obtinemus, ut ex notissimo phialæ Lugduno-Batavicæ experimento, alibi a nobis relato luculenter constat. Scintilla electrica, & quidquid dicto in experimento observatur, veri fulminis naturam, omniaque ejus phænomena edit, atque imitatur: eo tantum discrimine, quod inter artis & humanæ industriæ, atque naturæ opera, hoc est, inter exiguam vim arte excitatam, & violentissimum naturæ ipsius effectum intercedit. Materia scilicet, atque vires electricæ ab hominum industria ope tantillæ machinæ excitatæ, nihil fere sunt, si cum violentissimis, atque potentissimis naturæ viribus comparentur. Eo autem discrimine prætermisso, scintillæ electricæ in memorato experimento, & aliis quamplurimis excitatæ, & explosæ sunt verissima fulmina ope tenuissimæ materiæ, & viribus edita: ut ii omnes fatentur, qui periculosum id experimentum instituunt post *Muschembrockii* tentamen inferius referendum (a).

250. Experimenti periculum magis confirmant, scintillasque ejusmodi vera esse fulmina ulterius demonstrent *Noletii*, *Pauliani*, aliorum observationes: imprimis vero infelicis *Richman* casus. Dum enim publicus ille physicæ professor Petroburgi die 6. Augusti anni 1753. experimenta electrica perageret, fer-

reum-

(a) *Traſſatu de electrig.*

reumque conductorem vehementer electrificatum digito tangeret hominem in oculi ictu extinxit vibrata in illum a conductore scintilla. Aves, felles, canes, aliaque animalia ad ejusmodi experimentum adhibita; displosa in ipsos scintilla perire, tamquam si essent tacta fulmine, commune est experimentum (a). Præterea repentina illa lucis scintillatio, prodigiosa, & vix non momentaria velocitas ejusdem electricæ scintillæ, ictus, percussio, commotio in intimis humani corporis partibus, strepitus etiam, quo eadem micat, exploditur, & sese projicit scintilla, verum exhibent fulmen, fulgur, & tonitrum.

351. *Secundo.* Effectus, & phænomena fulminis, & scintillarum electricarum, cum vivide excitantur, atque exploduntur, sunt omnino eadem. Inter notissima fulminum phænomena, & effectus præcipue observantur sequentes, vividissimus splendor, quem oculi ferre vix possint, rapidissima velocitas, qua in oculi ictu longissimum tractum percurrit, horrendus fragor, seu tonitrus; corpora in vapores resolvit, inflammat, in vitrum transformat, in calcem etiam redigit, vim magneticam excitat, atque communicat: hæc autem omnia non in uno, eodemque corpore, sed in diversis pro varia eorum natura & indole efficit materia fulminis.

352. Et quidem illius splendor, velocitas, fragor res sunt in omnium oculos quotidie incurrentes. Incendia a fulminibus excitari, & corpora inflammari, ubivis fere locorum observatur (b): alios etiam relatos effectus a fulminibus productos observarunt *Franklin*, *Beccaria*, & alii. Relata autem phænomena a scintillis, & materia electrica etiam edi, & produci constat: & prima quidem in experimento Lugduno-Batavico, ut in loco exponimus; posteriora autem peculiaribus tentaminibus deprehendit *Franklin*, *Beccaria*, *Dalibard*, & alii: adeo ut dubitari amplius non liceat, a scintillis electricis vim magneticam communicari, communicatam aliquando destrui; vis enim

(a) *Videri potest præter alios Paulian. l'Electricité, lettre 5.*

(b) *Transact. Anglic. n. 177.*

enim magnetica ab electrica scintilla communicata, ab alia destruitur, si primæ illi fuerit æqualis, & opposita directione feratur; quin immo experimento comperit *Dalibard*, illud acus extremum, per quod scintilla electrica ingreditur, septentrionem respicere, ad austrum vero illud converti, per quod egreditur. Corpora tandem a vi electrica fundi, in vapores resolvi, in vitrum, in cineres redigi, pro varia nimirum eorum natura, textura, & indole, iidemmet, & plures alii Physici experimentis compererunt. Scintillæ igitur electricæ, & fulminis effectus sunt prorsus iidem, eo solum interveniente discrimine, quod superius tradidimus: secundum igitur notissimam philosophandi regulam una eademque est omnium causa, & natura.

253. *Tertio*. Momentaria illa fulminis, & fulguris velocitas, cujus nullam hætenus mensuram habemus, cum illa convenit, quam in materia electrica observamus, & nulla etiam temporis mensura determinare possumus: neque alius est in natura motus, aut materia, qua fulminis velocitas explicari possit, atque produci, quam vis, & materia electrica. Hæc omnia eo magis confirmantur, quod fulmen sit materia fluidissima, & verus peculiarisque ignis, motu rapidissimo delatus. Quis enim jam est, si rade vulgus excipiamus, qui fulmineos lapides non irrideat: Tria autem illa in una materia electrica observantur.

254. *Quarto*. Hæc una sententia est, & materia, qua mirabilia alioquin, atque terribilia fulminum phenomena explicari tandem possint, atque intelligi, ut statim præcipua capita evolvendo, conficiamus. Quinto: Eadem tandem veritas conficitur ex ipsismet observationibus. I. Nulla supra horizontem formatur procellosa tempestas, nulla fulmina, aut fulgura eduntur, vel sonant tonitrua (dummodo procellosæ nubes cum eo loco, ubi extensa sunt fila, medio aliquo nubis ramo communicentur), quin fila ipsa eodemmet temporis momento, quo fulgura coruscant, peculiaris electricitatis indicia edant, aut aliqua in ipsismet electricis indiciis diversitas, & discrimen observetur: licet & procellosæ nubis corpus, & fulguris locus sint a filis metallicis remotissima.

255. II. Nubes autem illæ, quæ cum procella nullo modo communicant, sed in atmosphæra innatant ab aliis nubibus separatæ, licet supra fila ipsa immineant, nulla multoties electricitatis indicia in filiis monstrant: contra vero accidit, simul ac nubes ipsæ cum procella communicent, fiantque tempestatum rami: tum enim continua semper est in filiis electricitas.

III. Hujusmodi electrica indicia, hoc est, scintillæ, pennicilli, & alia eo vividiora, frequentiora, magisque micantia, & intensa in fuis metallicis eduntur, quo fulmina, fulgura, tonitrua intensiora etiam, majora & frequentiora sunt, quo filiis ipsis propius edantur. & quo humilior extensæ fuerint nubes.

256. IV. Cum fulgur scintillat: aliqua semper immutatio, seu perturbatio in signis electricis a filo metallico editis animadvertitur. Hujusmodi perturbationes multiplici ratione, & varietate accidunt; nonnumquam magis intenditur, aut remittitur pennicillus, scintilla, stellata; quin situm, & ordinem mutant, hoc est, quin electricitas filorum speciem mutat, a positiva scilicet in negativam, aut vicissim. Aliquando repente micat pennicillus, ubi antea videbatur stella, aut vice versa, atque electricitas speciem mutat. Illud tamen fere semper observatur, distas electricitatis perturbationes esse momentarias, & transacto fulgure, ad pristinum statum redire. Atque hæc quidem luculentissimis experimentis observavit *Franklin*, *Beccaria*, alii (a). Cum assertam veritatem primus conjecerit, atque adstruxerit *Franklin*, omnesque Europæ physicos ad rem experimentis tentandam invitaverit, modumque insinuatim proposuerit, quo institui possent experimenta; Cum *Franklini* invitatum responderint philosophi, omniaque secundum illius prædictionem evenerint; brevis totius rei expositio physica est ejusdem veritatis demonstratio. *Franklin* igitur hæc conjecerat, & asseruerat, nubes esse electricas: ab iis tamquam naturalibus conductoribus in aere pendulis, & ab omni corpore non

(a) *Beccaria elettricismo naturale. Lettera 1. , e sequenti.*

non electrico *separatis*, ligna omnia electrica edi: tulina aliud non esse, quam scintillas electricas ab eis vibratas: si supra ferream idcirco virgam a corporibus non electricis separatam procellosa nubes transeat, aut incumbat; virgam ejusmodi tore naturaliter electricandam, scintillasque electricas ab illa edendas: quod cum deprehendatur, nullum de reliquis superesse dubium.

257. Rem primus tentavit d' *Alibard* anno 1752. *Maliaci* (*Marty-la-ville*) in magna quadam plantitie terreum cylindrum unius pollicis diametri 40 pedes longum, recta ad horizontem ita erexit, ut ex interiori parte corporibus electricis insisteret. Virgam erigendi, & experimentum instituendi modum, totiusque rei descriptionem videas in annotationibus ad paginæ calcem adjunctis. Summa est, die 10. Maii anno 1752. horis 2. 20 post meridiem, dum procellosa nubes plantitie, & virgæ incumbens in pluviam, & grandinem solveretur, tonitruaque, & fulgura insimul ederet, ejus ecclesiæ præses una cum aliis a relata virga, tamquam a conductore admodum electricificato, electricas scintillas, illam digito tangentes eliciebant (*). Plura alia videnda sunt in tractatu de electricitate tradita.

6. Ul-

(*) Pour décider si les nuages qui contiennent la foudre, sont' électrisés ou non, j' ai imaginé, dit *M. Franklin*, de proposer une expérience à tenter en un lieu convenable à cet effet. Sur le sommet d'une haute tour, ou d'un clocher, placez une espèce de guérite, assez grande pour contenir un homme & un tabouret électrique. Du milieu du tabouret élevez une verge de fer, qui passe en se courbant hors de la porte, & de là se relève perpendiculairement à la hauteur de 20 ou 30 pieds, & se termine en une pointe fort aigue. Si le tabouret électrique est propre, & sec, un homme qui y sera placé, lorsque des nuages électrisés y passeront un peu bas, peut être électrisé, & donner des étincelles, la verge de fer lui attirant le feu du nuage. S'il y avoit quelque danger à craindre pour l'homme (quoique je suis persuadé qu' il n' y en a aucun) qu' il se place sur
le

le plancher de la guérite , & que de tems en tems il tire des étincelles de la barre de fer . *Ouvrage de M. Franklin sur l'Electricité , traduit de l'Anglois par M. d'Alibard , Tom. 2. pag. 45. & suiv.*

Voici la lettre de M. le Prieur de Marly à M. d'Alibard ; elle est dattée du 10 de Mai 1752. Je vous annonce , Monsieur , ce que vous attendez . L'expérience est complète . Aujourd'hui à deux heures 10 minutes après midi , le tonnerre a grondé directement sur Marly ; le coup a été assez fort . . . Je suis allé chez Choiffier , qui déjà m'avoit dépêché un enfant que j'ai rencontré en chemin , pour me prier de venir ; j'ai doublé la pat à travers un torrent de grêle . Arrivé à l'endroit où est la tringle coudée , j'ai présenté le fil d'archal . . . il est sorti de la tringle une petite colonne de feu bleuâtre , sentant le soufre , qui venoit frapper avec une extrême vivacité le tenon du fil d'archal , & occasionnoit un bruit semblable à celui qu'on feroit en frappant sur la tringle avec une clef . J'ai répété l'expérience au moins six fois dans l'espace d'environ quatre minutes en présence de plusieurs personnes , & chaque expérience que j'ai faite a duré l'espace d'un Pater & d'un Ave . . . J'étois si occupé , dans le moment de l'expérience , de ce que je voyois , qu'ayant été frappé au bras au dessus du coude , je ne puis dire si c'est en touchant au fil d'archal ou à la tringle , je ne me suis pas plaint du mal que m'avoit fait le coup dans le moment , que je l'ai reçu ; mais comme la douleur continuoît , de retour chez moi j'ai découvert mon bras en présence de Coiffier , & nous avons apperçu une meurtrissure tournante autour du bras , semblable à celle que feroit un coup de fil d'archal , si j'en avois été frappé à nud . En revenant de chez Coiffier j'ai rencontré M. le Vicaire , M. de Milly & le Maître d'école , à qui j'ai rapporté ce qui venoit d'arriver ; ils se sont plaint tous les trois qu'ils sentoient une odeur de soufre qui les frappoit d'avantage , à mesure qu'ils approchoient de moi : j'ai porté chez moi la même odeur , & mes domestiques s'en sont apperçus , sans que je leur aie rien dit . Même Ouvrage , & même Tome , pap. iii. & suivantes .

L'appareil le plus simple & le plus commode que l'on puisse dresser , est celui-ci . Choisissez une chambre qui soit au dernier étage de la maison , & qui
n'ait

§.

*Uterior ejusdem propositionis confirmatio ; multiplex
fulminum phænomenon , & tota eorum
theoria exponitur .*

258. Nihil est , quo melius Physica alicujus naturalis effectus causa probetur , atque efficacius demonstretur , quam si omnes phænomeni circumstantias secundum datæ causæ indolem , & notas proprietates , atque naturæ leges nitide explicentur , atque deducantur . Ita se rem habere in casu nostro , facile modo conficiemus , universam fulminum theoriâ ex observationibus , experimentis , & datis notissimis gradatim evolvendo .

I. Nostrium telluris globum esse vastissimum electricæ materiæ promptuarium , in quo ipsa sese re-

ci-

n' ait d'autre plancher que le toit de l'édifice . Faites à ce plancher un trou circulaire , proportionné au tuyau de verre dont vous devez le garnir . La longueur du tuyau n'est pas déterminée ; tout ce qu'on doit désirer , c'est , qu'il empêche toute communication de la tige de fer avec le toit de la maison . Faites passer par le trou que vous avez pratiqué au plancher , une tige de fer , dont l'extrémité supérieure s'élève de quelques pieds au dessus du toit , & dont l'extrémité intérieure soit fixée dans la résine ou dans le verre . Brunissez , ou dorez la partie extérieure de la tige de fer , pour prévenir la rouille , qui ne manqueroit pas de s'y mettre , & empêchez que le tuyau de verre ne reçoive la pluie , en le garnissant d'un pavillon de fer blanc : vous aurez la machine que demande M. Franklin , pour disposer à votre gré de l'électricité du tonnerre . Vous pourrez , par le moyen de votre tige , & du conducteur que vous lui adapterez , faire toutes les expériences de l'électricité naturelle , & les comparer avec celles de l'électricité artificielle , en mettant dans cette même chambre une bonne machine électrique ,

cipiat, colligat, diffundatur, & conservetur, res est omnino certa, innumerisque experimentis confirmata. Omnia enimvero corpora, in quibus magna excitatur electricitas *positiva*, vel *negativa*, vix terram attingunt, eam amittunt; quia scilicet, si *positiva* sit, in terram illico sese diffundit; si *negativa*, a tellure suppletur, & ad corpus electricum, ob vim sese diffundendi, & æquilibrii legem pertransit.

259. II. Aerem etiam esse corpus origine electricum, omnino constat; non parum igitur materię electricę in sese semper habet; difficulter tamen, & parum vaporis ab illo extrahitur, aut in sese ab aliis corporibus recipit: ad utrumque enim æqualem opponit resistantiam. Et hinc aptissimus est ad materiam is in corporibus v. g. nubibus conservandam, & retinendam, quę aere undequaque circundantur.

III. Pręterea vero aerem, cum vapidus est, humidus, nebulosus, hoc est, atmosphęram, & nubes plurimum electricitatis *positivę* pariter, & *negativę* in se habere, jam superius probavimus.

260. IV. Igitur juxta indolem corporum communicatione electricorum, cum tellure non communicantium, atque notissimam materię electricę proprietatem, vim scilicet ad æquilibrium semper tendentem, ignis electricus in tellure, aut nubibus superabundans, aut deficiens, aperta semel inter nubes, & tellurem communicatione, a terra ad nubes, aut vicissim sese projicit, maximoque cum impetu, atque vehementia scintillarum instar exploditur, perinde ut in experimento Lugduno-Batavico observamus.

261. V. Similes etiam scintillę, & ignis electrici eruptiones a nube in nubem transfundentur, atque explodentur; cum duę, vel plures nubes, electricitate inęquales, & antea disjunctę, communicare incipiunt, & sese primum contingunt. In iis enim omnibus eadem est ratio.

262. VI. Cum igitur duę nubes antea disjunctę ad mutuum contactum perveniunt, quarum una sit materia electrica valde onusta, alia vero *negative* electrica; ignis electricus, seu vehementissima scintilla a prima ad secundam nubem explodetur, atque in istu oculi disparebit, & dissipabitur; ignisque electricus per utramque illam nubem ad æquilibrium componetur. Atque naturalis hæc electrica scintilla est

purum purissimum fulmen, & fulgur, quam subsequetur tonitrus. Hoc tamen multo frequentius, atque intensitate longe majori accidet, cum vasta aliqua procellosa nubes magna electricitate prædita primum incipiat cum tellure communicari. Cum enim maxima & in subiecto solo, & imminente nube supponatur electricitas contraria; amplissimæ, & intensissimæ scintillæ viribus electricis proportionales a nube ad tellurem, aut vicissim evibrabuntur.

263. VII. Hujusmodi electricas, vehementissimas, atque vividissimas scintillas summa vi a nube interram evibratas, & rapidissime longum aeris tractum percurrentes, esse verissima fulmina, ex supradictis patet. Finge parumper phialam Lugduno-Batavicam paulatim augeri, quoad parvam aliquam nubem adæquet: si tum vero electricitas in illa, ut in experimento communi fit, accumularetur, & scintilla extraheretur; qui tandem esset vibratæ scintillæ splendor, impetus, moles, intensitas, rapiditas? Quanam vi, fragore, & violentia irrumperet, evibraretur, in ictu oculi sese per longissimum spatium projiceret? Quosnam effectus in obstantibus corporibus, in quæ exploderetur, efficeret? Tum vero violentissimum haberemus fulmen, ut tenuissimum in experimento communi excitamus.

VIII. Fulmina, & fulgura unum idemque reapse sunt, scintilla nimirum electrica ab una ad aliam nubis partem, a tellure in nubem, aut vicissim evibrata, & explosa. Scio, a nonnullis illa tantummodo dici fulmina, quæ una cum vivido splendore, qui oculos acute feriat, cum tonitru etiam, & fragore exploduntur; fulgura vero illa, quæ nullo strepitu silenti Cælo sæpissime evibrantur, & vivido lumine oculos perstringunt: Loquere, ut magis arriserit: qualecumque tamen illud discrimen ad rei substantiam non spectat, sed a majori vel minori materiæ electricæ densitate, copia, mediorum resistentia, conductorum dispositione, & similibus aliis circumstantiis pendet: cum eadem aliunde sit utriusque phænomeni materia, ignis nempe electricus vivide evibratus, explosus, & celerrime per nubes, magnumque atmosphæræ tractum discurrens, & vastissimum horiontis, & hemisphærii spatium vivida luce illuminans.

264. IX. Fulmina igitur, & fulgura nihil aliud sunt, quam naturalis electricismus terræ, & atmosphæræ, atque ejusdem electricismi effectus. Naturalis, inquam, electricismus inæqualiter in atmosphæra, & tellure, eo tempore, quo fulminat, & fulgurat, distributus, atque ob naturalem sese expandendi vim ad æquilibrium, & æqualitatem maxima semper vi adnitens.

PHŒNOMENA,

E T

COROLLARIA.

265. Quæ hætenus diximus, experimentis ut plurimum constant; ex iis vero notissima fulminum phænomena sponte adeo descendunt, ut major tradita doctrinæ confirmatio haberi non possit. Quæ igitur subjiciemus, propositionem non modo magis evincunt, & explicant, sed eas etiam difficultates solvunt, quæ adductæ possent contra hætenus expostam doctrinam.

PHŒNOMENON I.

266. Habemus primo summæ illius, atque prodigiöse velocitatis causam, qua fulmen per longissimum atmosphæræ tractum in ictu oculi transcurrit. Proprium id enim est materiæ electricæ phænomenon, atque effectus, quæ in parvis etiam nostris machinis, ubi minima electricitas viribus, arteque humana excitatur, & colligitur, per catenam, seu conductorem 2 aut tria millaria longum ita celerrime ab uno ad aliud extremum transcurrit, ut nulla hominum industria ne minimum quidem tempus in hujusmodi transcurso animadverti hætenus potuerit: sed uno eodemque temporis momento, quo extremitatum alteri communicatur electricitas, in alia insimul sese prodat (a). Physica hujusce velocitatis causa est maxima illa sese diffundendi vis, & elasti-

(a) Vide Lectiones de Electricitate.

ficitas, qua materia electrica prædita est. In hac Electricismi proprietate sistimus; ulteriorem & simpliciorum ejus causam ignoro: satis mihi est, eam vim exhibere in natura, esseque velocitatis fulminis sufficientem causam. Quare ex summa fulminum celeritate recte argumentamur contra eos, qui illam vel ex gravitate, vel ex projectione, atque explosione & nubibus, quasi a tormento bellico repetebant: perperam tamen id fieret contra vim aliam a gravitate, & pulveris nitratæ explosione distinctam, quæ proculdubio existit in natura, & ad effectum producendum, atque explicandum est omnino sufficiens.

PHŒNOMENON II.

267. Quod fulmen etiam fulgur, hoc est, vividissimum lumen circumquaque diffundat, quod oculi vix ferre possint; alia est scintillæ electricæ proprietas, & peculiaris character: materia electrica præter alias hanc etiam habet ignis proprietatem, quod lucem circumquaque, & vivide quidem emitat; cum ita colligitur, ut scintillam ex uno corpore ad aliud evibret; ut multiplici, ac communissimo experimento edocemur: igitur illam etiam materiam, quæ e nubibus ingenti cum fragore evibratur, esseque verum fulmen in idu oculi ab uno ad alium remotissimum locum pertransiens, vividissime etiam lucet, vastissimumque spatium illuminat, esseque verum fulgur. Quare nihil aliud in fulmine agnoscimus, quam unam eandemque materiam electricam, quæ, cum in aliquo corpore densior, & magis collecta est, quam in aliis; ab illo evibratur, transvolat, citissime procurrit, lucet, & mille alia edit notissima phænomena. Luminis naturam, mechanismum, & actiones explicare, hujus loci non est: probasse sufficiat, materiam electricam suapte ingenio vibrari, fulminare, & fulgurare.

PHŒNOMENON III.

268. Tonitrus horrendique fragores, quos in fulminante Cælo audimus, sunt vibratæ scintillæ electricæ consequens, atque necessarius effectus. Cum e machinæ electricæ conductore, aut catena valde electricata, imprimis vero e phiala Lugduno-Batarica scintillam elec-

Aricam admota digiti extremitate excitamus; scintilla, præcipue si vehemens sit, atque valde intensa, cum stridore, & fragore aerem perrumpit, & se se in digitum proripit. Hujusmodi fremitus, & stridor, qui in minima illa scintilla artificiali, per minimum aliquorum pollicum spatium projecta, est tenuissimus, & citissime evanescit, si scintilla electrica esset naturalis, & infinite fere intensior, atque per longum atmosphæra tractum vibraretur, in horrendum etiam augesceret, & verteretur diuturnum fragorem, seu tonitrum. Effectus scilicet esset semper crescenti causæ proportionalis. Fremitus & stridor a violenta illa vi enascitur, qua scintilla explosa aerem, corpus nimirum origine electricum, & electricitati externæ maxime resistens, perrumpit, & velocissime dividit, atque propellit, ut in nitrati pulveris inflammatione animadvertimus. Fac ergo violentissimam, & intensissimam scintillam summo impetu per longum aeris tractum perrumpere, illumque violentissime propellere: totus ille aeris tractus fragorem edet rumpentibus viribus proportionalem: cum igitur fulmen sit violentissima scintilla electrica maximo impetu vibrata; horrendum post se fragorem edere opus est.

269. In hujusmodi fragoribus, seu tonitribus plurima notantur phænomena, quorum explicatio ex eodem fonte descendit. Primo: Scilicet multiplex in diversis tonitribus, seu fulminibus, immo & in uno, eodemque fulmine percipitur soni differentia, initio v. g. acutus, postea paulatim ingravescent, deinde horrorem incutiens, & paulatim remittens: aliquando etiam uniformis; incipit nonnumquam satis vehemens, exinde languescit, repente deinde augetur, eoque pæcio plurima in eo animadvertimus, atque distinguimus discrimina. Univerſa autem diversitas, & fragoris distinctio a minori, majorive ignis electrici, seu vibratæ scintillæ copia, ac densitate, a varia aeris, seu atmosphærae per quam transit, resistentia, a diversa etiam fulminis distantia, scintillæ divisione, & similibus aliis de causis, quæ obviæ sunt, & facile intelliguntur, originem ducit. Uno aut altero exemplo rem omnem explicabimus. Fulmen, seu scintilla electrica naturalis longum percurrit iter: ea vero dirigitur, qua nubes aptum efficit conductorem. Nubes, seu naturalis conductor tortuosum ut plurimum iter, & semitam format: altius, humi-
lius

lius jacet, prout & gravitas, & alia suspensionis vaporum causæ exigunt: hac etiam in parte copiosior & facilior est conductoris materia, in alia vero difficilior efficit tramitem. Cum igitur in diversis nubium, seu conductoris, & tortuosi tramitis partibus multipliciter varietur & aeris resistentia; atque densitas, & vibratæ etiam scintillæ impetus, intensitas, & violentia; consequens inde est, ut fragores, seu tonitrua ab illis causis orta multiplici discrimine distinguantur.

270. Fragor, seu Tonitrus eo erit diuturnior, quo longior fuerit atmosphæraë tractus a fulmine percursus. Ab omnibus enim, & singulis semitæ seu conductoris partibus sonus editur; cum igitur fragor a partibus valde a se invicem, & ab aure remotis edatur; aliunde vero sonus successione temporis & lente propagetur, fit; ut non simul ad aures perveniant fragores: a vicinis atque a remotis partibus editi. Opponi hic posset, fulminis fragorem in eodem fere temporis momento ab omnibus semitæ, & conductoris partibus produci, cum in oculi istu longissimum illum tractum scintilla percurrat, & percurrendo edatur fragor. Verissimum hoc est, neque nobis contrarium. Fragor & tonitrus est diuturnior sonus, qui & eodem temporis momento a partibus valde inæqualiter ab aure distantibus produciitur. Copece lineam ab aure tua per duo milliaria distendi, per eamque in oculi istu fulmen percurrisse: tonitrus, & fragor ab eo fulmine editus tandiu durabit, quamdiu sonus duo milliaria conficere posset, hoc est, 9 fere minutis secundis: tantum enim temporis requiritur, ut sonus a parte duo milliaria ab auribus remotâ ad aures perveniat. Quare tonitrus insimul editur, sed consequenter, & paulatim auditur: ejusque partis prius auditur sonus, quæ auribus fuerit vicinior; cum citius ab illa ad aures perveniat. Si igitur fulmen versus nos dirigatur; sonum posterius editum, hoc est, ab aere nobis proximior prius percipiemus: postea vero sonum prius, & remotius ab vibrato fulmine productum, ut ex dictis evidentissime constat.

Et hinc etiam est, quod illud fulmen, quod prope nos scintillat, evibratur, ibique edita strage dissipatur, & evanescit, quin longum atmosphæraë tractum percurrat, momentarium tantum fragorem producat, qualis v. g. ab tormento bellico edi solet. Multiplici id experimento habemus, atque in iis potissimum fulmini-

bus observatur, quæ e terra erumpunt, & citissime explosione ipsa dissipantur prope telluris superficiem.

PHŒNOMENON IV.

271. Fulmina arbores potissimum, montes, turres, aliaque editiora loca impetunt, atque feriunt: hujusmodi autem phænomenon ex notissimis materiæ electricæ proprietatibus, & indole descendit. Editiora loca, puta montes, arbores proceræ, turres, cum magis a terra eleventur, ab procellosis atmosphæræ nubibus prius, & potius tanguntur, quam planities: intra nubes etiam profundius penetrant, ab illisque circumdantur: cum ergo nubes sint materia electrica refertæ, & tamquam naturalis conductor, aut capacissima catena electricata, aut amplissima naturales phialæ spectari possint; montes, arbores, turres, corpora scilicet communicatione electrica, & cum telluris globo communicantia, spectari debent, tanquam expertor, qui electricitatum conductorem tangit, ab eoque scintillam excitat, atque educit. Uno verbo, nubes procellosæ electricæ in terram moventur. & paulatim subsidendo appropinquant; in prima ergo illa corpora communicatione electrica, & cum tellure communicantia, in quæ descendendo, aut procedendo incurrerint, electricitatem suam exonerant, & quasi onustum nitrato pulvere sclopetum, aut elastica chorda violenter adducta; vim suam, atque scintillam electricam evibrant, & explodunt: prima autem illa corpora sunt montes, turres, proceriores arbores &c. Ex ipsa igitur electricæ materiæ natura sponte descendit naturalis, & obviæ hujus phænomeni explicatio.

272. Deberent tamen, inquit, proceriores semper sylvæ alicujus arbores fulmine tangi, non vero humiliores, cum altius ascendant, & prius a nube, hoc est, ab electricato conductore tangantur: oppositum tamen sæpe videmus. Resp. Teneret argumentum, si tam humilis, quam procera arbor per unam eandemque nubis partem assurgerent, aut si omnes, & singulæ procellosæ nubis partes, quæ ab arboribus tanguntur, æqualem haberent electricitatem, & perfecte inter se communicarent, ita ut materia electrica ab una ad singulas omnes nubis partes eadem facilitate pertransire posset; vel tandem, quod caput est, & difficultatem solvit,

vit, si nubes inferius in unicum superficiem horizonti parallelam defineret, & æque ab omni parte descenderet: omnia autem hæc & ultimum potissimum sunt falsa. Inferior procellosæ nubis superficies est admodum inæqualis, in cuspides, valles, colles inversos definens. Si aliquando inæqualem terræ tractum, collibus, scopulis, & id genus aliis intercisum telescopio objecta invertente observasti, collesque, turres, scopulos deorsum versus & in aere pendulos adspexisti; inferioris nubium superficiem ideam tibi comparasti veræ parum absimilem. Hinc fit ut nubes ob inæqualitatem ramorum deorsum vergentium humiliorem potius, quam elatiorem arborem, turrim, montem sæpe contingat. Ea propter sæpe procellosæ nubis cuspides tubercula, & prominentes partes ad humilem plantam, casam, mapalia, solum pertingunt, per illaque scintilla electrica exploditur, dum interim arbor proceræ, turris, mons versus profundam aliquam nubis vallem, atque angulum assurgit, illamque minime tangit, atque hoc pacto ab omni fulmine servatur immunis. Et hinc mirum non est, quod in ipsas etiam planities, & alia humiliora loca fulmina multoties explodantur.

273. Adde, quod materia electrica per corporum potius cuspides emittatur, aut recipiatur, ut experimentis ediscimus, & in loco tradimus: montes autem, turres, arbores, & alia hujusmodi spectari possunt, tamquam naturales cuspides vastissimi hujusce terrestris globi, ut ex se patet: nil igitur mirum est, si per hujusmodi cuspides facilius, & frequentius in tellurem, aut e tellure disploduntur fulmina: præcipue cum eadem illa corpora ex multis aliis capitibus fulminum ictibus pateant. Qui igitur mediis in agris, dum cælum pluit, grandinat, fulgurat, vitandi fulminis causa sub arbores confugiunt, se seque earum truncis applicant, potiusquam sibi caveant, se se exponunt periculo.

PHENOMENON V.

274. Arbores tamen præ turribus, domibus, & aliis similibus, cæteris paribus, a fulmine tangi, comperta res est. Multoties etiam accidit ut homines aut animalia alia sub arbores confugientia, evitandæ tempestatis gratia, evidentiori periculo sese exponant: partim scilicet, quia arbores ipsæ frequentius, quam aper-

ta planities fulmine feriantur, partim etiam, quia fulmina in arbores displosa, ab arboris trunco, per quem descendebant, ad homines trunco ipsi applicatos, aut prope stantes involent, in iisque stragem edant, quam aliquin ipsimet arbori inferrent. Huiusce rei causa a nota quoque materia electrica proprietate dependet. Materia electrica in corpora metallica præ humidis, aut animantibus, in humida aut animantia præ siccis dispoditur, atque evibratur: & hinc in metalla potius, quam in vegetantia, & sicca corpora se se projicit scintilla. Omnia hæc ex machinis, atque experimentis electricis ediscimus. Fulmen igitur, seu scintilla electrica naturalis a nube, seu naturali conductore domos, & arbores tangente explosa per arbores potius, quam per muros evibratur. Per arboris vero truncum decurrens, cum ad eam altitudinem devenerit, cui homines, aut alia animantia accumbunt, aut applicantur; in ipsamet animantia, corpora scilicet minus resistentia, faciliusque materiam electricam admittentia, & transmittentia, sese projicit, arborem relinquens.

275. A plurimis accepi, fulmina in navim decidentia, cum ad aquæ libellam perveniunt, dissipari nullamque ulterius stragem edere. Phænomenon forsitan aliquando est verum, quandoque etiam falsum: utcumque res sit (neque enim illius auctor esse velim) si aliquando accidit, erit id electricitatis genio, & naturæ conforme. Materia electrica in humida corpora facillime recipitur, per eaque diffunditur, dissipatur, transmittitur: naturalis igitur scintilla seu fulmen ad aquæ maris libellam, b. e., ad magnam aquarum viciniam perveniens, per aquas dispergitur, & evanescit.

PHŒNOMENON VI.

276. Vulgaria illa fulminum phænomena, seu effectus, quod scilicet aurum, aut alia metalla intra crumenam, gladium in vagina, vinum dolio contenta dissolvant, in fumos, & vapores resolvant, crumenis tamen, vaginæ, dolio parcant, atque intacta relinquant, aliaque multa iis similia peragant, ex notis materia electrica proprietatibus, atque viribus descendunt. Scimus enim scintillam electricam in metalla & fluida se se maximo cum impetu projicere, aliisque corporibus parcere, seu potius alia corpora illi resistere, eam repellere, neque facile intra se admittere: dum ergo crum-

menis, vaginae, delio, siccis nimirum corporibus, & origine etiam multoties electricis parcit, ab iis non recipitur, neque ullum sensibilem effectum in illis producit, in contenta corpora metalla aut fluida violentissime incurrit, per totam eorum massam penetrat, eos in illis effectus producit, qui sint fulminum viribus proportionales. Aliquando metalla fundet, in calcem, vitrum, fumos resolvit pro varia ipsorum corporum natura, & scintillae viribus: nonnumquam vero ex parte fundet &c. Haec etenim omnia cum scintillae electricae artificiali, tum etiam naturali communia sunt.

277. In hominibus fulmine tactis multiplicia haec, atque diversa phaenomena passim observantur. Sunt qui in ictu oculi enecentur, quorum cadavera arida ut plurimum, atque exsiccata remanent dissipatis, atque in vaporem resolutis humoribus, in quos potissimum exurit violentissima fulminis efficacia. Sunt etiam, qui violentissime, citra mortem tamen, succutiantur: eos diceret scintilla Lugduno-Batarica tangi: in aliquibus singulare id peragit fulmen, ut praeter succussionem omnes corporis membrorum pili ad intimas usque radices exurantur, & dispareant, quin aliud a fulmine patiantur malum. Sunt etenim pili vegetantes plantae tenerissimae, suis etiam humoribus nutritiis imbibitae; in illos perfrangit electricus ignis; cumque minimam illic resistantiam offendat, eos citissime comburit, & in vapores resolvit.

PHOENOMENON VII.

278. Circa motum fulminum praeter velocitatem jam superius explicatam sequentia potissimum observamus. I. Fulmina ut plurimum ab una ad aliam nubis partem, a nimbi capite ad ejus brachia, aut ramos, ut ita dicam, aut ab uno ad alium ramum transcurrunt. II. Saepè tamen a nube extra ipsam per medium aerem erumpunt, se se projiciunt & in corpus aliquod displo-
duntur, inter quod, & nubem non multum aeris interponitur. Cum hoc secundo modo fulmina evibrantur; ante fulminis displosionem quidam in pervadendo aere sibilus, seu stridor, aut fremitus sentitur, ut propria observatione comperit Walis (a). III. Fulminum semina

(a) Transact. Angl. apud Beccaria Elett. natur.

ta plerumque est obliqua, & multiplici angulo, acuto, obtuso, recto flectitur. IV. Multoties accidit, ut in medio interrumpatur, ita ut in duobus oppositis extremis fulgur appareat, quin in loco, seu nubis parte intermedia aliquid scintillæ deprehendatur: non eadem etiam ejusdem fulminis in tota ejus semita splendor; sed magnum plerumque est inter unam, & aliam partem intensitatis discrimen. V. Cum arboris alicujus fulmine tactæ examinatur truncus, atque fulminis vestigium, & viam observamus; non unum ubique eundemque effectum animadvertimus: finditur aliquando ramus, aut etiam truncus usque ad quamdam altitudinem, postquam nulla amplius fissura, aut fulminis vestigium invenitur: truncus nonnumquam a summo fastigio ad radicem usque in plura schidia finditur. Foramen per medium arboris truncum a fulmine apertum raro est, rectum, uniforme, aut continuum, sed tortuosum, multiplici angulo, atque curvatura inflexum, sæpe etiam dividitur in plura minora foramina. Interrumpitur etiam, atque in pluribus trunci partibus penitus dispareret, & iterum postea animadvertitur, unicum, aut multiplex, tortuosum similiter, iisdemque, ut prius, inæqualitatibus distinctum. Similia phaenomena edunt fulmina, quæ per domorum parietes, contignationes, portas, vitra, & cameras percurrunt, atque in iis tandem dissipantur.

279. Omnia autem hæc, & bene multa alia fulminum phaenomena relatis omnino affinia sunt pura materiæ electricæ corollaria, quæ ex ejus proprietatibus necessario consequuntur, ut modo paucis indicabimus, Materia, & scintilla electrica artificialis aut viam sibi facit, ut ab uno ad aliud corpus evibretur, aut per factam transmittitur: primum observamus, cum scintilla e conductore per interpositum aerem evibratur in corpus communicatione electricum, & conductori ex unius aut alterius pedis distantia admotum. Tunc enim cum conductor sit valde electrificatus, scintilla viam sibi per medium resistantem aerem cum fremitu facit. Secundum in materia electrica per conductorem, aut catenam transmissa locum habet. Conductor metallicus est via materiæ electricæ semper aperta. Scintilla etiam & materia electrica, ejusque vis & effectus intenditur, remittitur, distribuitur, aut unitur, lucet, extinguatur, iterum accenditur, dissolvit, destruit, inflammat pro

pro varia intensitate, quam in via habeat, atque pro diversa etiam materiae quantitate, conductoris divisione in varios ramos, & similibus aliis de causis. Ex hac materia electricae indole, experimentis quotidianis confirmata, relata omnia phaenomena derivantur.

280. Ad primum: Per mediam nubem ut plurimum percurrit fulmen; quia nubes ipsa, utpote corpora vapida, ac proinde maxime humida, & communicatione electrica, sunt aptissimi electricitatis conductores, per quos summa velocitate evibrantur fulmina, ut ab uno extremo, ubi magna est electricitas, ad oppositum, ubi remissa est, explodatur, atque ad aequilibrium componatur in diversis illis corporibus secundum ejus indolem, & virtutem.

281. Ad secundum: Si tamen nubes ipsa sit magnopere electrica, & alicui corpori in terra posito, communicatione electrico, sit vicinissima, ita ut exiguus aeris tractus tantummodo interponatur, sitque magnae intensitatis differentia in nube, & in subiecto illo corpore; materia electrica nubis summo impetu per medium aerem irrumpet, & in subiectum corpus evibrabitur: id enim ipsum in machina electrica observamus. Sibilus ille, aut fremitus ante fulmen animadversus, a materia electrica provenit, quae contra aerem adnitens, eumque jam perrumpere, & dispellere incipiens, viamque sibi, & majori materiae torrenti aperiens, praedictum fremitum producit, fulminis jam jam displodendi praenuntium. Id enim vero, aut similia observamus in machinis electricis. Rem confirmat, quod si per vacuum aut evibretur scintilla, aut suat torrens electricus perennis, nullus audiatu strepitus.

282. Ad tertium: Via fulminis est obliqua, ob tortuosum conductorem, per quem transmittitur: hujusmodi conductor est nubes, eaque nubis partes, quae magis sint vapidae, atque communicatione electrica: haec autem partes continuam quamdam corporum seriem componentes, rarissime in lineam rectam disponentur, sed multiplici angulo, curvatura, & flexibus eam tortuosam semitam efficient, quam fulmina percurrere animadvertimus.

283. Ad quartum: Si naturalis ille conductor in aliqua nubis parte in multiplices ramos dividatur, aut in magnam capacitatem ampliatur, exinde vero vel omnes rami in unicum iterum consuant, vel conductoris

amplitudo iterum coarctetur; fulmen dum per multiplici-
ces illos ramos, aut amplissimam conductoris partem di-
stributus transiit, non apparebit; quia per multiplicem,
aut ampliorem conductorem distributus minus habet vi-
rium, magisque debilitatur: in ratione scilicet inver-
sa amplitudinis semitæ magis minusve crescentis. Ea-
dem utrobique est percurrentis materiæ velocitas; sed
quo majus fuerit spatium, magis ipsa erit dispersa, at-
que rara. Hinc igitur est, quod uno eodemque tempore
idem omnino fulgur in diversis, atque interruptis
locis appareat, & evibretur; materia scilicet electrica
per semitam continuam æquali velocitate percurrit, sed
non in omnibus conductoris, aut semitæ partibus lucet.

284. Quintum ex modo dictis facile intelligitur. Scin-
tilla electrica intra arboris truncum, sicut intra nu-
bem, eam semitam, & viam sequitur, qua minor est
resistentia, & conductoris partes ad scintillam deducen-
dam apertiores ducunt: hujusmodi autem partes natura-
lem & continuum conductorem per mediam arborem
componentes, modo in plures ramos dividuntur, modo
unicum efficiunt truncum: hæc in parte angustiores com-
ponunt semitam, illa vero ampliorem. Materia igitur
seu scintilla electrica, quæ dum per unicum, & angu-
stum quidem conductorem evibratur, satis habet virium,
atque violentissimi impetus, ut conductorem ipsum rum-
pat, dissipet, inflammet, eoque pacto arborem findat,
aut foramen aperiat, nihil simile in illa arboris parte
efficiet, ubi ob conductoris in plures ramos divisionem
eademmet electrica scintilla per diversos canales, seu
conductores dividitur, & divisa debilitatur. Magnam
vero iterum stragem inferet in inferiori alia ejusdem
arboris parte; si multiplex ille conductoris ramus ite-
rum confluat, & coalescat in unicum truncum. Omnia
alia, quæ in fulminum vestigiis, atque effectibus in
arboribus, intra domorum conclavia observamus, sunt
iis modo explicatis analogæ, atque iisdem de causis ab
electricis scintillis peraguntur: in iis igitur explicandis
non immorabor, cum ex dictis nullo negotio deducantur,
atque explicentur.

PROPOSITIO XXIII.

285. Maxima fulminum pars evibrantur e nubibus,
aut per nubes transcurrunt: aliqua e terra sursum erum-
punt,

punt, aliqua etiam intra terram ab una in aliam partem disploduntur.

Hæc propositio est expositæ hætenus doctrinæ collarium, atque observationibus præterea innititur. Primo enim habemus è procellosis nubibus atque illarum ramis alias esse *positive*, alias vero *negative* electricas, & in utroque casu copiosissimos materiæ electricæ torrentes a nubibus in terram, aut vicissim a terra in nubes transmitti, è metallicis filis vehementer scintillare, ac secundum pennicilli, aut stellæ speciem projici: ignis igitur electricus, hoc est materia fulminum, & consequenter fulmina ipsa secundum ejus materiæ indolem non modo disploduntur a nubibus in terram, sed a terra etiam in nubes.

286. II. Fulmina, quæ e tellurè proxime eruperint, & in aerem fuerint displola, in transactionibus anglicanis, & Bononiensis academix actis, & alibi passim referuntur. Ad eorum numerum spectant superius a nobis relata, & omnia illa, plura vero sunt, quæ multoties in cavernis, & subterraneis aliis locis, intra domorum etiam conclavia repente accenduntur, momentarium horrendum edunt tonitrum, tamquam tormenti naturalis explosionem, stragem inferunt, & in ictu oculi disparent, quin vel e circumpositis locis in aere appareat fulgur, aut fragor existat diuturnus.

287. Facile etiam mihi persuadeo, fulmina aliqua ab una in aliam telluris partem per media ipsius terræ corpora transfluere, sicut ab una ad aliam nubis partem per mediam nubem percurrunt. Est enim telluris globus, ut diximus, vastissimum materiæ electricæ promptuarium: non tamen singula corpora, eundem globum componentia, sunt æque electrica, immo inter illa sunt aliqua origine, alia vero communicatione electrica; alia magis, alia minus electricitatis in se habent, aliqua etiam magis, aliqua minus accipiendæ, aut transmittendæ materiæ electricæ resistunt: intra globum igitur sicut in atmosphæra, materiæ electricæ æquilibrium interrumpi facile poterit: atque proinde hujusmodi materiam ab unis ad alia corpora per subterraneum naturalem conductorem magno cum impetu evibrari, dubium mihi non est. Terræmotus etiam prædictæ causæ, & subterraneis materiæ electricæ explosionibus, transcur-

seculis, ruptoque æquilibrio originem suam debent. Quæ in hac propositione dicimus, luculentius in sequenti confirmabuntur.

PROPOSITIO XXIV.

288. *Fulmina, & copiosi illi materia electricæ torrentes, qui a nubibus in terram descendunt, ab una teluris parte, ubi major est electricitas, ad aliam, ubi minor est, per medias procellosas nubes provenire, & transcurrere videntur: in nubibus præterea multiplici modo excitari potest materia electrica, & fulmina cadere.*

Satis hucusque demonstratum fuit, fulmina, fulgura, tonitrua esse purum putum electricissimum naturalem, aut electricitatis effectum. Innumeræ igitur horrendæ & violentissimæ scintillæ electricæ naturales, & copiosissimi præterea ejusdem materiae torrentes, &, si ita loqui fas est, imbres a procellosa nube in terram proripiuntur, atque descendunt, ut superius etiam ex observationibus deduximus. Quantam enim materiam electricam vel una scintilla e conductore, aut phiala Lugduno-Batavica in ictu oculi extrahat, non ignoramus: quanta igitur illa erit, quæ ab amplissima procellosa nube plurimas leucas quadratas innundante extrahent innumeri illi naturales conductores, arbores nimirum, montes, turres, atque pluvius aer, immo & ipsæ aquæ guttæ? Omnia enim hæc per quadrantem, aut semihoram circiter ignem electricum e nubis extrahunt. Unde tamen immensa pene illa materiae electricæ copia nubibus communicatur? Unde illam habent, & extrahunt? A vaporibus ne, & nubibus aliis per aerem dispersis, ab aere ipso, an a terra? Hoc unum est, quod modo inquirimus, & decidimus. In hac autem propositione contendimus, nubes ut plurimum esse naturales fulminum conductores, ipsam vero materiam, & torrentem electricum ab ea potissimum teluris parte, quacum procellosa nubes communicat, erumpere, & per nubem ad eum ipsius ramum, aut terræ partem deferri, quæ & minorem habeat electricitatem, & procellosam nubem, quasi conductorem contingat, aut proxime circumstet. Neque tamen id de omnibus generatim fulminibus, & univer-

sa materia electrica a nubibus procellosis in terram dispoſa, ſed de maxima utriuſque rei parte affirmo: aliqua enim fulmina, & materiam electricam ab una in aliam nubem, cum ad contactum accedunt, exonerari, atque evibrari, aliqua tandem intra nubes ipſas excitatione formari, & diſplodi, alterum eſt propoſitionis caput.

189. Priorem partem mihi probant ſequentia argumenta. Si ab artificiali conductore, aut phiala Lugduno-Batavica, quantumvis intenſiſſime electriciſcatis, vel unam ſcintillam educimus: alterum e duobus ſemper evenit, nimirum vel tota illico conductoris electricitas, exhauritur, vel ſi qua adhuc remanet, omnes ſcintillæ, quæ deinceps extrahuntur, ſunt ſemper priori remiſſiores, & ſenſim ſemper languescunt, ita ut citiſſime ſiniantur, niſi nova ſemper electricitas ad conductorem accurrat. E procelloſa nube, quæ ampliſſimo telluris tractui ſupereminet, & in imbres ſolvitur, innumeri ſere naturales conductores per horæ quadrantem, aut ſemihoram ampliſſimos materiæ electricæ torrentes in terram deducunt, ut ex filiſ metallicis edocemur. Ex ipſis etiam filiſ per totum illud tempus viviſſimæ excitantur, & evibrantur ſcintillæ electricæ: quia ſubſequentes antecedentibus vivacitate cedant, aut electricitas languere, ac minui animadvertatur. Supponamus parumper totam procelloſæ nubis electricitatem, qua, dum in imbres diſſolvitur, omnino exoneratur, in ipſa jam contineri, cum ſila edere cæperant ſcintillas. Tum vero aut primæ filorum ſcintillæ totam nubium electricitatem exhaurirent, atque extraherent, aut ſaltem (ſi tanta ſtatuatur in nube materia) ſcintillæ poſt primas paulatim ſemper languerent. Cum igitur contraria omnia obſervemus; dicendum eſt, copioſiſſimos illos electricæ materiæ torrentes non contineri ſimul in nube, ſed aliunde adduci, & per nubem quaſi per conductorem transmitti: præcipue cum ſcintillæ non modo non languerent, ſed multoties etiam magis intendantur verſus tempeſtatis finem.

290. Unde tamen copioſi illi materiæ electricæ torrentes in nubem? Ab aere ne, an a vaporibus, aut aliis nubibus hac illac per aerem ſparſis? At Aer, corpus origine electricum materiæ electricæ tam ac-

cupiendæ, quam emittendæ resistit; licet enim plurimum ignem electricum contineat, illius tamen est tenacissimus: & sicut alterius electricitati resistit, ita propriam tenacissime retinet (a). De vaporibus, & nubibus separatis quæri similiter potest, unde electricitatem, siquam habeant, acceperunt? Non inficior, ut jam dixi, aliqua fulmina a separatis illis nubibus evibrari, cum illæ ad procellosam nubem adjunguntur. Si enim sint inæqualiter electricæ, ut plerumque fit, ab una ad aliam reparandi æquilibrîi causa evibrabitur ignis electricus. Sed circa has nubes separatas, & paullatim ad procellosum nimbum se se adjungentes, comperta habemus sequentia, eas esse ut plurimum *negative* electricas, cum procellosæ nubes habeant positivam electricitatem: aut saltem electricitatem potius, & frequentius a procellosa nube accipiunt, quam illi impertiant, minoremque proinde habent vaporem. Fulmina igitur a procellosa potius in adjunctam nubem, quam e contrario exploderentur.

291. *Secundo*. Adscititiæ hujusmodi nubes & magnitudine, & numero exiguæ tot fulminum materiæ suppeditandæ, quot e procellosa sæpissime nube erumpunt, impares omnino sunt: cum sæpissime efformentur nimbi, fulminum numero horridi, dum raræ, & paucissimæ in atmosphæra existunt separatæ, atque adscititiæ nubes. *Tertio*: Cum in copiosissimum imbrem jam resolvitur procellosa nubes, totamque alicujus loci circumpositam atmosphæram obumbrat; nullæ jam tum supersunt adscititiæ nubes a nimbo separatæ, sed omnes quotquot in ejus loci cælo erant dispersæ, adsunt præcipuè nubi, aut nimbo adjunctæ, & tota procellosa nubes eandem ubique habet densitatem: nihilominus tum maxime ingeminantur, & intensiora sunt fulmina, & major in filis metallicis animadvertitur electricitas: hæc igitur, sicut & universa illa fulmina non proveniunt ab ejusmodi nubibus.

292. Attamen, opponis, vastissima est procellosæ nubis capacitas: in illa proinde tota illa materia electrici-

Ari-

(a) *Beccaria loc. cit.*

Ætica comprehendi, atque contineri potest, quæ per semihoram in tellurem descendit, atque tot fulminibus ignem electricum suppeditat. Deinde nullas adscititias nubes etiam tum nimbo adjungi, cum ipse jam in imbrem solvitur, auctor esse nolim; cum interea temporis neque procellosæ nubis latera, & circumstantem atmosphæram, neque superiorem ejus partem observare possumus. Respondeo. Amplissima est nubis procellosæ capacitas, sed per innumeros etiam conductores materiæ electricæ torrentes in terram emittit. Deinde procellas nubes non tantum a parte inferiori, sed etiam a lateribus, & a superiori parte observamus; cum scilicet e loco nubibus altiori, aut extra procellæ ambitum rem contemplantur; undecumque autem observationem instituamus, nullæ aut rarissimæ apparent adscititiæ nubes, e quibus derivari possint prodigiosi illi electrici torrentes. Iterum tamen dico, de integro effectu loquor: plurima enim fulmina etiam dum in pluviam aut grandinem solvitur procella, ab adscititiis evibrari nubibus, convenio: idem ne dicam de omnibus, aut maxima etiam effectus parte, faciunt expositæ hucusque rationes.

293. *Secundo*: Procellosæ nubes aliqua semper ex parte horizontem attingunt, & cum telluris globo communicant: & licet interdum sensibilem nubium cum terra contactum non despiciamus; id vel ex distantia, & locorum dispositione, atque situ provenit; vel eo quod non densa ipsa nubes, & augescens nimbi caligo, sed aliquæ vaporum virgæ, columnæ, rami & terram, & densam nubem attingant, neque tamen sint satis densi, atque obscuri, ut ad observandum esset opus. Uno verbo; nubes illa, quæ plerumque est procellæ initium, & prima, ut ita dicam, basis, aut fermentum, cum horizonte communicat, sensim augescit, ampliatur, ascendit, expanditur; circumpositas nubeculas ad se trahit, & secum unit, ramum unum, vel alterum versus aliquam horizontis plagam paulatim extendit; hujusmodi ramus, dum extenditur, paulatim crassescit, circumpositas separatas nubeculas sibi adjungendo, & interim in longum semper diffunditur, quo ad ineditiorem aliquem terræ locum, montem, collem incurrat, aut pondere, vique suæ electricitatis parum-

per ad horizontem descendens, cum aliquo tandem telluris tractu communicat, & in imbres per totum illum tractum solvitur. Dum interim hæc omnia fiunt, fulmina a procellæ basi per totam deinceps nubem, ejusque ramos, aut vicissim, fulgurant, & evibrantur; ita ut pro ratione intensitatis, & multiplici-
tatis fulminum in ipsius nimbi capite, ac basi, & ramo velocius efformetur, ascendat, ampliatur procella, atque promoveantur seu exerantur rami (a). Hæc, inquam, quæ communissima est, formandæ tempestatis ratio, progressio, ampliatio, diffusio, & tandem resolutio satis evincit, ipsummet nimbi corpus electricitate paulatim formari, asurgere, electricitate promoveri, dilatari, nubes adscititias ad sese trahere, & tandem in longinquum telluris tractum displodi; unaque secum in tellurem devolvere vapores & imbres.

294. Cum dico vapores a materia electrica deorsum etiam in tellurem trahi; propriam eorum gravitatem non excludo: immo ad unum eundemque effectum, pluvie scilicet formationem, & lapsum utramque causam influere intelligo. Majorem vaporum gravitatem eos deorsum detrudere, res est manifesta; alia vero ex parte electricam materiam, dum ab uno ad aliud corpus percurrit, una secum levia corpuscula deferre, in quæ incurrit, aut in quibus ipsa continetur, vulgare est experimentum.

295. Ex his, atque aliis, quæ prudens omitto, si non certo, quod dicere non audeo, magna tamen probabilitate apparet, procellosas nubes esse plerumque, & quoad majorem fulminum numerum naturales eorum conductores ab uno ad alium telluris tractum. Ex una enim parte certum est, fulmina esse purum purum electricismum; ex alia vero aliud non est præter telluris globum, unde nubes eam materiam accipiant. Rursum in hoc fulminum, seu naturalis electricismi systemate, aut potius theoria omnia fulminum phænomena ex notis materię electricę proprietatibus deducuntur.

296. Secunda propositionis pars facile ex dictis con-

(a) *Observ. Beccariæ, loc. cit. littera 10.*

constat, atque ex genio electricitatis. Si attente legas, quæ in tractatu de electricitate artificiali tradimus circa diversos modos quibus electricitas in corporibus excitatur, intenditur, transmittitur: si quænam sit nubium natura, in memoriam revoces; quænam potissimum eas efforment substantiæ, halitus, exhalationes: corpora origine, aut communicatione electrica: si tandem multiplices in tota atmosphæra, & in nubium potissimum partibus motus, & fermentationes fieri animadvertas, ut late habes in superioribus expositum; hanc alteram per te deduces propositionis partem. Nubes componit infinita fere exhalationum sulphuris, bituminum, aliorumque corporum origine electricorum vis. Subtilissimi hinc halitus cum tot aliis diversorum generum exhalationibus continuata vicissitudine permixti perenni etiam fermentatione incalescunt, agitantur, fricantur. Eo perfectius hæc peragentur, quod sint naturæ ipsius opus. Hæc enim vero sunt excitandæ electricitatis ratio. Vides idcirco in nubibus exhalationum multiplicitate, & vi præditis perennem fulminum, & fulgurum veluti fontem. Hæc indicasse satis, suis quæque locis exposita. Illud unum tantummodo addam confirmationis causa. Fulmina, fulgura, & tonitrus arte quodammodo eduntur; si sulphures, bituminis saliumque spiritus secum permisceantur, & fermententur. Nicolaus Lemery mixturam quamdam librarum 50. ex sulphure, limatura ferri in aqua communi solutis, ita ut partes essent æquales, sub terram posuit: novem elapsis horis flammam eructabat tellus (a).

297. Obijci tantum posset, materiam electricam, si ab una telluris parte ad nubes elevatur, ut ad alium ejusdem globi tractum impetu deferatur, per ipsam potius telluris massam, & corpora, quam per medium aerem viam sibi facere, atque pertransire debuisse. Præterea enim quod in artificiali electricismo, & machinis electricis observemus, aerem materiæ electricæ dissipationem, & diffusionem resistere, illam circa conductorem retinere, neque alio trans-

mit-

(a) *Hist. de l' Acad.* 1700. pag. 51.

mittere ; major tane erit aeris , quam terrestrium corporum resistantia : cum igitur materia electrica ab uno corpore in aliud per breviorē , & insimul minus resistantem , qua potest , viam dirigatur ; brevior autem sit , minusque resistantiæ in via per media corpora terrestria , quam per atmosphæram existat ; primam illam præ secunda arripiet materia electrica .

298. Resp. Ut argumentum valeret , probandum omnino esset , corpora terrestria universa minus electricitati transmittendæ resistere , quàm aer . Id autem neutiquam demonstrari potest : quin immo oppositum ab electricis artificialibus experimentis constat . Scimus enim vero electricitatem corpus v. gr. conductorem metallicum , si mediis resinosis , aut similibus aliis materiis a terra separatur , vim suam diuturno tempore servare : constat etiam , eundem electricitatem conductorem aere circumdatum vim suam paulatim amittere , aeremque , vaporibus semper impurum , eo minus materiæ electricæ resistere faciliusque illam recipere , atque transmittere , quo magis extiterit vapidus . Jam vero duo etiam hæc omnino constant , atmosphæram eo potissimum tempore , quo tempestates efformantur , maxima vaporum vi repletam existere : ex eoque proinde capite electricæ materiæ longe minus resistere : globum deinde telluris , & suppositum procellosæ nubi tractum quamplurimis diversarum specierum corporibus , & corporum stratis esse compositum ; quorum multa sunt origine electrica , ac proinde transmittendæ electricitati resistunt : ex hisce duobus sequitur , per atmosphæram potius , quam per media terrestria corpora viam sibi facere materiam electricam .

Corollaria , & phænomena alia .

299. Ex tota hac fulminum , fulgurum , tonitruum theoria præter alia jam explicata facile ulterius deduces sequentia corollaria , & phænomena : I. *In locis fulmine nuper tactis ingratum sentimus sulphuris , bituminumque odorem .* Hæ enim vero substantiæ , & copiosæ exhalationes facillime , & vehementissime electricantur , fiuntque ad scintillas naturales , hoc est , vera fulmina evibrandum aptæ . Manifestum rei

rei exemplum habes in relata superius observatione *Maliaci* facta.

300. II. *Ea idcirco telluris loca, aut regiones, quæ ardentibus montibus abundant, frequentioribus, atque horridioribus tempestatibus, fulminibus, sicut etiam terræmotibus, sunt obnoxia.* Exemplo sunt Japonia, Quitto, Perù, pluresque aliæ Americæ provinciæ, ut videre est apud *Ulloa* (a), *Charlevoix* (b), & alios passim ejuldem argumenti scriptores. Quod etiam non leve argumentum est, materiam electricam non modo tempestates, & fulmina, sed terræmotus etiam, & ardentis montes gignere. Ea enim vero sunt loca, in quibus infinita fere relatarum substantiarum existit copia. Ex contraria ratione loca sunt fulminibus raro, aut numquam infesta: propterea quod supradictis substantiis parum abundant. In vastissimis peruani regni planitiis, cum numquam pluatur, aut addensentur nubes, ignota pariter sunt fulmina (c).

301. III. *Nonnisi vere primo, & æstate tonat, & fulminat cælum.* Ea enim tempestate, cum siccior sit aer, materiæque electricæ magnopere resistat, in nubibus in atmosphæra pendulis, & resistenti aere circumdatis intendi, seruarique potest electricitas inibi excitata, aut aliunde recepta. Contra vero hyemali tempore, aut autumno per atmosphæram nimis vapidam, & humidam tota dissipatur, & diffunditur materia electrica. Cum igitur intra nubes tum temporis non retineatur; neque rumpitur æquilibrium, neque dispioduntur scintillæ. Res perinde accidit in machinis electricis. Humido aere, conductor, cujus munus agunt in cælo nubes, numquam evadit electricus; maxime vero dum sicco aere circumdatur. Accidit præterea, quod æstate ob vehementem solis calorem magna sulphureorum halituum vis in atmosphæram ascendit, ibique inter se, & cum aliis substantiis multiplici ratione agitati, & fermentati accenduntur, fulgurant, horrendosque edunt tonitrus: simi-

(a) *Relacion del viage al Perù.*

(b) *Histoire du Japon.*

(c) *Ulloa relacion del viage* P. 2. to. 3. cap. 6.

similia phænomena superius exposuimus, cum de aeris qualitatibus sermo fuit.

Dum ita agitantur, fermentantur, calefcunt, & fricantur sicca huiusmodi corpuscula; electrica fiunt. Fieri tamen aliquando non negaverim, ut citra vim electricam accendantur in atmosphæra subtiles illæ exhalationes; eaque ratione placidiora edunt luminosa metheora inferius exponenda.

302. IV. *Hinc patet, cur prius lucem, quam tonitrum sentiamus, licet in eadem nube, & tempore eodem edita ab eodem spectatore observentur.* Lux enim, hoc est repentina electrica scintillatio momento temporis ab enormi distantia ad nos pervenit; sonus autem non nisi tarde propagatur. Hinc etiam est, quod coruscatio seu fulgura pluribus observatoribus in varia a coruscationis loco distantia existentibus insimul spectetur, tonitrum autem prius audiant, qui fulgures loco sunt propiores. Fulgur igitur eo tempore, quo editur in nube, ab observatoribus spectatur, tonitrus autem in magna potissimum distantia, tum maxime auditur, cum jam in nube non exiit.

303. Hinc quo tardius a viso fulgure tonitrum audimus, eo remotiorem a nobis esse procellam concludere possumus. Etenim, ut in loco exponimus, omnes soni eadem celeritate deferuntur, & propagantur, licet plurimum in intensiōe, aut remissione differant, idemque sonus tantundem spatii initio, atque in fine æquali tempore percurrit. Notum porro est, observantibus Academicis Florentinis (a), & pluribus item aliis, sonum mille, & centum fere pedes; aut potius 1160. singulis minutis secundis conficere; 4. igitur secundis præter propter milliare italicum; 12. secundis leucam conficit. Quot igitur inter visam fulgurationem, & tonitrum minuta secunda interfluant, totidem mille pedes ab observatore distat procella. Experimento etiam compertum est, arteriæ in homine sano pulsationem minuto secundo ut plurimum respondere; digito igitur ar-

(a) *Saggi di naturali esperienze. Esperienza 2. intorno al movimento del suono.*

arteriæ applicato, pulsationes a fulgure viso ad tonitrum usque auditum interfluentes, & numeratæ certam inter te, & procellosam nubem indicabunt distantiam.

304. V. *Licet fulgur plerumque præcedat tonitrum, tonitrus plerumque coruscationem subsequatur; utrumque tamen sæpe fallit.* Coruscationem interposita nubes nonnumquam occultat, dum interim audimus murmur. Ob magnam etiam spectatoris a nube procellosa distantiam, vivida sæpe videmus fulgura, quorum murmur, sonum scilicet per crassum aerem propagatum longa illa distantia extinguit. Citra strepitum disploduntur etiam aliquando in machinis electricis scintillæ, cum nullam, aut exiguam inveniunt resistantiam: puta cum per vacuum, aut rarissimum aerem evibrantur. Similis sæpe accidet in natura casus; cum in altiori atmosphæra excitabitur, & displodetur scintilla. Norunt præterea chymici eas secum ipsis substantias componere, & permiscere, ut media fermentatione aliæ quidem citra inflammationem magno cum strepitu displodantur, aliæ sine strepitu placide accendantur, & fulgurent.

305. VI. *Vulgaria illa metheora lucida stellæ cadentes vulgo nuncupatæ, & plurima alia ignea in aere phænomena; aut sunt omnino scintillæ & materia electrica ab una ad aliam udi aeris partem evibrata, aut non parvam cum hac causa affinitatem habent.* Per hæc tamen non inficior communem alium *stellas cadentes* explicandi modum, quem infra etiam tradam. Ad unum fortasse eundemque effectum duæ causæ, alioquin non dissimiles, & in natura existentes concurrunt. Quod lente hujusmodi metheora accurrere videantur, nihil omnino officere potest; materia enim electrica, cum per medium non resistens, conductorem scilicet, & catenam metallicam, per nubes atque per alia hujusmodi aptissima media transcurrit, velocitate fertur, quam in catena, & fulmine observamus: si tamen per aerem aut per aliud resistens corpus transeat, lentius ad resistantiam superandum, & viam sibi violenter aperiendam movebitur. Similia multa habemus exempla in ipsismet fulminibus, quæ aliquando igneorum globorum forma hac illac, non tamen in ictu oculi transcurrere videntur; ut superius retulimus.

306. Nauticos illos ignes, quos *Castorem*, *Pollucem*, *Santelmum* nautæ appellant, cum aut ingruente, aut remittente, aut perseverante tempestate appareant, propriumque aliunde scintillarum electricarum, stellarum, aut pennicillorum characterem habeant; luceant, scintillent, discurrant, evibrentur, malo, antennis, aut aliis navigiorum partibus adhærere videantur, hoc est, tamquam stellarum, aut pennicilli electrici per aliquod tempus emittantur, aut recipiantur; vix dubium mihi superest, inter electricas scintillas esse numerandos. De his tamen inferius iterum sermo erit.

307. VII. Aliud etiam ex dictis consequitur peculiari animadversione dignum: *Quod scilicet pessime sibi, vitæque suæ consulunt, qui, dum cælum supra, aut prope illos fulminat, sub arboribus se se recipiunt, supra montes, colles, aut editiora alia loca permanent, aut prope humida, & metallica corpora consistunt; si hæc in altum eleventur, ita ut conductoris munus subire possint.* Fulmina enim, & omnes scintillæ electricæ hæc amant corpora, in illa maximo cum impetu se se projiciunt, per illaque, vix nubes ad eorum contactum, aut viciniam appropinquatur, violentissime & summa celeritate exploduntur; metallica tamen præ animantibus, aliisque humidis, humida præ siccis præferunt: quin imo sicca corpora relinquit materia electrica, ut in humida, vegetantia, animalia transiliat: hæc etiam relinquit, ut evibretur, & transluat in metallica.

308. Quare cæteris paribus, majus erit a metallicis, quam a reliquis omnibus; ab arboribus, atque humidis, quam a siccis periculum. Alia tamen ex parte conductores metallici, si sufficienti numero, atque capacitate circum nos statuuntur, ab omnibus fulminibus nostueri, omnemque fere eorum materiam electricam in se se recipere, ac in tellurem transmittere possunt. Circa hæc ex alibi dictis animadvertendum est, per conductores longiores, capaciores, aut plures numero majorem materiæ electricæ quantitatem, copiosioresque torrentes percurrere, atque transmitti posse, quam si conductores sint breviores, aut angustiores, aut pauciores numero. Fulmina deinde alia aliis sunt violentiora, majorique impetu, materiæ copia, atque densitate exploduntur. Et hinc unus idemque con-

conductor, seu filum, aut tubus metallicus, qui ad debile fulmen accipiendum, & per sese transmittendum satis erit, ab alio intensiori fulmine dissolvetur, neque ad illud transmittendum, atque a nobis accendendum sufficiet. Generatim tamen verum semper erit, conductorem quemcumque metallicum rite dispositum vim fulminis minuire; in sese recipere, & alio derivare. *Secundo*: Melius, tutiusque a fulminum ictibus, & strage domos defendi, si plures, longiores, & capaciores conductores metallici ad earum muros, aut angulos, vel in exigua ab iis distantia statuuntur, quam si angustior, brevior, aut nullus etiam sic hujusmodi conductor. Hæc omnia sunt vera, cum aliunde jam supponitur fulminis displosio. Utrum vero conductoribus hisce aliquando fiat, ut ad nos dirigatur fulmen, quod aliò, conductore sublato, dirigeretur, eoque modo periculum potius augeant, quam avertant conductores metallici; ab ulterioribus circa rem hanc experimentis, & observationibus ediscemus.

309. VIII. Tandem ut longam dissertationem absolvam, facile hæc etiam intelliguntur communia fulminum phænomena.

Fit plerumque imminentibus procellis, ut vividam fulgurationem, & insignem tonitrum subsequatur. pluvia: & post copiosam pluviam evanescat paulatim procella, tonitrus, & fulgura sensim minuantur, & numero, & magnitudine. Adscititia nubes, inter quam & procellam magnum est electricitatis discrimen, nimbo jam proxima, ad illum a torrente electrico præcipitatur: atque ex violento vaporum incurso, mixtione, & unione opus est efformari pluviam. Nimbo pariter in copiosos imbres resoluta, & vapores, & cum iis electrica materia in terram labuntur. Consequens inde est, rarefcere nubes, fulgura minui, & languescere, serenari cælum.

310. Homines, animantiaque cætera interire fulmine tacta, triste, & non rarum est experimentum. Tradiderunt veteres, esse laurum ab omni fulmine asylum, numquam de cælo tactam. Nulla jam est anili huic fabulæ fides. Animantia fulmine tacta suffocatione plerumque pereunt. Fulmina magnam sulphureorum halituum vim secum deferre, hujusmodi vaporibus aeris elasticitatem destrui, nos docent

cent experimenta, fule jam superius exposita. In loco igitur a fulminibus tacto aerem nimium rarefcere, elasticitatem amittere, respirationi evadere ineptum, suffocationem inde & mortem sequi, pura est & necessaria causarum connexio. Interdum etiam præter suffocationem corpora animantium, humore penitus consumto, in cineres redigere accidit, idque est electricitatis genio conforme.

Citra mortem etiam leviora sæpe damna hominibus inferunt fulmina. Cutem aliquando innoxie lambunt: ad eum modum, quo flamma debilem vini spiritum supra manum diffusum sæpe depascit citra doloris sensum.

LECTIO VII.

De Aliis Metheoris igneis, Stellis Cadentibus, Trabe, Columna, Ignibus fatuis, Pyramide, Clypeo; præcipue vero de Aurora Boreali.

311. *Stellæ cadentes sunt, quas sequentibus versibus eleganter descripsit Virgilius (a).*

*Sæpe etiam Stellas Cælo impendente videbis
Præcipites Cælo labi, noctisque per umbram
Flammarum longos a tergo albescere tractus:*

Accensæ exhalationes stellam referentes, & noctu per aerem transcurrentes, vel prolabentes; brevi tamen dissipantur, & evanescunt. Noctu solummodo videntur, non quia interdiu sæpissime non accendantur, sed quod solari luce obscurentur. Harum materia eadem est, quæ fulminum. Immo debilia quædam fulmina habendæ sunt: ignis nimirum electricus una cum vaporibus a terra in atmosphæram elevatus, illicque collectus, accensus eaque directione ab uno ad alium locum decurrens, qua conductor, hoc est, vaporum semita ducit. Aliquando etiam idem, & similia alia phænomena edunt aliorum corporum particulæ, sulphurei scilicet, & subtiles ha-

(a) Georg. l. i. v. 365.

halitus sursum elevati, & in aere fermentatione, frictione, concussione, aut alio quocumque modo accensi. Prope terram accenduntur: nullum tamen tonitrum edunt, ob nimiam, qua præditæ sunt, raritatem, & subtilitatem: neque enim omnes spiritus sulphurei, & subtiles, dum inflammantur, sonum edunt. *Stellas cadentes* arte fieri, certum est; teste *Muschembroek* (a), camphora, nitro, & limo terræ permixtis, spiritu vini perfusis, & in globum conformatis. Si eum globum incendas, & per aerem projicias; stellam cadentem, & tenuem illius faciem residuam referet.

312. Ea quam modo diximus ratione fiunt plurima alia metheora ignita, quæ pro figurarum varietate diversis donantur nominibus, eademque materia constant, qua *cadentes stellæ*. Purissimæ exhalationes, halitus subtiles sursum elevati, in unum locum confluentes, in aere natantes, & casu aliquo incensi: potissimum vero vapor electricus, qui in nubibus, atmosphæra, singulisque ejus corporibus existit, plurimasque ibi mutationes patitur, atque vicissitudines, hisce omnibus causa sunt, materiam, & alimentum præbent. Perbrevis plerumque est eorum duratio; quia tenuissima, qua accenduntur, materia facile dissipatur. Si cylindricam formam referat exhalatio; nuncupatur *columna*: *pyramis*, si e latiori basi in acumen desinat: *Clypeus*, si figuram habeat & planam, & rotundam. Si horizonti parallela, & longa insimul existat, *Trabs*: *Draco*, si media in longitudine, in ventris formam intumescat: *Caprea saltans*, si rotunda quidem figura pendentes veluti circa se quosdam habeat floccos, & irrequieto simul motu hac illac diffiliat.

313. Eadem hæc phænomena commemorant sæpe veteres philosophi *Aristoteles*, *Plinius*, *Seneca*, alii. Iis nominibus donasse crediderim, quæ modo nos auroram borealem nuncupamus. Inter illa, & postremum hoc phænomenon non modo magna intercedit affinitas, sed in aurora boreali relata illa sæpe observantur metheora. Eadem omnium est materia, causa, modus: diversa tantum nomina.

314. Simile aliud observatur in cælo phænomenon, aliquibus in locis frequentissimum. Figura a superioribus potissimum differt; cum referat semper sphaeram. Quod eandem hoc etiam, ac fulmina, naturam habeat, ab iisque tantummodo viribus, intensitate, aliisque accidentibus differat, substantia vero convenient, innumeræ passim demonstrant observationes. E multis pauca atque indubiæ fidei referre satis: in quibus nihil deprehendes, quod fulminum theoriæ non sit analogum, ex iisdemque causis non explicetur. I. Eorum figura est sphaerica: id autem fluidis in alio fluido natantibus, & ab illo undique pressis commune est: prædicti vero globi sunt fluida materia ex sulphureis, aliisque similibus exhalationibus potissimum composita. II. In Quitto, supra Andes, in Peruanis littoribus, locis equidem terræmotibus, fulminibus, hoc est, naturali electricitate admodum vexatis frequentissima sunt hujusmodi metheora: globos lucidos & igneos illic sæpissime observavit *Ulloa*. Apparebant repente in atmosphæra: claro circumquaque lumine fulgent: percursa semita satis longa evanescebant, edito fragore tormenti muralis dislosionem referente (a). Cum a Chile in portum Callao navigaret, metheoron relato simile noctu repente accensum 4. minuta prima temporis tenuit, eo interim splendore fulgens, ut a puppi, qui in prora essent dignoscerentur. Semihora ab illius dislosione transacta duplex consecutus est terræmotus (b).

315. III. Stellæ cadentes, seu globi illi aerei accensi aut pluvix, aut æstus sæpe existunt prænuntia (c): quod etiam est electricitatis genio conforme. IV. Globorum magnitudo omnino varia: pro majori aut minori exhalationum in atmosphæra, & phænomeni loco tum temporis existentium copia. Globus ardens a *Kirckio* Lipsiæ anno 1686. observatus dimidiam Lunæ apparentem diametrum æquabat: paulatim disparuit, seu evanuit; dum tamen luxit tellurem ita il-

(a) *Ulloa loc. cit. P. 2. vol. 3. l. 1. cap. 2.*

(b) *Idem loc. cit. vol. 3. l. 2. cap. ultimo.*

(c) *Beccaria Electr. naturale.*

illuminabat, ut ad ejus lumen epistolæ noctu legerentur. Cum autem idemmet globus e civitate *Schlaitz*, undecim leucis germanicis a Lipsia remota, fuerit observatus; illius altitudo 5. aut 6. milliaria æquabat: globi igitur diameter plusquam 300. pedes extendebatur: erat igitur parva quædam nubes ardens, & in globum undequaque pressa.

316. V. Multi per aerem moventur motu ut plurimum rapido: alii in eodem loco consistunt, quoad tandem evanescent. Qui moventur quamdam post se caudam trahunt, seu relinquunt: omnes autem, cum dissipantur, imo & quacumque transeant, sulphureum odorem circumquaque emittunt, & post se relinquunt. Aliqui non paulatim sed simul dissipantur, seu potius horrendo cum fragore disploduntur, cujusmodi fuit, quem anno 1719. Bononiæ observavit *Balbus*, Lunæ apparenter æqualem, tetro colore præditum, cujus tamen lumen solarem lucem, cum in horizonte ortivo exiit, referebat. Cauda, quam post se trahebat, septem illius diametros æquabat. Quatuor in illo observabantur tetræ veluti voragines, fumosam materiam eructantes. Aliqui, dum moventur, magno cum strepitu feruntur: alii autem taciti pertranseunt. Ex phænomenorum igitur, atque effectuum similitudine indubium mihi est, hujusmodi globorum materiam eandem esse, ex qua fulmina componuntur, licet aliqua interveniant discrimina, ex quibus singulares etiam nascantur effectus igneis globis præ fulminibus, aut vicissim convenientes.

Sunt igitur ii globi luminosi, nubes quædam copiosissimo igne electrico instructæ, atque refertæ: & hinc non solum fulminis, sed etiam (immo potius) auroræ borealis phænomena edunt: cum ex eadem materia omnia hæc metheora componantur, eandemque habeant causam.

317. Alii etiam sunt ignes, accensam candelam referentes, qui in sepulcretis, locisque uliginosis noctu aliquando apparent, motuque irrequieto qualem in homine rationis impote observamus, huc illuc moventur, & dissiliunt; fugientem hominem sequuntur, sequentem fugiunt; ignesque proinde fatui nuncupantur. Hujusmodi ignes, quod in sepulcretis appareant, rude vulgus Cacodæmones, aut mortuorum ani-

animas occulta Numinis providentia illic commorantes reputat, & religioso quodam refugit terrore. Eorum natura, & materia multiplex esse potest. Vel enim est eademmet, quæ fulminibus communis habetur, ut hætenus explicavimus; vel uliginosi aliqui halitus & spiritus subtiles ex diversis corporibus uliginosis erumpentes, sursum elevati, secum ipsis permisti, & naturalis fermentationis beneficio lucidum, & luminosum, non tamen ardentem, phosphorum componentes; qui tamdiu lucent, quamdiu subtilis materia non dissipetur, & evanescat. Eorum motus ab aere commoto provenit. Hominem progredientem anterior aer refugit, seu potius repellitur, sequitur posterior, in locum scilicet ab homine desertum successurus, eum igitur motum habebunt exhalationes, aut phosphori in prædicto aere innatantes. Apparent vero plerumque in sepulcretis quia dum numerosa illa, pingua & oleosa cadavera humana putrescunt; omnis illorum materia, si ossa, & caput mortuum excipias, pinguedo, spiritus subtiles, salia, partes oleosæ sursum supra terram erumpunt, atque supra cæmeteria atmospheram quamdam, seu subtilem nubem perenniter formant, quam nos etiam respiramus, dum illic commoramur.

318. *Ignes ergo fatui* sunt de specie, & natura phosphoron; illorum materia, neque ardet, neque calida deprehenditur, & nihil aliud est, quam partes viscosæ, & oleosæ putrescentium animalium, aut aliorum corporum, quæ calore solari elevatæ, & frigore deinde addensatæ perinde lucent, atque piscium putrescentium squamæ, & nonnumquam etiam aliquæ quorundam cadaverum partes. Radii igitur, & calor solaris in hisce phosphoris producentis terrestris ignis munus agit, accedente etiam materia electrica, quam in his ignibus, & similibus theoris magnam habere partem facile crediderim.

319. Huiusmodi ignes non tantum lucere sed calore etiam minime innoxio ardere, inde constat, quod si in aptam materiam incurrant, aut illi adhæreant; incendium non semel prodixerint. Sunt & alii ignes quos *lambentes* appellant; propterea quod animalium cutem, capillos, caput, frontem lambere videntur; accenduntur enim aliquando, & apparent circa animalium capillos, frontem &c. atque ex uliginosis ha-

halitibus, & igne electrico, qui ab animalium corporibus erumpit, efformantur. Si enim animantia aliqua calidis admodum, & uliginosis alimentis aliquando nutriantur; plurimas ex se ejusdem naturæ exhalationes & spiritus emittere necesse est, qui in flammam innoxiam accendi facile possunt. Lumbentem ignem produces, si selem contra pilorum inclinationem per aliquod tempus arida manu frices; obvium, & communem electricismi excitandi modum.

320. Alia tandem sunt metheora, seu accensæ ignes, superius jam indicati, qui ingruentibus, augescentibus, aut remittentibus procellis in malorum, & antenarum extremitatibus, ad vela, aut chordas aliquando apparent. Si gemini videantur, *Castor*, & *Pollux* dicuntur, retento nomine hisce phænomenis ab antiquitate indito: & faustæ navigationis existimantur omen. Quodsi unus dumtaxat appareat ignis; *Helenam* veteres, *Santelmum*, corrupto sancti *Erasmi* nomine, recentiores nautæ christiani nuncupant: eodemque nomine geminos etiam appellant ignes. Persuasum scilicet iis hominibus est, *Santelmum*, seu *S. Ermmum*, hoc est, *S. Erasmus* navigantes, quorum est advocatus, larvata forma invisere. Sed electrica hæc phænomena jam supra explicavimus.

5.

DE AURORA BOREALI

DEFINITIO

Seu Phænomeni descriptio, & historica adnotatio.

321. *Lux septentrionalis*, seu *horizontalis*, quam alio nomine, ob quamdam phænomeni cum vera aurora similitudinem, *auroram borealem* nuncupant, est: nubes quædam rara, pellucida, & luminosa, quæ noctu, silente luna in cælo apparet, potissimum tamen in regionibus Septentrionalibus.

322. Exactiorem definitionem ex danda statim rei ipsius, omniumque ejus phænomenon descriptione habebis. Quod prope horizonsem sæpe observetur,
&

& in regionibus borealibus fit iere quotidianum phænomenon, *borealis*, & *horizontalis* nuncupata est. Hujusmodi lucem septentrionalem, plurimis jam a sæculis notam, crebrius hac nostra tempestate, quam antiquis temporibus observamus; vel id a majori phænomeni crebritate proveniat, vel ab observatorum diligentia. Annis a Christo nato 384. 85. 86. 87. 992. 993. 1621. 1707. id metheoron visum esse constat. Ab anno 1716 ad 1726. nova quotannis apparuit aurora: longe crebrius ab eo tempore rem spectamus. In Laponia & aliis regionibus prope polum arcticum, omnibus fere hyemalibus noctibus lucem illam borealem observavit *Le Monier*. Fuisse illam antiquis notam, quantumvis ab iis philosophis polarium regionum ignaris alia nomina rei eidem imponerentur, ex *Aristotele* (a), *Plinio* (b), *Seneca* (c) constat: ut jam attigimus in superioribus. Quæ illi *columnam*, *trabem*, *pyramidem* &c. nuncuparunt metheora, aliud ab auroris borealibus non fuisse, nos modo docent ipsa phænomena. Hæ scilicet omnes in luce septentrionali spectantur luminosæ figuræ; licet auroræ boreales magnam inter se diversitatem, quoad magnitudinem, figuram, lucem, durationem, & phænomena cætera: præcipua capita, quæ aut omnibus sunt communia, aut in splendidioribus observantur, sunt sequentia. In regionibus septentrionalibus noctu sæpe luminosa illa nubes ex boreali plerumque plaga apparet: inter boream sæpe & ortum, aut occalum per plures, paucioresve gradus: e 5. ad 100. horizontalis ejus longitudo quandoque extenditur, adhæret sæpe horizonti: ab illo nonnumquam est disjuncta. Ad diversas supra horizontem altitudines diversæ pertingunt nubes: ultra 40. gradus sæpius non elewantur. Superior, inferiorque nubis limbus sunt quandoque horizonti paralleli, nonnumquam etiam flectuntur in arcus.

323. Nubes plerumque est alba, & lucida; aliis sæpe splendet coloribus: qui sæpe in alios mutantur, ite-

(a) *Metheor. lib. 1. cap. 4.*

(b) *Hist. nat. lib. 2. cap. 26.*

(c) *Quæst. nat. lib. 1. cap. 15.*

iterumque apparent. Integra multoties splendet nubes: pars aliquando est atra lucenti limbo, & circumferentiis circumdata: quæ in lucidam, sæpe iterum tenebranda, convertitur.

324. Ex nubis corpore; atrum illud aut luminosum existat, per superiorem ejus limbum copiosi luminis jactus e diversis partibus effluunt, aut disploduntur. Hujusmodi jactus continui sæpe sunt luminis torrentes, ac si a luminoso fonte fulgentes aquæ jactus proflirent: alii sunt interrupti, & veluti festivi radii, seu displosa lumina, alii post alios eruantur. Eos luminis jactus vividissima luce, & pernicissimo motu a communi fomite exilire, & sursum deferri, perinde ac fulgens liquor ex fonte impetu vehementissimo exiliret, recedendo tamen paulatim rarefcere, languescere, dilatari, & tandem extinguï; communis est observatio. Videas etiam aliquando radiorum & perennium jactuum loco, ex diversis atræ, aut luminosæ nubis partibus, veluti ex foraminibus luminosam columnam continuam paulatim assurgere, & veluti e vagina ascendendo explicari: quæ duo interdum 3. aut 4. horæ minuta durant, & jucundum observatori exhibent spectaculum.

325. Plures nonnumquam videntur columnæ, aliæ quidem ad horizontem perpendiculares, obliquæ aliæ: aliquæ etiam inflectuntur in arcum. Nonnullæ videntur a nube penitus separatæ, & in puro aere pendulæ. Non una est earum longitudo: 4. aliquando aut 5. gradus extenduntur. Videntur interdum nonnullæ a nube veluti displodi: earumque aliæ magna adeo velocitate evibrantur, ut ad observatoris Zenith pertingant, & quandoque etiam transgrediantur. In luminosis hujusmodi columnis lucem albam, rubescentem, & sanguineam diversis in locis distinguimus: quos quidem colores ita aliquando mutant, ut iridem referant. In eundem sæpe locum undique confluunt: in eo autem, dum sibi mutuo effluentes occurrunt, permiscentur, & confunduntur, spissiores efformant nubem, quæ vehementius, quam antea incenditur, clarius lucet, lumineque viridi, cæruleo, purpureo splendet.

Hæc eadem columnarum mixtura, relato splendore
Mont. Phil. Tom. V. L. re

re edito, clara nubes superesse apparet, motumque suum versus austrum prosequitur.

326. Adeo rara est auroræ borealis materia, seu nubes mirabilia hæc & jucunda phænomena edens, ut per columnas luminosas, per nubis ipsius limbum imo & aliquando trans atram etiam nubem stellas primæ, & secundæ magnitudinis aspiciamus. Observatum aliquando, eam lucentem materiam fuisse e nube rapidissima evibratam, quæ neque sextæ magnitudinis stellas occultaret, & dum proveheretur, alterne extingueretur, & accenderetur: quod quidem postremum ad explicandam auroram borealem Londini observatam, & statim referendam nos manuducit.

327. Post phænomeni extinctionem apparet cælum raris nubibus hac illac obductum. Multoties etiam, quin ullæ appareant columnæ, nubes tantum lucida prope horizontem videtur: in qua multiplex splendoris, magnitudinis, colorum, durationis observatur discrimen.

Habes præcipua auroræ borealis phænomena, & descriptionem, ex accuratioribus rei ipsius observatoribus *Mairan*, *Halley*, *Le Monier*, *Muschenbrock* (a) potissimum vero a *Christophoro Mayer*, qui identidem hæc observavit in Russia: (b). Antequam aliquid de illius causa, & natura statuamus, nonnulla sunt animadvertenda: *Primo*: Hujusmodi auroras septentrionales esse inter se magnitudine, figura, colore, duratione, & mille aliis effectibus diversissimas. Aliæ enim statim sub prima noctis crepuscula, nocte jam cadente; aliæ apparent: Sunt quæ totam fere noctem teneant, dum aliæ paucis tantum horis, vel breviori adhuc tempore spectantur. *Secundo*: Sunt etiam lumine admodum dissimiles: aliæ scilicet auroram plane referunt, unde illis nomen inditum: Clarius etiam nonnunquam fulgent aliæ: clariorem lunæ lucem interdum imitantur, ita ut noctu, dum luna silet, ad hujusmodi phænomeni claritatem homines se mutuo discernant, epistolas legere, & civitatis ædificia distinguere valeant.

(a) *Elem. Physicæ* cap. 40.

(b) *Comment. Acad. Petropolitane* to. 1. & 4.

328. *Tertio*: In regionibus australibus nunquam hujusmodi phænomenon observatum legi. In regionibus etiam Europæ ad meridiem jacentibus, puta, *Hispania*, *Italia*, *Græcia* raro, aut fere nunquam adspicitur. Ex adverso, quo magis ad septentrionem acceditur, eo frequentiores sunt auroræ. Bene multas *Gallia*, plures *Britannia*, & *Germania*, plurimas *Svecia*, *Norvegia*: frequentissimas, & fere quotidianas *Laponia*, *Islandia*, & regiones polo arctico adjacentes vident. *Quarto*: Fuisse jam aliquando, ut hujusmodi phænomenon fulgentissime lucens, celeriter præterveheretur, multiplices sclopetorum explosiones referens, jactibusque aliquando in diversas partes emissis præliantem in cælo armatam phalangem præ se ferret credendum est, observatoris phantasia nonnihil oculus, & ideam adjuvasse.

329. Eas igitur aereas pugnas & commissa in cælo prælia, quæ passim in antiquis historicis legimus, eandem auroras Boreales fuisse concludimus. Ea enim, quæ modo in sapientiori sæculo placide, & læti spectamus, rudioribus parentum nostrorum temporibus, in quibus pene jacebat physica, terrorem incutiebant, quasi scilicet impendentium calamitatum prænuntia, & irati numinis signum. Hujusce naturæ borealem auroram nuperrime, anno scilicet 1718. Londini, & in pluribus aliis Angliæ locis plurimi observarunt; 19. Martii, octo a meridie elapsis horis, Londini nox tamquam dies clarissima per aliquot temporis minuta secunda resplenduit: Phænomenon celerrime per aerem decurrebat, a tellure quidem adeo elevatum, ut a ducentis leucis videri posse judicaretur. In rapidissimo transcursu eum edebat strepitum, qui alternas sclopetorum turmarum peditum explosiones referret (a).

330. Nubes, seu materia hæc luminosa auroræ borealis non perinde consideranda est atque ignis flamma: alioquin enim brevissime dissiparetur, aliaque ederet phænomena, quæ nequaquam observamus. Auroræ boreales licet ut plurimum ex Septentrione

(a) *Memoir. Litter. de la grand Bretag. apud Reg. Tom. 4.*

appareant; aliquando fit, ut ex meridie, & versus alias cæli plagas conspiciantur: vel quia phænomeni materia eo a ventis deferretur, vel quia nubes a parte septentrionali adspicitur. Id nominatim in Suecia observabat *le Monier*: quo teste toto illo regno dum hyems est, continua fere est aurora borealis, versufque omnes partes apparet.

331. Post datam hucusque naturalem phænomeni historiam, Litterariæ etiam, seu philosophicæ historiæ pars attingenda est: nosterque tandem sensus exponendus. Quid rei sunt, quove pacto eduntur, & explicantur auroræ borealis phænomena? Lucem hanc septentrionalem halectibus referre, quorum per arcticum mare infinita fere est multitudo, quæ aliquorum fuit opinio, vix est relatu dignum. Fuere, qui ex radiis solaribus a glaciali oceano in atmosphæram reflexis rem derivarent: balbutientis physiciæ idioma, & aliquid dicendi de re ignota pruritus.

332. *Hallejus* materiam magneticam ab uno ad alium telluris polum permeantem, & e septentrionali potissimum polo exundantem auroræ borealis causam; materiam, & fomitem statuit. *Hallejo* ex parte subscripsit *Regnault* (a). At dato etiam ejus materiæ vortice, nullus hætenus in magnetis materia vim agnovit phænomena borealis auroræ edendi. Uno verbo dicam, neque illius causæ existentia, neque virtus, neque modus constat.

333. *Mairan* auroram borealem derivat ex lumine zodiacali, seu atmosphæra solari, quam in Astronomia physica exposuimus: eam enim atmosphæram, quæ ex observationibus *Cassini* ad 100. & amplius exporrigitur gradus, ad terrestrem nonnumquam atmosphæram pertingere statuit, & secundum aliquam sui partem cum illa commisceri. Neque etiam terrestrem atmosphæram ad paucas tantum leucas, ut omnes fere physici, & mathematici, sed ad 200., 300. & amplius extendit, sententia a *P. Boskovich* etiam probata: cujus judicio ad 700., aut 800. milliaria protenditur atmosphæra. *Mairani* igitur sensu luminosa solis atmosphæra in terrestres vapores incidens

(a) *Entret. l. 4. entret. 5.*

mirabilium phænomenorum, quæ observavimus, physica est causa.

334. Verum nullum est satis firmum argumentum, aut experientia, ex qua inferatur terrestris atmosphæra ad dictam modo altitudinem extensio: quin imo ultra 50. milliaria præter propter nullus ferme hujus temporis physicus crassos vapores elevari contendit. 2. Incertum plane est, & probabiliter falsum, lucem zodiacalem ad telluris usque atmosphæram pertingere. 3. Eo tamen dato, nulla esset ratio, cur frequentes ad polum, rarissimæ, vel nullæ ad Zonam torridam auroræ boreales apparerent; cum in omnes eas regiones lumen zodiacale pariter incurreret: majorque sit ad torridam, quam ad polum vaporum copia. Incurrit quidem, inquit *Mairan*, in Zonam torridam atmosphæra solis; sed a vi centrifuga ad polos semper repulsa, ubi vis illa existit minor, in iis tantum consistit, & relata edit phænomena.

335. Repono tamen: visne illa major centrifugæ zonæ torridæ nubes ad polos protrudit? Immensa perne nubium massa, illic semper formatur, addensatur. Vis centrifuga per tangentes in plano circulorum non ducit? unde igitur in latera elabitur lumen zodiacale? Hyberno tantum tempore vis illa centrifuga agit; æstate quiescit? Hoc tempore, postquam electrica experimenta innotuerunt in igne etiam electrico borealis auroræ, omniumque ejus phænomenorum causa animadversa est.

PROPOSITIO XXV.

336. *Aurora borealis supra nubes aliquando, sed tamen intra atmosphæram existit.*

Ejusmodi phænomenon nubes interdum ab spectatorum oculis subducunt, & occultant: supra nubes igitur existit. Neque tamen id de omni boreali aurora intelligendum; cum & earum, & nubium varia & inconstans sit altitudo. Id unum adnotabo auroræ borealis, seu nubis phænomena illa edentis altitudinem definiri vix posse: ad id enim necesse esset, ut duo observatores ex diffitis inter se locis ad idem lucentis phænomeni punctum collinearent, &

angulos elevationis ejusdem puncti exacte metirentur.

337. Secunda pars: una eademque aurora borealis e paucis tantummodo locis parum a se distantibus observatur v. gr. quæ Londini apparet, e Gallia, Belgio, aut Scotia non videtur; at si supra atmosphæram existeret, ex toto pene hemisphærio deprehenderetur, ut est reliquis cælestibus phænomenis commune. *Secundo*: Aurora borealis nullum diurnum revolutionis motum habet, qui integræ celestis sphæræ, corporibusque supra terram existentibus convenit; sed in eodem semper loco hæret, vel tantummodo habet motum, quem in nubibus observamus; modo scilicet a septentrione ad austrum, & vicissim modo ab occidente ad Orientem. *Tertio*: Infra nubes etiam auroram borealem nonnumquam apparere observavit *Maraldus*.

338. Aliqua tamen jam fuit, inquires, aurora borealis ex Europæ locis inter se remotissimis observata, quales sunt Ulyssippo, & oppositus Europæ angulus ad Siberiam jacens: qui autem fieri potest, ut phænomenum, seu nubes Ulyssiponi intra atmosphæram incumbens e Siberiæ confinio adspiciatur, mille & amplius leucas ab Ulyssipone remoto? Resp. Duplex illa fuit aurora borealis, inter se remotissimæ, & remotissimis etiam locis, unde sunt observatæ, seorsim incumbentes. Aliud Ulyssipone, aliud prope Siberiam visum fuit phænomenum. Enim vero si una eademque fuisset luminosa nubes e remotissimis illis locis visa; e tota Europa inter duos illos fines sita, ex Asia, & Africa deprehenderetur: quo nihil est magis falsum. Sed neque etiam conveniunt tempora: Ulyssipo & confinia Siberiæ 8. aut 9. horarum discrimine differunt inter se: cum nox est in prima, dies jam plerumque est in secunda regione.

PROPOSITIO XXVI.

339. *Materia auroræ borealis sunt iidemmet vapores, halitus, ignis, qui nubes, & atmosphæram componunt, cæteraque edunt metheora.*

Neque enim intra atmosphæram nostram aliæ agnoscuntur, aut existere admittuntur materiæ. Deinde per ejusmodi substantiarum mixtionem, agita-

tionem, vires fieri explicarique possunt mirabilia alioquin hujus metheori phænomena. Tandem borealem auroram sæpe in nubes verti, nubes vicissim in lucem illam transmutari identidem observarunt Zanotti (a) Muschembroek (b), Mayer (c).

PROPOSITIO XXVII.

340. *Non una esse videtur aurora borealis cujuscumque, seu phænomeni eo nomine donati materia, causa, modus: in aliquas phosphori spiritus magnam partem infuere videntur: aliæ a multiplicis generis halitibus intra nubes fermentatis, & inflammatis proveniunt; in omnes tamen generatim insuit, potissimaque illarum phænomena edit materia electrica.*

Primo quidem extra dubium est, plurimas, easque perfectissimas esse in aere & intra nubes spirituum fermentationes: est autem aliunde certum, fermentationibus materiam incallescere, inflammari, ardere, vividam lucem emittere, phosphorosque aliquando effici, qui diu lucentes servantur, quin tamen flammam concipiant. Ea sunt præterea auroræ borealis phænomena, ut alia nonnisi a materia inflammata, & lucente, aliqua vero a materia lucida, non tamen ardente provenire possint, ab ea vero sponte velut descendant, & recte explicantur.

341. Plurimas quidem auroras boreales in materia inflammata consistentes extitisse, ex observationibus allatis patet. Hujusmodi fuit, quam Londini anno 1718. visam supra retulimus, & quas annis 1730. mense Martio & 1742. plurimi observarunt: Phænomeni siquidem in medio prope horizontem corpus quoddam rotundum, & ardens deprehendebatur, ex quo, velut ex fornace, innumeri radii, fulgor, scintillæ
erum-

(a) *Raccolta d'osservazioni sopra l'aur. bor. del anno 1737.*

(b) *Elem. Phys. c. 40.*

(c) *Dissert. de aur. Boreali, tom. 1. & 4. Comment. Acad. Petropol.*

erumpebant, circumpositasque nubes miris plane modis illustrabant (a).

342. *Secundo*: Interrupta illa & continuata veluti sclopetorum explosio in aurora boreali Londinensi, & aliis observata, a subitaneis, alternis, & consequentibus materię inflammationibus, quas in artificialibus, & festivis ignibus passim videmus, provenire planum est. Quin imo eademmet materia pluries inflammari, & condensari iterum potest, ac proinde pluries etiam detonare.

Tertio: Lucentis aurorę fulgor, & splendor, neque sine flamma, & accenso lumine explicari potest, neque alteri, & externę causę attribui.

343. *Quarto*: Plurima item aurorę placidissime per diuturnum tempus lucent, eaque exhibent phænomena, quę ab luminosis phosphoris provenire solent, aut possunt. Quidni igitur in phosphoro luminoso hujusmodi auras consistere affirmabimus?

Quinto: Si phosphorum animale, in spiritu vini rectificato solutum, aquę in tenebris affundamus; spiritus sulphuris sese ab aliis materiis explicantes lumen per mediam aquam illico diffundunt, mirisque luminosis vibrationibus fulgura referentibus jucundum exhibent spectaculum. Phosphorum item *Morini* leniter concussum flammam edere iis omnino similes, quas in boreali aurora observamus, certo constat (b): Igitur aurorę borealis phænomena iis prorsus sunt analoga, easdemque habent causas.

344. Equidem in regionibus polo arctico vicinis tantus aliquando est aurorę borealis splendor, & vivida lux, ut non solum stellas fixas, & planetas penitus obscuraret; sed neque a luna, neque a solis splendore extinguatur: Inibi etiam multoties a parte meridionali observantur aurorę, ut *Maupertuis* oculatus testis auctor est (c).

345. Ultimam propositionis partem quod scilicet ignis electricus sit generalis, & potissima hujusce theorię causa, luculenter ostendunt ipsamet vaporis ele-

(a) *Vide comment. Acad. Bononiensis* to. 2, p. 490.

(b) *Khell Physic.* to. 2. *Disp.* 2. n. 56.

(c) *Figure de la terre.*

electrici indoles, & proprietates, fule a nobis in loco expositæ, atque magna analogia inter vis electricæ artificialis, fulminum, fulgurum, auroræ borealis, cæterorumque metheoron lucentium phænomena intercedens. Qui hæc omnia, eorumque effectus, rationem, indolem attente perpendat, & sedulo meditetur; de propositionis veritate non dubitabit. Fulmina enimvero, fulgura, tonitrus, cæteraque omnia luminosa atmospheræ metheora, *Stellas, Cadentes, Casorem, Pollucem*, & plura id genus alia puram putamque esse materiam electricam, hætenus demonstravimus. Jam vero in *aurora boreali* omnia illa metheora lucida deprehendantur: imo postremum hoc metheoron aliud esse non videtur, quam ceterorum in una eademque nube & nocte formatio, atque complexio. Auroræ scilicet borealis nubes fulgurat, fulminat, tonat; radiorum explosionem, hoc est, *stellas cadentes, columnas, trabes, pyramides luminosas* suspicimus: flammæ nonnumquam eodem in loco diuturno tempore micantes, hoc est, *Casorem, Pollucem, Helenam* observamus: si ergo singula hæc a vapore igneque electrico provenire statuimus; ab eadem etiam causa, cum in peculiari auroræ borealis phænomeno simul eduntur, provenire opus est.

346. Uno verbo, nihil in aurora boreali observamus vaporis electrici genio, viribus, notisque aliunde proprietatibus non conforme: nullam præterea causam agnoscimus a vapore electrico distinctam, cui illa phænomena possint referri: cum ergo electricitas procul dubio in terra, atque in atmosphæra, & nubibus existat amplissima; causam habemus certam, & sufficientem, a qua una effectum deducere possimus. Qui dicta de terræmotuum, fulminum, aliorumque metheoron natura, & lectiones etiam de electricitate legat; ulteriori explicatione non indiget.

347. Nonnullæ opponi possunt explicandæ modo difficultates. I. Falsum videtur, & impossibile, magnum adeo cæli spatium, per quod aurora borealis extenditur, incendi, & occupari a flamma.

Resp. Cum præcipuam, generalemque phænomeni causam vaporem electricum esse dicamus, hic autem in universo telluris globo, atque per totam atmosphæram sit semper diffusus; nil mirum est, si mul-

toties illa in aere & nubibus spectacula edit, quæ sunt suæmet indoli; & viribus conformia.

348. Nihil etiam conficit argumentum contra alias phænomeni causas in propositione assertas. Infinita vaporum, & nubium vis amplissimos cæli tractus læpissime obducit; quid igitur miremur, si per æqualia atmosphæræ spatia diffundantur aliquando exhalationes, & subtiles spiritus edendi lucem, flammam aliaque phænomena capaces? Deinde inflammata materia in nubis tantum centro multoties existit: indeque quasi ex lucis & splendoris fomite, emittit circumquaque fulgorem, nubes illuminat, mediaque luminis reflexione, refractione, & projectione relatum edit spectaculum.

349. II. Plurimæ sunt auroræ boreales, quarum splendor dilutus, & lux parum vivida a flamma provenire non posse videtur: In fulgentissimis etiam auroris plurimæ sunt partes, quarum lux, & splendor is non est, qualèm fore opus esset, si ab inflammata materia proveniret. Resp. Eas partes nubium minus lucentes, vel radiis, & lumine tantummodo reflexis, & a phænomeni centro, & fomite derivatis splendere; vel ejus esse raritatis, & tenuitatis, ut quantumvis accensæ, & inflammatæ non nisi dilutam emittant lucem, & splendorem. Notum est, flammam esse diversis modis vividam, & luminosam pro raritate, tenuitate, & subtilitate materiæ, seu pabuli inflammati. Novimus præterea scintillas, seu potius pennicillos, ac torrentes electricos luminosos non eundem omnes colorem habere: sed plurimum in hujusmodi colores influere eorum corporum particulas, e quibus torrens electricus effluit. Mirum igitur non est, si in auroris etiam borealibus alii & alii sint colores, colorum splendorisque gradus pro varia nubium vaporumque natura, qui sunt ejusdem materiæ conductores. Quin imo tota illa vivacitatis luminum, calorumque varietas altera est assertarum causarum confirmatio.

350. III. Materia borealis auroræ, cum intra nubes, & atmosphæram existat, sintque subtilissimi quidam spiritus, est admodum rara, & facillime dissiparetur, si flammam conciperet: Esse igitur non potest diuturnæ flammæ, & ignis per plurimas horas continuati pabulum. Auroræ igitur, quæ per longum tem-
pus

pus durent, in materia inflammata non consistunt.

Resp. Argumentum nihil difficultatis habet contra vaporis electrici actionem; cum aliunde ab experientia habeamus, eum ignem esse in nubibus, totaque atmosphæra copiosissimum, ad æquilibrium, æqualemque sui diffusionem semper adniti: multoties tamen id æquilibrium rumpi, ignem colligi; collectum autem scintillare, explodi, splendere, easque figuras assumere, quas ejusdem ignis conductores, seu corpora illum servantia, & deferentia habeant. Ad di præterea potest, si ad peculiare etiam, & minus præcipuas rei causas descendere velimus, plurimas ex hisce auroris, quæ per longum tempus durant, in materia phosphori lucente quidem, sed non inflammata, aut accensa consistere. Hujusmodi phosphori per longum tempus durant, & splendent, ut est omnibus notum. *Secundo*: Fieri potest, ut phænomeni centrum, & quasi ignis fomes tenaci materia constet, quæ per diuturnum tempus ardeat, & magnum cæli tractum illustret, in nubibusque multiplici figura donatis, & vento huc illuc translatis apparentes jaculationes exhibeat.

351. *Tertio*: Materia rara, & tenuis brevi dissipatur, cum in terra inflammatur; quia ab igne rarefacta, & a circumstante, atque ambienti aere pressa sursum attollitur, & dissipatur. In sublimi aeris regione suspensa, & inflammata ardere diu potest; rarissimus enim qui illic existit aer, leviter tantum premit, materiam sursum ulterius non elevat, aut dissipat, fierique proinde poterit continuum diuturni ignis pabulum.

352. IV. Si auroræ borealis materia sunt halitus, & spiritus è terrenis corporibus elevati; cur in regionibus meridionalibus nulla, aut ferme nullæ apparent auroræ boreales; licet copiosa illic spirituum, & exhalationum vis a corporibus eleveatur! plurimæ vero in septentrionalibus locis, ubi præ minori solis calore pauciores e terra halitus, & spiritus in atmosphæram conscendunt! Resp. Perinde hanc difficultatem solves, ac simile in superioribus explicavimus argumentum circa fulmina, fulgura, & alia hujusmodi metheora. Sunt regiones quibus fere quotidie pluit, tonat, fulgurat cælum: id enim vero videtur in pluribus Americæ provinciis: in aliis sunt illa

illa penitus ignota, ut in Peruanis littoralibus, Ægypto, Libia: aliæ statim tantum temporibus, magno tamen inter se discrimine, relatos effectus, aut phænomena patiuntur, fruuntur, vident: ejusmodi est Europa, & Asia. Diversa corpora in diversis regionibus existunt: ex diversis corporibus diversi halitus. Loci cujuscumque atmosphæra ejus est naturæ, qua sunt ejusdem regionis substantiæ. Ad generale hoc doctrinæ caput, luculenter in superioribus explicatum, quo tota diluitur difficultas, adde etiam ad meridiem ob majorem solis calorem, facilius, breviusque resolvi, in terram labi halitus, auroræ borealis materiam. Adducta præterea difficultas eadem responsione solvitur, qua, suis quasque locis, has etiam solvimus quæstiones: cur aurum, argentum, cætera metalla, adamantes &c. in paucis solummodo terræ locis inveniuntur, & excavantur? Cur in quibusdam tantum locis quorundam aliorum corporum species existunt? Quod vero de terra dicimus, de aqua, & aere pariter verum est.

LECTIO VIII.

De Meteoris aqueis, nubibus, rore, pruina, & aliis.

353. Circa nubium, nebularum, roris, auræ ferotinæ, & pruinæ naturam, elevationem, & formationem, causas, & effectus plurima sunt scitu digna, & jucunda. Quid hujusmodi nominibus significetur, nemo non intelligit; omnia etiam isthæc esse terrenorum corporum vapores rarefactos, sursum elevatos in aere plus minusve temporis sustentatos, & multiplici tandem forma in tellurem relabentes, omnibus philosophis ratum est. Qua autem ratione hæc fiant, jam partim exposuimus, & modo amplius explicabimus.

DE NUBE, ET NEBULA.

354 *Nubes sunt multiplicis generis vapores, seu vaporum congeries, qui ab omnibus terrenis corporibus elevati, & per aerem hinc inde dispersi, in unum tantum locum coeunt, solaremque lucem intercipiunt. Di-*
xi

ximus autem supra vapores, qui a fluidis corporibus ascendunt, in minutissimarum bullarum formam ab aeris particulis rarefactis, & intra pelliculam aqueam contentis, & dilatatis, atque ab externo etiam aere premente conformari. Est igitur nubes immensa pene tenuissimarum aquæ, & cæterorum fluidorum bullularum congeries sursum ab aere, calore, & aliis causis supra propositione 15 expositis elevata, in aere pendula, & ab illius gravitate sustentata, a ventis huc illuc decurrentibus delata. Nubes igitur spectari recte debent, aut possunt, ut bullæ illæ, seu copiosa sensibilibum bullularum congeries, in quam aqua, aut reliqua corpora fluida multipliciter, & violenter agitata copiose spumescunt. Quemadmodum enim bullulæ, seu spuma, ex pellucidis licet corporibus conformata, opacitatem contrahit, lucem ex se reflectit, colorem acquirit, & supra fluidum semper innatat, neque fit sensibilis, & maxime adspectabilis, nisi dum magna bullarum copia in eundem locum adunantur, aliæque aliis apponuntur, & accumuluntur; pari modo, & ratione nubes, velut copiosissima aquæ spuma, ex innumeris & minutissimis bullulis conformata, omnia, quæ modo diximus, phænomena imitantur & exhibent. Cum enim insensibiles aquæ guttulæ, & bullæ lucem ex se se reflectant (licet plurimam etiam transmittant); aliquem in nube gigni colorem opus est, ut in lectione de coloribus explicamus. Neque credendum est, vapores solum ad nubes efformandum adunari: multiplices præterea exhalationes, quæ ab omnibus, quotquot sunt, terrenis corporibus erumpunt, in aerem ascendunt, & hac illac dispersæ in nubes agglomerantur.

355. Distinctius hæc evolvamur. Plurima in nubibus animadvertimus philosophi consideratione digna: resolutio corporum in vapores: hi eleuantur per aerem, & sustentantur in atmosphæra: ad maiorem, minoremve altitudinem subsistunt. Habes vero prima hæc capita propositione 15. explicata. Vapores hac illac per atmosphæram diffusi adunantur, & coalescunt in nubes: unde hæc formatio nubium? Ad quamnam maximam altitudinem ascendunt jam formatæ? Quonamve pacto nubis cuiuscumque elevationem dignoscemus? In nubibus observantur diversi
mo-

motus : opacitatem se se efformando acquirunt ; multiplex inter illas colorum varietas : disparent tandem , aut in terram labentes , aut per atmosphæram iterum dissipatæ . Et hæc quidem modo explicanda , Alia quæ vel in nubibus apparent , ut Iris , halones , coronæ , aut in quæ solvuntur nubes , ut pluvia , grando , nix , ros , suo deinceps discutientur ordine .

356. Quod ad altitudinem spectat, *nubes aliæ aliis altiores , seu remotiores a terra ex legibus Hydrostaticæ* . Quo enim rariiores fuerint , & densior aer ; eo altius eleuantur , cum sint corpora in fluido natantia , & a fluido sustentata : quo igitur pensilia illa corpora fuerint rariora , & leviora , vel fluidum sustentans fuerit gravius ; magis a tellure removentur . Hinc est , quod cadente pluvia ad terram propius descendunt , & consistent nubes , quam si serenum sit Cælum . In priori casu vapores nubium in aqueas guttas paulatim conformati sibi invicem pressius adhærent , condensantur , & graviores massulas componunt : ad tellurem igitur propius accedere opus est .

357. Ex eadem ratione minus leves hyeme , quam æstate , & depressiores sunt nubes : ceteris tamen paribus ; secunda enim hac statione major est calor in atmosphæra : at crescente calore augetur etiam raritas , & proinde levitas , minuiturque pondus : longius igitur a tellure pendent nubes æstate , quam hyeme . Quænam tamen est , quæres , maxima nubium supra tellurem altitudo ? Nonnihil jam eo de argumento superius egimus . Iterum igitur atque ulterius dico , solvi difficillime posse ejusmodi quæstionem . Et primo quidem vix alia ratione inveniri potest datæ nubis altitudo , quam si eodemmet tempore ad eandem nubis partem duo observatores ex diversis in terra locis collineent , & elevationis angulum dimetiantur . *Secundo* : ejusdem nubis altitudinem esse pro diverso tempore variam , est indubium .

358. *Tertio* : Certum est , atmosphæram longe amplius assurgere , & a terra diffundi , quam sit nubium quarumcunque supra tellurem altitudo : sunt enim nubes vapores , seu corpuscula crassa , quæ in crasso tantum aere sustententur ; aer autem subtilior , atque sustinendis nubibus impar longissime distenditur .

359. *Quarto* : Summa nubium altitudo alia aliis probatur , & statuitur . Recentiores , & accuratiores
Phy-

Physici ultra duas leucas nubes non elevant. Si *Pietro Muschembroek* fidem adhibemus; nubes nunquam transcendunt altitudinem 4 milliarium Italicorum, seu unius leucæ communis: eam enim altitudinem non excedunt altissimi terræ montes; supra quorum fastigia aut numquam ascendunt nubes, ut a pluribus observatoribus expertum dicitur (a), qui cum multoties ad montium supradictorum (quales sunt *Picus* in Canariis insulis, *Olympus* in Græcia, & potissimum *Andes* in Peruvia) fastigium ascendissent; nubes semper ad montium radices, aut declivia, supra culmina numquam viderunt: aut parum saltem elevantur supra eos montes. Id interim certum est, aliquas nubes ad unius milliarii distantiam, alias ad duo, ad tria, ad quatuor etiam existere.

360. *Vaporum in nubes adunatio, quod primo loco nobis proposuimus explicandum, electricitati potissimum est tribuenda.* Aliqua enim vero causa est, qua ad se mutuo confluunt, & adunantur sparsi per aerem vapores. Cum nulla sit atmosphæræ pars vaporibus non scatens, nubes vero sæpe in aere nullæ existant, & cum, etiam dum cælum obducunt, nonnisi exiguum occupent atmosphæræ tractum; consequens inde est minimam immensæ vaporum massæ partem ad se mutuo adunari ad conformandas nubes. Quare igitur non omnes, non semper, sed aliqui tantum, & aliquando nubem constant vapores? In omnibus fere nubibus aliqua electricitatis signa animadvertuntur: hanc e terra secum afferunt vapores, eamque subinde in atmosphæra ipsa acquirunt fermentatione, calore, frictione. Citra ullam etiam electricitatem immensa vaporum, & exhalationum vis e terra ascendit. Quanta inde in vaporibus, & formatis a vapore nubibus consequitur pro temporum, locorum, corporum varietate electricitatis differentia?

361. Sæpe accidere opus est, ut copiosi vapores in quodam atmosphæræ tractu existentes electricitatis intensione, & natura differant inter se: ad vaporum igitur massam vehementiori electricitate præditam circumpositi vapores sensim trahi, addensari paulatim,

(a) *Elem. Phys.* n. 1206.

rim, formari nubes, necessaria est, ejusmodi rerum status consequentia. Quod alii in alios efficiunt vapores, a nubibus in nubes peragitur. Quod inter illos, inter has pariter observatur electricarum virium discrimen. Quotiescumque hic in atmosphæra sit rerum status, pluribus, paucioribusve nubibus obducetur cælum. Fluunt sæpe diuturna tempora, quibus vapores in magno aliquo atmosphæra tractu, nullam aut æqualem habent electricitatem; cum vero ex hoc saltem capite ferenum existet cælum.

362. Aliæ præterea sunt nubes formandi causæ: venti in unum, eundemque locum vaporum massam adducentes: diversa vaporum gravitas, aut levitas: prima fiet ut superiores in inferiorum locum descendant, oppositum ex secunda. Cæteræ omnes causæ, quibus ascendunt, descendunt, ab unoquoque in alium locum in aere feruntur vapores, quas superius de ventis, & vaporum elevatione disputando exposuimus, formandarum nubium ratio sunt.

363. Earum motus in ventos, in tractiones electricas, in auctam imminutamve gravitatem, aut pondus secundum æquilibrii rationem, referendus est. Nobium opacitas, & figurarum, diversitas ab exposita hætenus illarum formatione facile intelligitur. A spumefcente liquore lucem intercipi, turbari pelluciditatem, obvium est experimentum. Ea vero est vaporum, nubiumque conditio. Penitior rei explicatio, totaque colorum in nubibus ratio, & varietas a lucis natura pendet suo loco examinanda.

364. Disparent tandem nubes: quod erat ultimum explicandum caput. Duplici potissimum modo id rei peragitur: vel in terram relabuntur, quæ communissima est rei causa, lapsuque ipso in rorem, pluviam, grandinem, nivem, vertuntur: de quibus erit statim sermo: vel dissipantur iterum per aerem. Secundus hic casus ventorum, aucti caloris, atque raritatis vaporum sunt plerumque effectus. Vapores aliò desert ventus, subtiliores reddit major calor, in majus spatium sursum dilatando elevat, lucemque iterum transmitti permittunt.

PROPOSITIO XXVIII.

365. *Nebulae eandemmet habent naturam, ac nubes, neque aliud sunt, nisi nubes depressiores, & humiliores.*

Neque enim qui ex altissimis montibus, infra quorum summities consistunt nubes, descendunt, cum medias ipsas nubes pertranseunt, aliud in iis deprehendunt, quam quæ nos passim, & quotidie intra humiliores nebulas immerfi, & iter agentes, in initiis observamus. Sunt igitur nebulae immensa vaporum, & exhalationum vis, quæ pro gravitate sua diuturno tempore prope terram in humiliori aere detinentur, & sustentantur. Diximus supra; & experientia ipsa demonstrat, nubes modo ascendere, modo descendere, pro varia aeris, & ipsarum nubium raritate: idemmet ex iisdem causis, nebulis passim accidere, & ratio, & experientia docet.

366. Hinc manifestum est, & nubem in nebulam, & vicissim nebulam in nubem quandoque, immo & sæpissime mutari. Secundum frequentius accidit, quam primum; cum enim nubes ad terram descendens eamque lambens, sit & dicatur nebula; & vicissim nebula a terra sese attollens, & in aere pendula sit, & dicatur nubes; si eæ fiant in aere, aut vaporibus quoad gravitatem, & levitatem mutationes, ex quibus, vel nubes condensatur, quin solvatur, vel nebula rareseat, quin dissipetur; alia in aliam, loco solummodo mutato, abire potest.

367. Frequentiores sunt nebulae in paludosis humilibus, & humidis locis, quam supra montes, sicca, & arenosa loca; illa enim plurimos ex se halitus, & vapores emittunt, non item hæc. Porro nebulae, & nubes iis qualitatibus sunt præditæ, quæ vaporum, spirituum, & bullularum, quibus componuntur, sunt propriæ. Nebulae plerumque sunt fructibus, & plantis noxiæ, nubes autem secum terræ fertilitatem asferunt. Qui superiorem nubium, & nebularum superficiem eminus aspiciunt, jucundo spectaculo fruuntur: neque enim in planam, aut sphericam superficiem fluidorum corporum instar conformantur; sed perinde, ac mare maxime procellosum, illac attolluntur, & montes efficiunt, alibi in profundas valles

vaporibus descendentibus, debiscunt, & hac illac motæ excavatam, & sulcatam superficiem oculis obijciunt.

ROS ET PLUVIA.

368. Ros sunt vapores quidam tenues, & subtiles, qui non conflantur in nubes; sed in parvas & sensibiles guttulas concreti partim ab aere, cui innatant, secundum gravitatis leges decidunt; partim e terra, seu corporibus terrestribus exhalantur, & præcipue ex omnibus vegetabilibus, puta arboribus, herbis, plantis, & id genus aliis per transpirationem exeunt, atque ipsarum plantarum, & cæterorum corporum superficiebus, quasi naturales sudores, in guttarum formas redacti adhærent: quin tamen vel totam plantarum superficiem pluvie instar humectent, aut per aerem guttatim, copiose descendere appareant. Si tempus spectemus, quo ros observatur copiosior; alius est *matutinus*, *vespertinus* alter, *aura serotina* nuncupatus. Eadem utriusque non est natura: causæ item, & origo diversæ.

Rorem alii ex solis vegetantibus exhalare, & quasi sudor expirare autumant, ut *Muschembroek* (a). Secundum communissimum phycorum sensum ros ab atmosphæra, vespere, noctu, mane descendit, tamquam subtilissima & invisibilis pluvia.

PROPOSITIO XXIX.

369. Triplicem nos distinguimus roris speciem: primus est invisibilis illa pluvia ab atmosphæra nocturno tempore descendens: secundus est plantarum, potissimum vero herbarum sudor: tertius e terra universim sub vespere ascendit.

Circa primum perspicuum est, vapores & subtilissima corpuscula a corporibus, præcipue autem a partibus eorum fluidis avulla, calore rarefacta, sursum in aerem elevata, per eumque volitantia, vel in eo
libra-

(a) *Elem. Phys.* n. 1216.

librata, & suspensa, frigore nocturno accedente condensari, deorsum aliquantulum descendere, mutuo sese invicem incurrere, in insensibiles guttulas coalescere, & in huiusmodi formam conflatam, quasi pluvia insensibilis propriæ gravitatis ope & indole in telluris superficiem descendere; corporum superficiem humectare; quoad vel in terram absorbeantur; vel calorem iterum eleventur; vel aliis de causis dissipantur.

370. Quoad secundum observationibus constat, guttulas illas, sed rorem matutinum, qui in plantarum; & arborum famis, & foliis deprehenditur; esse præcipue arborum; & plantarum sudorem ex earum vasis spirantem: neque tamen omnem rorem aut omnes roris matutini guttulas ex data modo causa provenire. Primum ex eo mihi suadetur, quod guttulae roris eodem die, & loco in diversæ speciei plantis observatæ pro earum plantarum diversitate sunt magnitudine, situ, figura, & dispositione diversæ: in aliis siquidem plantis, & foliis circa caput, in aliis ad foliorum centrum, seu medium jacent: aliæ in foliorum extremitatibus, aliæ secundum fibrarum dispositionem guttulas majores, aut minores habent, quod non obscurum est argumentum, varios proflus esse plantarum rores, pro varia in iis fibrarum, vasorumque dispositione, ordine, magnitudine: ab iisque vasis secundum quæ disponuntur guttulae, in herbarum superficiem exsudare. Si enim ex huiusmodi sudore non procederent, sed ab aere deciderent; eodem modo per totas foliorum superficies coalescerent guttulae; cum eodem modo, & quantitate eadem deciderent.

371. Curante *Muschembroek* (a), plantæ, campana vitrea probe coopertæ sunt, ne ab ambiente aere humorem aliquem accipere possent; insuperque maxime cautum, nequæ etiam particulae e vase, aut terra, qua erant dispositæ, spiritus, aut vapores in externam plantæ superficiem ascenderent. Utrumque enim exacte cooperuit plumbeis laminis, in quibus ea fieri curavit foramina, quæ plantarum truncos tantum

M 2

ca-

(a) *Elem. Phys. a. n. 1531. ad 1544.*

caperent, cum iisque congruerent. In plantis eo modo noctu dispositis idem, aut copiosior deprehensus est ros, ac in aliis ejusdem speciei plantis.

372. Ratione etiam idem evincitur; etenim plantæ & cetera vegetabilia, ceu viventium corpora, succo nutritio aluntur, qui per plantarum venas, & vasa undique transfuit, ut innumeris patet experimentis, alibi exponendis. Humani igitur corporis instar plantæ ob caloris actionem, copiosum ex se sudorem per superficiem, seu cutis poros emittunt, qui in plantarum superficiebus subsidens in sensibiles guttas conformatur. Hicce autem plantarum sudor perpetuo ab iis, velut ab humano corpore, emittitur; sed vel a vento, & spirante aura, vel a calore, vel aliis de causis dissipatur, & alio avolat.

373. Secundum vero, non omnem scilicet plantarum rorem ex earum sudoribus provenire, inde patet; quia corpora etiam arida nullum ex se sudorem exhalantia, puta, vestes laneæ, aut ex filo serico contextæ, terra, arena, vitrum aeri aperto exposita madescunt, & rorem contrahunt, ut quotidiana nos docet experientia.

374. Quod tertio loco diximus, præter alia hoc evincitur experimento. Laminæ metallicæ sub solis occasum positæ horizonti parallelæ, eaque positione per tempus aliquod relictæ, madidæ quidem deprehenduntur ex inferiori parte, siccæ ex superiori. Contra vero accidit, si sub finem noctis, & sub auroram instituas experimentum. Quin immo, si postremis hisce horis laminas disponas horizontales, obliquas, perpendiculares ad horizontem; observantur sequentia. Perpendiculares ex neutra parte humectantur, horizontales superne: ex superiori etiam obliquæ: minus tamen, quo magis recedunt ab horizontali positione. Qua quidem observatione ulterius confirmatur prima propositionis pars.

375. Ros eas habet qualitates, quibus prædita sunt corpora, seu substantiæ, ad quas roris particulæ spectant, & ex quibus emittuntur. Multiplex igitur qualitatum genus in se continet, estque proinde aliquando plantis nocivus, aliquando innoxius: qui corporibus aliis salutiferus habetur, est aliis maxime exitialis; segetibus modo, & terris ubertatem, sterilitatem modo inducit. Omnia hæc, & id genus alia

lia infinitam pene habent varietatem, pro temporum, locorum, corporum diversitate. Crediderim ego, eum rorem plantis maxime nocere, qui ab ipsismet plantis, velut sudor, exhalat: id vero, ut alias omit- tam rationes, propterea quod ex subtilioribus plan- tarum particulis, oleis, & succis hujusmodi ros, seu sudor componitur, easque secum defert; his autem subtilioribus spiritibus, e planta abeuntibus, eam languescere, vigorem paulatim amittere, atque in- fructuosam reddi opus est.

376. Fit nonnunquam, ut ros alio de capite sit te- neris plantis, earumque fructibus maxime noxius; si rorem copiosum clarus subsequatur sol matutinus. Ros nimirum in guttas copiosas conformatus teneris plantarum, olerum, & frugum fibris, floribus, & sese explicantibus germinibus adhæret: per eas igitur guttas, mycroscopii manus exercentes, radii so- lares transeunt, & in earum guttarum focus concu- rentes vehementiorem, quam ferre possent tenues plantæ, calorem, aut, si mavis, ignem producant, qui frugum, olerum, florum, & fructuum teneras fibras adurant, exsiccant, & infructiferas reddunt.

377. Ros nullus aut fere nullusprehenditur, si pluvium, aut nimbolium sit Cælum, aut vehemens spiret ventus. Priori casu in nubes, aut pluvias ha- litus resolvuntur, & in grandiores guttas conforman- tur: posteriori autem ventus spirans humidam particu- las dissipat, secum defert, neque in arborum fo- liis, & reliquis plantis subsidere permittit. Hyeme igitur nullus, aut fere nullus decedit, aut observa- tur ros; vel enim in nubes abit, vel à vento dissi- patur, vel rigentibus frigore corporibus, apti ad ro- rem efficiendum halitus non exhalant ab arboribus. Istiusmodi enim sudor præcipuus est roris fons. Hye- me tamen, sereno cælo, corporibus, & aere frigore rigentibus decidunt procul dubio ab atmosphæra co- piofi vapores nocturni: sed frigore concresecunt in pruina. Vere autem, autumnò, æstate e contra- ria ratione copiosi e corporibus ascendunt, & evapo- rantur halitus, atque in eorum superficie inhæ- rent.

378. Non omnia loca eadem etiam æstate, & tem- pore eandem habent roris quantitatem: quin immo aliqua sunt, in quibus copiosissimus, alia, in quibus

nullus decidit. Si loca sint nimium arida, puta, arenosum solum, paucique ex hujusmodi solo vapores ascendant, neque aliunde ventorum ministerio advehantur; fere nullum illis decidere opus est; e contrario, si loca sint admodum humida, lacubus, fluminibus, fontibus prædicta, Hinc est, quod plurimi, & copiosi observantur rores in paludosis locis ad fluminum margines, & in iis vallibus, quæ perennibus aquis irrigantur; paucissimi vero supra aridos, & elatos montes. Porro auræ serotinæ, & ros matutinus eo magis hominibus, & animalibus nocent, quia aptiores in iis poros offendunt: iis enim facilius sese insinuant vapores, diversasque inducunt infirmitates.

PROPOSITIO XXX.

399. *Pluvia nihil est aliud, quam aquæ ab aere, seu potius a nubibus in aerem pendulis, & sensim sese in guttas resolventibus decedentes.*

Propositio explicatione solum indiget, Immenso illa vaporum, & exhalationum, seu bullularum vis, ex qua nubes constantur, multiplici de causa, solvitur in guttas. Sunt illæ primo minutissimæ, & purum veluti stillicidium; dum singuli vapores, seu bullulæ in aquam primo resolvuntur; postea vero insensibiles hujusmodi guttæ, seu ros minutissimus sensim in majores guttas excrescit; dum scilicet descensu suo aliæ in aliæ guttas incurrunt, aliæ aliis adjunguntur, & plurimæ in unam coalescunt. Intra nubem igitur pluvia a rore parum differt, ut ii quotidie experiuntur, qui ad juga montium per medias nubes in pluviam se resolventes adscenderunt; ad montium enim radices longe infra nubes copiosum imbrem, & prægrandes guttas experiebantur; ad nubem vero postea conscendentes, leni stillicidio madescabant. Temporibus postea, & observationibus secum collatis inveniebatur, ut dum intra nubem ros, seu stillicidium erat copiosum, ad montium radices decideret pluvia.

380. Vapores aquei, ex quibus nubes componitur, pluribus de causis in aquam, & guttas resolvuntur; primo quidem si ob intensum frigus nimis condensentur bullulæ, ad sese invicem accedant, & aere gra-

viores factæ paulatim descendant ; descendendo augescunt , ut modo exposuimus . Nimio etiam calore dilatari possunt bullulæ , seu inclusus in iis aer , ut pelliculæ diffingantur , atque in sensibiles guttulas aere ipso graviores conformentur , aliæque aliis adjunctæ descendendo in copiosam , & sensibilem evadant pluviam . Variis ventorum agitationibus mutuo in se invicem vapores concurrunt , adhærent , in guttas conformantur , Nubis in nubem casus , aut adjunctio , ex quibus fit ut vapores inter se permisceantur , addensentur , majoremque acquirant molem , & pondus : communis etiam sunt pluvix causa . In id rei vaporum , nubiumque electricitatem non parum influere , luculenter probant exposita superius nubium formatio , natura , phænomena . Adde etiam electrica edi phænomena , dum interim pluit cælum , eoque magis sæpe intendi , quo copiosior decidat imber (a).

381. Pluvia eo copiosior , quo plures sunt in aere nubes , & vapores aquei ; si prædictæ accedant causæ . Eo autem grandiores sunt guttæ , quo ex altioribus nubibus descenderint ; eo minutiores , quo humiliter librantur nubes . Phænomeni ratio ex modo dictis est manifesta : & ulterius a communi observatione confirmatur . Cum per medias nebulas , seu nubes terram lambentes iter agimus ; copioso sæpe madescimus stillicidio . Illa guttularum tenuitas humilitati nubium est tribuenda . Hinc etiam aperte deducitur (quod etiam identidem observamus) , grandiores æstate , quam hyeme , guttas e nubibus descendere : æstate enim ob intensiorem calorem altius elevantur nubes .

382. Pluvix in nostra saltem Europa , autumnis , & vere sunt satis frequentes , æstate raræ , hyeme copiosissimæ : Intensissimus æstatis calor , vapores plurimum elevat , rarefacit , dissipat , in fluidam sensibilem massam resolvi non permittit ; frigore autem contraria sunt .

383. Pluvix maximam terris fertilitatem afferunt , suntque segetibus , plantis , frugibus , arboribus statis temporibus saluberrimæ , & maxime necessariæ . Præ-

(a) *Beccaria Electricita natura le lett. 2. 15.*

terquam enim quod aqua ipsa sit quasi terræ, & vegetabilium sanguis, sine quo ipsa, velut triste cadaver, existunt; pluvia aqua maximam secum spirituum, saliumque copiam, & vim affert, qui plantarum, & omnium vegetabilium nutritioni inserviunt, communeque sunt earum alimentum, & succus nutritius. Neque enim putandum est, pluviam esse aquam puram, sed potius aggregatum ex infinitis pene halitibus, spiritibus, & subtilissimis particulis ab omni corporum genere exhalatis, & in atmosphæra volitantibus, quæ cum aqueis vaporibus permiscetur, unaque cum iis in guttas resolutæ in terram decidunt, in maximam ejus fertilitatem, & salutiferum plantarum alimentum vertuntur.

384. Hinc est, quod præ pluvie defectu maxima in terris sterilitas observetur. Aeretiam seu atmosphæra nunquam purior existit, quam postquam copiosa decedit pluvia. Nubes enim, dum in pluviam resolvitur, & prolabitur, aerem quasi verrit, & ab innumeris, quibus scatebat, particulis expurgat. Contra vero, si diuturno tempore desideretur pluvia; impurum aerem respiramus.

385. Rarissime pluit, nisi Cælum sit nubibus obdutum; aquei enim vapores cum aliis heterogeneis permixti nubem ipsam componunt. *Rarissime*, dixi, neque enim me latet, non semel jam claro existente Cælo copiosum imbrem decidisse. Legisse me aliquando in Historicis nostris Lusitanis (a) memini rem prodigio similem. Cum in Indiam ex Ulyssipone solvisset *Vascus da Gama*, qui primus Indiam orientalem, & maritimum ab Europa ad Indos detexit iter; superato jam celeberrimo Bonæ Spei promontorio, clarissimo existente cælo, tanta imbrium copia supra Lusitanam classem decedit, quantam è vectoribus, & nautis nullus unquam, vel summa hyeme, & cælo maxime pluvioso vidisset. Paucas aliquando claro cælo pluere guttulas, non adeo infrequens est, ut illud prodigiōso simile dicamus.

386. Prodigious sæpe decidisse pluvias passim legimus apud credulos nimium scriptores. Hisce imprimis

(a) Vide *Laffiteau hist. des conquêtes*.

mis prodigiis scatet *Livius*: quo auctore hac in parte sanguis, illac lapides, ranæ, insectaque alia pluebant sæpe de cælo. Hæc admittere, prudentis hominis non est: sed imbecillem potius mentem & vulgus sapit, apud quem aniles huiusmodi fabulæ avidè narrantur, audiuntur; & adhibetur etiam fides. Sed quoniam, ut fert proverbium, insignium sæpe falsitatum principium est, tantilla veritas; exiguum, & vulgare phænomenon verum repetita narratione semper grandescens, ut plerumque fit in fabulosum degeneravit prodigium.

387. Plurimæ aliquando in campis post transactam pluviam ranæ recenter natæ apparent, & exigua alia insecta. Illa omnia e nubibus ex cælo excidisse eo tantum argumento ductum existimat vulgus. Huiusmodi tamen insecta non ab aere, sed e terra erumpunt: Aqua enim pluvia per telluris foramina, fissuras, cavernulas, eorum vermium lustra se se insinuante, & penetrante, insecta illa, quæ in subterraneis iis cubilibus nidificant, & delitescunt, sursum in telluris superficiem erumpunt, ut mortem, & naufragium inundatis nidis fugiant. Enim vero neque per civitatum vias, neque supra domorum tecta huiusmodi insecta observantur, licet copiosus etiam illic, ut in agris, imber descendat. Sanguineas aliquando guttas aliquot, hoc est, sanguinem colore referentes pluuisse fateor. Rem postremis hisce temporibus observarunt illustres *Peiresck* in Provincia (a), *Vendelinus* Bruxellis (b), *Schuit* Lugduni Batavorum (c). Verum illas non esse sanguineas, sed aqueas, manifeste deprehenderunt relati modo viri in physicis rebus cum primis comparandi, qui rubeum, & sanguineum guttarum colorem ex innumeris fere insectis rubeis provenire deprehenderunt, quos secum descendens pluvia afferebat. Ab excrementis etiam rubeis, quæ papiliones e chrysalidis involuero exeuntes dimittunt, res derivabatur; notatum autem fuit a *Peiresckio* post relatum sanguineam pluviam innume-

(a) *Apud Gassendum in vita Peireskii.*

(b) *Idem sect. 3. Physicæ.*

(c) *Apud Kbell. t. 2. Phys. disp. 2.*

meram pene papilionum copiam per aerem volitasse: sanguineæ igitur, seu rubeæ notæ, & maculæ, quas in parietibus post pluviam prædictam passim observatas pluvio sanguini referebat vulgus terrore perculsum a papilionum ovis, & excrementis originem ducere deprehentum fuit.

PRUINA, NIX, ET GRANDO.

388. *Pruina* est ros a vehementi frigore concretus, & congelatus, Hinc est, quod solum tempestate frigida, puta, in hyberno tempore, atque iis tantum regionibus, quæ intenso admodum frigore rigescunt, observetur pruina. Æstate, vere, autumno nullibi fere locorum: hyeme etiam pluribus in locis temperatis, & ab acriori frigore immunibus, quales sunt omnes fere regiones per Torridam zonam sitæ, nulla est pruina. Plurimo abundat nitro, quod vel est frigoris præcipua causa, vel saltem perpetuus comes. Nitro referendum est, quod pruina molliores herbas, & flores adurat, & exsiccat, quæ autem sunt duriora, ut olera plurima, mollescant.

389. *Nix* est pluvia quædam minutissima, stillicidium, seu pluvie bullulæ, quæ in aquam resolutæ descendentes corripiuntur frigore, imperfecteque gelascunt: concretæ autem aliæ aliis adjunguntur, & floccos magnitudinis variæ, multiplicisque figuræ componunt. Plurima quæ superius de pluvia diximus, de nive pariter vera sunt: cum hæc sit etiam pluvia male congelata. Hyberno tantum tempore ningit: supra agros saltem, atque planities: sub editos enim montes, cum perpetuum ibi sit frigus, vel nova omnibus stationibus decedit nix, vel conservatur antiqua. In agris præter hyemem minus est in atmosphæra frigus, quam ad nivem efficiendam opus sit. Quo altiores fuerint nubes, ex quibus nix decadat, eo majores erunt flocci; quia in longiori itinere alii aliis floccis majori numero adjunguntur.

390. Magnam terris fertilitatem afferunt nives ob magnam quam secum adducunt, nitri, & salium copiam. Est insuper nivis corpus admodum rarum, ob plurimas aeris particulas; quas flocci partes male sibi
in

invicem adhaerentes comprehendunt, & quibus distinguuntur: neque enim parvæ guttulæ, seu bullulæ sibi invicem adjunguntur, dum erant adhuc fluidæ; sed postquam in exiguas concreverant massulas. Ejus densitas est ad aquæ densitatem, ut 1. ad 6, circiter: 6. igitur digiti cubici nivis unum aquæ efficiunt. In nivis etiam, & niveorum floccorum formatione partem habere vim electricam, ex eo præter supradicta suaderi potest, quod dum ningit, aut lapsura impendet nix, phænomena edantur electrica in deferentibus filis superius jam descriptis. In signis tandem nivis albedo ex innumeris insensibilibus faciebus lucem circumquaque versus omnes partes copiose reflectentibus provenit.

391. Grando sunt pluvix guttæ, quæ dum e nubibus descendunt, repentino frigore vehementi gelascunt. Cum igitur dum in glaciem vertuntur, figuram suam servant, sphæræ fere semper habent formam; ea enim est guttarum pluvix figura. Numquam tamen sunt ex parte complanatæ, & alias habent figuræ deformitates. Id quod vel ex variorum agitatione, concussione, & pressione provenit, quibus aliæ in alias impinguntur guttæ; vel quia plurima aliquando grandinis grana molliter adhuc concreta simul descendendo uniuntur.

392. Grando eo majoribus granis constat, quo ex altiori loco, & nubibus decedit: cujus rei ratio eadem est atque varix niveorum floccorum magnitudinis. Id non semel observatum, supra montium fastigia, minutiozem ut plurimum esse grandinem, majoraque ejus grana in imis vallibus interim cadere. Gallinacea ova non raro æquat: ad libram, 30, 40, uncias ascendit aliquando grandinis pondus. Uratislavix visam semel esse, quæ 10, & 12. libras in singula grana ponderaret, in actis lipsiensibus (a), & transactionibus Anglicanis legimus (b): Plurimarum guttarum prægrandium ex altissimis nubibus per frigidum aerem decidentium, & labendo sese congelantium

(a) *Apud Saintignon vol. 3. pag. 67.*

(b) *Apud Beccariae electric. naturale lettera 15. pag. 316.*

tium mutua incurſio, aliarumque aliis continuata additio ejus magnitudinis cauſſa eſt.

393. Elatiores nubes ſolvuntur in grandinem, humiliores in nivem, aut pluviam: propterea quod ut decedentes guttæ in glaciem vertantur, ſiantque grandis, opus ſit vehementi frigore corripì in atmolphæra. Id vero magna aeris altitudine ſemper eſſe, probant nives ſupra altiores montes ſemper extantes. Hinc vero habes, quare hyberno tempore ningat, æſtivo grandinet cælum. Humiliores primo tempore ſunt nubes, elatiores ſecundo.

L E C T I O IX.

DE METHEORIS LUCIDIS

Iride, ſcilicet, Halone, Parhelio, Paraſelene, & Virgis.

§. I.

Iris.

394. *Iridis* nomine rem omnibus notam intelligimus, eum ſcilicet arcum illuſtrem in nubibus apparentem ex multiplici variorum colorum zona, aut arcubus ſibi invicem parallelis compositum, quem tempore pluvio, & lucente ſupra horizontem ſole in nube pluvia ſoli oppoſita identidem ſpectamus. Eum arcum eſſe cauſſarum naturalium effectum, experientia, ſignum Divinæ erga nos clementiæ ſacra pagina teſtatur (a). Unica ſæpiſſime apparet *Iris*; frequenter duplex. Aliquibus etiam terræ locis non raro videri triplicem, ſtatim referemus. Sed quoniam in communi phænomeno duos obſervamus arcus compositos; duplex proinde diſtinguitur *Iris*: *Primaria*, quæ propius ad terram exiſtit, & *Secundaria*, quæ primariam Iridem, ſi utraque ſimul appareat, ſemper comprehendit. Nonnumquam ſolus primarius;

ali-

(a) *Genefcos cap. 9. v. 13.*

aliquando solus secundarius, aut truncatæ singulorum partes spectantur.

395. Circa Iridis naturam absurda plurima in medium attulerunt veteres Philosophi, quæ ne referre quidem operæ premium est; cum liquidum jam sit, atque perfectum omnibus, quæ sit Iridis causa, atque natura. Primus ignotum antea hoc physicæ arcanum homines edocuit *Marcus Antonius de Dominis* Archiepiscopus Spalatrentis in Dalmatia, & variæ postmodum religionis, & fortunæ vir (a). Eum veritatem omnino affectum fuisse, omnia posteriorum temporum, & Philosophorum experimenta confirmarunt: nullumque jam est inter philosophos in præfenti argumento dubium. Illa sane diligentia, labore, animorum contentione, experimentis tentate res fuit, atque discussa; ut eæ tantum nobis supersint peragendæ partes, rem nitide exponere, & ex suis principiis evolvere.

396. Generatim in hoc phænomeno observamus sequentia. I. Colores Iridis tam primariæ, quam secundariæ sunt iidemmet, qui per prisma triangulare visuntur, aut quos habent radii solares per prisma trajecti.

II. In qualibet Iride tres præcipui, & distinctissimi observantur colores, *punicus*, seu *ruber*, *flavus*, *cæruleus*. Re tamen bene perspecta, septem in Iride sunt colores, *violaceus*, *purpureus*, *cæruleus*, *viridis*, *flavus*, *aurantius*, *ruber*. Cum tamen aliqui ægre a proxime vicinis discernantur; tresque superius dicti distinctissime perspiciantur; ad eos potissimum deinceps attendimus; licet alios etiam admittamus.

III. In interiore arcu, seu Iride primaria ita dispositi sunt colores: infimus, seu interior est *cæruleus*, medius *flavus*, superior *rubens*. In secundaria, seu exteriori Iride contrario sensu disponuntur: interior est *rubens*, exterior *cæruleus*. Diversa hæc colorum dispositio est præcipuum utriusque Iridis discrimen.

397. IV. Facile cuique est, Iridem arte efficere; si a sole averfus ex ore ita aquam pressis labiis in arcum

(a) De radiis visus, & lucis.

cum sursum oblique conspicias, ut ea stillicidii instar decadat: in parvis enim stillicidii guttis colores Iridis observabis, & parvum arcum momento disparentem. Idem etiam phænomenum videbis, si fontem exilientem, cujus aqua pluviae instar decadat, soli oppositum, & illuminatum inspicias. In insigni fluminis Sancti Laurentii in America Septentrionali Gatadupa immensa aquae massa ab altitudine 150 pedum in præceps ruens perennem attollit nubem, ubi Iridis colores, & arcum viatores observant (a). Irides igitur aliæ sunt artificiales, aliæ naturales.

398. V. Spectator videt Iridem soli oppositam, ita ut inter solem, & Iridem tam naturalem, quam artificialem existat. Iris præterea tum solummodo apparet, cum pluvium est cælum; eaque in parte, in qua nubes in parvas guttas resoluta decadat, & sol ex adverso resolutam nubem illuminans, non sit supra horizontem elevatus ultra 42 gradus, si Iris sit primaria, vel ultra 52, si Iris sit secundaria.

DEFINITIO

399. Linea SA (fig. 15.) a centro Solis S per oculum spectatoris O ad A centrum Iridis ducta, dicitur axis visionis, seu axis ipsius Iridis. Anguli autem AOV, AOZ, quos in spectatoris oculo efficiunt rectæ VO, ZO ab arcum circumferentiis ad oculum ducti, cum axe visionis, vocantur *Iridis anguli*.

400. VI. Planum arcus Iridis multoties est ad axem perpendiculare: potest tamen esse, & sæpe est obliquum. Anguli autem primariæ Iridis 41 gradus excedunt, sed ad gradus 42 non attingunt, vel non excedunt: anguli, inquam, non ab horizonte, sed ab Iridis centro computati. Color *cæruleus* videtur sub angulo 41 graduum 14 minutorum: *flavus* sub angulo 41 graduum, 30 minutorum: *rubeus* sub angulo 41 graduum, 46 minutorum. Secundariæ Iridis ADE anguli v. gr. ZOA inter gradus 51, & 52 cum dimidio hoc ordine existunt: Color *rubeus* sub angulo 51 graduum, 46 minutorum: *flavus* sub angulo

(a) *Hist. du P. de Charlevoix*.

gulo 32 graduum; *cæruleus* sub angulo 32 graduum, 16 minutorum observatur.

401. VII. Iris igitur spectari potest; ut basis cuiusdam pyramidis, cujus vertex est in spectatoris oculo O, axis est recta OA a sole per verticem pyramidis conicæ ad illius basis centrum ducta. Si sol sit in horizonte; dimidius tantum arcus DE (fig. 17.) spectatur ad horizontem ipsum rectus. Reliquum impedit telluris crassities; cum supra axem BD horizonti parallelum dimidius solum extet circulus: eo casu spectantur supremi colores Iridis sub altitudine graduum 42 ab horizonte. Quo autem altius ab horizonte elevetur Sol; eo minor Iridis arcus, & quidem ad horizontem obliquus spectabitur: quoad, Sole ad altitudinem graduum 42 elevato; nullus jam primariæ Iridis color spectari poterit. Integram Iridem; seu circulum in nube resoluta factum, raro observabis, nisi supra montem existas, arcus vero in nube appareat supra vallem incumbenti: maxime tamen artificialem, aut in aquæ sursum violenter salientis lapsu.

402. VIII. Si parvam vitream phialam, aut bullulam aqua plenam A (fig. 16.) ita soli S oppositam constituas, & paulatim eleves per ABC, ut fiant angulus DOA 41 graduum, & 14 minutorum, angulus DOB 41 graduum 30 minutorum, angulus DOC 41 graduum, 46 minutorum; iis in positionibus in parva bullula colores Iridis observabis; in prima quidem A *cæruleum*, in secunda B *flavum*, in tertia C *rubrum*. Idem observabis phænomenum, si bullula immobili oculum ita moveas, ut prædicti anguli efficiantur. In hisce autem guttulis, seu phialis vitreis radii solares duplicem patiuntur refractionem; & unicam reflexionem, ut statim explicabimus.

403. IX. Quod si eandem phialam, seu bullulam EFG (fig. 16.) ita disponantur, ut radii EO, FO a bullulis illuminatis ad oculum O incidentes efficiant cum axe OD angulum, sub quo secundaria Iris apparet; colores secundariæ Iridis in guttulis ita dispositis eodem modo, & ordine, atque in secundaria Iride observabis. In huiusmodi tamen bullulis radii solares duplicem refractionem, & duplicem reflexionem patiuntur.

404. Quodsi oculo existente in O, omnes prædictæ phialæ insimul ponantur sub datis angulis in ABC, EFG; in iis utriusque Iridis colores spectabis. Concipe modo, lineas OA, OB &c. circa aliud anguli latus OD immotum volvi; extrema ABC &c. describerent arcus circa D sub iisdem semper angulis: si secundum eos arcus phialas disponas; tum perfectam spectabis utramque iridem. Hucusque exposita sunt prorsus indubia.

PROPOSITIO XXXI.

405. *Iris primaria, seu Iridis colores ex eo efficiuntur, quod radii solares CL, MN (Fig. 15.) in pluviae e nube labentis guttulas, quasi in aqueas phialas incidentes, in easque ingressi, post duplicem refractionem, & unicam reflexionem ita ab iis erumpant, ut ad spectatoris O oculos reflectantur sub angulis 41 graduum, 14 minutorum: 41 graduum 30 minutorum: 41 graduum 46 minutorum: eoque pacto e guttulis aqueis colorati egrediuntur, & dictorum colorum sensum excitant in spectatoris oculo.*

Hæc propositio ex iis, quæ supra posuimus, aperte deducitur. Colorum naturam impræsentiarum non explicamus: Id tantum ex alibi dictis animadverto, per prisma bullulas, & phialas aqua plenas radios luminis ita diffringi, separari, ac modificari, ut diversos efficiant colores. Omne igitur spatium PLNG, quod, in guttas sese resolvante nube, parvis guttulis sese contingentibus, & aliis alias subsequentibus plenum est, perinde spectari debet, ac si innumeræ parvæ bullulæ essent per totum illud spatium arte dispositæ: idem enim est, si bullulæ sint naturales, siue artificiales: eo in casu omnes guttæ, & bullulæ in semicirculari fascia, seu Zona FNG dispositæ, e quibus radii ad spectatorem O missi efficerent cum axe OA angulum 41 graduum, 14 minutorum, sub colore cæruleo apparerent: sub flavo, quæ mediam Zonam GLQ sub angulo 41 graduum, 30 minutorum componerent: sub rubeo denique, quæ exteriorem Zonam PRBG sub angulo 41 graduum, 46 minutorum efficiunt: iidem igitur colores apparebunt in naturalibus aquæ guttis e nube decidentibus (fig. 15.)

406. Radii solares MN, CL, qui interiorem arcum, seu primariam Iridem efficiunt, hoc pacto diriguntur: per superiorem partem R ingrediuntur; id enim patet in artificialibus phialis; si enim tantummodo pars superior R operiatur; colores illico evanescent; licet reliquum phialæ corpus a sole illuminetur. *Secundo*: Ipso in ingressu R refringuntur ad perpendicularem; cum a rariori ad densius medium transeant. Radius idcirco CR flectitur ab R versus centrum L. In posteriori guttæ parte T paritim ulterius ad aerem transeunt, si rectam, & aptam offendant viam: pars vero, quæ in parietes, & partes solidas aeris incurrit, reflectit, & ad partes inferiores V regeritur. *Tertio*: In inferiori parte V in aerem iterum exeunt: ac proinde iterum retringuntur a perpendiculari recedendo; quia a gutta ad aerem, a densiori ad rarius medium transeunt.

Qua ratione radii per prismata, aut guttas transientes, reflexi, & refracti in colores vertantur, aut evadant colorati; utrum scilicet id fiat per radiorum modificationem, per umbrarum missionem, an per mutuam separationem, alibi exponimus.

407. Secundaria Iris in naturalibus pluviae guttis, sicut in artificialibus phialis, hoc pacto efficitur. Radii Solares KS (fig. 15.) per inferiorem phialæ, aut guttæ partem S ingressi, illicque ob datam modo causam refracti, ad oppositam superficiem H appellant; ibique reflectuntur, qui in partes aeris solidas impingunt, & ad superiorem partem X tendunt, in qua novam patiuntur reflexionem, cujus beneficio ad anteriorem, & superiorem partem Z appulli in aerem denuo refracti regrediuntur (non quidem omnes, sed pars sensibilis), & a perpendiculari recedendo, deorsum versus spectatorem O diriguntur. Guttæ igitur omnes, siue naturales sint, & a nube pluvia decedentes, siue artificiales, quæ Zonam ÆSY componunt sub angulo graduum 51. 46', colorem habent *rubeum*: quæ mediam Zonam ÆZDQ efficiunt sub angulo 52 graduum, *flavum*: quæ in extrema tandem IOI existunt sub angulo 52. 16', *caeruleum*.

COROLLARIUM I.

408. Hinc manifeste habetur ratio, quare Iris prima-
Mont. Phil. Tom. V. N ma-

maria viviđiores multo habeat cōlores, quā secundaria. Radii enim in reflexione plurimum debilitantur, quia plurimi in obliſtētem superficiem introgressi deperduntur; cum igitur radii duplicem in ſecundaria, unicam in primaria Iride reflexionem patiantur; inde est, quod dilutiores multo ſint ſecundariae, quā primariae Iridis cōlores. Idem est de coloribus intermediis, qui trium praecipuorum Zonarū diſterminant, ſuntque eorum velut confinia.

409. Quo tamen pacto, inquit, explicari poterit ſingulare illud phaenomenon à P. *Pardies* observatum (a)? Per loca ſatis edita iter agens ſolē ad altitudinem 15 graduum ſupra horizontem orientalem elevato, & clariffime lucente, caeloque nullis nubibus obducto, in humili valle ſoli oppoſita primariam Iridem in herba perfecte viviđis coloribus depictam deſpexit. Reſpondeo: Eo tempore matutino olera, & caeteras vallis herbas plurimo, & abundanti rore in guttas ſemper conformato eſſe conſperſas; & humectatas: in iis proinde eodem modo, ac in phialis, & aquae guttis e nube decidentibus radii ſolares oppoſiti reſringuntur, reſſeunt, & Iridis cōlores efficiunt. Neque rarum eſt, partem Iridis ſolo jacentem videre, etiam tum, dum reliquam arcus ipſius partem in aere ſpectamus. Iris in ſolo exiſtens, eſſet quaſi projectio ejuſdemmet Iridis, quae intra tellurem efficeretur, niſi ea obſtaret.

COROLLARIUM II.

410. Patet igitur jam ratio eorum omnium, quae ſupra ut certa poſuimus: Iridem ſcilicet ſoli ſemper eſſe oppoſitam: pluvio tantum caelo naturalem, artificiali ſtillicidio, aut phialis aqua plenis artificialem efformari &c. Neque enim radii ſolares cōlores ſunt niſi reſractionis, & reflexionis ope; in guttis autem, phialis, pryſmatibus, & id genus aliis reſſeuntur, & reſringuntur. Radii etiam ſolares reſſeſi & reſracti ad eandem plagam, unde venerant, regrediuntur,

opus

(a) *Journ. des ſavans* 7. Fev. an. 1667.

Opus igitur est, spectatorem O inter solem, & guttas reflectentes, & refringentes existere, ut adspiciat iridem.

411. Illud diligenter animadvertendum in omnibus guttis, quæ in toto spatio, seu nube IOIAD (fig. 15.) illuminantur a sole, radios solares recipi, refringi, reflecti, eosque radios in singulas huiusmodi guttas ingredi, non tantum per partem inferiorem VS, sed etiam per superiorem RZ, & cæteras etiam guttarum partes. Ex singulis præterea illuminatis guttis, & per superiorem, & per inferiorem partem egrediuntur. Quin etiam ex singulis guttis innumeri fere radiorum coloratorum fasciculi erumpunt; sed ad diversos prorsus spectatores tendunt, & diriguntur, ut ex sequentibus fiet manifestum.

COROLLARIUM III.

412. *Quilibet spectator suam videt peculiarem Iridem tam primariam, quam secundariam: neque duo spectatores eandem videre possunt, nisi in eundem locum succedant.* Sint plures homines BA (fig. 17.) in eadem linea BA ad axem BD perpendiculari, aut obliqua, & in nubem oppositam converli. Spectator quidem A arcum, seu Iridem observat C; spectator tamen B non primam, sed aliam Iridem E videt, cuius axis est non recta AE, Iridis alterius axis, sed recta BD ad Iridem, seu arcum E perpendicularis. Sint deinde (fig. 18.) plures spectatores XZY in eadem recta horizontali KV in diversis a nube distantis, vel etiam in ipso axe Iridis: Omnes quidem Iridem spectant, quisque tamen suam: In hoc autem casu Irides omnes sunt arcus concentrici. Remotior a nube spectator Y Iridem primariam EFG sub angulo 42 graduum: secundariam BCD sub angulo 52 observet: Si spectator Z magis ad nubem proximus eandem spectaret Iridem; esset etiam angulus EZV 42 graduum, angulusque BZV 52 haberet gradus: hoc autem est impossibile; est enim angulus externus EZV interno opposito EYV major (a): si ergo angulus EZV fuerit Primariæ Iridis proprius; angulus

N z

lus

(a) Elem. Geom. Elem. 1. n. 166.

lus **EYV** pauciores habebit gradus, quam ad primariam Iridem videndam requiruntur.

413. In postrema hac spectatorum dispositione fiet, ut eademmet gutta, seu arcus **EF****G**, qui spectatori **Z** est Iris primaria, sit spectatori **X** secundaria; & ea in parte **BCD**, qua spectator **Y** primariam, spectator **Z** secundariam videat; & sic deinceps. Vel igitur plures spectatoris e diversis locis in nubem aspiciant, vel idem locum suum mutet; alia semper, & alia pro locorum diversitate spectabitur Iris; licet ad hujusmodi diversitatem minime attendatur.

COROLLARIUM IV.

414. Qualibet igitur gutta **EF** a sole illuminata omnes simul, tam primariae, quam secundariae Iridis colores emittit versus diversas partes, alios, & alios spectatores sub definitis hucusque angulis Zona v. gr. **E**, quæ spectatori **Z** apparet rubea, in **N** apparet flava, in **M** cærulea; in **X** iterum cærulea, sed jam ad secundariam Iridem spectat, &c. omnisque proinde tractus **BFL** guttis decidentibus plenus, infinitam pene habet colorum varietatem, nullumque est eo in spatio punctum, quod multipliciter coloratum non appareat, ut modo diximus (fig. 18.).

415. Iridis altitudo supra horizontem in certa passuum mensura, hoc est, quot passus v. gr. supra horizontem elevetur arcus **HL**, aut quot etiam passus a spectatore sit remotus definiri certo non potest. Etenim ad altitudinem dignoscendam, opus esset, ut distantia prius dignosceretur; hæc autem haberi non potest, nisi eadem Iris e pluribus locis videretur: quod ex supradictis est impossibile. Id tamen verum est, eo altius supra horizontem attolli Iridem, quo fuerit a spectatore remotior; si arcus sint similes: ut enim arcus similes sub eodem angulo ex diversis distantibus spectentur; necesse est, ut qui est magis remotus, sit magis elevatus, ut facile patet ex Geometricis.

COROLLARIUM V.

416. Iris primaria videri nequit, si solis supra horizontem altitudo sit æqualis, vel major 42. gradibus:

secundaria si Solis altitudo 52. gradus, & 16. minuta adaequet, vel superet. Cum enim angulus HDG (fig. 19) sit graduum 42. tantumque deprimatur Iridis, seu arcus ILM apex L, quantum ex alia parte elevatur Sol; Sole ad 42. gradus elevato, supremum arcus apicem L ad totidem gradus deprimi necesse est, hoc est, in telluris superficie evanescere. Similiter de *secundaria Iride* statuendum. Hinc est, quod omnibus in locis, regionibus, & stationibus, in quibus solis altitudo meridiana ad 42. gradus non pertingit, totæ diurno tempore formari possint Irides. Hujusmodi regiones sunt omnes in Zonis frigidis, & plurimæ in temperatis jacentes. Ex adverso per omnem Zonam torridam Iris primaria spectari non potest meridiano tempore, aut per horam ante, vel post meridiem; eo enim tempore plusquam 42. gradus supra horizontem elevatur Sol; licet antarcticum percurrat, & regio prope arcticum tropicum sita sit.

COROLLARIUM VI.

417. Facile igitur jam constat, quare Iris arcum semper referat. Cum enim radii ejusdem coloris ad eundem spectatorem adveniant sub eodem angulo cum axe pyramidis; necesse est, ut arcum circa axem efficiant. Duo tandem animadvertenda sunt: *primum*, arcum, immoto spectatore, sensim elevari vespere, matutino tempore sensim deprimi: contraria enim ad Solem ratione movetur; dum igitur Sol matutino tempore ascendit; descendit arcus: ascendit vero, cum Sol vespere descendit. In sphaera parallela, in qua Sol eodem die, in eadem semper altitudine parallelus ad horizontem circumvolvitur, Iris motu contrario circa horizontem moveri toto die apparet. *Secundum*; spectatorem immotum non in ejusdem semper guttis colores Iridis spectare, licet reapse id sibi persuadeat; Interim enim, dum phaenomenon aspicias, descendunt, & prolabuntur guttae, alique aliis succedunt; quæ igitur modo in Zona B. caeruleum, in zona statim C (fig. 18.) flavum, in circulo postea D. rubeum colorem spectatori Y ostendit, & ita de aliis tam in primaria, quam in *secundaria Iride*.

418. Facile ex huculque dictis concipies, quod posui superius inter observata, Iridis planum esse ut plurimum ad axem perpendicularare: sæpe tamen obliquum. Ex puncto B (fig. 23.) montis vertice in nube soli A opposita, & supra vallem, aut planum incumbenti adipiscitur. Iris DLEM: qua quidem rerum positione phænomenon potest videri integrum. Tota superficies conii BDLEM habere potest colores Iridis: reapse vero habebit; si totum illum aeris tractum nubes occupet in stillicidium sese revolvens. Omnes igitur sectiones illius conii possunt esse irides. Si nubes existat in plano, seu sectione perpendiculari EMDL, perfecta, vel imperfecta; rectam etiam positionem habeat Iris, necesse est. Si pars nubis esset in F, reliquum ab F versus G diffunderetur; Iris esset obliqua FG.

419. Detur præterea a G usque ad B solum esse herbosum copiose rore madidum; Iridis colores per id solum distensis spectarentur. Postremum hoc observare mihi jam sæpe accidit. Hinc ulterius consequitur, Iridem posse projici, aut esse arcum circuli, ellipsis, parabolæ, hyperbolæ, trianguli: partem convexam, aut concavam posse a spectatore videri. Superiora intelligenti hæc omnia sunt perspicua. Sicut in agrorum herbis rore madidis, ita & procellosi in maris superficie vento agitata, fluctuante non raro formantur, & videntur irides: licet minus vividæ, illustres & constantes, atque aliæ in cælo apparentes.

420. Circa Iridem lunarem nihil est cur immoremur: eodem enim pacto a radiis lunaribus efficitur, atque alia a solaribus: rarissime tamen, nec nisi in pleniluniis observatur; & colores præterea habet dilutissimos ob lunarium radiorum paucitatem, & debilitatem. Huiusmodi Iridem observavit Scherffer (d), in eaque dicta modo phænomena deprehendit. Tertiam etiam aliquando Iridem apparere, oculati testes sunt *Ulloa*, & *Outhier*: eam tamen, cum apparet, dilutissimos, & intermortuos ut plurimum habere colores necesse est; triplici enim reflexione ad nos

re-

regeruntur solares radii , in quarum singulis plurimi deperduntur , & debilitantur (*).

Tres

(*) Nous avons vu sur les 7. heures du soir un arc en ciel fort singulier . Comme le Soleil étoit beau au Nord-ouest ; il a paru dans la pluie , qui tomboit vers le Sud est , un arc en ciel triple . . : je n' ai pu appercevoir aucune marque d' un quatrieme arc , qui auroit du , ce semble , paroître du moins foiblement a quelque distance , & concentriquement a l' arc extraordinaire (hic arcus extraordinarius alios duos vulgares secabat , illiusque apex supra aliorum apices erat elevatus) , l' arc extraordinaire étoit certainement formé par les rayons du Soleil , réfléchis par les eaux du lac qui se trouvoit Nord-ouest , de meme que le Soleil. Voyage au Nord , an. 1736. pag. 72.

Magis singulare est phænomenon a D. Ulloa , & aliis Academicis in Quitto observatum : tres enim arcus Iridis perfectos , & quartum etiam minus perfectum supra horridos illos Andium paramos magna cum admiratione frequentissime observarunt.

Para nosotros fueron de grande admiracion dos (phænomenos) que en los principios no dexaron de sorprendernos con su novedad : pero la continuacion de verlos varias veces repetidos , nos los hizo familiares . El primero fue observando en Pambamarca la primera vez , que subimos a aquel paramo : y consistia en un arco Iris entero , y triple formado en esta manera . Al tiempo de amanecer se hallaba todo aquel cerro envuelto en nubes muy densas , las que con la salida del Sol se fueron dissipando , y quedaron solamente unos vapores tan tenues , que no los distinguia la vista : al lado opuesto por donde el Sol salia en la misma montana ; a sola de diez tuessas distante de donde estabamos , se veia como en un espejo representada la imagen de cada uno de nosotros , y baziendo centro en su cabeça tres Iris concentricos , cuyos ultimos colores , o los mas exteriores del uno tocaban a los primeros del siguiente ; y exterior a todos algo distante de ellos se veia un quarto arco formado de un solo color blanco : todos ellos estaban perpendiculares al horizonte , y assi como el sugeto se movia de un lado para otro , el phænomeno le a-

Tres Irides eodem tempore in eadem nube observavit Halleus Chelstræ in Anglia anno 1698. : duo interiores arcus a vulgaribus non distinguebantur : tertius reliquis duobus superior colores habebat eodem modo dispositos atque primarius , æque vivos , ac secundarius : Crurum extrema in horizonte cum primarii cruribus confundebantur : tertius proinde arcus secundum in tres partes (fere æquales) secabat. Post aliquid temporis pars superior tertii arcus cum secundo omnino confusa est , ejusque colores illa in parte evanuerunt : in communibus eorum arcuum sectionibus , color rubeus in alium rubeum incidens , vividior em efficiebat rubedinem , quam illa foret primi etiam arcus (a). Tres etiam arcus prædictis similes alii observarunt , nominatim vero *Senquerd* anno 1685. (b). *Celsius* in Svecia anno 1743. (c).

DE

*compañaba enteramente en la misma disposicion , y orden : pero lo mas reparable era , que ballandonos alli quasi juntos seis , o siete personas , cada una veia el fenomeno en si , y no lo parecia en los otros . La magnitud del diametro de estos arcos variaba sucesivamente a proporcion , que el Sol se elevaba sobre el horizonte . Al mismo tiempo se desvanecian todos los colores , y baciendose impercetible la imagen del cuerpo , al cabo de buen rato desaparecia el fenomeno totalmente : en los principios era el diametro del Iris interior tomado en el ultimo color que le correspondia , de $5\frac{1}{2}$ grados a corta diferencia ; y el del blanco exterior y apartado de todos 67. grados . Quando empezaba el fenomeno , parecian los arcos en figura oval , ó eliptica correspondiente al disco del Sol , y despues se perfeccionaba , hasta quedar perfectamente circulares . Ulloa *Relacion Histor. P. 1. lib. 6. cap. 9.**

(a) *Encyclopedie v. Arc en ciel .*

(b) *Journal des sçav. 1685. Encycloped.*

(c) *Hist. de l' Acad. 1743.*

5.

DE HALONE, PARHELIIS, PARASELENE,
ET VIRGIS.

D E F I N I T I O.

421. *Halo* est circulus quidam lucidiores etiam stellas aliquando obscurans, alioque nomine vocatur *Corona*. *Parhelii* sunt spurii aliqui, & eementiti soles, seu veri solis imagines, quæ prope solem interdum visuntur. *Paraselenæ* est spuria, & eementita Luna, aut Lunæ imago prope veram Lunam apparens. *Virgæ* denique appellamus longos, & luminosos lucis tractus, qui e nubibus ad terram extenduntur, vel etiam inter nubes jacent, & Iridis colores interdum referunt.

422. Astrum circa quod *Halo*, seu *Corona* observatur, in phænomeni centro, aut prope centrum semper apparet. Nec infrequens est, ut non unus dumtaxat, sed duo pluresve circuli, seu coronæ concentricæ circa astrum observentur. Halonum, qui Solem, aut Lunam cingunt, amplitudo non eadem in omnibus est, sed eorum diameter 12. 30. 45. & aliquando etiam 90. extenditur gradus. Qui circum alia astra observantur, ultra 5. gradus non occupant. Plerumque nullum habent colorem, sed velut periphæria candida conspiciuntur; interdum vero zonas habent coloratas. Colores neque iidem semper sunt, neque eorum ordo semper constans. Illud tamen certum est, longe semper esse dilutiores in halone, quam in Iride colores; & multo frequentius circa Lunam, quam circa Solem phænomenum ejusmodi apparere. Frequenter etiam accidit, ut in singulis, diversisque ejusdem halonis zonis, seu coronis concentricis, neque iidem colores sint, neque idem colorum ordo. Peculiares horum omnium observationes non adduco, quia in phænomeno passim occurrente rem per se examinare unusquisque potest.

423. Halones, seu coronæ arte parantur, iis omnino similes, quos in cælo circum astra observamus: atque ex artificialium cognitione, & formatione, quæ

quæ naturalium causa sit, edocemur, ut circa Irides etiam observavimus.

PROPOSITIO XXXIII.

424. Halones ex eo oriuntur, quod radii solares, aut lunares sub Sole, aut Luna intra telluris atmosphæram in nubem incidant, compositam ex vaporibus, seu insensibilibus guttulis, quæ minores sint iis, in quibus pinguntur Irides, & præ raritate sua sint in ære suspensæ.

Facile in hunc modum probabis singulas propositionis partes. Primo quidem halonem fieri intra nostram atmosphæram: neque enim, nisi cælo nubilo apparent, neque e duobus locis diffitis, in telluris superficie videntur: multa præterea habent cum Iride communia. Deinde dissipata nube illa rara, quæ eo tempore, & loco obductum est cælum, illico dissipatur etiam halo: deficit etiam totus, si integra dissipetur nubes: quod si nubis solum pars aliqua deficiat, ex ea etiam parte disparet. Tandem quam primum ventus ea in parte atmosphære spiraret; evanescit illico corona.

425. Secundo: Fieri in vaporibus in propositione indicatis experimento, & ratione constat: 1. Similis enim coronæ candelam cingit, cum inter candelam accensam, & observatorem interest nebula, aut crassiores vapores; seu cum candelam accensam per medium fumum e fervente aqua erumpentem intuemur. 2. Sit bulla quædam vitrea BC (fig. 20.) aqua plena, quæ vaporem referat, in eamque Soli expositam incidant radii solares AR, MI, qui omnes post bullam in charta candida excipiantur. Radii perpendiculares AR recta transeunt, nullumque colorem in opposita charta depingunt: radii tamen MI, MH, OL, OG, PB, PC, qui incidunt in bullæ zonas HI, GL, BC, & semel in ingressu, iterum in egressu refringuntur, zonas etiam coloratas in charta exhibent, iis coloribus distinctas, quos in Iride observamus, rubro, flavo, caeruleo, violaceo &c. Quod si chartæ loco spectator constituatur; diversas zonas coloribus iis distinctas circa candelæ flammam per medium bullæ lucentem observabit. Radii enim per totam fasciam, seu zonam circularem MI transeunt,

&

& dupliciter refracti, quemdam colorem induunt, & primum annulum coloratum D in charta pingunt, aut exhibent: oculus igitur e loco annuli D per bullam in flammam intuens, rotundum annulum coloratum H I in M M refert, eoque luminosum A circumductum intuetur.

Jam vero radii illi solares P B, O G, M H, M I &c. per phialam, & phialæ zonas traducti post duas refractiones coeunt, seu transeunt per punctum R: si igitur oculus existat in R immotus; illas omnes prædictas coronas coloratas eodem tempore, & ex eodem loco circa luminosum videbit.

427. Sint præterea guttæ quamplurimæ A B C D E F G H I (fig. 21.) in aere fibratæ non parum a sese distat: in easque superne incident radii P C, Q D, S F, T G &c. radio R E paralleli. Radii a Sole in hujusmodi phialas naturales, seu bullulas incidentes perinde refringuntur, atque A, M, O &c. in phiala artificiali B C, vel etiam prisma triangulari. E singulis hisce bullulis radii diversi, diversis etiam coloribus tincti, per diversas tamen directiones, seu angulos egrediuntur, ut in radiis per prisma, aut per phialam B C traductis observatur: in guttis v. g. D F aliqui radii perinde refringuntur, atque M I, M H in phiala: hujusmodi autem radii eundem in puncto M colorem generabunt, quem radii M I, M H in puncto R. Aliqui radii similiter in guttis C G (fig. 20. 21.) refringuntur, colorantur, & diriguntur ad M, atque radii O L, O G in phiala: eundem igitur colorem in M exhibebunt in prædicto puncto, quem radii O L, C G in puncto R, & sic de aliis. Spectator igitur M in ejusmodi puncto existens colorem alium in parte, seu guttis D F, alium in parte, seu guttis C G spectabit. Finge modo guttas omnes A B C D E F G H I circa radium, seu axim R M, a Sole ad spectatorem ductum circumvolvi in eadem semper ab illo distantia. Cum in singulis hujusce revolutionis punctis similiter, & sub eodem angulo a Sole illuminentur; eundem radium eodem colore tinctum ad spectatorem emittent. Spectator igitur M duas, tres, aut plures zonas coloratas, & circulares circa astrum in earum centro apparens videret. Perinde autem est, sive guttæ A B C circumvolvuntur, sive spatium, per quod revolvuntur, sit simili-

bus

bus guttis plenum. Eo pacto non tantum duæ, sed plures interdum zonæ coloratæ circa Lunam, Solem, aut lucidiora sidera apparent.

428. Singuli tamen vapores, dices, seu bullulæ in toto spatio AI contentæ, a Sole; aut Luna illuminantur, eorumque radios refringunt, ac proinde coloratos transmittunt: vel igitur in toto spatio AZ IL Iridis colores observabimus, ac proinde halonis figura non erit circularis; vel nullus etiam color in circularibus zonis observabitur.

Resp. E singulis vaporibus in spatio AZI (fig 21.) contentis radios emitti coloratos, sed ad diversos spectatores dirigi, ut de Iride superius diximus: e zona v. gr. AZI , seu e bullula A radius AK rubro BM parallelus, ac proinde similiter refractus, & eodem colore tinctus transmittitur; sed ob ipsum parallelismum cum radio BM , non ad punctum M , in quo radii BM , AM terminantur, sed ad punctum K dirigitur, & ita de aliis.

429. Vapores tandem, qui sunt halonum materia, tenuiores iis esse, in quibus Iridis colores pinguntur, ex eo constat, quod Iridis bullulæ interea, dum apparet phænomenon, pondere suo prolabantur; quæ tamen halonem efficiunt, sunt in aere pendulæ, & ab illo sustentantur; majorem igitur habent tenuitatem, raritatem, & minorem massam, quam guttulæ, in quibus Iridem spectamus.

COROLLARIA.

430. I. Ex dictis constat, non fieri, aut formari halones in stellis ex glacie pellucida compositis, ut *Cartesio* primum, & pluribus deinceps ejus assecclis arrisit: neque in globulis grandinis nivem in se se comprehendentibus, ut post *Christianum Huighens* plures alii existimarunt. Præterquam enim quod ratio, & experientiæ demonstrent halonem eo, quem diximus, modo in vaporibus efformari; plurima interdum hujusmodi phænomena statione illa observantur, in qua nullæ vel nives, vel grandines efformari possunt. Deinde globi, aut stellæ glaciatae præ gravitate sua non possent in aere sustineri, sed statim prolaberentur; halones autem per longum tempus in aere visuntur.

431. II. Halo circularis apparet; quia radii colore tincti sub eodem angulo, similiterque refracti ad spectatorem M diriguntur ab omni parte. Solem, aut Lunam sequuntur, seu potius sequi videntur Halones: quia astris procedentibus, ex aliis semper, & aliis vaporibus circa rectam RM, una cum sole moram, & in eadem ab illa distantia refringuntur, atque transmittuntur semper ad spectatorem radii. Unde etiam patet, astrum in Halonis centro semper existere, licet utrumque semper moveatur, & quod modo in parte nubis A apparuit, in alia deinceps parte B conspiciatur.

432. III. Halo interdum in aliqua parte potest deficere, dum in alia lucidus perseverat: si nempe ex parte aliqua dissipentur vapores, dum ex alia parte supersunt; falcatum proinde aliquando spectabitur phænomenon, ut de Iride etiam diximus. Halonis magnitudo varia esse potest; pro majori vaporum raritate, aut densitate, & pendente ex iis radiorum refractione: ex majori etiam vel minori vaporum altitudine, & distantia huiusmodi varietas oritur.

9.

PARHELIA, ET PARASELENE.

OBSERVATIO.

433. Plurimi aliquando interdiu Soles visi sunt: tres simul apparuisse, auctor est *Plinius* (a). Septem Dantisci observavit *Hevelius* anno 1661. 20. die Februarii sub horam undecimam (b). Anno item 1629. quinque observavit Romæ *Scheinerus*, sequenti anno septem. Ementiti Soles luce aliquando parum vivida fulgent; adeo tamen nonnumquam coruscant, ut eorum lucem acies oculorum ferre nequeant. Eorum insuper duratio varia: horam aliquando, interdum duas, aut quatuor tenent. Cum huiusmodi phænomeno-

(a) lib. 2. *Hist. nat. cap. 31.*

(b) apud *Keell. t. 2. 1 bys.*

menum apparet; aliqui semper halones circa Solem, aut Lunam videntur, qui se se mutuo interfecant. In halonum solummodo circumferentiis videntur parhelia, & fere semper in intersectionibus. Generatim vero circa parhelia etiam observatur, eo esse lucidiora, quo minus vividi fuerint colores Halonum, in quorum intersectionibus efformantur; alios esse caudatos, alios cauda carere: in eorum circumferentiis apparent quandoque colorati. Hæc eodem modo in *paraselenis* observantur: quæ ut clarius intelligantur, inspice in subiecto schemate *parhelia* Dantisæ ab *Hervelio* observata.

434. Verum Solem A non multum supra horizontem elevatum Halo coloribus Iridis depictus BGC (fig. 22.) circularis, & horizontem fere lambens in I circumdabat: eum circulum coloratum duo alii halones concentrici complectebantur, ZGY, coloratus, HLM candidus, quorum pars, impediente horizonte deficiebat. Per verum Solem A alius pertransibat Halo prioribus excentricus, eoque interfecans, cujus centrum erat in K, ipsius loci Zenith; hic tamen circulus intra halonem BGC disparebat, Alius præterea circulus, seu circuli excentrici segmentum QGR halonem BGC contingebat in G: alia alterius circuli excentrici pars SLN halonem ZGY tangebat in G. Soles denique hoc ordine, & numero apparebant: verus in A, spurii duo soles Iridem in marginibus referentes in intersectionibus BG visibantur, albicantibus caudis BV, CX per circulum horizontalem productis instructi. Alii item duo mentiti Soles multum lucidi, nullisque coloribus præditi in intersectionibus ED lucebant: Sextus postremis hisce duobus prorsus similis, e regione veri Solis A apparebat in F: Septimus tandem Sol colore præditus in intersectione L. Hucusque phænomeni descriptio, quod per horam fere, & dimidiam duravit.

435. Extra dubium esse debet, parheliorum colores ex iisdem causis provenire, ex quibus Iridis colores nascuntur, quos superius suis in locis explicavimus. Certum etiam est, dicta phænomena intra telluris atmosphæram in rarioribus aliquot apparere nubibus. Neque enim e pluribus locis videtur unum, idemque huiusmodi metheoron: quod citra dubium contingeret

ret, si extra atmosphæram existeret: neque alia ratione parhelia efformari posse videntur, nisi solarium radiorum in vaporibus terrestribus reflexione, & refractione.

PROPOSITIO XXXIII.

436. *Parhelia, & Parasèlene non aliunde oriuntur, quam ex intersectionibus halonum luce satis virvida fulgentium; ex quibus fit, ut ob geminatam lucem splendidius quadrata illa elucescant, & Solem referant: accedere etiam potest peculiaris aliqua ratiiorum solarium reflexio.*

Primo enim si halonum intersectionibus fere tantum parhelia observantur, ubi proculdubio multo copiosior est lux. Deinde nulla alia est ratio huiusmodi phænomena explicandi, quæ physicis observationibus innitatur: hæc vero, quam posuimus, rei causa, & existit in natura, & phænomeno explicando apparet sufficiens.

437. Unde tamen est; dices, quod in puncto F parheliolum observatur, licet nulla illic sit halonum intersectio? Resp. Nullus quidem videbatur circulus intersectans halonem E A F in puncto F; cum tamen aliqui arcus essent interrupti, & imperfecti; nullum fuisse arcum per F ductum, licet extra F non appareret, affirmare non ausim. Deinde pars aliqua nubis splendidior in F, lucemque vehementius reflectens parheliolum referre poterat.

438. Parheliolorum caudæ aut tractus nubium erant post parhelia, perinde ac illa, lucentes, aut radii solares per phænomenon transmissi, in vapores post ipsum impacti, sensim refractione adunati, aliquando in alios incurrentes, & reflexione ad nos directi.

439. Virgæ denique obvium passim metheoron, nihil in se notabile continent, quod ex supradictis non intelligatur: si enim sint longi nubium tractus colorati; isti colores tandem habent causam, atque colores Iridis: Ii vero lucidi, seu albentes tractus e nubibus in tellurem porrecti, sunt radii ipsi solares per medias nubes trajecti, & ex atmosphære vaporibus copiose ad nos reflecti.

PYROTECHNIA

PHYSICA

SBU

DE IGNIS ELEMENTO

LECTIO I.

De Physica Ignis natura, & proprietatibus.

1. **N**Ullum fortasse est in natura corpus, cujus natura magis nos lateat, atque omnes Physicorum conatus, ac tentamina magis eludat, quam Ignis; licet alia ex parte nullum forsan sit in natura, cujus proprietates melius agnoscamus, a quo plura accipiamus beneficia, & circa quod plura hactenus instituta fuerint experimenta. Inter Physicos omnium accuratissime, meo saltem judicio, hoc argumentum tractavit *Hermanus Boerhave* (a), ex quo plurima desumpsi: illa vero, quæ ulterius addam, vel tantummodo ab experimentis, & notis effectibus deduco, vel nonnisi dubitanter proponam: candide enim fateor, in Igne illiusque natura, proprietatibus, phænomenis, & agendi legibus, siquo in alio Physicæ argumento, obscurum, nescio, quid mihi semper, & ubique observari. Quare in hac potissimum philosophiæ parte observationes, experimenta, & nota phænomena præmittere, ex iisque deinceps philosophari opus esse existimo.

2. Circa physicam ignis naturam, reconditam illam quidem, & in naturæ sinibus latentem quænam sint, aut fuerint philosophantium opiniones, paucis accipe. Nonnulli fuere, qui existimaverint, Ignem neque purum spiritum, neque purum corpus haberi, sed mediam quamdam esse inter spiritus, & corpora sub-

(a) *Chemia p. 1. de igne.*

substantiam. Hujusmodi opinamentum omnium pene calculo rejicitur. Peripatetici, veteres potissimum, omiſſis rationibus mechanicis, Ignem in peripatetica forma *ſubſtanciali* ſtatuebant ab omni corpore diverſa. Hæc iterum penitus jam eſt obſoleta. Inter mechanicæ phylicæ cultores *Carteſius* cum plurimis aliis Ignis naturam in perturbato inflammato corporis particularum motu adſtruunt, ita ut ad ignem non peculiaris materia, ſed peculiaris motus cujuſcumque materiæ requiratur, & ſufficiat. Præcipua hujus ſententiæ difficultas in inveniendò, atque ſtatuendò hujusce motus principio, & cauſa conſiſtit. Ultima tandem, & comuniſſima Phyſicorum opinio, Ignem in ſubtiliſſima quadam materia, ab omnibus aliis corporibus diverſa, & ubique diſfuſa conſtituit.

DEFINITIO

3. *Rareſcere* dicitur corpus, cum illius maſſa ad majus ſpatium diſtenditur: cum ſcilicet corpus aliquod, puta, aqua, aut ſpongia, manu antea compressa, ſibi libere relinquitur, ad majorem locum extenditur. *Condensari* autem eſt ejusdem corporis ad minus ſpatium reductio: aqua v. gr. aut lac palmum cubicum occupans, ſi ad ſemipalmarem locum redigatur, condensari dicitur; ſi eadem ſemper maneat materia. Porro ſi denſatio per vim aliquam externam prementem fiat; qualiter a manu conſtringitur ſpongia; dicitur *compressio*: alio modo facta, dicitur proprie *denſatio*. De corpore raro, & denſo, raritatis, & denſitatis modo, communibus ignis, & caloris effectibus, inferius agem.

DEFINITIO.

4. *Fuſio*, ſeu ſolutio corporis eſt duri corporis in particulas inſenſibiles diviſio: Ut, ſi ſaccharum in aquam injiciatur, ab aquæ actionibus multipliciter dividitur, agitatur, illiusque particulæ hac illac diſperguntur. *Coagulatio*, ſeu concretio eſt corporis antea fluidi congelatio, ſeu in maſſam firmam reductio. Phyſicas corporum ſolutiones & coagulationes inferius dabimus.

5. Ignis, notiſſimum omnibus elementum, eſt *ſubtile*
Mont. Phil. Tom. V. O

tile illud corpus, ad cuius præsentiam ardorem quemdam in nobismetipsis experimur; cuius etiam proprium est, & peculiaris character, corpora cætera rarefacere, vel ex se ipso lucem emittere. Hæc duosunt præcipui ignis characteres: licet enim sic aliquando ignis, aut vehementissimus calor, qui lucem non emittat, ut in aqua, & oleis ebullientibus, sit & interdum, qui corpora non rarefaciat, ut in lunari lumine in ustorii speculi foco congregato visitur; eorum tamen alterutrum raro aut numquam desideratur.

6. Potissimi deinde effectus, & characteres ignis sunt 1. omnia corpora penetrare: omnia enim aut ignescunt, aut vehementissime, & intime calescunt. 2. Calefacere, seu caloris in nobis sensum excitare; 3. Corpora rarefacere: 4. Corpora solvere: 5. Intimas corporum particulas ad motum concitare, in motu, & vehementi agitatione ponere: 6. Lucem, ut plurimum saltem, edere: 7. Corpora comburere, & penitus dissipare.

7. Est tamen, ut dixi, ignis intensissimus, qui non lucet; & lux intensissima, quæ non calefacit (a): primum visitur in ferro candenti, & calidissimo: in foco speculi caustici, dum corpus illi non applicatur opacum, & in mille aliis exemplis: secundum in lumine lunari clarissimo, quod in foco congregatum ferri ab oculis aliquando non potest: & tamen nulum caloris indicium præbet (b). Porro lux solaris directa, quam oculi facillime ferunt, calorem sensibilem producit.

OBSERVATIO I.

Omnia corpora firma, & fluida, in quibus hætenus factum fuit periculum, igne dilatantur, & secundum omnem dimensionem extenduntur, seu rarefiunt, (c) & in pristinam dimensionem postea rediguntur (d), cum igne aut acquisito calore emisso, primum recuperant tem-

pe-

(a) Boerhave ibidem.

(b) Mem. de l'Acad. 1699.

(c) Musch. comments. in tentam. Flor. par. p. 12.

(d) Idem Elem. cap. 26. n. 762.

peramentum. Id in solidis ope pyrometri demonstratur (a). Fluida autem in phialis, quæ ex ventre capaci in gracile, oblongumque desinunt collum, contenta, dum calefunt, in collum ascendunt; ab igne amota in ventrem iterum subsidunt. Non omnia tamen corpora æqualiter ab eodem igne dilatantur. Illud insuper notandum, corpora eo amplius rarefieri, quo vehemensiori admoventur igni, calefunt, aut ignescunt. Quicumque tamen ignis intensitate agitentur, numquam dilatantur ultra certum raritatis, & extensionis terminum. Res videtur in metallis fusis, aqua ebulliente &c. Hoc insuper discrimen observatur, quod pari ignis intensitate magis dilatantur fluida, quam firma corpora: magis, quæ rariora, quam quæ densiora existunt (b).

9. Corpus a minimo caloris gradu usque ad intensissimum ignem gradatim transiendo, gradatim etiam dilatatur. Ratio sese dilatandi est separatio, atque diffractio partium corporis: separatio est motus: Ignis igitur aut est materia cum vi movendi, aut ipsius materiæ motus. Deinde ad distrabendas, separandas, & solvendas particulas corporum tenacissime secum ipsis catenatas maximis opus est viribus: igitur ignis maximam habet vim movendi.

OBSERVATIO II.

10. Metalla, semimetalla, & plura item alia corpora, puta, cera, sulphur, sebum, pix &c. non tantum rarefunt, dum igni admoventur; sed nimium etiam calefacta dividuntur, solvuntur, & liquefunt. In quo iterum notandum; non eundem caloris gradum ad singula hæc corpora opus esse, ut ab eodem gradu frigoris ad liquorem usque reducantur: sed quo altius vix liquefcere incipiunt, alia liquefcunt perfecte.

OBSERVATIO III.

11. Corpus quodcumque ignitam alteri non ignita
sup-

(a) Boerb. l. cit. p. 18.

(b) Nollet to. 4. lect. 14.

suppositum, appositum, vel superpositum, ignem illis, seu calorem communicat: & tantumdem ei communit, quantum de suo amittit. Hæc caloris, & ignis communicatio eatenus continuatur, quoad æqualem utrumque corpus ignem habeat, aut calorem: dummodo sint ejusdem caloris capacia. Neque ullum est discrimen, vel solida solidis, fluida fluidis, vel fluida solidis, aut vice versa applicentur corpora.

PROPOSITIO I.

12. *Ignis neque est spiritus, neque medium aliquod inter spiritum, & corpus; sed est materia, seu verum corpus.*

Hic est communis omnium fere hominum sensus, contra paucorum opinamentum: In igne scilicet corporis attributa deprehendimus: agit in corpora, ea penetrat, dividit, rarefacit, agitat, in liquorem redigit: corporibus igitur resistit (a): est igitur materia: si enim esset spiritus, nullam in corporibus resistantiam offenderet; sed cum iis intime penetraretur; neque in corpora ageret: eatenus scilicet agitur in corpora, quatenus ea resistunt (b). Deinde motum etiam in igne deprehendimus, impetum, vires, modumque agendi aliis corporibus communem. Spatium præterea occupat ignis; corporaque alia ab ejus loco expellit: a corporum superficie reflectit: ut videre est in speculis causticis. Hæc enim vero omnia sunt corporis proprietates: quæ nequaquam conveniunt spiritibus.

13. Unde tamen est quod ignis a nullo corpore impeditur, aut detinetur, quominus in omnem sese diffundat locum, in omnia ingrediatur corpora? id spiritus tantummodo, non corporibus competere potest. Resp. Id solum probare maximam ignis subtilitatem, qua fit, ut possit penetrare per omnium corporum poros.

14. Radius tamen ignis, seu lucis, inquires, in superficie reflectentem recta illapsus per eandem viam

re-

(a) 1. 1. Pb. Gen.

(b) tom. 1. Phys. Gen. l. 7.

regeritur : ergo secum ipso penetratur : ac proinde corpus, seu materia . Resp. Nullo experimento nos edoceri, radium ignis reflexum, semitam physice, aut Geometrice eandem relegere : id unum liquido constat, radium sensibilem, qui ex innumeris radiis minutioribus constat, per eandem sensibilem viam regeri: quocum bene stat, minutissimum quemque radium juxta se, non per se, ab obstaculo retroire. Respondeo tamen 2. actionem, & radium luminis, prout lumen est, per eandem lineam reflecti, & regredi ab obice in luminosum, si sit perpendicularis ad superficiem reflectentem : quia scilicet lumen, ut infra dicemus, in vibrationibus, & oscillationibus materiæ ætheræ, seu subtilis consistit : hæc autem oscillationes per eandem lineam ire, & redire possunt : ad modum oscillationis chordæ, aut penduli : sed de hoc inferius erit dicendi locus.

PROPOSITIO II.

15. *Ignis primigenius seu proprie dictus, hoc est, primitiva materialis causa effectuum ignis non consistit in insensibili, & intestino insensibilium particularum motu : sed est aliquid ab hujusmodi motu diversum.*

Ignis natura obscurissimum Physicæ arcanum est : candelæ flammam, accensumque, & inflammatum carbonem vulgo nuncupamus ignem : sed si, ut philosophus decet, exacte loquendum sit, flamma, aut ignitus carbo, vulgaris quidem, sed non primigenius, & elementaris vocari debet ignis : hic enim non flamma, aut accensum, ignitumve corpus, sed flammæ, accensionis, ignitique corporis causa. Aliquod enim vero est physicum flammæ, accensionisque principium, unde hæc, hoc est, veri physici effectus, proveniant. De eo igitur principio, quod elementarem, & purum ignem appellamus, probatur propositio. Si ignis in præfato motu consistit, sensim semper imminueretur, & numquam augeretur, dum ab aliis corporibus in alia communicatur : aliæque aliis appositæ incenduntur. Quo enim pluribus corporibus eadem motus, quantitas communicatur, eo plus languescit, & tardior evadit motus : languesceret igitur ignis, hoc est, motus per communicationem.

16. *Flammam quæcumque si penitus consideres ;*

quamdam in illa tantum animadvertis motus quantitatem, & materiam. Hæc enim vero in se ipsa augere nequit motum, aut sui motus esse causa. Motus etiam se ipsum non intendit. 2. Quin imo parva aliquando scintilla integra depascitur, & consumit nemora, si arbori semel applicetur: in immensum igitur augetur ignis, seu motus: immensam autem hanc ignium, seu motuum vim a parvo, qui in scintilla erat, motu differre necesse est: ignis igitur non consistit in puro sensibilibus particularum motu.

17. Non nego, insensibiles corporum particulas eo motu agitas, vulgarem ignem esse, aut efficere: id unum contendo, huiusce motuum causam, principium, & fontem non esse earundemmet, aut similibus particularum motum. Etenim jam habemus ex phænomenis, quod ignis non sit spiritus: superest igitur, ut sit materia, aut modus materiæ; hoc est, vel aliqua materiæ species primitiva, simplex, & per naturam suam ab omnibus aliis corporibus diversa; vel potius minutissimarum cujuscunque materiæ particularum motus. In omnibus corporibus ignitis, ignescentibus, calefcentibus vividis, & intensissimos sæpe, ac rapidissimos motus animadvertimus, ut in incendiis, in pulvere pyrio inflammato, & mille aliis passim. Priusquam pulvis pyrius, sylvæ, aut quodcumque aliud corpus accendatur; nullum in iis sensibilem motum animadvertimus, nullumque ignis indicium rudibus saltem sensibus observamus: accenso igne tota sylvæ, aut pulveris pyrii massa ardet, inflammatur, ignescit; vehementissimos percipimus in eorum corporum particulis motus, atque effectus: & si sensibus judicemus, materia, quæ antea erat lignum, pulvis pyrius &c. modo apparet purissimus ignis.

18. Hæc omnia plane constant. Quid ergo est harum rerum, ignium, seu phænomenorum causa? Quid est ignis? ipsiusne pulveris pyrii, lignorum, aut aliorum quorumcumque corporum particulae motu intestino vehementi agitatæ? an potius alia materia ab his, & cæteris corporibus distincta? Si primum; ignis non est peculiare corpus, seu materia, sed peculiaris status, & motus materiæ: quæ tamen erit in hac hypothese vehementissimorum illorum motuum causa, quos in prædictis casibus observamus? Si se-

con-

cundum ; illa materia vocabitur ignis *Elementaris* , & purissimus : erit tamen illa ubique æqualiter diffusa , fluida , elastica , gravis ? Rursus eritne materia illa semper in motu , an potius quiescit , & motum solummodo excitat , & producit , cum accenditur Ignis , & incipit inflammatio ? Si illud primum statuamus ; materiam subtilem Cartesianam reapse admittere videmur . Si secundum , iterum redit insuperabilis difficultas : quæ sit prodigiosi illius motus , & virium causa , quibus flamma omnia disrumpit ? Præterea in decantatam sphaeram Ignis *Aristotelis* post tot in Physica progressus , & exhibitum ubique Aristotelem incidere , & probare iterum videmur . Quid enim ! si fluidam , & subtilem materiam ætheream ubique sparsam appellemus , atque statuamus *Elementarem* ignem , ut quamplurimis huiusce temporis Philosophis placet ; ex alia vero parte ultra aerem potissimum illa materia distendatur , ut inter plurimos etiam Physicos communiter statuitur ; nil superest jam , neque desideratur ad sphaeram Ignis iterum agnoscendum .

19. In quacumque partem convertamur , in difficultates incidimus insuperabiles , & maxime obscuras . Ego quidem perspectis phænomenis , & effectibus Ignis , atque perpensis insuper , quæ nos in præsentis argumento premunt , difficultatibus , ita mihi statuo : duplicem esse ignem ; *Elementarem* primum , purissimum , & alterius causam ; secundum vero *mixtum* , *vulgarem* , & prioris effectum , atque phænomenon . Primus , mihi est peculiare Elementum , seu materia ab omnibus aliis elementis , & mixtis corporibus distincta : perinde ut de Aqua , Aere , Terra communiter statuitur : illum dico vulgaris ignis causam ; quia ab illo dependent prodigiosi inflammatorum corporum motus , & effectus . Hæc igitur materia , seu Elementum , ut sit , & nuncupetur Ignis , ab ullo motu , aut peculiari illius partium statu non dependet , ut de aere , & aqua dicimus . Unde vel ejus particulae quiescant , vel motu quocumque moveantur , sunt *Elementaris Ignis* . Hæc materia mihi est fluidum ubique diffusum , actionibus luminis efficiendis , atque transmittendis proprium . Hanc tamen , & alias illius proprietates in sequentibus exponam .

20. Ignis ille primigenius, & Elementaris, cum vires suas exerit, & alia corpora vehementer calefacit, & inflammat, corporum ipsorum, quæ depascit, particulas vehementissime concitando, & intestino; atque rapidissimo motu movendo; flammam, carbonem accensos, & alia hujusmodi efficit, quæ nos Ignem vulgo appellamus, seu vulgarem ignem. Atque hic quidem est verus effectus, & phænomenon ignis, non causa. Flamma igitur, & reliqua corpora ardentia, hoc est, corpora inflammata, aut ardentia, eorumque partes intestino, & rapido motu concitatae sunt Ignis *Mixtus*, atque *Sensibilis*. Hic igitur Ignis non est peculiaris materia, & corpus; sed peculiaris motus particularum cujuscumque corporis: consistit igitur in motu: hujusmodi motus ab Igne Elementari dependet. Quam hic exposui de Igne *Elementari*, & *Sensibili* ideam, deinceps dicenda confirmabunt.

21. Interim verò duos hosce existere Ignem inter se distinctos, inde suaderi potest; quia radii solares in lentis vitreae utrimque convexæ, seu speculi caustici concavi foco congregati sunt vehementissimus Ignis *Elementaris*: nullus tamen illic est Ignis *Sensibilis*, quamdiu focus est in vacuo Boyleano, aut nullum corpus comburendo aptum in radiorum unione, seu foco ponitur. Hoc præterea igne mixto deficiente, nulli, saltem apud nos in tellure edantur ex iis prodigiosis effectibus, quos jam indicavimus, & quotidiana demonstrat experientia.

PROPOSITIO III.

22. Ignis elementaris, simplex, & purus non sunt heterogeneæ diversorum corporum particulae intestino, & multiplici inter se motu agitatae: sed peculiaris quædam substantia Elementaris simplex ab aliis corporibus distincta.

Hæc est plurimorum Physicorum, maxime *experimentalium*, contra *Cartesium*, & *Cartesianos* communior modo sententia. Prima pars: Si ignis in perenni, & perturbato particularum motu consisteret; augeri non posset ignis, nisi augeatur & motus: cum igitur parva aliquando scintilla, aptum nata pabulum, magnum pariat incendium; magnus etiam ex-

ci-

citatur motus: a qua autem causa hujusmodi motus augmentum provenit? Ille enim vero motus ex se ipso, ut jam dixi, non augetur; cum certa motus quantitas se ipsam augere non possit, aut majorem motum producere: ignis igitur lignum depascens eadem semper quantitate existeret: neque major pabuli massa, seu corpus ardere insimul, & conflagrare posset.

23. Secundo: Extincto Igne, seu motu, cum alius de novo incenditur, hoc est, intestinus, & perturbatus particularum motus efficitur, præfens esse debet novi hujusce effectus, seu motus causa: in hac ramentum, quam evertimus, sententia aut nulla, aut arbitraria tantum inducitur.

Tertio: Intestinus particularum motus potius est effectus, quam natura ignis: hujusmodi enim motus ab impellente aliqua materia proveniret: eam autem materiam potius, quam productum ab ea motum, ignem appellamus.

24. Secunda pars sequitur ex prima, & facile ostenditur ab indicato jam argumento, aut observatione circa speculi focum.

Qui secundum Cartesium philosophantur, sequentibus ducuntur rationibus. Intelligi aut existeri nullo pacto potest ignis, quin existat etiam intestinus, & perturbatus particularum motus, & vicissim: sublato autem motu, extinguatur ignis: illius igitur natura in incalcescentis corporis particularum motu consistit. Resp. Ex argumento solummodo colligitur, intestinum particularum motum esse primum, seu naturalem ignis elementaris effectum: seu potius argumentum solummodo verum est de igne vulgari, & mixto, quem sine intestino illo motu esse non posse, aut in illo etiam motu partim saltem consistere fatemur.

25. 2. Ignis, inquiunt, est proculdubio substantia, seu res sensibilis, quæ scilicet sensu percipitur: sensibile vero a sensu, seu anima percipitur, ut voluptas, & dolor: voluptas autem, & dolor ab anima quidem percipiuntur, non tamen existunt in corporibus extra animam: sed potius objecta externa diverso modo organa sensuum afficiendo, & movendo, anima ipsa ex lege commercii ira afficitur, ut aliqua quidem objecta voluptate, dolore alia perferant:

feat: cum igitur anima ignem dolens solummodo, aut gaudens sentiat; præterea vero factam modificationem percipiat tantummodo; dicendum videtur, aliud non esse ignem ab ea modificatione, qua afficitur organum sensus. Ea autem modificatio est proculdubio motus. Ignis igitur in perturbato, & intestino particularum motu consistit. Hoc argumento utitur *Descartes*, ut calorem in particularum motu situm esse evincat: illud hoc loco expoluimus, quia, ut statim patebit, eandem in calore, atque igne naturam agnoscimus. Resp. Argumentum plurima continet vera: parum tamen aut nihil ad rem facientia. Nemo jam inficiatur, aliud esse qualitatem v. gr. calorem, sonum, colores &c. in anima, aliud extra animam: intestinum etiam particularum corporis humani motum calorem esse, & caloris sensum in nobis efficere agnoscimus: sed præter illum motum, in quo *Ignem mixtum*, & calorem constituimus, alium esse elementarem ignem in natura, satis evincunt adductæ superius rationes.

26. Tertium eorum argumentum est: Plurima sunt heterogenea corpuscula, & diversorum corporum particulæ, quæ licet seorsim ab aliis nullum habeant motum, si tamen secum ipsis intime permisceantur, fermentantur, intestinum, & vehementem acquirunt motum, calescunt, æstuant, & fervent: quin imo parvum identidem fermentum ingentem massam, quacum commiscetur, ad motum concitat: & ex parvo illo fermento magnus sensim efficitur fervor, quin illa ad id externa conquiratur causa. Resp. In omni fermentatione, & diversi generis particularum immixtione, ex qua ignis aliquando excitetur, aut sensibilis calor, intestini huiusce motus, & ignis causam extrinsecus esse petendam; nihilque proinde alatis exemplis conficitur: neque enim motus ex se ipso augetur: neque materia a parvo ad magnum motum, velut ex se ipsa, transit.

PROPOSITIO IV.

27. *Ignis est materia quædam simplex, hoc est, substantia sui generis; ab omni alio corpore distincta, & per se fluidissima.*

Prima pars satis ex superioribus consequitur: Ignis pri-

primigenius, seu proprie dictus non est motus, sed materia. Cum vero hæc proprietates habeat, & producat effectus (n. 6.) a cæterarum omnium materialium substantiarum effectibus diversos; ex hac vero effectuum diversitate, atque oppositione parem inferamus in causis distinctionem; necessaria inde consequentia est; ignem elementarem sui generis esse substantiam. Ita sane fit, ut *ignis*; *terra*, *æer*, *aqua*, quæ tria postrema tot sunt peculiæres in natura substantiæ, quatuor sint rerum materialium elementa, & inter se; & ab omnibus aliis corporibus diversa.

28. Secunda pars: Materia ignis liquiditatem in aliis corporibus efficit, & conservat, ut in superioribus adstruimus; quamdiu enim plurimo igne, aqua, metalla &c. interius agitantur, fluorem retinent; igne abeunte, gelascunt, aut concresecunt: hoc autem fieri nequit, quin ipsa materia ignis sit etiam fluida. Materiam ignis esse subtilissimam, per omnium corporum poros penetrare, penetrando autem alias ab aliis partes separare, rumpere, in motum concitare: notissimi sunt hujus elementi effectus, partim jam superius demonstrati, partim statim exponendi. Hæc vero ab illa substantia peragi, quæ non sit fluidissima, & rationi, & liquiditatis notioni opponitur.

29. Quandoquidem igitur ignis elementaris motus intestini in corporibus, eorumque liquiditatis causa est; duo etiam hæc, quorum in aliis semper est causa, in se semper habebit, dum non fuerit ab aliis corporibus impeditus. Purus idcirco ignis semper est fluidus, & motu perenniter agitatus.

30. Opponi hic posset. Experientia edocemur, & inferius probabimus, igneas particulas per media alia corpora intromissas, eorumque sinibus, ramosis partibus, & angulis implexas subsidere, motum amittere, & in massam cum aliis corporum particulis concresecere: ergo etiam secum ipsis adeo implicari possunt, cæterorum corporum instar, ut motu penitus amisso, secumque ipsis catenatæ, & catenatione unitæ, concresecant; liquiditatemque suam eo pacto amittant. Resp. Intra corpora ob varias quiescentium partium conformationes, figuram, & texturam particulæ igneæ detinentur; sibi tamen ipsis permixtæ, cum motum omnes affectent, & habeant, ne-

neque figura ad mutuam catenationem apta sint præditæ; a motu nunquam cohibentur.

31. Perinde igitur ac superius de aere, ita & modo philosophamur de igne. Utrumque hoc corpus per totam terrestrium corporum complexionem latissime extenditur, præcipuæque sunt naturæ, & materialium rerum systematis partes, atque fundamentum. In utroque purum ab impuro distinguimus elementum. Quantum a puro aere differt atmosphæra! quænam etiâ in distantia est inter aerem in duplici illo statu existentem, fluidissimum, maxime elasticum, & aerem intra corpora, eorumque sinus intimos latentem, non amplius fluidum, neque elasticum! Parem in igno animadverto statuum gradationem. Ignis purus, flamma, seu corpora inflammata, aut accensa, duo illi sunt status ignis prioribus aeris statibus respondentes. Est præterea ignis intra omnium corporum partes, & substantiam latens, dispersus: illic vero sine motu, & liquiditate destitutus inter componentia corporum elementa, perinde ut aer, consistit. Omnia hæc ex sequentibus confirmabuntur.

32. Opponi potest 2. in contrariam partem. Ignis per motum communicari videtur: ergo non consistit in aliqua materia simplici ab aliis distincta, sed potius in heterogeneis plurimorum corporum particulis, motu perturbato, & intestino quaquaversum concitatis. Resp. Licet per motum communicetur ignis; In prædicto tamen motu non consistit, sed in simplicis materiæ particulis, quarum quidem actio, & effectus non, nisi per motum perturbatum, & intestinum exeritur.

33. Ergo ex tradita explicatione, inquis, ignis in sua ratione necessario complectitur motum, neque sine motu intelligitur, in eoque proinde consistet. Resp. Ignem in materia simplici, ejus actionem in motu consistere. Igitur, pergis, vehementissimus ignis vehementissimum etiam motum secum desert. Concedo: At, reponis, quæ in magno aliquo incendio a parva aliquando scintilla orto incredibilis fere motus causa? In eandem enim difficultatem recidimus, quam superius declinare studebamus, *crescentis scilicet ignis, seu motus causam invenire.*

34. Resp. Hanc difficultatem, quæ maxima est, &
ignis

ignis propagationem, & augmentum spectat, si non penitus feliciter, quam quis alius, explicavit *Euler*, qui præmium, ejus rei explicandæ gratia propositum anno 1738. adeptus est. Ad illius igitur mentem suppono (& affirmant *Malebranche*, *Lemery*, *Boerhave*), minimas etiam materiæ ignis particulas virtute sese expandendi esse præditas, aliasque ab aliis sese explicare, & separare adniti. Si, inquit, in canistro constituas centum globulos vitreos, aere plenos, & ex vitro adeo tenui confectos, ut inclusi aeris elasticitati vix possit resistere; leviterque unum ex prædictis globulis percutias, eoque pacto interni aeris elaterium adjuves; non is solum, quem percussisti, disrumpetur globulus, sed reliqui etiam a primo mediis aliis percussi, hoc est, omnes disrumpentur.

35. Eo igitur pacto pulveris pyrii grana, velut totidem canistri, innumeras fere igneas particulas continentes, spectari possunt: hujusmodi igitur igneæ particule, relata virtute præditæ, quamprimum granorum aliquod externa aliqua percussione, puta, scintillæ impetu, diffringatur, alia omnia disrumpunt: inclususque in omnibus ignis, in magnam flammam erumpit. Ignæ particule, in granorum poris delitescunt: indubium est enim, omnia corpora innumeris fere poris esse pertusa: in iis igitur granorum, & omnium quorumcumque corporum poris latens ignis, exigua etiam vi excitatus, datæ illius virtutis, vel si mavis, elaterii beneficio, magno impetu seu motu concepto, in magnum incendium erumpere potest. Particulæ enim primi grani percussi, & disrupti, præfati grani poros egressuræ aperiunt, eodemque concepto impetu in circumstantium granorum poros ingrediuntur; latentem in iis ignem excitant, commovent, secum trahunt, auctoque agmine, & viribus alia grana, fulguris instar, impetunt, perfringunt, disrumpunt.

36. Scintilla scilicet in primum granum impingens, illud comprimit, & rumpit: vel per illius poros a se apertos ingrediens, vim ignis internam, cui adjungitur, auget: vis aucta granum, rupto æquilibrio, diffringit: diffracto, rumpuntur etiam alia. Eo autem facilius erit inflammatio, quo major ignis copia in fragilibus contineatur granorum superficiebus. Ignis eo pacto excitatus omnem materiam æque

cito,

cito, aut inæqualiter consumit, attenta scilicet ignis copia, continentis corporis resistentia, & mille aliis, quæ in hujusmodi negotio attendi debent.

Primo enim si continentis corporis partes, hoc est, pororum parietes sint validiores; majori percussione opus est. Secundo: Si continentis cellulae sint, inæqualiter resistentes; non eodem tempore totum corpus, sed paulatim, & consequenter inflammatur. Aliquando etiam aliquæ superfunt partes igni imperviae, quæ majori percussioni, & validiori igni æderent.

PROPOSITIO V.

37. *Particulæ ignis elementaris sunt omnium terrestrium corporum, quæ novimus, particularum subtilissimæ: omnes etiam soliditate, & duritie superant.*

Corpora enim omnia, quæ ignem intra se continent, eum ab ingressu non cōhibent, sed igne ipsæ partes hac illac egrediuntur, erumpunt, & circumquaque disperguntur: omnia igitur corpora intime ab igne penetrantur, adeo ut vel minimos eorum poros ignis pervadat.

2. Omnia corpora igni applicata rarefcunt, dilatantur, calefiunt: eorum quamplurima liquefcunt, atque in subtilissimas particulas dividuntur: hoc autem eatenus fit, quatenus igneæ particulae vel angustissimos reliquorum corporum poros pervadunt, eorum parietes hinc inde concutiunt, agitant, in reconditissimos penetrant sinus, alias ab aliis partibus convellunt, separant, movent, easque in liquorem redigunt: ad hoc autem mira partium subtilitate, quæ cætera corpora superet, opus est. 3. Aer, aqua, spiritus, & liquores reliqui vasis continentur: solus ignis a nullo continetur.

38. Secunda pars & sequitur ex prima & iisdem rationibus evincitur. Partes enim, ut alibi probavimus, eo duriores sunt, quo minorem habent magnitudinem; cum ulteriori divisioni magis, & fortius inde resistant. Circa particularem ignis figuram non est cur immoremur: cum eam divinando potius, quam Physicis rationibus utendo dignoscere possit philosophus.

PROPOSITIO VI.

39. *Materia ignis est ubique, & circumquaque diffusa.*

Subtilissima, atque mobilissima ignis materia non modo est corporum, & materialis hujusce terrestris systematis elementum, sed veluti naturæ animæ, & primum materiale *mobile*; cum ab eo corpora cætera excitentur, in motu ponantur, eoque deficiente, conceptus antea motus paulatim languescat, & cesset tandem: motus autem est veluti naturæ animæ, & omnium phænomenorum, atque materialium effectuum ratio, & veluti clavis. Omnia fiunt motu: eum si tolleret Deus, aut sublatum parumper concipiamus, tum vero in mortuum cadaver redigeretur natura. Ad utrumque illud munus, *elementi* scilicet rerum, & universalis terrestrium corporum *mobilis*, quod ulterius adhuc, & luculentius ex dicendis probabitur, diffusio illa opus erat in propositione assera.

40. Sed experimenta ipsa rem demonstrant. Thermometrum (aptissimum metiendo igni instrumentum) ubique terrarum suas patitur variationes, ascendente modo, descendente postea Mercurio: ubique igitur materia ignis, earum varietatum causa, reperitur. 2. Lapidés duo, vel duplex chalybs se se mutuo percutiendo, ignem ex se emittunt, aut erumpere, & scintillare permittunt, ubicumque terrarum lapides efficiantur, aut parentur chalybes: idem in pluribus aliis corporibus deprehenditur. 3. Omnia corpora, ubivis terrarum fiat periculum, materia electrica donantur: materia autem electrica idem esse viderur, ac materia ignis.

41. 4. Nullum omnino corpus est, quod omni calore sit destitutum, aut, si agitetur, fricetur, moveatur, calorem non concipiat: est verbò calor ipsissima ignis materia. Ex communi omnium hominum observatione, & re tibi familiari argumentum desume. Sæpiissime sit hyberno frigidissimo tempore, cum omnia sunt gelu, & nive obducta, nosque ipsi intensissimo frigore rigemus, ut supra glaciem, & nivem, sub durissimo aere ad deambulandum egrediamur. Procedente sensim motu, potissimum vero si concita-

to progredimur greſſu, membrorum rigor lentefcit, explicantur paulatim muſcoli, remittit frigoris ſenſus, gratus incipit calor, ad teporem, ad ſudorem copioſum, ad æſtum vividis per totum corpus pun- ctionibus moleſtus gradatim fit in nobis tranſitus. Unde novus ille in nobis calor intenſiſſimus, qui ſi paululum intenderetur, ſenſibilem produceret ignem, veruſque eſt moderatus ignis? A nivene, agelu, ab aere? Ignis in corpore noſtro diſtributus latens, mo- tu excitatus, miram illam effectuum, & ſenſuum viciffitudinem peragit. Ab uno diſce alia.

42. Inde vero inferes, & aerem, quem respira- mus, & aquam, qua ad uſualem potum utimur, & terram, cui inſiſtimus, corpora omnia, quibus cir- cumcingimur, imo & noſmetipſos, imo & vacuum in omni tempore, & loco eſſe plurimo igne imbibi- ta. Neque aliquod inde timendum nobis eſt pericu- lum; cum & ab aſſuetis nihil patiamur, & ſecun- dum eam corporum diſpoſitionem, & naturam a Deo ſimus comparati.

42. Ergo etiam intra glaciem ignis materia deli- teſcit, & in ſummo frigore ignis reperitur? Rem plane incredibilem? Ita enim vero eſt, reſpondeo: illic etiam eſt ignis materia, non tamen ſummum frigus; neque ulla incredibilitas: niſi loquamur vul- go. Etenim intra glaciem conſtitutum thermome- trum ſuas illic patitur variationes, neque idcirco gelafcit: adde glaciem admixto ſale frigidiorẽ eva- dere, ut factò periculo edidicit *Nollet* (a) glacies præ- terea ſolvitur, vapores ex ſe emittit: duo præſentis caloris characteres. Licet autem Ignis intra omnia corpora deliteſcat, cum illis velut intime penetra- tus, ſeu potius imbibitus; ſepiſſime tamen nullum edit effectum corporibus noſtris ſenſibilem: illius quippe actio ab excitatione dependet.

COROLLARIUM.

43. *Materia igitur ignis elementaris naturali vi ſeſe diſſundendi, & ad æquilibrium per corpora diſtribuen- di*

(a) *Leçons de Phyſ.* l. XII. ſe. 4.

di prædita est: ejusque naturalis indolis ratione sese diffundere affectat, cum in corporibus excitatur.

Ignis enim vero quocumque in corpore excitatus in motu positus, mixtumque idcirco ignem, flammam, aut accensum carbonem efficiens, circumquaque violentissime agit, in circumstantia quæque involat, & proripitur corpora. Eam proculdubio vim in materia electrica luculenter ostendunt experimenta inferius adducenda: omnesque admittunt philosophi. Utraque autem materia, aut idem plane existit elementum, aut hac saltem proprietate conveniunt. Ipsamet ignis per omnia corpora diffusio, & constans semper existentia vim illam innatam probat. Nisi indole sua eum statum affectaret ignis, & in hujusmodi adniteretur diffusionem; passim fieret, ut in quamplurimis corporibus nullus existeret.

44. In igne tamen duo semper distinguendi status, agendi, & consistendi: vel excitatus agit, fluidusque adfluorem pariter, & motum cætera corpora adducit; vel intra universa corpora dispersus lateat, & sine actione consistit, excitando semper aptus. In utroque illo statu vim illam innatam servat: in secundo intra corporum carceres detentus, eorumque partibus irretitus ab actione impeditur. In primo vero e rimulis explicatus, aut una secum deferens vincula agit, indolem suam exerit, sese circumquaque diffundens.

45. Ex innata illa indole sese per corpora proxima distribuit sæpe ignis: nonnumquam etiam diffusio actione solum, & excitatione peragitur: ut plurimum & actione & materia dispergitur. Primum, & tertium facile per se se intelliguntur. Secundum vero fiet, cum, id quod sæpe accidit, ignis corpora calefacit, latentem in iis ignem excitando, non aliunde introducendo.

46. In incendiis, immo, & quibuscumque corporum inflammationibus, quæ sunt exigua incendia, explicatur potius, quam augeatur ut plurimum ignis. Discrimen idcirco inter duo, accensum, & non accensum ejusdem speciei corpora est, quod in primo agit & liber est ignis, sine libertate & actione in secundo. Parem hyeme, atque æstate habemus intra nos ignem: igne citra actionem existente referti primo illo tempore rigemus: ab ejus actione æstivamus in

secundo. Ad solem etiam calefcimus, non quod illud astrum a 33. leucarum millionibus in nos displo-
dat materiam cælestem; sed quod existentem in no-
bis ignem excitat.

PROPOSITIO VII.

47. Materia ignis neque ubique est æqualiter diffusa, neque in singulis corporibus pari copia invenitur; neque ab omnibus æqualiter, & eadem tenacitate retinetur.

Hæc omnia observando ediscimus. Corpora alia aliis facilius calent, ignescunt, inflammantur: alio etiam tempore, & loco idemmet corpus non æque cito inflammatur: non leve diversæ in iis materiæ igneæ indicium. 2. In ignem aliqua penitus, vel fere tota rediguntur: inflammari alia nequidem possunt.

48. 3. Parem ignem esse sub Zona torrida, atque sub polis ipsis; vel etiam hic apud nos noctu, atque interdiu, hyeme, atque æstate, non facile sibi homines persuadebunt. 4. Non omnia corpora sunt æque porosa: non eadem igitur in singulis ignis massa latere, & existere potest. 5. Corpora etiam alia præ aliis ignem, seu calorem diutissime retinent, præhendant, & imbibitum servant: alia facillime pattuntur abire: priora igitur plus ignis intra se habebunt, quam secunda. 6. In eadem etiam loci, & aeris temperie alia stomacho nocent, quia calida habentur; alia vero ob oppositam rationem innocua probantur: hoc tamen ultimum ex alio etiam capite posse repeti, non diffiteor. 7. In eodem etiam loco non æqualiter a singulis corporibus calefcimus, vel ea sint densitate dissimilia, vel etiam similia: plerumque tamen observamus, quod si ferrum v. g. & lignum ad solem calefcientia contrectemus; longe majorem in ferro, quam in ligno calorem experiamur. Tandem cum ignis elementaris, & electricus sint plane eadem substantia: hanc vero postremam inæqualiter per diversa corpora distribui constet; idem pariter de igne statuendum. Hæc & alia, quæ afferri facile possent, non levia mihi sunt, ad æqualem ignis circumquaque diffusionem negandam argumenta. Verum *Hermanus Boerhaave*, & ex illo *Muschembrock*, Ignem se-
le

sele per diversissima corpora in magno aliquo spatio existentia æqualiter distribui contendunt.

49. Ex sequenti experimento rem deducunt. Thermometrum in eodem loco, & tempore, si seorsim, & consequenter intromittatur in plura corpora, puta aquam, oleum, aquam vitæ, ad eandem in singulis altitudinem subsidet, aut elevatur; eandem igitur in singulis Ignis actionem patitur, & vim: ubique igitur, seu in omnibus corporibus pari quantitate diffunditur Ignis. Neque alio de capite sunt corpora alia aliis calidiora, nisi quia in aliis, puta, in aqua igneæ particulæ arctius irretiuntur, & detinentur, ut difficilius agere possint; dum interea qui in sulphure v. g. latet ignis, laxioribus vinculis comprehensus, facilius ab iis sese exsolvit, corpusque inde efficit inflammationi aptius. En argumentum, quod utitur *Boerhave*.

50. Imprimis hujus argumenti pondus adversarios etiam urget: si & in aqua, & in spiritu vini, aut oleo par latet ignis: nec aliud intervenit discrimen, nisi quia arctius in primo, liberius in secundo continetur; parem ignem paribus viribus ad sese explicandum adniti opus est: quare igitur latens in oleo ignis non majoribus viribus in olei particularum nexum, debilius scilicet repagulum, agit, oleum magis calefacit, & immisum thermometrum altius elevat?

51. Respondeo: Admisso experimento, deductam inde consequentiam nego: imprimis enim ut experimentum recte capiatur, ipso latente *Muschembrock*, debent corpora ad observationem adhibita neque a sole, neque ab Igne, neque ab hominibus calefcere, & sibi ipsis per aliquot horas permitti: unde si locus vel actione solis, vel excitati Ignis, vel adstantium hominum, aut brutorum animantium respiratione foveatur, & caleseat, inæqualis in corporibus deprehenditur Ignis, seu calor: id autem nobis maxime favet; ab ipso enim experimento constat, calorem, & ignem solarem, terrestrem, animale inæqualiter per corpora distribui: Hoc unum igitur ab experimento illo in quibusdam tantum corporibus, & circumstantiis facto ad summum infertur, idque præterea valde incertum, exiguum illum, & moderatum calorem (qualem fore opus est, qui neque a so-

le, neque ab Igne terrestri, neque ab animantibus foveatur) intra certos debilis intensitatis terminos per adhibita in experimento corpora æque distribui: quod non negamus. Ab hujusmodi experimento statui non potest regula aliqua generalis.

PROPOSITIO VIII. PROBLEMA.

32. *Estne Ignis in Terra; aut prope Terram existens corpus grave, ut cætera omnia corpora, atque Elementa?*

Hactenus de Igne elementari loquuti sumus: quæ modo tamen, vel deinceps exponemus, de Elementari, & mixto intelligi, aut quæri possunt. Ut nullus igitur æquivocationi sit locus; certum mihi est, Ignem mixtum, hoc est, flammam cujuscumque corporis esse corpus grave. Flamma enim & quicumque alii Ignes mixti nihil sunt aliud, quam eorundemmet corporum, quæ inflammantur, & ardent, heterogenæ particulæ multiplici motu hinc inde agitatæ: cum autem omnia corpora terrestria sint gravia; eorum particulæ etiam tum, cum inflammantur, hoc est, intestinis, & perniciosissimis motibus agitantur, propriam servant indolem, & gravitatem.

33. Ignis vero Elementaris, ut jam diximus, in subtilissimo fluido, aut materia æthereâ, prorsus invisibili consistit, ex qua, velut a propria causa, proveniunt accensio, inflammatio, & similia. De hoc ergo subtilissimo, & Elementari corpore fluido quæritur, habeat nec ne gravitatem, qua aliorum terrestrium corporum instar versus telluris centrum ponderet. Veteres Physici de Igne generatim disputantes omnem illi gravitatem negabant: quare *flammam* & quemcumque alium Ignem nulla gravitate præditum esse existimarunt. Recentiores aliqui, inter quos potissimum locum tenet *Bohæave*, de Igne Elementari loquentes, illum esse corpus grave inficiantur: affirmat major Physicorum recentiorum numerus: ii præcipue, qui universalis gravitatis systema amplectuntur. Res mihi videtur satis dubia. Primo tamen duplicem distinguamus casum. Vel loquimur de fluido subtilissimo diffuso extra telluris, & aliorum planetarum atmosphæras, vel de fluido intra tellurem, & in illius atmosphæra existente: in primo nihil video,

deo, unde illi versus Tellurem vindicetur gravitas : nulla experimenta , nulla ratio vim hujusmodi immenso illi, & subtilissimo fluido inesse evincunt, ut fule in loco exposuimus : quare nullam in fluido æthere extra Planetarum, aut siderum atmosphæras existente gravitatem agnosco.

54. De Igne Elementari, seu fluido subtilissimo in Tellure, & intra terrestria corpora existente loquitur *Bohæave*, atque alii, qui gravitatem in illo inficiuntur, aut admittunt. Qui gravitatem in Igne Elementari adstruunt, eam plurimis experimentis probant, quæ *Boyle*, *Homberg*, *Lemery*, alique instituerunt, atque in Regiæ academix actis referuntur (a). Iis enim constat, corpora, dum calefiunt, ignescunt, inflammantur, seu ignem recipiunt, fieri graviora, ac proinde Ignem gravitatem corporum augere, eamque in se ipso qualitatem habere. En præcipua experimenta, quæ rem videntur conficere.

55. Periculo sæpius facto a *Lemery*, *Homberg*, & aliis, plurima sunt corpora, quæ postquam igniuntur, majus acquirunt pondus : nam 4. zinci libræ in calcem ope ignis terrestris redactæ, 3 libras, & 14 uncias purioris calcis; duas deinde uncias, & duas drachmas crassioris, unam tandem terræ unciam reliquerunt : quælibet igitur uncia 2 drachmarum cum dimidia pondus accepit (b). Hæc in apertis vasis observata sunt : in clausis tamen vasculis vitreis id etiam constat. Etenim rasura stanni duas uncias, & duas drachmas gravis, sulphuris accensi ope in calcem redacta, granorum 4 cum dimidio pondus acquirit : 4. Solares etiam radii, purissimus scilicet Ignis, corporum pondera augent : libra enim antimoni periculo facto a *Du-Clos*, in fistili, & vitreato recipiente contexta, insimulque in speculi caustici foco per horam existens, & in cinerem conversa, decimam ponderis partem acquisivit (c). Parco aliis

P 3

quæ

(a) *Hist. Acad.* 1709, & aliis etiam in locis. *Boyle* de ponderabilitate flammæ.

(b) *Vide Musch. Elem.* c. 26.

(c) *Mem. Acad.* 1705. p. 94.

quæ videri possunt apud *Muschembrock* (a), & *Boyle* (b).

56. Verum hæc experimenta licet prima facie rem probare videantur, si recte perpendantur, nihil omnino conficiunt. Etenim iis, quæ vel in aperto aere, vel in vasis fictilibus instituuntur, ipse etiam *Muschembrock*, eorumque authores dissidunt: cum facile aucti ponderis differentia, vel undequaque ab aere libero, vel per fictilium vasorum poros, vel ex suppositi ignis, hoc est, flammæ, & ardentium corporum particulis repeti possit. Illud igitur unum superest experimentum, in quo radii solares, seu purissimus ignis corporum pondus augere videtur. Verum si aucti ponderis differentia radiis solaribus referatur; eæ enascuntur consequentiæ, quæ admitti omnino nequeunt, aut componi cum phænomenis. Demus enim radios solares per aerem trajectos, in speculo reflexos, per vitrum recipientis transmissos, & per horam in corpus allabentes decimam libræ partem efficere, hoc est, pondus unius uncie cum dimidia in se habere. Radios per impurissimum, & profundum atmosphæræ corpus trajicientes dimidiam saltem suarum virium partem amittere, facile admittet Physicus. In reflexione etiam in speculo, in transitu per vitrum magnopere debilitari non negabitur. Ponamus speculum habere diametrum unius pedis: ergo radii per spatium unius pedis supra atmosphæram intra horam transeuntes 6 fere uncias graves erunt, hoc est, pondus habebunt quadruplum unius uncie cum dimidia: ergo lux transiens 24 horis, seu diebus singulis, 9 librarum pondus habet: ergo tempore annuo, hoc est, horis 8760 transibunt 78840 libræ lucis. Quod si hoc pacto in calculum redigantur horæ a mundi origine ad præsentem diem per 6 fere annorum millia elapsæ, & numerus spatio- rum, seu superficierum pedalium, quæ superficiem magni orbis solaris, seu Terræ componunt, & per quarum singulas in annos singulos 78840 luminis libræ a sole perniciosissime transeunt, & in regiones ne-
scio

(a) *Locis cit.*

(b) *De Ponder. flammæ.*

scio quas, ac mundi confinia avolant; evidenter deducemus, solem jam fore dissipatum. Sed hoc argumentum inferius promovebimus.

57. Indicatum idcirco ponderis augmentum, si quod fuit, vel ab ipsius fistilis vasis substantia derivabat, vel e corporum terrestrium circumstantibus particulis subtilissimis per vasis poros paulatim transductis. Cinerem etiam a vase extractum, exsiccatum, & bibulum nihil ponderis ab humido aere contraxisse, nolim esse auctor.

Facile igitur constat, nequaquam ab experimentis probari Elementaris Ignis per Terram diffusi gravitatem; stareque proinde *Boerhavii*, & aliorum Recentiorum sententia videtur; præcipue si sequentia experimenta, & rationes attendamus.

58. Eadem massa ferrea modo frigida, postea candens, bilanci appensa, idem in utroque casu habet pondus: ut experimento sæpius repetito didicit *Boerhave* (a): ergo materia ignis candenti ferro adhærens illius gravitatem non auget, ac proinde ignis nullum habet pondus. Hoc experimentum non levem continet difficultatem: verum, Respondent, ex instrumentorum, quæ ad pondera exploranda adhibemus, imperfectione oritur, ut minutissima ponderum discrimina dignosci nequeant; neque enim fieri hætenus ulla arte potuit, ut bilanx citra ullam axis resistentiam circa ipsum convolveretur, ut jam supra monuimus: cum igitur superadditum candenti ferro pondus sit valde exiguum; bilanci æquilibrium tollere nequit.

59. Attamen, reponitur, & lateres, & antimonium, de quibus supra, adhibito igne sensibile ponderis augmentum acquirunt, adeo ut instrumentis possit dignosci: idem igitur candenti ferro accideret; cum tamen non accidat, nullam in igne gravitatem esse, concludere inde possumus. Huic argumento respondent 1. Alia esse corpora, quibus præ aliis materia ignis copiosius, diutius, & tenacius inhæret: hujusmodi videntur esse antimonium, lateres, & cætera in experimento adducta. Verum hæc responsio quam-

(a) Vide *Nollet* To. 4. 2. p. 162.

quamdam principii petitionem videtur continere . Quare eidem argumento respondent . 2. Ignem in candentis ferri poros intromissum , cum externo igne , qui circumstantia corpora pervadit , & ubique est diffusus , esse in æquilibrio : ferri igitur pondus non augeat : ad eum modum , quo spongia intra aquam immersa proprium solummodo suarum partium habet pondus ; dum interim universa , qua perfunditur aqua cum externa , cui innatat spongia , habet æquilibrium .

60. Verum , pergo , neque hæc responsio argumento facit satis . Idem enim evenire debet in antimonio , lateribus &c. ponderis igitur augmentum in iis deprehensum ab igne non provenit . Respond. ignem in candenti ferro inclusum , illiusque poros maxime aperientem , cum externo igne liberrime communicare ; ferri proinde pondus non augere : at copiosa ignis materia in antimonii in calcem , & pulverem redacti sinibus ita latet , ut cum externo igne amplius non communicet : illius igitur pondus augeat ; æquilibrium enim cum externo igne amisit . Verum potiori jure Ignis in cineribus delitescens per innumeros poros ; & canales , quibus cineres , & calx sunt undequaque perforata , cum externo igne liberrime communicat , & servat æquilibrium . Deinde ad servandum fluidorum æquilibrium sufficit etiam angusta per exiguos canales communicatio , ut est ex Hydrostatica certum . Ex his patet , stare adhuc argumentum a relato experimento deductum . 2. Si materia Ignis est gravis ; ea corpora inflammata , quæ æqualem habent , aut habuere Ignem , aut calorem , idem habebunt ponderis incrementum : hoc tamen est falsum .

61. Contra mixti , & impuri Ignis gravitatem opponitur : quod flammæ , ex quocumque corpore exeant , sursum semper ascendant : ergo nullam habent gravitatem . Resp. Flammæ ascensio effectus semper est externæ prementis causæ ; candela enim intra recipientem non vacuum ardens flammam sursum emittit ; aere tamen extracto , in latera dispergitur flamma ; recipiente demum evacuato deorsum prolabitur , & brevissime extinguitur candela . Quodsi intra aerem sursum semper ascendit ; id majori circumstantis aeris gravitati tribuendum est .

62. Hinc flammæ, & cujuscumque ignis impuri, seu mixti gravitas a nobis asserta confirmatur: etenim flamma, quamprimum a premente aere sit libera, deorsum cadit: si esset ex se corpus leve, sursum semper niteretur, quantumvis a nulla exteriori causa urgeretur: eo modo, quo gravia deorsum semper tendunt.

At, inquis, Ignis sursum semper tendere affectat, ad propriam scilicet sphaeram supra aerem constitutam; velut in propriam sedem, & centrum. Resp. centrum Ignis supra aerem ex nullis observationibus, aut ratione probari.

63. Sed, reponis, cum supra terram aqua, supra aquam extet aer, attento scilicet gravitatis discrimine; naturali rerum systemati videtur conforme, supra aerem ipsum extare ignem aere leviolem.

Resp. Arbitrarium hoc elementorum systema nullo experimento, aut ratione inniti; sed purum esse humanæ mentis commentum. Quin imo si naturalia phænomena, experimentaque attendamus; in eorum potius systema concedendum est, qui ignem in telluris centro constituunt (a).

Attamen, pergis, licet ne ullum quidem Elementaris sphaeræ supra aerem existentis vestigium ex oculorum judicio deprehendi possit; perperam inde negaretur rei existentia: licet enim in caustici speculi foco sit. verus ignis: quia tamen est purissimus, oculorum aciem fugit: cum igitur defæcatissimus etiam sit Elementaris Ignis, deprehendi non poterit.

Resp. Ignem Elementarem, seu materiam ætheream esse ubique diffusam; ac proinde non habet propriam sibi sedem, ac centrum supra atmosphæram terræ; cum & in Tellure, & in aere, & hinc usque ad fixas diffusa existat. Ignis vero impurus, seu mixtus v. gr. flamma, cum in heterogenearum particularum quorumcumque corporum motu consistat, idem habet gravitatis centrum, atque corpora ipsa, nempe telluris centrum.

CO-

(a) Vide Cassel sur la pesanteur to. I.

COROLLARIUM.

64. Ex dictis igitur deducitur 1. Ignem impurum seu mixtum, & visibilem v. gr. flammam quorumcumque corporum terrestrium esse corpus grave. 2. Ignem Elementarem, seu fluidum æthereum extra Tellurem, Planetas, Fixas diffusum nullam versus Terram habere gravitatem; eodemque jure dicendum est, in alia etiam corpora cælestia non ponderare; qui oppositum statuunt, ex posito systemate philosophantur. 3. Ignem etiam Elementarem intra Tellurem, & illius atmosphæram existentem ex nullis observationibus probari gravem; quare probabilius etiam videtur, prædictum Ignem nulla gravitate esse præditum.

LECTIO II.

Plurimi ignis effectus & phænomena ad planiorem illius naturæ explicationem proponuntur, eorumque ratio explicatur.

65. PRIMUS, ac præcipuus ignis effectus & character, ex quo ipse dignoscitur est, corpora, in quæ ingreditur, aut calefacit, rarefacere, seu in majus volumen extendere. Ignis enim mobilissima substantia fluidissima, maxime subtilis, elastica, & se se expandere adnitens, corporum poros ingrediens, parietes hinc inde concutit, rumpit, separat, poros ampliat, corpus distendit.

Hinc dilatantur corpora in ratione ignis ingressi: sed tamen usque ad certam quamdam extensionem. Ingrediens scilicet ignis unica causa est dilatandi corpora. Ea tamen solummodo extenduntur, quoad eorum pori, quantum possunt, ampliuntur: majori deductioni intima partium catenatio, & cohærentia resistit: non restituta, si major, quam in natura existat, ignis actio applicaretur.

66. Hinc si aliquod esset corpus nullis foraminibus pertusum, vehementissimo licet igni applicaretur; ab illo non rareficeret, aut in majus crederet volumen: cum in illius massam pororum defectu non penetraret ignis. Si præterea ejusmodi corporis partes
ita

ita sibi invicem adhærescerent , ut eas a se mutuo avellere ignis non posset ; non solum deductioni resisteret , sed neque ab igne posset calefieri ; omnis enim calor , ut inferius tradam , in perturbato , & intestino , & vibratorio partium motu consistit ; eum autem motum non haberent partes illa adhæsiōe præditæ .

67. Id igitur corpus in ignis alimentum cedere non posset . Nullum tamen in rebus est corpus poris non pertusum . Utrum vero aliqua sint corpora , quæ paululum ignis esse nequeant , dubium est : affirmat *Borrbave* (a) , negat *Nollet* (b) . Licet enim inquit , aliqua extent , quæ ignem nutrire non posse videantur ; id tamen verum solummodo est relatu ad ignem , quem agnoscimus : cujus vires augeri ita possunt , ut omnia depalcant . De eo tamen loquere , ut libuerit ; cum ejusmodi quæstio nullis experimentis decidi valeat .

68. Tenaci partium texturæ referendum est , quod carbunculi per quinque dies contra ignem resistent ; per 9. adamantes , ut videre est apud *P. Casati* (c) .

2. Eidem causæ referenda est Ameristis , celeberrimi lapidis proprietas , quod scilicet in illum ignis vulgaris nullam vim habeat . Ex eo siquidem , *P. Schotto* oculato teste referente (d) , confectæ chordæ , & linteola comburantur numquam ; in flammam diutine licet immissa , puriora inde educuntur ; unde quod in panno aqua , id in linteis prædicto ex lapide confectis efficit flamma .

69. Est autem amyanthus materia mineralis inter lapides communiter numeratus ; ex quamplurimis filis subtilissimis , quasi linum esset , aut sericum filum , secundum longitudinem sibi appositis compositus : quoad colorum varietatem , filorum longitudinem , subtilitatem , & tenacitatem multiplex est amyanthi species : inveniuntur enim coloris subrubeci , subflavi , argentei ; etiam filorum longitudo in aliqui-

(a) *Chemiæ* p. 2.

(b) *Leçons de Physique* to. 5.

(c) *Casati de Igne Dissert.* 5.

(d) *Magia univers.* par. 2. p. 19. par. 4. l. 3. p. 118.

quibus ad 6. pollices extenditur, atque hujusmodi potissimum sunt, qui albi omnino existunt, & maxime politi, nam hoc etiam colore præditi inveniuntur. Candida hæc amyanthi albi fila & calore, & subtilitate filum sericum referunt. Vulgaris ignis viribus resistit amyanthus; in speculi tamen caustici foco vertitur in vitrum. Cum amyanthi fila & sint satis longa, & flexibilia, & perinde ut linum tractari possint; non solum netur amyanthibus, sed telæ ex illo texuntur, quæ igne lavantur, & veluti a perfectissimo lixivio purificantur. Ignis scilicet communis ad lapides in calcem redigendos etiam apertus, & efficax, amyantho parcat, omnes tamen ab illo sordes comburendo separat. Non solum noverant antiqui amyanthum in fila ducere, & nere, verum etiam telas ex illo conficere; quarum aliquas vidit *Plinius* (a), quæ igne, ut diximus, lavabantur, istæque imposita regum corpora concremebantur, ut eorum cineres servarentur puri, & sinceri. Illa veterum scientia hac ætate nostra quantumvis ab aliquibus tentatur, communis tamen, aut vulgaris non est. Rationem qua amyanthus tractari debeat, ut neri possit, atque intexi, tradit *Ciampini*. Plurima passim inveniuntur loca, seu fodinæ ex quibus amyanthus extrahitur: in Siberia, Bavaria, Namur, Thuringia, Alberdeen, in Scotia, in Anglia, Montalbano, in Gallia, Italia, Smyrnæ, in Ægypto.

70. Corpora frigida igni exposita principio quidem lente, celerius, deinde celerrime postea rarefiunt; lenius deinde ad ultimum usque deductionis terminum dissoluntur. Ignis scilicet, oclusos offendens poros, modica quantitate primum, copiose deinde ingreditur: sed poris jam admodum ampliatis, eadem fere quantitate erumpit, ac ingreditur; neque magis adeo in parietes viribus agit: tandem vero intima minutissimarum parrium textura, & coheræntia reliquam illam actionis partem infringit, quæ ad huc agit contra pororum parietes. Atque hac quidem in re illud in primis observatur, quod corpora (fluida, aut firma, parum refert) neque æqualiter,

ne-

(a) lib. 19. cap. 1.

neque æque cito eidem calori, aut igni exposita rarefcunt; quod ex pororum multiplicitate, magnitudine, discrimine, & varia diverſaque cohærentia, firmitate, tenacitate, & textura repetendum eſt.

71. Duo in contrarium opponi videntur: I. Ferrum in fuſorio vaſculo igne ſolutum in minus redigitur volumen, quam dum eſt frigore concretum.

Reſp. Ferrum igneſcens intumeſcit; contrahitur, dum frigefcit: ſed ſolutum minori apparet volumine, quam concretum, ob plurimos, & inſignes poros vacuos, quos frigefcens, & concreſcens acquirit, & intra ſe habet diſperſos: dum adhæreſcentes ſibi mutuo partes duræ, & aſperæ male ſibi, aliæ aliis congruunt; ſed in mille potius conformantur inſenſibiles fornices.

72. II. Aliqua ſunt corpora, quæ igne potius contrahuntur, quam ampliuntur; ejuſmodi ſunt terra igne, aut calore exſiccata, ligna, frutices, & id genus alia. Reſp. Ignis ea corpora rarefacit, alia tamen partium deductione, ſeu raritate aliam compenſat, ſeu potius eludit: quod ut intelligas, nota; ignem prædictis corporibus applicatum, & ipſa corpora, & humorem in eorum poris rarefacere: humidæ partes per ignem rarefactæ, levioresque aere effectæ, a corpore avolant, magnosque in corporibus hiatus evacuant: in vacua firmæ, & propriæ corporis partes rarefactæ quidem ipſæ relabuntur. Unde fit, ut firmæ, & propriæ corporis partes ampliorem occupent locum, quam antea; integrum tamen corporis volumen diminuatur, ob diminutam maſſam, quæ rarefacta evolavit: neque magnam hanc materiæ evaporationem raritas partium compenſat: licet igitur in minus volumen redigatur; rarefactum tamen eſt corpus.

COROLLARIA, ET PHÆNOMENA.

73. Cum igne, aut calore dilatentur corpora, frigore iterum contrahenda; variuſque exiſtat, pro varia ignis aut caloris intenſitate, raritatis, & contractionis gradus; recte inferes, omnia & ſingula corpora in telluris ſuperficie poſita (ut de hiſ tantum loquamur) nec eundem, neque æqualem habere contractionis, & raritatis, ſeu extensionis gradum: ſed ſecundum varias

rias stationes, noctem, diem, climata, & id genus alia varie semper dilatari, & contrahi. Lippis ac tonsoribus notum est, non eundem modo apud nos, atque apud Indos, noctu, & diu calorem, aut frigus existere. Unde quæ modo apud nos maxima æstate rarefcit aqua, aer &c. maxime in australibus regionibus frigore hyberno concretis, condensatur. Idem pariter dictum habet de uno eodemque corpore secum ipso comparato, & in diversis diei horis, aut anni stationibus spectato.

74. Contra traditum modo Ignis, & tradendum posita caloris criterium, & expositam phænomeni causam opponi in speciem videtur hydrargirum: cum thermostopium A B (fig. 33.) repente in liquorem valde frigidum immergitur, primo ascendere, cum descendere debuisse videatur, ejus volumen contrahente frigore; postea demum descendit: contra vero, si fluido multum calido immergatur: primum descendit; ascensurum statim, licet a circumstante calore rarefieri debuisse, ac proinde ascendere ad majus in tubo spatium occupandum.

Sed nihil inde contra superius dicta, & inferius dicenda concludit. Primum accidit, quia frigus priusquam hydrargiro communicetur; vitrum, non hydrargirum contrahit, & condensat: contracto tubo, ascendit hydrargirum: descendit vero illico, ac a frigore densatur. Posterioris ratio est, quia calor etiam prius vitro, quam hydrargiro communicatur: ampliato igitur vitro, descendit liquor antea non rarefactus: calefactus deinde hydrargirum rarefcit, & ascendit.

II.

75. Ignis metalla, ut plura alia corpora, vehementer calefaciens, ea solvit, seu fundit, ac in liquorem redigit. Particulæ enim igneæ vehementi motu agitata metallorum poros ingressæ, parietes concutunt; abradunt, dividunt; alias ab aliis avellunt partes, secum hac illac deferunt, vertiginem suam communicant; angulos conterunt; totamque massam agitant; dividunt, perturbate movent; hoc autem pacto in liquorem rediguntur corpora. Plurima tamen sunt corpora, quorum particulæ adeo tenaciter sibi invicem adherent, ut omnem actionem communis ignis, & vires eludant: ea ab igne fundi nequeunt, licet maxime ignescant:
funt

funderentur vero, si vehementior adhiberetur ignis. Porro pro varia corporum tenacitate non eadem ad eorum fusionem sufficit, aut requiritur intensitas, ut est observatum facillimum.

III.

76. Ut non omnia corpora æque cito, aut æquali calore rarefcent, seu ignem recipiunt, ita neque omnia æque cito detument, & frigus, statumque pristinum recuperant. Ea citius, cæteris paribus, refrigerantur, quæ celerius etiam incaluerunt, aut inflammata fuer. Ampliores aut confertiores, quibus constant, pori, ut ignem facilius admittunt, facilius etiam erumpere sinunt. Deinde alia sunt corpora, quæ igneas particulas tenacius implicent, irretiuntque: neque adeo faciles ad evadendum vias permittunt, quam alia. Tandem corpora vehementius calefacta calorem, cæteris paribus, facilius amittunt, quam alia modico tantum igne, aut calore ardentia: cum enim sint magis rarefacta, amplioresque habeant poros; facilius erumpit ignis.

IV.

77. Sensibilis, ac impurus ignis in duplici potissimum videtur esse differentia: primus scilicet tenacior, & rarior dicitur flamma; alter magis compactus, carbō accensus. Primus particulas habet tenuiores, magis desecatas, & se invicem divisas, circa centra propria mobiles, & versus omnes partes vibratas. Hinc partes flammæ sunt in continuo motu, perenniter abeunt, & flamma in ipsū oculi extingueretur, nisi abentium locum, aliæ pari fluxionis perennitate particule succederent. Nutritur enim flamma, quatenus plurimæ pabuli partes calefactæ, & rarefcentes per clychnium ascendant, perturbatum, & vibratorium motum ab aliis excitatum, ab interno igne elementari accipiunt, in subsequentiū similiter partium igne excitaturæ, perenni fluxu abeunt in auras. Unde flamma ad singula temporis momenta variatur: cum sit perennis partium fluxus.

78. Quod si particule ignitæ, & crassiores ipsæ sint, & secum ipsis magis implicatæ, ut facile separari nequeant, plurimæque interim aliæ particule igneæ per-

ni-

nitus soluta rapidissime hac illac per poros circa ipsas circumducantur; carbo efficitur. Hinc carbonem accensum pabulo non indigent; ut per aliquod tempus servantur; & vehementius adurant, si cætera sint paria. Unde novo semper pabulo indiget flamma, non autem carbo.

79. Aliqua observantur cuicumque flammæ communia, alia item aliquibus solummodo convenientia. Prioris generis sunt. 1. Quod flamma sursum semper ascendit; id vero nascitur a minori flammæ, quam ambientis aeris gravitate. Et hinc si aeris pressio deficeret; flamma non abiret, aut ascenderet; inflammati igitur corporis partes per aerem dispersæ eo usque ascendunt, quoad aerem ejusdem gravitatis offendant.

80. 2. Flamma figuram habet plerumque conicam, basi ad terram; vertice in cælum verso. Hujusce rei causa est circumambientis aeris, per quem ascendit, lateralis pressio, & plurimarum etiam particularum jactura, quam ascendendo patitur. Ex primo capite aeris bullæ e vasorum fundo per aquam ascendentes, figuram etiam habent conicam, seu superius acuminatam, dividendæ scilicet, & penetrandæ aquæ aptiorem; immo, & fere necessariam: minorem enim patitur resistentiam, & prementem aquam paulatim dispellit. Fieri etiam plurimarum flammæ partium jacturam a basi sensim usque ad apicem, res est manifesta ex ipsomet calore, quem e flammæ lateribus sentimus, atque ex vi sese expandendi & motu rapido particularum ascendentium.

81. 3. Flamma non eandem in basi, in medio, & in apice habet intensitatem. Pars calidissima est illa, quæ prope medium maxime candida apparet, & in arcum superius convexum conformatur. Hinc quo candidior fuerit ignis, seu flamma; eo erit etiam calidior, cæteris paribus, ut diversa corpora inflammata observanti perspicuum fiet. In basi partes sunt magis crassæ, & terræ, minorique celeritate moventur; in apice vero sunt rariores: utroque de capite flammæ intensitas minuitur. Circa flammam fere semper apparet albicans quadam corona, & parva veluti atmosphæra, quæ aliquando habere videtur colorem. Hanc potissimum componunt particule humidiores, quas ignis ascendens hac illac emittit, & ejaculatur.

82. 4. Dici posse videtur, fumum esse flammæ pabulum: extincta scilicet flamma, copiosus visitur, atque ascen-

ascendit fumus ; cui si flammam iterum appliter ; eum depascit , neque amplius apparet , quandiu durat flamma .

83. 5. *Flammæ e diversis corporibus , diversoque colore præditis erumpentes , vel diversos etiam habent colores , vel varios ejusdem coloris gradus , qui inflammatorum corporum colores referunt . Propria flammæ figura esset sphaerica , aliorum fluidorum instar , nisi æris pressio illam ad figuram coni determinaret . Nullo etiam pabulo indiget flamma , seu ignis ex sua natura , indiget tamen casu , ratione scilicet loci ; & circumambientis fluidi prementis : cujus actione fit , ut materia semper alia post aliam abeat : novaque proinde servando igni seu potius novo semper , & perenniter producendo sit necessaria . Quid tamen de sepulchralibus veterum lampadibus ? Aliquæ in antiquis quorundam Romanorum sepulchris inventæ lampades : quæ reclusa sepulchri camera , liberque aere recepto , per semihoram circiter arsisse dicuntur . Res ipsa eo aliquos deduxit , ut crederent , parari posse lampadem ad perenniter ardendum novo pabulo non indigentem : idque antiquis Romanis notum fuisse secretum . Acriter pro hac sententia disseruit Licetus (a) , & alii . Id nos argumentum relinquamus inutilibus otiosorum dissertationibus .*

84. 6. *Si inflammata corpora diversos habeant colores , eamque partium texturam , ut secum ipsis non permiscantur ; eorum etiam flammæ non modo diversos habebunt coloris gradus , verum etiam aliæ intra alias ardere videbuntur ; quin tamen confundantur : natabitque flamma in flamma ad eum modum , quo olei guttam media in aqua supernatare observamus .*

V.

85. *Corpora fluida magis & facilius quam solida eodem igne rarefcunt ; cum enim eorum partes sint a se invicem divisæ , & continuum habeant motum , aut maximam ad motum facilitatem ; facilius ignem admittunt , ejusque actioni cedunt , quam solida . E fluidis*

(a) apud le Brun. *Pratiques superstitieuses* , vol. 1. chap. 4.

omnium maxime, & facillime diluatur aer: post aerem: 2. loco est spiritus vini: 3. oleum petrolei: 4. oleum terebinthi: 5. oleum napi: 6. acetum distillatum: 7. aqua dulcis: 8. aqua salsa: 9. aqua fortis: 10. oleum vitrioli: 11. spiritus nitri: 12. hydrargyrum.

36. Illud insuper in liquefcentibus solidis, metallis præcipue, observatum est, cum ad liquorem reducuntur, vehementissimo igne aut calore adhuc non flagrare; sed cum postea recipere, cum iam soluta ebulliunt. Ut liquefcant corpora, satis est, ut crassiores eorum partes a se invicem separentur, & moveantur; vehementiori igitur igne conflagrabit, cum post fusionem minutissimos etiam poros ignis subeat, & minutissimas particulas ad motum concitet.

VI.

37. Corpora ignita, ut plurimum in vacuo Boyleano posita facilius, & brevius ignem amittunt, quam in aere: aliud tamen in ferro visitur. Cum enim nulla sit ad egrediendum exterior resistentia; brevius in vacuo dissipantur igneæ particulae. Alia etiam sunt, quæ si ignita corpora circumambient, ignem & calorem velut retinent, & diutius conservant; alia extrahere, aut saltem non conservare videntur. Primi generis sunt lana, pelles animalium, capilli, & mollia alia corpora: secundi vero aqua, aer, vinum, aut liquores alii. Priora scilicet, utpote minus densa, minorem etiam ignem, aut calorem, cu motum in se recipiunt, quam secunda, quæ ob maiorem densitatem, & aptiorem partium figurationem copiosiori igni recipiendo, & retinendo sunt aptiora.

38. Hinc est, quod flamma quæcumque in recipiente machine Boyleanæ inclusa, quamprimum aer extrahitur, extinguatur. Partes enim flammæ dissipantur, neque aliæ in earum locum a corpore elevantur; cum aer, qui eas comprimendo elevat, desideretur. 2. Flamma hyberno tempore ardentior, quam æstivo deprehenditur; crassior enim circumstanti aer hybernus partium dissipationem magis impedit, igneas partes arctius colligit, & collectas retinet, unde vehementior flamma.

VII.

VII.

89. Ignis multipliciter producitur: primo flamma ignem producit, subjectum sibi pabulum depascens, quatenus igneas partes in pabulo latentes excitat, solvit, & movet, insimulque continua particularum impulsione adjuncti corporis partes similiter concitat, eo, quem supra diximus, modo. Carceres enim rumpendo elementaris ignis erumpit, & ardenti adjungitur: partes vero corporis mixti concitando, atque motum iis vorticosum, & vibratorium impertiendo, ignis impurus, seu mixtus generatur. 3. Percussione: ea scilicet, qua duo corpora firma, & elastica, ut duæ silices, vel chalybs, & lapis, aut alia hujusmodi sese vehementer ita percutiunt, ut igneas partes intra corpora implicatas excutiant: vel cum communicent motum vibratorium, intestinum, perturbatum, in quo ignis actionem consistere diximus.

90. 3. Ratione: duo scilicet corpora dura v. g. duæ ligna sicca laurina, bederacea, aut similia alia quam plurima mutuo, & fortiter sese radendo, ignem excitant, scintillas emittunt, ea, quam modo diximus, ratione. Hujusmodi phænomenon in currum celeriter tractorum axibus observare quisque potest. Ignis etiam in calce viva aquæ aspersione excitatur, & incenditur; dum enim ope ardentissimi ignis lapides in calcem rediguntur; particulae igneæ per omnes lapidum poros penetrant, eorum nexus rumpunt, novas sibi vias, poros, receptacula parant, ibique delitescunt. Extracta in frigidiorem aerem calce, externoque frigore exterioribus superficiebus condensatis, occlusisque poris, tandiu latet ignis, quoad aspersa aqua poros iterum aperiat, in cellulas sese insinuat, ruptisque carecribus violenter erumpat elementaris ignis, lapidis partes secum abripiendo ut nativam assequatur libertatem: eoque violento impetu concretum lapidem disrumpit, & vertit in flammam.

91. Fermentatio communissimus alter est ignem, aut calorem producendi modus, & insimul effectus. Est autem fermentatio, mutua particularum corporis inter se intestina actio, qua aliqua in corpore ipsa consequitur mutatio. Præcipua actionis, & consequentium ab illa effectuum causa est ignis elementaris in-

ter fermentantium substantiarum partes latens, & e carceribus paulatim sese explicans. • Explicationis conditio, seu ignis excitatio vel ab externo fluido interfluente, vel a mixtione particularum diversorum corporum, aliarumque inter alias insinuatione, vel ab externo etiam excitante calore provenit. Elementarem ignem in omnibus corporibus diffusum existere, inter data ponimus: qua ratione primo, & tertio modo excitetur, facile intellectu est. Mixtione partium, quæ secundus est, & potissimus excitandi modus, ob diversitatem congruentium figurarum, aliæ per alias insinuantur & pervadunt particulæ: reconditores recluduntur sinus, ruptis, reclusis, aut lente centibus vinculis, detentæ antea igneæ particulæ ex naturali indole moveri, aliæ alias excitare, & ad motum etiam corporis ipsius substantiam incipiunt. Intenditur inde fermentatione calor: multiplexque consequitur effectus.

92. Fermentationis ita expositæ, atque peractæ triplex potissimum distinguitur species, nomine magis, & circumstantiis, quam re distincta: *vinosa, acetosa, putrida*: fermentando scilicet purificantur, defæcantur, leviter mutantur corpora, vel acescunt, vel putrescunt. Communis omnium causa est ignis elementaris: occasio, seu præcedens conditio tria modo relata: quæ ad humorem, calorem, aerem externum, mixtionem reducuntur. Quatuor hæc in putredinem, seu, ut dicitur, putrefactionem corporum præcipuam fermentationis speciem, maxime influunt: ex iisque capitibus putrescunt ut plurimum corpora. Tria idcirco opposita frigus, siccitas, exclusio externi aeris corpora conservant a putredine immunia: quibus addi debent sales omnes, alkali, acidi, neutri. His enim vero corporum partes magis cænantur, magis detinetur ignis, impeditur calor, seu motus intestinalis, omnis fermentationis causa. Humore mollescunt, & solvuntur partes, ignis vincula: siccitate firmantur. Frigore impeditur motus, intenduntur vincula: opposita omnia agit calor. Excluso aere, excluditur etiam illius humor, infirique vapores ab illo in corpus sese insinuantes: subtilium etiam partium, seu spirituum, saliumque exhalatio impeditur, quibus abeuntibus, in caput fere mortuum paulatim reducit corpus.

93. Hinc igitur putrefactio facile in hunc modum definitur intestinus partium corporis motus, quo earum unio solvitur, compositio, corporis calor, odor, sapor mutantur. Hac fermentandi ratione conservatur potissimum natura, & tota rerum vicissitudo: licetque videatur esse malum, reapse tamen est totius naturæ bonum. Omnia fere putrescunt, & solvuntur, ut in nova vertantur: illam parumper a natura cogitando tolle; tota rerum vicissitudo sublata esset.

VIII.

94. Id vero est animadversione dignum, corpus scilicet in vacuo nulla hactenus arte incendi, ac inflammari potuisse licet specula caustica in id rei adhiberentur, corporaque ad inflammandum facillima, ut pulvis pyrius, eorum foco intra vacuum disponerentur. Deficiente scilicet aere, qui corpus comprimat, ejus partes retineat, & dissipari non permittat, non eleventur particulae; & siquæ eleventur, pondere statim relabuntur & hinc inde disperguntur. Aer igitur excitando, servandoque igni necessarius est: si a loco, ubi ardet candela, subtrahas aerem; extinguatur candela: is scilicet a flamma repulsus, minusque inde subiectum flammæ ellychnium premens, olei particulas divisas, calefactas, & calore jam rarefactas premit; particulae pressæ sursum per ellychnium, quasi per tubulorum capillarium fasciculum eleventur, & in pereuntis flammæ locum succedunt: ad hujusmodi igitur elevationem necessarius est aer.

95. Neque satis est aeris præsentia; illum præterea esse liberum, aut subinde renovari opus est. Ad vandelam 3. fere unciarum ponderis in singula temporis minuta 4. fere pinta (mensura gallica) novi aeris requiruntur: parem scilicet, atque homo respiratione eodem tempore absorbit. Aliqua nihilominus est communi illi observationi exceptio. Urinæ phosphorus, spiritus nitri, minium in vacuo etiam obflagrunt.

IX.

96. Multiplex etiam est ignem extinguendi modus:
1. pabuli defectu: 2. aeris extractione, ut supra diximus:

mus: 3. aquæ, aut alterius liquoris comburendo non apti aspersione: 4. violenta, & nimia aeris pressione: 5. per ventum violenter afflantem. Primus, & secundus extinguendi modus captu faciles sunt. Aqua aspersa ignem extinguit, quia per apertos inflammati corporis poros libere ingrediens igneas particulas in motu jam positas in sese recipit, ab iisque rarefacta, & in fumum, vaporesque versa, easdem secum defert, & dissipat per aerem. Eadem de causa ulterior ignis excitatio, & motus impeditur in corpore aqua asperso. Attamen si ignis sit admodum vehemens; aquæ aspersione fit ardentior. Cum enim totum ignem intra se imbibere nequeat, & secum avolando deferre; ipsa potius in vaporem illico versa, maximaque elasticitate concepta, violenta hinc inde disputatione motum intestinum vehementius intendit, novasque particulas excitat. Hinc fabri ferrarii ardentes carbones aqua aspergunt, ut vehementius ardeant.

97. Illam aquæ efficaciam, seu virtutem ita intellige, ut ea quidem in maximam corporum partem agat, non in omnia. Aliqua in natura sunt composita, quæ aqua non penetrat, imo refugit. Hujusmodi sunt quædam corpora oleosa, adipalia, resinosa. Hisce igitur accensis materiis extinguendis apta non est aqua. Nullus idcirco mirari debet, si corpora aliquando intra aquam ardere videat. Hujus generis erat illa materiarum compositio, ignis græcus nuncupata, & olim in re militari celebris. Facile crediderim multiplicem fuisse illius componendi modum. Ignis græcus communior secundum Simenowvits (a) erat materia quædam, cujus due partes erant sulphur, una pars pulvis pyrius, dimidium partis axungia quædam Cambonis galli dicta.

98. Nimia, & violenta aeris pressione mutua ignearum particularum divisio, seu potius separatio ad motum necessaria impeditur: non data autem sese movere libertate, nullus est ignis. Ventus tandem afflans pabuli particulas alendo igni necessarias, & jam aptas dispellit, & secum defert; unde pabuli defectu extinguitur. Si tamen ignis vehementer ardeat; idquo habeat pabulum, cujus partes non facile removeri possint; ven-

(a) *Traité de l'artillerie.*

vento afflante magis incenditur, & violentius ardet: fortius enim & magis rapide moventur igneæ partes. Hinc si afflante vento fiant incendia; majori cum difficultate, & periculo extinguuntur.

99. Ventus igitur est validissimum ignis incitamentum: unde folles a fabris ferrariis, & ab aliis adhibentur, languentes prunæ exsufflantur, ventusque incendiis periculosus. Alia etiam fluida nimium agitata, etsi sint parum densa, ignem intensius excitant, & augent: id visitur in æolipila A (fig. 10.) vitreo scilicet piro, interius vacuo, & e capaci alveo A in gracile, & longum collum B desinente, Aqua intra æolipilam præ calore in vaporem versa, per gracile, & angustissimum collum in frigidam aquam immissum rapide egrediens, aquam calefacit; & fervere cogit.

100. Quod de salamandris tradiderunt veteres, eas scilicet in ignem coniectas, illicque diutissime positas, omnem illius efficaciam eludere, eique resistere ab omni periculo immunes, falsum prorsus est: licet enim aliquantulum resistant; tandem cremantur, & in ignis pabulum cedunt (a). Id unum, inquit Stenon, (b), auctore Corvini teste oculato, certum est, salamandram medio in igne duas horas citra periculum stetisse; quodam enim, quem ex sese ejiciebat, humore circumpositos carbonem accensos extinguebat; iterumque subinde accensos iterum extinguebat.

X.

101. Ignis vasis aquam aut alios liquores continentibus suppositus, seu aliter applicatus fervorem in eis excitat. Hoc autem ex triplici capite: primo particulae igneæ mobilissimæ vasis poros ingrediuntur, in liquorem sese insinuant; inferioresque illius partes sursum propellant, dum in earum locum superiores, magis condensatæ proprio pondere relabuntur, ut simili ratione ascendant. 2. Ignæ liquorum particulae inferiores igne rarecentes, & leviores inde factæ, sursum ascendant, alias inferius detrudunt. 3. Id ipsum ex parte, ali-

(a) Schotto Phys. car. papt. 2. p. 70.

(b) Journal des sçavans 1669. 25. Aprilis.

aliquando saltem, efficiunt aerea particulae, quibus omnia fluida sunt reserta, atque penetrata.

102. Observatione dignum est: 1. aliqua esse metalla, quae, licet fundantur, numquam tamen fervent: quod peculiari partium texturae referendum est; non tamen gravitati; cum mercurius iis gravior ferveat. 2. Metalla, & alia liquefcentia corpora non majorem tum habere calorem, cum ab igne funduntur, sed quando fervent. Ignis scilicet, qui ad eorum fusionem sufficit, fervori satis non est: ad primum sensibiliores corporis partes dissolvere, & perturbate movere sufficit; ad secundum minutiores etiam particulas dividere, & violentius movere opus est.

XI.

103. Supra diximus, terrestres ignes, flammam, carbones esse inter se viribus, intensione inaequales: quod de capite aliqua flammam corpora, aptum alias igni alendo pabulum, non depascunt, aut accendunt; cum agentes vires debeant esse proportionales resistentiae. Et hinc neque paleae accensae, neque spiritus vini ligna ut plurimum incendunt: candela inversa extinguitur: viride etiam lignum debilem ignem extinguit. Addendum modo, nullum terrestrem ignem, quantumvis ardentissimum, summam habere intensiorem. Longissime enim distat illius efficacia, ab ea, quam habent radii solares a speculo caustico collecti.

104. Ope speculi caustici grandioris est affabre politum, quale est illud Villeti, quodcumque metallum, aut semimetallum brevissime funditur, in calcem, aut vitrum vertitur. Corpora omnia combustionis capacia in ictu oculi inflammantur: saxa omnia marmor, jaspis, arena, silices liquefcent, & vitrificantur. Quin imo ipse asbestus in vitrum vertitur in foco. Jaspis, silices, arena, lateres vulgares, argilla, pumex, ossa animalium, & alia plurima ejusdem, aut diversi generis posita in foco illico solvuntur, atque in vitrum convertuntur: frustum columnae Pompejanæ Alexandrinæ intra 30. min. secunda fit vitrum. Calculus humanus 2" in calcem, inde in vitrum cito redigitur, & postea liquefit: generatim vero nullum est corpus, quod in foco non fundatur, & in cineres aut vitra non convertatur, ut data opera, & plurimis experimentis obser-

servarunt Desaguliers, Tschirnausen; Homberg, Har-
foeker, Geoffroy, Muschembroek, & alii. Illud
prorsus mirabile in hujusmodi speculorum foco, radios
scilicet, qui sibi invicem occurrentes, & in foco inter-
secantes intolerabilem illic calorem, & ignem illico ef-
ficiunt, in exigua a foco distantia, puta 4. digitorum
versus speculum, si manu omnes excipiantur, modicum
tantummodo calorem in ea efficere: occursum igitur, &
mutua radiorum impulsio immensam illam virium in-
tensitatem, quæ notas naturæ leges multum excedit,
efficere videtur.

LECTIO III.

De Calore.

DEFINITIO.

105. Caloris nomine id significamus, ex quo in no-
bis oritur peculiaris ille sensus, quem experimur,
cum dicimus, *calore æstuo*. Frigoris item nomine eam
rem, qualiscumque illa sit, intelligimus, qua pecu-
liaris in corpora nostra affectio, & inde in anima
sensus efficitur, quamque peculiari vocabulo, *frige-
sco*, significamus. In prædicto animi sensu, & men-
tis idea positam esse frigoris, & caloris naturam,
affirmavit *Cartesius* cum discipulorum plurimis: quo-
rum judicio calor, & frigus nihil essent in rebus,
nisi homines, & animalia existerent, qui eas in se
affectiones experirentur.

106. Distinguenda tamen est grata, aut molesta il-
la animæ perceptio, seu sensus ab externa illa ma-
teriali causa, a cujus actione illi in nobis oriuntur
sensus. Eam vero causam, quæcumque illa sit, ca-
lorem, aut frigus appellamus; ne de vocabulo insti-
tuatur quæstio, seu potius *calorem extra animam*:
caloris vero sensum nuncupabimus *calorem intra ani-
mam*.

OBSERVATIO.

107. Idemet corpus, aqua v. g. tepida eodem tem-
pore est calida, & frigida relatu ad diversos homines,
imo & respectu ejusdem, Dextram manum intra ni-
vem,

venem, & finistram intra aquam calidam aliquantisper detentas, & simul eductas in eandem aquam tepidam immitte: dextra quidem calidam, frigidam sinistra deprehendes. Similiter, qui e culina, & interiori camera ab externo aere libera in aliud conclave, quoad aer hyberno, aut nocturno tempore permeat, egreditur, frigidum in dicto conclavi aerem experitur: calidum autem, qui rediens ab agro sese in domum recipit. Ita in mille aliis.

COROLLARIUM.

108. Calor igitur, & frigus externa sunt res relativæ: cum a præsentis animantium temperamento, & statu pendeat, ut calidum, aut frigidum vocetur corpus. Sic Lusitanum clima, & aerem indigenis hyberno tempore frigidum, Germanus homo, aut alius arctico polo vicinior, durissimo gelu, & rigide stationi assuetus, calidum pronuntiabit, & experietur. In appposito de aqua tepida exemplo, id corpus reputatur, & est calidum respectu dexteræ; quia minorem, atque illa, habet calorem: frigidum respectu sinistræ; quia minori, quam illa, calore præditum est. Fortasse nullum est in terra corpus omni calore, aut frigore destitutum: sed de hoc iterum postea. Circa calorem tria, vel etiam quatuor distinguenda potissimum existimo: calor in anima, seu caloris sensus; calor in corpore animato; calor in corporibus quibuscumque, quin ulla in iis consideratur relatio ad animam. De hoc igitur primum loquamur.

PROPOSITIO IX.

109. *Eadem est materia, & natura caloris, atque ignis: consequenter igitur ad ea, quæ hætenus de igne diximus, consistit calor vel in Elementaribus igneis particulis; vel in vibratorio, atque intestino insensibilium, & heterogenearum particularum corporum motu.*

Est dicere, calor est ignis moderatus, & in gradu valde remisso; ignis est intensissimus calor: ab intensissimo enim igne ad remissum usque & vix sensibilem innumeri pene intercedunt intentionis gradus, quorum discrimen in majori, minorique particula-
rum

rum numero, magnitudine, velocitate consistit: omnia autem hæc a certo, & mediocri ad summum usque intentionis gradum ignem constituunt: infra eum gradum sunt, & nuncupantur calor.

110. Ignis cuicumque pabulo applicatus calorem prius, deinde ignem in eo producit, seu prius calefacit, postea inflammat: cum igitur ignis vel in perturbato insensibilium particularum motu, vel in materia quadam simplici tenuissima, & versus omnes partes mobili consistat; nihilque aliud efficere possit, nisi similem pabuli particulis motum communicare, vel latentem intra ipsius partes ignem, simplicem scilicet materiam excitare, & se ipsum circumquaque diffundere; consequens est, ut caloris etiam natura in prædicto insensibilium particularum motu, vel in simplici illa materia, seu elementari igne consistat.

111. 2. Idem pene sunt ignis, & caloris effectus, idem character & criterium: corpora uterque calefacit, dividit, fundit, dilatat: eorum partes a se invicem singuli avellunt, dissipant, elevant &c. nec aliud inter eos effectus intercedit discrimen, nisi quod sensibiliores sunt in igne, quam in calore: utriusque igitur eadem est natura.

112. 3. Ignis sese per circumposita corpora diffundendo, & debilitando fit calor: calor etiam sese vehementissime augens fit ignis, ut pluribus passim exemplis constat. Ignis igitur est intensus calor, calor debilitatus ignis.

113. 4. Ignis est omnium terrestrium corporum calidissimus: est autem per suammet naturam calidus: perperam enim, & prorsus ridicule aliud opus esset calor, ut calidus esset ignis: calor igitur ignis est ipsemet ignis, ac ejusdem prorsus sunt naturæ, & rationis ignis, ac cæterorum corporum calores, ut nemo ibit inficias.

COROLLARIUM I.

114. Duplex igitur distingui potest calor, ut de igne statimus: *elementaris*, & *sensibilis*: primus in exilissimis illis corpusculis solidissimis, maxime mobilibus consistit, in quibus elementarem ignem consistere supra diximus. Secundus in explicato hactenus insensibi-

sibilium particularum motu, in quo, si vehemens sit, sensibilem ignem statuimus. Potest vero corpus primo esse præditum, quin habeat secundum: potest item habere secundum, licet primum, aut copiosum in se se non habeat, aut admodum catenatum servet. Primum visitur in aqua vitæ, seu spiritu vini in gelu versio, ut sit in regionibus maxime septentrionalibus: in iis enim ita concretis copiosæ igneæ particulæ latent, citra ullum tamen motum, cum sint mutua partium catenatione, & plexibus impeditiæ: estque id corpus calidum quidem natura, seu temperamento: sensu tamen frigidum. Secundum in Asbesto v. gr. cinere, aut aliis ejusmodi corporibus, quæ ignem illum primitivum aut in se parum continent, aut in illius alimentum cedere non possunt. Primum dicitur, & est corpus *calidum*: secundum vero *calesfactum*: quod si utrumque habeat calorem, ut vinum v. gr. liquidum aut tepidum; & *calidum*, & *calesfactum* appellatur.

COROLLARIUM II.

115. *Eodem modo efficitur, excitatur, augetur, intenditur, diminuitur, & extinguitur calor; atque ignis, servato tantummodo intensiōis discrimine*: Eorum enim eadem est natura, idem agendi, & se se diffundendi modus. Hæc tamen moveri posset difficultas: si ita res haberet; omnia terrestria corpora essent alimentum, & pabulum ignis: sicut omnia caloris sunt alimentum; seu ignescerent omnia, sicut omnia calefiunt; hoc tamen est falsum.

Resp. Illud primum est inter calorem, & ignem discrimen: ut corpora calescant, id unum sufficit, plurimas particulas, vel ad ipsa corpora spectantes, vel intra eorum poros latentes intestino, perturbato, & vibratorio motu moveri; id autem in omnibus corporibus obtinet. At ut corpora incendantur, & sint ignis pabulum, ulterius requiritur, ut laxatis omnium, aut fere omnium sensibilibus corporis particularum nexibus, ipsæ ab se invicem solutæ prædicto modo rapidissime moveantur: hoc autem non in omnibus corporibus efficere potest ignis, ob tenacissimum particularum in quibusdam corporibus nexum.

116. Notabilis pariter alia ignis proprietas, se se nimirum circumquaque diffundendi, & ad æquilibrium componendi nifus, calori etiam convenit. Rationem hic physicam, a medicis imprimis præ oculis habendam, attingimus, qua nostras sæpe alii aliis communicamus ægrotudines, & nonnumquam etiam mutua exillimus remedia. Frigidi jam sanguinis senes una & vivo puero, aut juvene eodem lecto accumbentibus; ex suo semper amittit secundus, lucratur primus. Maligna febris, aut simili alio malo æstuet eorum alter: intensior ille calor sese ad æquilibrium diffundere aditens in adstans temperatioris sanguinis corpus penetrabit, unaque secum particulas, præsentis mali semina, adducit; sani hominis sanguinem infectura. Ab uno disce alia.

117. Cum in animantibus, quoad vivunt, conservetur semper calor: ab eoque pendeat eorum vita; eum perenniter excitari, & foveri opus est. Excitatur autem, conservatur, augefcit in animantibus calor his potissimum rationibus. 1. Fluidorum fermentationibus in corpore factis. Fluidorum nomine hic etiam intelligo masticatos jam cibos, & in spissum pulmentum redactos. 2. Collisionibus, atque frictionibus fluidorum in fluida, aut solida, solidorum in solida. 3. Resolutione, & dissolutione alimentorum. Omnia enim alimenta plurimum ignis continent: eorum igitur resolutione in minimas partes, ruptisque carceribus, latens ignis libertatem adeptus, sese & ciborum partes hinc inde movet, & agit.

C O R O L L A R I U M III.

118. *Calor non est qualitas in sensu Peripatetico: sed est substantia materialis, corpus impenetrabile, aut substantiæ modus, & affectio.* Si enim est idem cum igne, manifeste liquet, ejus naturam in aliquo substantiali consistere. Ipsorum etiam Peripateticorum sententia nullus est calor sine perturbato intestino, & vibratorio insensibilium particularum motu; cum igitur præter ejusmodi motum ab omnibus admistum, ejusque motus principium, seu elementarem ignem ad caloris effectus, & naturam explicandam aliud non sit necessarium; perperam qualitatem distinctam adstruere ulterius conantur.

119. Contra hucusque dicta opponi in speciem videntur sequentia. I. Si calor consisteret in perturbato, vibratorio, & intestino minimarum particularum motu; omne fere corpus fluidum esset calidum: licet enim liquiditas prædicto in motu non consistat, magna tamen fluidorum pars eum habent insensibilium particularum motum. Argumentum Cartesians solummodo objici potest, qui corporum liquiditatem ab intestino particularum motu non distinguunt.

Resp. igitur, ea fluida, quorum partes minimæ, & insensibiles prædicta ratione agitantur, esse proculdubio calida vero in sese, aut etiam relativo calore. Hic enim, ut jam diximus, est qualitas ad alia corpora, & potissimum ad sensum, & animum relativa. Motus intestinalis vibratorius partium insensibilium est calor: Sed quo minor est motus, minus calidum est corpus; imo frigidum relatu ad aliud magis calidum, seu ejus insensibiles particulas prædicto motu magis moventur.

120. Quoties igitur manus, aut cujuslibet alterius organi, seu membri sanguis, spiritus vitales, & animales velocius motu intestino moveantur, quam ii liquores, quos manus ipsa tangit; relatu ad manum sunt ii liquores frigidi, seu minus calidi, manus calorem imminuunt: & manus seu anima ope manus liquorem frigidum esse sentit. Quod si manus alia e gelu, aut media e nive educta in eundem liquorem introducat; sensibilem in eo calorem experietur: hujusmodi igitur liquores verum habent calorem; nec, nisi relatu ad calidiora corpora, reputantur frigidi. Equidem pisces, pluraque alia animalia intra aquam fluidam, etsi illa nobis frigidissima videatur, genialiter vivunt: vivere autem non possent, nisi plurimus ejusmodi in mediis esset calor ad animalium vitam necessarius.

121. Adde, ipsam nivem, gelu frigidissimum, & ut verbo dicam, omnia corpora, in quibus experimenta instituere licet; aliquem semper habere calorem: ab iis siquidem plurimi semper vapores erumpunt; cum & voluminis, & ponderis aliquid semper amittant, eodem manente frigore (a). Deinde sub ip-

(a) Mariotte de calido, & frigido p. 16.

ipfas etiam aquas; & intra nivem arbores crescunt; quod sine calore fieri nequit. Erumpere autem, nisi rarefacti: & rarefieri, nisi per calorem, non possunt vapores: cum id primus sit ignis, & caloris character. Præterea intra quæcumque corpora fluida aut firma constituatur thermometrum; suas illic variationes patitur: indubium latentis caloris indicium. At, inquis, si hæc vera sunt, incredibile est, marinos fluctus vehementissime non calefcere; continue enim, & vehementissime in se invicem, & in rupes impacti, violentissime moventur.

Resp. Calorem nequaquam in magna hac ingentium massarum mutua irruptione, concussione, & motu, sed in intestino solum, & perturbato insensibilium particularum consistere: potest autem stare primum, quin existat secundum.

122. II. Eadem & ignis, & caloris, & lucis materia est: calor igitur nequit esse perturbatus, & intestinus particularum motus. Natura enim, & actio lucis in vibrationibus, & impulsionibus rectilineis consistit, juxta inferius dicenda: eadem autem materia nequit intestino perturbatoque moveri motu, insimulque rectilineis impulsionibus agitari. Nego hoc ultimum: eadem quippe materia plurimis simul motibus morem gerere potest: equidem in omnium sententia aqua vehementer servens magnæ, & perturbatissimo particularum motu cietur: id tamen non prohibet, quominus aeris columnæ supra aquæ superficie impendentes, in partes fundi, quibus respondent, directe premant; hæc autem pressio, actio atque impulsio per easdem aquæ particulas perturbato, & intestino motu agitata transfertur, ipsæque in fundum directe premuntur, & impelluntur: particulae igitur perturbato, & intestino motui obsequentes rectilineis directionibus non repugnant.

123. III. Plurimæ sunt fermentationes aliquorum liquorum permutatione factæ, in quibus notabilis est, & intestinus minimarum particularum fervor, seu perturbatus motus; & tamen sunt frigida: cum immisum in eas thermometrum descendat, & plerumque enormiter; ergo calor non consistit in perturbato intestino insensibilium particularum motu. Rem probant experimenta. Si dimidiæ uncia semunciæ salis volatilis urinæ tres uncias aceti distillati affundas;

das; fervor oritur adeo frigidus; ut thermoscopii intra eam mixturam immissi liquor a 44. ad 33. gradum descenderit. 2. Tribus olei vitrioli drachmis uncia salis volatilis urinæ infundatur, & permisceatur; in effervescentem permixtum liquorem immisso thermometro, a 60. ad 44. gradum deprimitur liquor (a). Plurima alia similia prætermitto, quæ videri possunt apud *Guglielminum* (b), in ætis academice Regiæ ad annum 1700. & in aliis passim.

124. Resp. Adductas in argumentum fermentationes, earum fervorem, & indicatos thermometri effectus admitto: illas tamen non esse reapse calidas, nego. Rem evolvamus. Sunt quidem plurimæ fermentationes calidæ; eæ nimirum, in quibus oleosi liquores, aut spiritus potissimum habent locum; hæ autem, & calidæ in se sunt, & sensibiles etiam caloris effectus producant. Aliæ tamen sunt, seu potius dicuntur frigidæ, eæ scilicet, in quibus sales copiosius, quam reliquæ materiæ existunt. Omnes tamen hujusmodi fermentationes sunt in se ipsis calidæ, & majorem, vel minorem habent calorem, licet in thermometris eisdem, atque frigus, effectus producant; quod explicandæ jam causæ referendum est. Frigidæ, quæ dicuntur, fermentationes suum habere calorem, & esse in re calidas, inde manifeste probatur, quod plurimus, copiosissimus, & calidissimus ex iis erumpat fumus, ut insigni experimento deprehendit *Muschembrock*; duo enim thermometra adhibuit, quorum primum intra liquorum effervescentium mixtionem; secundum intra erumpentem ex ea fumum collocavit: hocque notabile discrimen animadvertit, quod prioris liquor 12. gradus descenderet: per 10. vero in secundo thermometro ascenderet. Mixtio ex duabus solummodo salis ammoniaci, & tribus olei vitrioli drachmis constabat.

125. Calidæ igitur sunt fermentationes adductæ: nihilominus thermometri liquor refrigeratur, & descendit; quia salinæ particulae volatiles, & subtilissimæ

(a) Vide *Musch. Comment. in exper. Acad. de Cimento par. 2. p. 150.*

(b) *Dissert. de salibus.*

simæ fervore, & calore hinc inde agitatæ, a se invicem divisæ per vitri poros penetrant, contentum in eo liquorem ingrediuntur, ejus particulas solutas & mobiles hamatis, & ramolis cuspidibusprehendunt, detinent, alias in alias contrahunt, & coarctant; immutato igitur motu subsidunt, refrigerantur, minuitur calor, contrahitur volumen; quid tamen inde contra propositionem?

126. Attamen hujusce effectus non quasi per se, sed circumstantiarum tantum ratione a calore efficitur. Per se enim omnis calor movet, rarefacit, dissolvit: sunt tamen corpora, quorum partes ea donantur figura, textura, & ordine, ut a quibusdam caloris, aut ignis particulis, a quibus pervaduntur, detineantur, ac implicentur; ipsumque corpus coaguletur & contrahatur: hæc tamen contractio, & coagulatio non est aucti frigoris argumentum, ut visitur in ovi albumine (& aliis similibus, ut obiter hanc etiam difficultatem expediamus), quod antea liquidum, calori applicatum ipso calore concrevit, ob eandem, quam modo dedimus, rationem. Unde licet illa sit caloris, & ignis propria lex, ut calefcentia & dilatentur, & solvantur; sua tamen legi exceptio. Per se se quidem calor solvit corpora; nisi tali figura præditæ sint partes, aliæ in alias incurrentes, ut ex incurso, & mixtione tenaciter secum ipsis catenentur.

127. IV. Si calor in præfato motu consistit; omnia corpora dura dissolventur, dum calefcent; neque enim fusio aliud est, nisi duræ massæ divisio, & intestinus insensibilium ejus particularum motus; at plurima sunt corpora, ut metalla v. gr. quæ licet maxime calefcent, & ignescant, non tamen solvantur. Resp. Ignem, & calorem ad corporum fusionem tendere, non semper assequi: tenacius enim & fortius aliquando suæ ab invicem separationi resistunt particulae, quam ut a subjecto calore possint separari: cum igitur ignescunt, non solidæ eorum partes, sed contenta in ipsorum poris materia vehementissime agitur, & fortissime parietes impellit, & concutit. Immitte in frigidam aquam ferrum, aut quodcumque metallum candens: aquam illico effervesce, agitari, & calefcere deprehendes; motum autem non communicat, nisi eo donetur corpus: sed tamen me-

talia vehementissimo calore solvantur : ut nemo ignoret.

128. V. Tandem periculo sæpius facto a *Muschenbroek*, compertum est, in pluribus diversorum liquorum mixturis calorem insigniter fuisse auctum, nullum intestino motu observato : sit pro millibus unum : tribus olei vitrioli drachmis par aquæ pluvie affusa fuit copia : Nullus ea in mixtione fervor observabatur ; immersi tamen in ea thermometri liquor a 48. ad 92. gradum ascendit & similiter in aliis plurimis : ergo sine ullo motu est calor , Resp. Sine ullo partium sensibilibum , & quæ observari possint , motu stat calor : non vero sine ullo partium insensibilium motu . Primus, non secundus motus deprehendi sensibus potest : primum item, non secundum, in prædictis observationibus desiderari , deprehendere tantum possumus .

PROPOSITIO X.

129. Calor in anima est quidam doloris , aut gaudii sensus , ac perceptio : calor in corpore est intensior , vel remissior ejus partium , puta , nervorum , fibrarum , musculorum motus ope spirituum animalium auctus , communicatus , & traductus : causa vero hujusce motus , seu caloris in corpore , & sensus in anima sunt particule ignis elementaris per corpus ipsum diffusæ & ad motum excitatæ ; vel aliquid illius intestini , & vibratorii particularum motus , qui , si nimium intenderetur , ignem mixtum efficeret .

Prima propositionis pars satis patet ex iis , quæ diximus , cum qualitatum perceptiones in anima , seu rationem , quæ anima qualitates percipiat , exponimus (a) .

130. Aliæ duæ partes ex dictis hætenus sunt prorsus manifestæ . Porro si diversos status corporis humani ab intensissimo frigore ad intensissimum calorem , seu ignem sensim transcurrentis consideremus ; rem ipsam observando , vel etiam experiendo , & sentiendo confirmabimus . Corporis frigore rigentis partes

tes

(a) *Physicæ Gen. to. 1. l. 7. atque etiam in Metaphys.*

tes prorsus hebetes, & inertes corripuntur, amissaque motu concrescunt, & gelascunt: admoto igne, vel perfricto, concusso, agitatoque corpore, primus sensum membrorum torpor minuitur, partibusque corporis paulatim excitatis, & sese movere incipientibus, gaudii in anima sensus incipit. Igne tamen vel nimium, vel diuturnius admoto, & agente, vel violenta etiam corporis agitatione, frictione, atque motu per longius, quam par est, tempus continuato, nimium etiam insensibiles nostri corporis partes agitantur, moventur, pori recluduntur, sudor erumpit, & incommodum doloris sensum in anima percipimus.

C O R O L L A R I U M I.

131. *Potest igitur corpus aliquod calidum, hac est, cujus temperamentum est calidum, & plurimo elementari igne abundans, frigescere, & gelari.* Ejusmodi sunt plurima corpora, quibus in alimen- tum utimur, quorum quidem temperamentum est calidum, ob plurimas, quas in se continent, elementaris ignis particulas: quæ, dum intra corpus irretitæ latent, & nulla externa causa excitatæ, subsidunt, neque ullum interea caloris sensum excitant: illico autem, ac in stomachum mittuntur, naturali stomachi calore excitatæ magnopere calescunt: suntque proinde hujusmodi alimenta valetudini aliquando noxia. Ex adverso etiam sunt plurima corpora, maxime caloriscentia, aut calefacta, quæ tamen, naturali eorum temperamento spectato, sunt frigida. Licet enim ab externa causa in eum calefactionis statum adducantur, sibi tamen commissa in nativum frigoris temperamentum restituantur.

132. Ejusmodi sunt plurima, quæ indicantur, & præscribuntur ad nimium stomachi, & corporis calorem temperandum, remedia; quæ utiliora sunt, si calefacta hauriantur. Sit in exemplum aqua communis, quæ utilius calida, quam si frigida sit, ad animi caloris remedium sæpe utimur. Calore enim agitata illius particule sese invicem extricant, subtilius dividuntur, hac illac impetu propelluntur; facilius igitur in stomachum missæ sanguinis massæ immiscentur, intimas & reconditiores corporis venas,

poros, canaliculos subeunt; massam sanguinis refrigerant, igneos spiritus toto corpore diffusos secum abripiunt, & in sudorem versæ expellunt. Quæ sequuntur, de calore in secundo sensu accepto sunt potissimum intelligenda.

COROLLARIUM II.

133. Intensitas caloris in quacumque corporis parte rationem habet compositam ex densitate, seu massa particularum intestino motu se se moventium, & rapiditate ejusdem intestini motus. Sequitur ex dictis supra, cum de igne disputavimus. In eo enim stat intensitas caloris, in quo stat quantitas motus, qui propriam caloris naturam efficit. Hinc calidius multo sentitur ferum, quam lignum, ad solem per idem temporis spatium exposita, pro majori in ferro, quam in ligno partium moventium densitate.

PROPOSITIO XI.

134. *Calor cujuscumque corporis calidi ex natura rerum communicatur secundum ejusdem corporis massam, aut densitatem, seu in ratione massæ, si cætera sint paria.*

Quo major est massa, seu densitas; major item est motus intestini, & perturbati, hoc est, caloris quantitas, æquali motus velocitate utrinque posita: at quo major est motus quantitas, cæteris paribus, major etiam motus communicatur, ut est ex se notum. Dixi, si cætera sint paria, potest enim aliquando rarius corpus, ob majorem illius particularum motus rapiditatem, intensiorem communicare calorem, quam aliud densius corpus, cujus tamen particulæ non adeo celeriter moveantur. Corporis etiam, cui communicatur calor, attendenda est densitas, partium mobilitas, & dispositio.

135. Ipsa etiam experientia propositionem demonstrat. Ferrum candens ligno æquali ardentius, eique applicatum majorem illi calorem communicat, quam ferro in iisdem circumstantiis communicaret lignum ardentius. Similiter deperditur calor in ratione massæ aut densitatis ejus corporis, cui communicatur. Sit vulgare exemplum: sensibilibus refrigeratur manus,

nus, si ferrum, quam si lignum æqualiter frigida contingat, eatenus autem refrigeratur, quatenus calorem suum amittit, & corporibus communicat. E duobus corporibus homogeneis æqualibus æque calidis supra alia æqualia, sed raritate dissimilia corpora impositis, illud plus caloris amittit, quod densiori corpori imponitur. Ratione etiam eadem suadetur veritas, multo enim plures in ferro, quam in ligno partes tangit manus; plures igitur ad motum concitat in ferro, quam in ligno: at quo plus communicat motus, hoc est, caloris, minus retinet.

136. Multiplex est propositioni exceptio. 1. Rem solum affirmamus de caloris actione in se spectati, & in motu consistentis. 2. Ex corporibus alia aliis facilius ignem, seu calorem recipiunt, transmittunt, illiusque actioni cedunt. Id vero a pororum ratione, a partium tenacitate, a diversa ignis copia pendet. Sicut autem diversa corpora diversas etiam igni opponunt resistentias; ita etiam neque ejusdem admitendi ignis sunt capacia, neque item ad eorum fusionem, aut fervorem est necessarius. Sequentes caloris gradus in diversis corporibus in thermometro Farenheitiano observantur.

Re in Thermometro Farenheitiano observata, sequens ratioprehenditur. Calor aquæ incipientis gelari est 32 supra 0

• • • aeris temperati	48
• • • summi caloris æstivi	90
• • • sanguinis in homine sano	96
• • • ceræ diffluentis	140
Spiritus vini rectificati ebullientis	180
Aquæ ebullientis	212
Spiritus nitri ebullientis	242
Stanni puri liquefcentis	420
Olei vitrioli ebullientis	546
Plumbi puri liquefcentis	550
Mercurii olei ebullientis	600

137. Cum duo corpora homogenea utcumque inæqualia, & inæqualiter calefacta permiscuntur; ita dividitur & sese attemperat calor, ut permixtus liquor remissius uno, intensius alio liquore simplici caleat. Corpus, seu liquor magis calefactus aliquid de suo calore amittit, & alteri communicat, divisa scilicet caloris, aut motus differentia secundum rationem

nem massarum, aut voluminum: ad eum modum, quo superius differuimus in lectionibus de motu. Quæ enim ibi tradidimus, ad calorem, peculiarem motus speciem, applicanda sunt.

PROPOSITIO XII.

138. *Calor a corpore calido hinc inde diffusus decre-
scit in ratione duplicata reciproca distantiarum ab ipso
corpore calido, seu in ratione inversa quadratorum di-
stantiarum a corpore.*

Sic quodcumque corpus calefactum, calorem cir-
cumquaque diffundens; ejusmodi calor, seu motus
per corpora vicina diffunditur, & communicatur in
sphæram ex vi elastica ignis, qua se se diffundere ad-
nititur; illius igitur intensitas decrescit in eadem ra-
tione, qua augetur spatium, seu corpus sphæricum,
cui communicatur: eo enim minor est, & remissior
motus, quo majori corpori communicatur: at spatia
hæc, seu circumferentiæ crescentes sunt inter se in-
verse, ut quadrata distantiarum, seu radiorum a cen-
tro (a): calores igitur in iis superficiebus, seu spa-
tiis diffusi sunt, ut quadrata distantiarum a corpore
calido inverse. Corpus calidum supponitur esse cen-
trum, seu quasi centrum, a quo utrimque diffundi-
tur calor.

139. Licet propositio, ejusque demonstratio in na-
tura caloris, indole materiæ ignis, & legibus com-
municationis motus innitatur; & ob hæc tria prin-
cipia ex indole sua secundum assertam rationem dif-
fundi adnitatur calor; nihilominus ob impedimento-
rum inæqualitatem, & circumstantiarum corporum na-
turam, in terrestrium compositorum systemate regu-
la illa diffusionis vix umquam ad amissim observa-
bitur. 1. Etenim ob circumstantis aeris pressionem,
vehementius sursum, quam deorsum, aut in latera
diffunditur calor. Facilius enim sursum elevantur
particulæ calidæ. Secundo non omnia circumstantia
corpora actionem ignis, & caloris æqualiter admit-
tunt: cum angustiores rarioresque alia præ aliis ha-
beant

(a) *Elem. Geom. n. 182.*

beant poros, neque eandem, aut similem partium tenacitatem.

140. 3. Diffusio illa solum asseritur de motu illo intestino, caloris proprio, seu particulis ignis elementaris ad motum concitatis: seu actionibus ex solo corpore calefaciente provenientius: non vero de effectibus in corporibus circumstantibus alio de capite productis. Corpora enim alia aliis sunt igne magis referta: in alio præ aliis facilius excitatur: easque præterea, quo æstuant corpora, ab interno igne potissimum producit. Ea propter corpora ab igne remotiora vehementius sæpe, & citius incallescunt quam proximiora: non ex intensiori ignis externi actione, sed quod internus illius ignis minori actione citius, facilius, & vehementius exciteretur. 4. Tandem vera solum est regula, comparando sensibiles superficies cum superficiebus: quod si crassiores & profundiores crustas sphaericas cum aliis similibus concentricis compares; in majori ratione decrescere debet calor. Superficies enim, ut quadrata augentur, corpora tamen similia, ut massæ, hoc est, ut cubi diametrorum. Jam vero calor in massas, non in superficies agit.

COROLLARIUM.

141. Duo igitur, aut plura corpora calefacta æqualia, & eadem caloris intensione prædita ad eandem, aut æqualem distantiam eundem producant calorem. Quod si aliud sit alio intensius; intensiorem in eadem distantia calorem efficiet. Similiter quo propius ad corpus calidum accedimus; intensiorem semper calorem sentimus: cuius quidem augmentum sit secundum rationem quadratorum distantiarum reciproce; da v.g. ad 4. pedum distantiam calorem, ut quadruplum, esse intantum; ad distantiam 2 pedum erit calor intensus, ut 16; sunt enim distantiarum directe 4. 2: earum quadrata inverse 16. 4: Hæc tamen secundum datas exceptiones intelligenda.

§. I.

Caloris excitatio, effectus & aliqua
Phænomena.

142. Eodem prorsus modo excitatur ignis, & calor, cum eadem utriusque sit natura; iidem etiam utriusque sunt effectus, hoc uno discrimine, quod sensibiliores in igne, quam in calore existant. Quæ igitur supra de igne retulimus, calori etiam referenda sunt: Quoties duo, aut plura corpora ita percutiuntur, & confricantur, ut aliqua eorum particula insensibiles agitentur, separentur, perturbate moveantur; excitatur calor, seu calorem concipit corpus. Eo autem erit intensior, quo plures, mobiliiores. & densiores particulae rapidius moveantur. Dicta modo ratione si manus frigida manum confricat, utraque incalcescit: ratione enim, atque fricatione & sanguis, & spiritus animales, & proxima ad cutem partes excutuntur, agitantur, sparsus per illas elementaris ignis excitatur, ruptisque carceribus movetur.

143. Quod si aliquo tandem pacto ejusmodi motus impediatur; non excitabitur calor. Si manus, inquit Regnault (a) jure ex contusa cæpe expresso linias; carbonem accensum trahere, & ardenti, fusoque plumbo easdem diluere poteris impune. Ignem etiam manu trahant, aut in os impune immittunt, qui manum, & os prius mixtura quadam lavant, quam spiritus a Sulphure, a sale ammoniaco, ab oleo seu essentia rosmarini, & a succo cæpe distillati pari quantitate componunt. Quin etiam, eodem Regnault referente (b), Richardson ejusdem, aut alterius similis liquoris beneficio ferrum ignitum manu, carbonem accensum lingua longo tempore servabat impune.

II.

144. Calore dilatantur corpora, vapores ex se emittunt,

(a) Entret. de Physic. to. 2. Entret. 6.

(b) ibid. ex Journal. des Sçavans 1680. p. 251.

tunt, leviora fiunt: insensibilibus enim corporis particulis hinc inde concussis, a se invicem avulsis, & ampliatis poris, eorum moles eadem manente massa crescit, leviora fiunt, partes avolant. Hinc e fervente aqua perennis fumorum copia sursum ascendit: e mari, fluviis, lacubus, paludosis locis infinita pene vaporum copia exurgit: exsiccanitur aestivo tempore paludes, debiscunt terræ &c. animantia omnia circa se ipsa vapores semper emittunt, immo & perenni vaporum atmosphaera cinguntur; nativo enim calore circulans per arterias & venas sanguis, cæterique humores in vasis contenti in subtilissimas, rarefactas, atque leves particulas dividuntur, per apertos ob eundem calorem poros perenniter effluunt, & invisibilem circa corpus nubem efformant. Unde etiam est, quod copiosiores ab humano, cæterorumque animantium corpore vapores & halitus exirentur aestivo, quam hyberno tempore: quod vel ex sensibili sudore, & insuavibus plerumque quorundam corporum odoribus manifestum est: intensioris per id temporis caloris necessaria id est consequentia.

III.

145. Ad eandem etiam causam, subterraneum & solare calorem, referendum est, quod nutritii succi a terra in arborum, & vegetantium omnium radices, per ora calore ipso aperta se se insnuantes per earum venas, a natura in id ipsum dispositos canales, per truncum ascendant, in ramos, flores, folia, fructus dispartiantur; unde vel in fructus, ac florum substantiam convertuntur, vel in auras per poros continua evaporatione expirant, vel ad terram iterum per corticis canales regrediuntur. Notabile diurnæ exhalationis exemplum in ipsis etiam oleribus & floribus videre est, qui mane quidem vegeti, cadente sole ob maximam, quam interdiu passi sunt, particularum exhalationem flacidi, corrugatique in terram convergunt.

IV.

146. Aer quiescens, aut agitur, & ventum efficiens in iisdem circumstantiis eundem habet calorem: neque enim aeris motus directus, & violentus, in quo ventum consistere certum est, intestinum, & perturbatum par-

particularum motum auget, aut imminuit. Id etiam thermometri testimonio comprobatum est; vel enim sereno, & quieto aeri exponatur, vel in oscillationes agatur, aut vento folium ope, aut naturali de causa orto impellatur; eundem semper caloris, aut frigoris gradum offendit. Quod si stabellis ut plurimum, & vento alia quacumque ratione excitato refrigeramur; id ex eo provenit, quod agitated aer, qui plus, quam corpus humanum, friget, cutem nostram lambens calidos sudores, halitus, & vapores e corpore perenniter erumpentes, & supra cutem, nisi alio impellantur, diffundendos, eamque calore affecturos, una & quamplurimas ignis elementaris particulas e corpore expirantes secum abripiat. His enim præcipue referendus est, quem sentimus, calor, & æstus: novus igitur semper aer frigidus succedens, & cum, quo tangimur, expellens, nos semper refrigerat. Id etiam ex eo constat, quod multisies adeo calidus sufflat ventus, ut eum ferre ægre valeamus. Quandocumque igitur aer agitated, aut ventus sint in se ipsis frigidi; id non directis eorum agitationibus tribuendum: sed his particulis quas secum ab humidis, aut frigidis locis afferunt, intestinoque earum particularum motui.

V.

147. Notabile illud est caloris phenomenon, quod insigni errori locum dedit: licet in aperto aere, eodemque loco idem sit calor ad 20, 30, 40, 50 pedes in altitudinem; intra domos & palatia pluribus tabulatis distincta magnum est diurno, nocturnoque tempore caloris, & frigoris discrimen inter superiores, inferioresque contignationes: sub meridiem cælo sereno, & lucente sole infima contignatio minus calida, media calidior, suprema omnium calidissima; inversum tamen ordinem nocturno tempore servant. Tabulata enim eo magis externo ambienti, calido interdiu, noctu frigida, patent, quo altiora sunt: interdiu igitur calidiores, frigidiores sunt noctu superiores contignationes. Sed tamen (& hoc notabilis) infima domus contignatio non est noctu, quam interdiu calidior, (quod thermometro demonstrante patet): Licet qui sese e foro in domum, aut e superiori in inferiorem contignationem recipit, majorem illic calorem noctu, minorem interdiu ex-

experiri sibi videatur. Ejusmodi enim sensus fallacia ex eo ortum ducit, quia interdum è calidiore in minus calidum, noctu autem è minus calido in magis calidum locum sese recipit; idem igitur evenit, ac si manum dextram è frigida in tepidam, sinistram è calidissima in eandem tepidam aquam immitteres.

148. Eodem modo explicatur vulgare illud, & simile phænomenum, quod Antiparistalim dicebant antiqui. In subterraneis scilicet locis, specubus, aquarum puteis intensiorem noctu, quam interdum, hyberno, quam æstivo tempore esse calorem: hoc vero ex ipsiusmet sensus testimonio consiciebant: Majorem proculdubio calorem hyberno, quam æstivo tempore experiuntur, qui ab aperto aere se recipiunt in prædicta loca. Quasi scilicet, dicebant, calor ad hyberni rigidiorisque frigoris velut ad insensibilissimi hostis, conspectum perterrefactus, & manus conserere impar, in fugam versus sese in speluncas, velut in securissimum munimentum, atque asylum reciperet; tandiuque illic delitesceret, quoad, æstivo tempore appellente, novus calor victo suppetias afferret. Festivam potius hanc, quam philosophicam ideam thermometer evertit: quod minorem semper diu, quam noctu, æstate quam hyeme in cavernis, & puteis demonstrat calorem. Unum pro multis adducam experimentum. Robertus Boyle thermometer intra terram ad profunditatem pedum 130 collocavit: eundemque hyeme, atque æstate calorem indicabat instrumentum (a). Idcirco autem calorem hyeme, frigus æstate subterraneis in locis sentimus, cum in illa scilicet ab aperto aere concedimus; quia hyberno tempore è frigidiori, æstate vero è calidiori aere, & loco demigramus. Da enim, eundem hyemali tempore casu al-quo esse in atmosphæra calorem, atque in æstate: idem procul dubio frigus in cavernis eo tempore deprehendes, atque si per æstatem in subterranea ea loca te recipias.

V I.

149. Aqua in vase contenta, cum fervet (in iisdem tamen circumstantiis ob inferius dicenda), eundem semper habet calorem, licet ad majorem, aut minorem, ad in-

(a) Hales statica de veget. pag. 53.

intensorem, aut remissorem applicetur ignem. Ignis enim vel mediocriter intensus aquam ita agit, dividit, impellit, movet, viamque sibi intra illam ita aperit, ut, major licet & intensior applicetur ignis aut calor, omnes tamen illius particulae per apertos jam canales facile erumpant, quin novas sibi vias facere, novumque motum imprimere sit opus. Vide, quae dicimus, cum de aqua differimus.

150. Vasis ipsius supra ignem impositi, & aqua repleti fundus non eodem modo afficitur semper. Aqua ad ebullitionem usque calefcente, magis calefcit fundus, quam postquam ferveat: extracto deinde ab igne vase, cum primus fervor cessat, magis iterum calefcit fundus, quam dum ferveret aqua. Hujusce phaenomeni ratio est; quia igneae particulae, quamdiu aqua non ferveret, in fundum potissimum agunt, adnuntur, inhaerent: illius scilicet poros ingressae, & aquam impellentes, ab illa adhuc inertii, immobili, porisque etiam occlusis in fundum iterum retunduntur, eumque vehementius agitant: fervente aqua, apertisque jam, & in fundo, & per aquam poris, facilius per eam penetrant, ab eaque erumpunt, ad fundum non reversurae: quamprimum deinde cesset fervor, perturbata iterum pororum, & viarum dispositione, ad fundum iterum retunduntur, eumque fortiter iterum exagitant, utrimque concutiunt, & ardentiori afficiunt calore.

LECTIO IV.

De Frigore, seu Statu Corporum calori opposito.

151. Frigus opposita calori qualitas, animae sensus, aut status corporum, vel est *absolute*, ut dicitur, vel *relativum*, seu minor calor: utrumque sensuum ministerio, & ex pluribus etiam effectibus agnoscimus. Veteres Peripatetici illud esse existimabant qualitatem ab omni substantia, & modo distinctam. Sunt recentiores, qui cum *Leucippo*, *Democrito*, *Epicuro* hanc rerum qualitatem in quibusdam atomis, seu particulis salinis acuminatae figurae consistere autumant, & propugnant. *Cartesius* tamen, *Cartesiani*, & plures deinde nulli systemati addicti, eam qualitatem calori oppositam per insensibilium partium quie-

quietem , ut calorem per intestinum earundemque partium motum explicant .

152. Frigus , ut de calore diximus , distinguere , & considerare oportet in anima , in corpore animato ; in corporibus externis non animatis . In anima est doloris , aut gaudii sensus , qui ob præsentem corporis statum in anima tunc elicitur secundum legem commercii inter corpus , & animam . In corporibus vero animatis , aut inanimatis est aliquid physicum materiale . In iis distinguere est status corporum frigidorum , seu effectus aut phænomena in iis observata , & huiusmodi statuum , seu effectuum causam . Postrema hæc , qualiscumque tandem statuatur , materiale frigus proprie dictum nuncupari debet : & quid illud sit , quibusve legibus agat , examinari , atque definiri . Ille vero animæ sensus in homine rigente frigus generatim proprie nuncupatur ; de quo impræsentiarum non est nobis sermo .

PROPOSITIO XIII.

153. *Corpus quodcumque animatum , aut inanime dicitur , & est frigidum , cum insensibiles ejus partes inter se quiescunt , atque ad intestinum motum , congelatione aliqua impediuntur .*

Corpus ejusmodi ita frigidum esse dico , ut neque frigidi gradum , neque frigoris causam definiam ; statumque , & qualitatem intelligam ab animi dolore , seu frigore in anima distinctam . Is tamen dolor ab animato corpore ita affecto consequeretur . Propositionem ita explicatam suadent sequentia . Calidum procul dubio est corpus , cujus insensibiles particule intestino cientur motu : id igitur , cujus partes non modo quiescunt , sed ad illum præterea motum sunt catenatione impeditæ , in statu existit calidi corporis statui contrario , qualis tantum est status frigidi .

154. 2. Id etiam nos docet continua in nobismet ipsis experientia . Numquam sanguis , cæterique humores vehementius in valis motu intestino agitantur , quin intensius nos etiam calefcere sentiamus : numquam ex adverso motum illum remittere , parte aliqua corporis cessare , eandemque gelascere animadvertimus , quin per coldem etiam remittentis motus ,

&

& crescentis congelationis gradus corpus sensim frigescere ex molesto sensu non experiamur. Primum quidem æstate intra balnea, in vaporariis, aut post diuturnum violentum motum: Secundum dura hyeme.

155. Duo cum statum corporum constituunt, partium insensibilium quies, & major minorve illarum congelatio: primum, si particularum inertiam excipias, est aliquid negativum, intestini motus, seu caloris defectus. Secundum vero est physicus causæ realis effectus. Utrumque suam habet causam: partium quies ignis elementaris non amplius excitati, intestini motus deficientis effectus est, & consequentia. Congelatio ab hamatis nitri, & salium particulis provenit. Uterque etiam ille effectus insimul existens frigidum corpus constituit: ejusmodique est noster hominum, cæterorumque animantium status, cum dolorem illum sentimus, frigus vulgo nuncupatum.

156. Aliquæne tamen jam gelascunt nostri corporis partes, cum frigus sentimus? Id nequaquam miraberis, si animadvertas sequentia. 1. A summa, aut perfecta partium omnium congelatione ad primum illius terminum sensibilem infiniti fere sunt gradus. Crescit illa aut decrescit ex numero partium concretescentium, crescente, aut decresciente, & ex vinculorum intensitate. 2. Præsens semper calor, seu motus intestinus in corporibus animatis opus est, ne viscosæ alias eorum partes mutuis vinculis catenentur, & gelascant. Præsentis semper sunt congelationis causæ: earumque actionem a præsentis semper calore impediri opus est. Qua igitur ratione hic remittat, illa statim incipiet, seu potius intendetur. Subtilissimos fibrarum ramos per se semper viscosos, quamprimum non agitentur, concretere facillimum est, & necessaria remittentis, aut cessantis caloris consequentia.

157. Nullum in natura corpus agnosco, in quo pura illa insensibilium particularum quies existat sine ulla earundem catenatione, seu congelatione. Quætere igitur superfluit, sit necne frigidum corpus illud, cujus particule insensibiles citra ullam catenationem aliæ aliis appositæ quiescerent. Corpus in hujusmodi hypotheli consideratum 1. non esset calidum. 2. negativum haberet frigus. 3. esset præterea ali-

aliquo etiam reali frigore ex inertia partium motui resistensium derivante præditum.

PROPOSITIO XIV.

158. *Causa physica ejus status, in quo corpus est & dicitur frigidum, seu quæ insensibiles ejus particulas sedat inter se, & congelet, sunt partes salinae, nitrosae, & aliæ similes intra corporis massam introductæ, aut existentes una, & intestini motus cessatio.*

Anim vero cum corpus quodcumque antea ex actione motu calidum frigeat, motumque & solutionem partium amittit; aliqua est novi hujusce status causa physica. Hæc vero illa erit, a qua particulae a motu detineantur, sedentur, implicentur; aliud in natura non agnoscimus, a quibus hæc peragantur, nisi salinas illas, nitrosas, & similes alias ramosas particulas, ipsorum corporum proprias, aut in illa introductas. Hæ scilicet sunt causæ semper, & ubique præsentēs; cum late per atmosphæram, & corpora terrestria diffundantur: effectui ipsi sunt proportionales, eum semper comitantur, illiusque accidentis, & phænomena explicant. Hæc una sane ratione liquores antea tepidos, aut calidos quotidie refrigeramus, aut congelamus: eas nitrosas particulas in liquorem introducendo; quæ illico ac per liquidam massam distribuuntur, motus intermittere, partes grandescere, & gelascere incipiunt.

159. Et hinc etiam illud est explicatum jam supra phænomenon admiratione dignum, quod calor producat aliquando frigus: seu corpus in frigidi statum adducat. Præterea congelatio partium corporis est mutua ipsarum catenatio, atque implexio; quam a ramosis, & hamatis particulis se se comprehendentibus esse, & in Physica generali probavimus, & satis per se se intelligitur. Inter hujusmodi figurarum partes potissimum locum habent particulae nitri, salium, & aliæ. Opus tamen esse dixi motus intestini defectum, seu distas partes vehementi motu intestino non moveri. Eo enim motu agitatæ calorem etiam ipsæ efficiunt, & calidissimæ esse possunt.

160. Ex dictis, nisi fallor, totam hanc quæstionem solvere possumus. Iterum tamen est distinguendum frigus intra animam a frigore extra animam. Ponamus

mus ex. gr. corpus nostrum nocte hyberna aperto aeri expositum esse, sensimque, ut fit, & paulatim rigere. Quid in corporibus externis, & circumambiente aere, quid in nostromet corpore, quid in anima fit? Deficiente igne elementari, & mixto, qui sunt & motus, & motuum causa; deficiente etiam calore sensibili, qui est modica ignis elementaris, & mixti quantitas, & modici etiam intestini motus causa, circumpositorum corporum partes motum amittunt: aliæ supra alias subsidunt: secum ipsis ob peculiare figuras implicantur: a particulis salinis irretiuntur, pori constringuntur, volumen corporis minuitur, illiusque partes magis vel minus prehensæ, & irretitæ, magis, vel minus etiam gelascunt. Aer circumstans maxima volatiliū salium, nitri vero potissimum, particularum vi abundat, easdemque particulas tamquam commune vehiculum circumpositis corporibus communicat. Hoc illud est, quod frigescens corporibus accidit, & quod vocamus frigus in corporibus inanimatis, seu extra animam: idque ipsum vocari potest peculiaris corporum status. In hoc vero duo distinguenda sunt, quies nimirum, & implicatio particularum corporis: & huius quietis, aut implicationis, congelationisque causa. Secundum hoc in defectu ignis, aut caloris, & in particulis ipsis salinis consistit, atque frigoris causa existit: primum illud huiusce causæ effectus existit.

161. Particulæ insuper nostri corporis ob easdem causas quiescunt, irretiuntur, & congelari incipiunt. Id ipsum est frigus in corpore, seu causa sensus frigoris in anima. Congelatis corporis partibus, puta nervis, fibris, nascitur in anima dolor, seu incommodus quidam sensus, & perceptio, quam *frigus* in anima nuncupamus. Facta vero jam aliqua partium corporis congelatione, facile concipies, quo pacto enascatur animæ dolor; si animadvertas, eo in statu impeditum ex parte esse spirituum animalium motum; animæ & corporis commercium difficilius peragi, subtilissimos nervorum ramos, & fibras flexibilitatem amittere; fieri ad motum ineptas, facile in partibus ipsis minimis fractiones quasdam accidere, doloris citra dubium causas.

162. Tria igitur habes inter se distincta, quæ &

vocari a te possunt, & vulgo nuncupantur frigus : molestum in anima dolorem : intestini motus, seu caloris defectum, & inceptam congelationem partium : utriusque causam. Singula hæc seorsim, aut simul loquendo sæpe intelligimus. Cum asperum, frigidumque aerem, diem, anni tempus esse audis, aut affirmas : frigus fere intelligimus in tertio sensu usurpatum : nonnumquam etiam in secundo. Primum fere sensum significamus, cum frigore rigere querimur..

C O R O L L A R I A.

163. Quodcumque ex his tribus frigoris nomine intelligas ; satis per se liquet, physicam hanc qualitatem non esse purum caloris defectum, seu negationem. Physicorum enim defectuum, aut statuum, quales proculdubio frigoris sunt, physica etiam est causa. Eorum effectuum præcipuos modo attingemus, ut a posita jam causa deducamus : ab iisque ulterius explicabitur, & confirmabitur asserta hucusque doctrina.

164. I. Dum congelatur aqua, ac proinde frigescit ; majus acquirit volumen. Quanam ratione eo aquæ statu res peragitur ? Respondeo : Intumescere, seu augeri concretæ aquæ volumen ob plurimas aeris bullas, quæ in frigescente aqua compinguntur, & remanent, ut superius diximus. At, inquis, plurimæ e glacie evaporationes, & halitus erumpunt, quos, cum fluidi sint, perturbate moveri necesse est : ergo internæ glaciei partes etiam cientur motu : est tamen glacies frigida, ergo frigus cum insensibilium particularum motu cohæret. Respondeo : Aliquem intestinum motum in aliquibus glaciei partibus, aliquemque proinde calorem existere, superius probavimus : licet hujusmodi motus non liquiditatis, sed caloris proprius sit.

165. II. Cum frigescens aqua congelatur ; tanta vi intumescit, & dilatari nititur ; ut nisi id libere possit efficere, fortissima etiam vasa dilatari impediencia disrumpantur, & in frustra dissiliant. Unde autem ejusmodi aquæ vis provenit ? Eam esse aquæ ingentem, nec nisi a calore impediri ? calefcens enim aqua dissolvitur : dissoluta ea virtute destituitur. Ex

Mont. Phil. Tom. V.

S

alia

alia tamen parte qui fieri, intelligi potest, quomodo calor, hoc est, intestinus particularum motus, eam vim destruere valeat? Quænam tantæ rei causa? Respondeo, phænomeni circumstantiis diligenter examinatis, aliisque rejectis causis, id unum superest, ut ejusmodi effectus & bullarum aeris elaterio, & partium figuræ, rigiditati, duritie, firmitati tribuatur. Equidem aqua aëre expurgata concrefcens, neque dilatatur, neque vasa diffringit (a).

166. III. Experimentum celeberrimum Florentiæ sæpius pari semper successu repetitum secundum assertas causas explicatur. Rei summa est, quod sicut radii luminis aut ignis in speculum causticum incidentes, ad illiusque focum reflexi, thermometri in foco positi liquorem rarefaciunt, & calefaciunt, ita si flammæ loco ponatur glacies, aut nix; thermometri in foco existentis liquor frigescit, condensatur, & descendit. Sicut igitur primum fit per ignearum particularum a speculo ad focum reflexarum emissionem, ita etiam secundum per particulas nitrofas, & salinas peragitur.

C O R O L L A R I U M II.

167. Ex dictis etiam facile statues, quid rei sint, & quonam discrimine distinguantur *frigus absolutum*, ut dicitur, & *frigus relativum*. Primum duo significat. 1. summum frigus, quale forsân non existit in natura. Id vero esset perfecta insensibilium partium quies, & summa earum congelatio: hoc est, perfecta exclusio caloris, & summum illius impedimentum. 2. Magnam quamcumque frigoris intensitatem. Hæc tamen dicitur etiam frigus relativum: quo nomine potissimum intelligimus excessum intensitatis frigoris in uno corpore ad aliud comparato. Hoc unum *relativum* frigus in natura agnoscimus: quo sane, cum infinitos habere possit intensitatis gradus, quodlibet corpus & frigidum, & calidum dicitur, cum ad diversa corpora comparatur.

C O-

(a) *Regnault. to. 4. Entret. 6.*

COROLLARIUM III.

168. Corpora plurima atte frigent, quæ, spectata eorum indole, sunt calida: aliqua ex adverso calent, quæ ex sua peculiari natura, seu partium constitutione, & figura sunt frigida. Primi generis ea sunt, quæ plurimas primigenii, & elementaris caloris particulas intra sese continent, implexas tamen, & motu destitutas; vel his constant particulis, quæ ob soliditatem, figuram, texturam sunt facile mobiles; sed a ramosis quibusdam spiritibus extrinsecus advenientibus implicantur, & ad motum impediuntur. Hujusmodi sunt plurima, quibus utimur, alimenta.

169. Ad secundum genus ea spectant, quorum insensibiles particulae, & elementa ob figuram ramosam, tortuosam, scabram sunt ad motum inepta, & facillime ad quietem reducuntur: vel etiam ea, quæ plurimo nitro, & sale abundant. Duplex enim hic corporum ordo, dum violentè ab externa causa ad intestinum motum concitatur, calet; sed ea causa amota, si libere sibi permittantur, motu intestino in alia corpora translato, frigescunt; cum ad quietem, vel minorem motum eorum partes reducuntur.

§.

Aliqua frigoris Phænomena, Causa, & Proprietates.

I.

170. Præcipuæ frigoris proprietates numerantur quatuor: ad frigidorum corporum contactum frigoris sensum in nobis experitur: minuitur corporum motus, eorumque partes condensantur; neque facile dissipantur, aut in vapores abeunt: ipsa etiam corpora frigore durefcunt. Primum fit, quia frigidi corporis, manui v. g. calidæ applicati, partes intestinum manus nostræ partium motum sistunt, aut imminuunt, & in sese recipiunt: anima igitur imminutum in manibus motum, & calorem percipiens frigoris experitur sensum.

171. Secundum: Calescentis corporis pori calore ampliantur: illius etiam particulae a se mutuo ob intestinum motum dissociantur & vertigine revolutæ, se invicem

S 2

cem

cem angulis, & cupidibus impetunt, expellunt, separant, ut est ex se notum: intestino motu cessante, pori restringuntur, particulae etiam congruentibus faciebus, & sibi invicem appositae subsidunt; corpusque ad minorem molem reducitur.

172. Tertium, & Quartum pari ratione fiunt, & explicantur: cum partes subsidentes secum ipsis implacentur; longe difficilius evolare possunt, cum & minus patentibus sint pori, & aliae ab aliis detineantur. Ex eadem etiam subsidentium particularum catenatione, & mutua adhaesione corporum firmitas, & durities oriuntur, ut suis in locis explicavimus.

PHOENOMENON II.

173. Hinc frigore conservantur corpora a corruptione, & putredine immunia; puta carnes, pisces, olera, arborum fructus, & id genus alia: quae difficilius aestate, quam hyeme; calidiori, quam frigidiori climate a putredine servantur immunia, ut quotidiana nos docet experientia. Loca scilicet sunt, in quibus porcinæ, aliæque carnes nullo sale adhibito per plurimos dies, & menses in cellis penuariis servantur. Me etiam rem prorsus singularem legisse memini a variis scriptoribus relata, apud quos sit fides, insularum Scotiæ a septentrione adjacentium habitatores, posteros suos vita sanctos intra tellurem nequaquam sepelire: sed eos deserto quodam & sacro genti secessu secundum familiarum, & consanguinitatis ordinem disponunt, in series atque anniversaria quadam die religiose invisunt, piisque lacrymis parentant. Aliquid etiam simile de Mexicanis principibus, dum Mexicanum stetit imperium, Hispani scriptores (a); de Aegyptiis Regibus alii referunt.

174. Horum autem ratio est: quia frigore circa se ipsos addensatae retinentur partes: motus intestinalis impeditur. Sine eo motu nulla fit fermentatio, necessaria ad corruptionem conditio. Eadem de causa subtiles corporis spiritus mutuis rigentium partium vinculis impediti, neque a corpore expirant, neque ad motum ex-

ci-

(a) Acosta Hist. de las Indias.

citatur: integra perinde corpora servantur nulli corruptioni obnoxia. Hac enim ratione marcescunt, & corrumpuntur corpora: intimæ eorum partes, si solida sunt, solvuntur: quod quidem interna potissimum fermentatione peragitur. Partibus solutis, subtilior corporis substantia, spiritus, sales volatiles a crassioribus partibus liberæ, ab igne elementari actæ, & rarefactæ sursum in aerem exhalantur. His spiritibus a corpore in partes soluto exhalatis, crassior ejus materia tantum remanet, sese undequaque rupta catenatione solvens, & ingratum ex se se odorem ut plurimum diffundens. Omnia autem calore, hoc est, intestino motu, & ignis elementaris explicatione peraguntur: frigore igitur, & congelatione hæc omnia impredientibus integra servari debent corpora. Exposita superius putrefactionis causa & modus rem totam confrimant. Mirum proinde non est, si alicubi tres, aliis in locis quatuor, in aliis quinque dies effluere opus sit, ut carnes sale non conditæ putrescant. In his tamen ad variam ipsarum carnum, fructuumque structuram attendere necesse est.

PHŒNOMENON III.

175. Æstivo tempore calidioribus climatibus ope salis communis carnes & quamplurima alia a corruptione servantur immunia: particule enim salinæ angulosæ, cuspidatæ, ramosæ per carnum poros ingressæ parietes hinc inde artus vinculis prebendunt, secum ipsis committunt, ad quietem reducunt; fermentationem proinde impediunt, & a corruptione servant immunia. Eo igitur copiosorem salem adhiberi oportet, quo major fuerit caloris intensitas, aut climatis ardor. Humori etiam in causa est, ut carnes, pisces, & id genus alia putrescant: humore sales solvuntur, intimæque partes ab iis vinculis liberæ fermentationi, & corruptioni dant locum.

PHŒNOMENON IV.

176. Cum prima, & præcipua causa status corporis frigidi sint spiritus salini, & nitrosi; eorum potissimum ope frigescent corpora, & liquores præterea in glaciem vertuntur. Equidem si intra aquam calidam, tepidam, aut temperatam salem communem, amoniacum, nitrum,

Et vitriolum solvamus : aquam statim frigescere deprehendimus . Ipsimet spiritus , & sales liquoribus immixti eos in glaciem vertunt . Ea item loca sunt præ aliis frigidiora , quæ copiosiori nitro abundant . Nitrosæ scilicet particulae hamatae , & ramosæ minutissimas aquæ , aut liquoris cujuscunque partes motu intestino agitatae detinent , & catenant : intestinum proinde earum motum perturbant , & minuunt , easque ad quietem reducant , hoc est , calorem destrunt , frigus efficiunt .

Et hinc est , quod ii venti , qui ab altissimis montibus nivæ coopertis , & ab iis , qui plurimo abundant nitro , spirant , frigidissimi sint .

PHŒNOMENON V.

177. Aquæ frigidae , aut tepidae balneo immoderatus corporis calor imminuitur , & ad justam adducitur temperiem ; & inde est , quod homines ratione ipsa , longissimique temporis experientia edocti , ad recuperandam , vel servandam valetudinem balneorum usum adhibent . Si enim aqua sit corpore calidior , cujus poros recludit , & dilatat ; per eos eo pacto apertos plures e corpore erumpunt spiritus , immoderati caloris principium aut pabulum ; & nitrosi etiam balnei spiritus ingrediuntur , qui perturbatum animalium spirituum motum , seu calorem attemperant . Quod si aqua sit corpore frigidior ; massa sanguinis , spiritus animales , & vitales majori , quam aquæ partes , motu agitatae , hujusce motus partem in aquam transferunt , de suo amittunt , interius ignis copiosior , aut magis agitatus , quam in aqua in illam diffunditur : temperatiorique proinde calore gaudet corpus .

PHŒNOMENON VI.

178. Summa hyeme , in qua durissima sint frigora , labia , manus , aures , & aliæ humani corporis extremitates ambiænti aeri expositæ frigore debescunt , & per multiplices hiatus fatiscunt : quod contra frigoris naturam esse videtur : eo enim potius contrahuntur , quam dilutantur corpora . Frigore quidem primo constringitur cutis , auriumque , manuum , & labiorum extremitates , atque superficies ; subterfluentis sanguinis , & spirituum impeditur cursus . Hujusmodi humores

res a libera circulatione impediti, & detenti fermentantur, fermentatione putrescunt: inclusæ in illis aeris particulae amissam libertatem recuperant, in majores moleculas confluunt; & elaterii viribus, atque sese dilatandi conatu fibras rumpunt, cutem dehiscere cogunt, ut majorem in libertatem restituantur. Eadem de causa arbores, & frutices nimio frigore in extremitatibus concretæ in plures subinde, & prægrandes rimas fatiscunt: vehementi enim frigore nimium constriunguntur arborum extremitates, & cortices; unde inclusæ aeris particulae nimium compressæ fortiores acquirunt elasticitatem, qua amplas sibi ad egrediendum faciunt vias; extremas scilicet arboris partes, & corticem has illac rumpendo, separando, dividendo.

179. Hic tamen in curiosorum gratiam, & utilitatem omittendum non est communi in septentrionalibus regionibus malo præsens remedium, licet paradoxum videatur. In provinciis prope polum jacentibus, Laponia, Siberia, & aliis rarum non est, extremos manuum digitorum articulos, brachia interdum integra, nares, aures ob nimium frigus congelari, & a reliquo corpore non citra vitæ aliquando periculum se se, tamquam glacies, rumpendo separari. Communi malo remedium est, concretas frigore partes intra frigidissimam aquam mittere, aut nivæ coopertæ: eo scilicet pacto sanguinis, spirituumque animalium solvitur gelu, redintegrataque humorum circulatione ad functiones animales obeundas intermortua jam membra apta iterum evadunt. Paradoxi remedii causa, & virtus ea esse videtur; quia nitrosi spiritus, quorum ope, & plexu sanguis, atque humores modo supra explicato concreverant, ab aqua, & nivæ imbibuntur, & solvuntur; neque amplius naturales ad circulandum vias sanguini occludunt.

PHŒNOMENON VII.

180. Olera, arborum flores, & teneri fructus, vinearum palmites, parvi, tenerique racemi, & id genus alia magno ingruente frigore marcescunt, & quasi ab igne corripierentur, aduruntur. Intenso enim frigore rigescunt, & gelaſcunt teneræ fibræ; frigore correptæ interfluentes succos detinent, & in glaciem item vertunt; intenso postea, & repentino succedente calore, interclusus parvis in cellulis aer rareſcit; liqueſcant,

& rarefiunt etiam succi, cellularumque parietes, teneras (scilicet fibras, & minutissimos canales diffundunt: canalibus autem contortis, & disruptis, fibris dissectis, succorum attractio, & circulatio, atque nutritio impeditur: marcescere igitur flores, contrahi, rarescere necesse est. Ejusmodi igitur effectus intenso calori ad magnum frigus supervenienti tribui potius debet, quam frigori: si enim intensum frigus moderatus calor excipiat, ut liquefscens paulatim succus oclusos canales lente recludat; nihil mali timendum est; soluto enim paulatim gelu, revirescunt iterum flores.

181. Contra hactenus dicta sequentia opponi videntur. I. Ventus a septentrionali regione spirans in tota Lusitania, & aliis passim regnis, & provinciis est maxime violentus, magnoque cietur motu; & aerem secum rapit; est tamen maxime frigidus: frigus igitur stare potest cum violento partium motu. Respondeo, magno cietur motu, quo ab uno ad alium locum diffitum ingentes aeris massæ, vel etiam tractus transferantur: non tamen magno cietur motu intestino, & perturbato, quo scilicet insensibiles particule aliæ in alias incurrant, & sese versus omnes partes impellant. In secundo autem, non in primo motu frigus consistere diximus, & probavimus. Adde, quod ventus ab arctico spirans parvas secum glaciei particulas affert, quibus etiam frigoris intensitatem in sese anget.

182. II. Frigus corpora potius dilatat, quam in minorem contrahat molem: Periculo sæpius facto a Domino Hughs, Mariotte (a), & a plurimis Regiæ Academiæ sociis (b) tubi ferrei, aut ænei quatuor lineis crassi hermetice utrimque clausi, aqua pleni, vehementi frigori expositi magno cum strepitu sunt disrupti, notabili aperta fissura: quod interiori aquæ ob nimiam frigoris intensitatem, dum in glaciem verteretur, dilatata tribuendum est. Hoc argumentum idem fere est, atque aliud, quod paulo ante exposuimus; quare simili ratione est solvendum.

183. Respondeo: Hujusce phenomenon non frigoris, aut aquæ, sed latentis intra aquam aeris effectum esse.

Pri-

(a) Mariotte de nat. aeris p. 135.

(b) Hist. de l' Acad. 1667. p. 13.

Primo enim si in aqua ab aere expurgata periculum fiat; neque tulli, aut cætera vasa hermetice clausa diffunduntur, neque aqua in glaciem concrescens in majus distenditur volumen. Intra aquam usualement innumerae pene & insensibiles aeris bullæ delitescunt: ejusmodi bullæ nimium compressæ, a subsidentibus aquæ (dum in glaciem vertitur) particulis magna ex parte liberæ, aliæ ad alias confluunt, & sensibilis, majorisque voluminis bullas efficiunt, ut facile est in aqua in glaciem versa observare. Insensibiles hujusmodi particulae dum in eundem confluunt locum, & arcte utrimque comprimuntur, ea elaterii virtute donantur, qua objectos tuborum parietes, velut cancerem diffringant; ut majorem & libertatem, & extensionem acquirant.

184. *Expositæ causæ referendum est, quod aqua concreta majus semper occupet spatium, quam si iterum solvatur: ut videre est in phiala in longum collum deficiente; si aqua ad notatam in collo altitudinem impleatur; postea vero vehementi aeris frigori exposita vertatur in glaciem. Hinc glacies ex aqua non expurgata concrescens est aqua ipsa levior: si ab aqua ab aere expurgata efformetur; erit gravior; quam aqua; cum ad minus volumen extendatur; sitque proinde densior. Porro eam aliquando elaterii intensitatem sortiantur latentes in glacie aeris bullæ, ut vel durissima vasa diffringant.*

185. *Sequens etiam experimentum; alii jam superius relato simile, hucusque dictis non opponitur. Intra stagnantem aquam frigidam vitreum vas frigida etiam aqua plenum immitte, & intra vas thermometer, aptum scilicet ad explorandum frigus instrumentum: cum ad frigoris gradum circumfusæ aquæ proportionatum liquor in thermometro subsederit, accenses carbonis intra stagnantem aquam conjice: liquorem in thermometro statim descendere deprehendes (a), manifestum frigoris effectum, & indicium. Respondeo: Prius calescit, rarescit, & ampliatur tubus, quam hydrargyrum intra illum contentum: quoad igitur non satis caluerit hydrargyrum, illud magis descendere necesse est.*

LECTIO V.

De Caloris , & Frigoris criterio seu mensura ,
hoc est

De Thermometris eorumque usu .

186. Cum ignis & calor universale fere sit principium , a quo materialia corporum phænomena , effectus , vicissitudo peraguntur : multiplexque caloris gradus pro corporum varietate requiratur , ut ipsa aut conserventur , aut mutantur , propriasque functiones edant ; primum inde fuit certam aliquam mensuram querere , secundum quam ignis & caloris statui posset intensitas , & gradus . Virium causæ mensura est illius effectus : cum igitur inter caloris effecta primum habeat locum , & dimensionis sit capax corporum raritas ; in id tandem cogitando devenit , ut vitrei instrumenti ope liquoris in illo infusi raritas , raritatis gradus , & consequenter caloris intensitas dimetiretur . Utile hoc Physicæ caput , cuius communissimus est usus , breviter saltem exponendum est .

DEFINITIO .

187. *Corporis densitas est duplex : absoluta , & relativa : prima est perfecta plenitudo materiæ , hoc est , cum corpus sub proprio volumine tantam habet materiam , quantam habere potest . Densitas relativa est copiosior materiæ quantitas , sub æquali spatio : hoc modo densum relativum , seu densius est corpus illud , quod sub æquali volumine , & spatio copiosior , quam aliud , quocum confertur , habet materiam . Cum materiam , seu massam dico , eam solummodo intelligo , quæ est propria ipsius corporis : alio enim sensu omnia corpora sunt aque densa , si nulla admittamus disseminata vacua .*

188. Cum materia , quæ in corporum potis reperitur , ad corpora ipsa non spectet , vel nulla plerumque sit , si disseminata vacuo admittamus ; id corpus erit magis densum , cuius pororum summa minor fuerit : Id ex adverso erit magis rarum , cuius pororum summa major fuerit , si utriusque volumen fuerit æqua-

quale . Corporum pori pro ipsorum corporum diver-
tate , & textura sunt & numero , & figura , & ma-
gnitudine inæquales , atque diverſi : erit corpus ma-
joribus poris donatum , quod tamen ſit alio denſius ,
cujus pori ſint minores , ſed plures , numero magni-
tudinem compenſante , & excedente . E duobus etiam
corporibus id erit aliquando rarius , quod majores
habeat poros . Ad corporum raritatem , & denſita-
tem nihil refert , ſint necne vacui corporis pori .

D E F I N I T I O .

189. Corporum raritas idem eſt , atque pororum
ſumma ſub dato volumine . Corpus igitur quodcum-
que eſt alio rarius ; ſi ſub æqualibus voluminibus
majorem pororum ſummam habeat , quam ſecundum .
Raritas idcirco major alicujus corporis eſt minor il-
lius denſitas relativa , ſeu minor pororum ſumma .
Raritas perfecta , ſeu ſumma , eſt impoſſibilis ; eſſet
corpus ſine materia . Corpus dicitur condenſari , cum
eadem in ipſo manente materia , ad minus volumen
redigitur . Dicitur vero rareſceri , cum ad majus vo-
lumen diſtenditur , quin nova illi accedat ejuſdem
generis materia : liceat hoc per materiam externam
in corpus ingreſſam peragatur .

P R O P O S I T I O X V .

190. *Rareſcunt corpora per majorem pororum ampli-
tationem , aut numerum , aut utrumque ſimul : conden-
ſantur per eorumdem pororum contractionem , obſtruccio-
nem , aut utrumque .*

Corpus enim vero quodcumque datum v. gr. digi-
tus cubicus auri , cujus pori numero , aut capacitate ,
aut utroque ſimul de capite augeantur , proculdubio
rareſcit : cum aucto ejus volumine propria non au-
geatur materia . Id vero eatenus ſere ſemper fit ,
quatenus circumſtantium corporum particulæ , & ſub-
tilia ramenta in corpus agunt , illius poros ingrediuntur ,
hinc inde diſcunt , & dilatant , vel novas ſibi
per medium ipſum corpus aperiunt vias . Quod ſi huius-
modi particulæ extenſæ , ſeſe ab iis carceribus liberent ,
& poros egrediantur , quin aliæ in earum locum ſuc-
cedant ; rarefacti corporis partes , extremitates , &
po-

pororum ipsorum parietes in evacuatos jam poros proprio pondere relabuntur ; contrahuntur , vel minuuntur ipsa foramina ; sublidunt partes , & diducti modo parietes alii in alios recumbunt , totumque corpus evadit densius . Hoc autem pacto rarefcere , aut condensari corpora , nullus inficiatur : rem præterea docet experientia . Notissimum est , corpus igni admotum , & ab actione ignis incalescens sensim dilatari : ejus poros ab igneis particulis impetu huc illuc immixtis recludi , totumque deinde corpus in majus volumen extendi : circumstantium etiam corporum , aut aeris humor effectus producit non dissimiles .

191. Corpora elastica ab externa causa compressa , aut diducta , cum sibi ipsis postea relictæ ex elaterii viribus restituantur : ob easdem etiam vires rarefcunt , aut addensantur . In reliquis corporibus , potissimum vero in omnibus fluidis , cum rarefcunt , aut condensantur , argumentum id est effectus , & mensura aucti , aut imminuti caloris . Liquores intra vitreos tubos contenti ab ea una causa dilatantur . In thermometri inventionem sponte hæc mentem deduxerunt .

DE THERMOMETRIS .

192. Quoniam frigore densantur corpora , fluida potissimum , & imprimis aer , calore autem expanduntur ; neque tactus ope dignosci exacte potest , ad quos frigoris , & caloris gradus corpora ascenderint ; Instrumenta aliqua meditati sunt philosophi , quibus citra erroris periculum caloris , & frigoris decrementum , & intensiōis gradus dignoscere facile possent , & ea in humanos usus convertere . Ipsa vero instrumenta ex peculiari , ad quem serviunt , fine *Thermometra* , seu *Thermoscopia* nuncupantur . Sunt ea multiplicis generis , & formæ , & perfectionis etiam variæ , pro diverso eorum , qui ea invenere , ingenio , & indole . Quæ enim sunt primo inventa , ut humanarum rerum fert conditio , & pluribus erroribus obnoxia , & prorsus inutilia esse usus comprobavit . Sunt igitur *Thermometra* apta ad caloris , & fri-

frigoris gradum, incrementum, & intensionem dignoscendum instrumenta.

THERMOMETRUM DREBBELIANUM.

193. Cum aer omnium corporum facillime obmutatum calorem rarefeat; sitque continuis raritatis; & densitatis variationibus maxime obnoxius; ut ille dignoscendo caloris, & frigoris discrimini inserviret, sequens Thermometrum excogitavit *Drebbelius*: Sit tubus vitreus ABC superne in sphaeram vitream cavam desinens (fig. 24.) deorsum autem in A apertus, & in vas item apertum A, in quo fluidum aliquod existat, immittatur. Anthliæ pneumaticæ ope aliquid aeris ab sphaera C prius extrahatur: tum fiat, ut liquor stagnans A aliquantulum per AB ad B v.g. ascendat, ad eamque altitudinem sistat: quamprimum igitur augeatur calor, illico internus aer, in sphaera C inclusus, incallescens dilatabitur; cum autem dilatari non possit, quin per tubum CB deorsum extendatur, fluidumque deprimat; ab eo tubo liquorem versus A detrudit, & eo magis descendere cogit, quo major fuerit calor, & consequenter interni aeris rarefactio. Si igitur in tubo CB notetur punctum, ad quod descendit liquor intensissimo æstatis calore, vel intra ebullientem aquam immissus; aliudque insuper punctum notes, ad quod intra glaciem ascendit liquor; maximi caloris, & frigoris habebis indices: spatium inter utramque notam medium in æquales partes divisum caloris, aut frigoris monstrabit gradus.

194. Hujusmodi thermometrum multiplici de capite rejicitur tamquam inutile: primo enim etiam liquor in vase aperto A calore dilatatur, & per tubum ascendit, aeremque impedit, ne in tubo secundum caloris gradus rarefiat. 2. Vario etiam atmosphæræ ponderi, & inconstanti gravitati subest fluidum A, unde multoties fiet, ut aer C maximo afficiatur calore, & rarefcere, & deorsum nitatur extendi, cum atmosphæræ pondus sensibilibiter auctum liquorem per tubum AB magnopere urgeat, & actionem aeris insigniter impediat: unde etiam minorem, quam reapse sit, caloris gradum monstrabit. Pluri-

bis

bus aliis capitibus, quæ prætermitto, descriptum modo thermometrum merito rejicitur.

THERMOMETRUM FLORENTINUM.

195. Academici Florentini, perspectis, quæ modo retulimus, prioris thermometri vitiis, aliud excogitarunt, illo quidem longe perfectius, suis tamen defectibus obnoxium. Sphæræ vitreæ A hermetice utrimque clausæ communicans tubus B committitur superiori parte apertus. In sphæram deinde & tubum usque ad quamdam altitudinem AB cælo maxime temperato rubrum spiritum vini infundunt, (qui facillime calore dilatatur, aptusque proinde est ad minimas etiam caloris mutationes indicandas). Tum vero tubum ex superiori parte C hermetice claudunt. Instrumentum ita paratum tabulæ affigunt; illudque tabulæ affixum ex puncto B incipiendo, sursum & deorsum in partes æquales dividunt, ad maximos, medios, minimos caloris & frigoris gradus indicandos. Hujusmodi divisio in charta tabulæ conscripta, & tubo apposita notatur. Liquore ad Bistente, temperatus est calor: si deorsum contractus descendit, imminuti caloris, & frigoris aucti indicium est: contra vero si sursum ascendat vini spiritus (fig. 25.)

196. Hoc etiam thermoscopium suos patitur defectus: 1. Enim spiritus vini, si intensum sit frigus, quale in regionibus multum septentrionalibus viget, gelascit, ut non semel in Lapponia experti sunt *Le Monier*, *Maupertuis* & alii academici (a), sitque proinde observationibus ineptus: neque enim intensius atmosphæræ frigus, & multo minus intensissima illa, quæ arte aliquando fiunt, explorari possunt. 2. Temperato solummodo dignoscendo, & dimetiendo calori inservit; nam spiritus vini omnium fluidorum facillime ebullit, fervet, & quam potest maxime rarefcit; diversos igitur caloris gradus, quibus ut alii ebulliant ferventes liquores, opus est, hujus thermometri ope dignoscere, & metiri non possumus. 3. Aer in superiore tubi parte relictus frigore etiam densatur, & sursum contrahitur, calore dila-

(a) *Maupert. voyage au Nord &c.*

dilatatur, deorsum descendit, ascendentemque vini spiritum retardat, & impedit. Minus igitur, quam par erat, ut exacte caloris gradus indicarentur, liquor ascendit. Si enim pars tubi BC esset aere vacua; facilius multo spiritus vini ascenderet, & caloris gradus exactius demonstraret.

197. 4. Ipsa etiam sphaera vitrea, & tubus frigore contrahuntur, calore dilatantur, minusque proinde spiritus vini ascendit, quam si eandem semper capacitatem haberent. 5. Labente etiam tempore vini spiritus plurimum desecatur, non parum de sua elasticitate, & liquiditate amittit, neque tam facile calore rarefcit, & dilatatur.

THERMOMETRUM FARENHEITIANUM.

198. Ut hisce & aliis defectibus remedium afferatur, & instrumentum, quo fieri possit, perfectius construat; loco spiritus vini hydrargyrum adhibetur: quod in glaciem naturali frigore numquam vertitur: (artificiali enim eo jam Petroburgi perventum est, ut illud tandem gelasceret) (a). Præterea omnium fluidorum difficillime ebullit, & fervet: esseque proinde ad omnes cum frigoris, tum caloris gradus dignoscendos, & dimetiendos aptissimum. Deinde antequam in tubum infundatur, interno purgatur aere, quo omnia scatent fluida: ita purgatum facilius & frigoris, & caloris actioni, & viribus cedit. Loco sphaeræ capacior cylindrus A tubo BC hermetice committitur: eo enim pacto plura thermometra confici possunt similia, & æqualia; facilius enim cylindrus cylindro, quam sphaera sphaeræ construitur æqualis (fig. 26.)

199. Ratio id thermometrum construendi est huiusmodi: vitreo instrumento parato, per aperturam C in tubum & cylindrum tantum hydrargyri infunditur, quoad thermometro nive circumdato hydrargyrum ad quartam tubi partem pertingat, & consistat. Ejusmodi igitur punctum B naturale frigus glaciei & nivis indicat, & numero 32 notatur. Thermometrum deinde in aquam ebullientem immittitur;

pun-

(a) Saintignon. tom. 3. pag. 352.

punctumque v. g. D, ad quod hydrargirum elevatur, quod ea propter calorem indicat ebullientis aquæ, numero 212 notatur. Intermedium spatium DB in partes æquales 180 divisum; mediorum etiam caloris graduum scala existit. Pars inferior tubi a B usque ad cylindrum in 32 æquales partes similiter dividitur, numerique naturali ordine decrecentes. iis apponuntur usque ad zero, 0, quæ nota est summi frigoris Islandiæ. Summum ergo frigus est, 0; frigus glaciæ est 32, calor aquæ ebullientis est 212, calor hydrargiri fervere incipientis est 600. Nonnullos cæterorum corporum caloris, aut frigoris gradus superius attuli. Si accadat aliquando, ut aqua intenso quodam frigore non gelascens, mitiori nonnumquam gelascat, id quod observatum jam fuisse affirmat *Marvaldus* (a); phænomenon huculque dictis non opponitur. Neque enim congelationem summum naturale frigus dicimus in multiplices, & æquales partes divisa, ut crescentis frigoris, & caloris gradus designentur. Unum e relatis supra defectibus patitur descriptum, seu emendatum hac ratione thermometrum, quod nulla hætenus industria vitari potuit: quod scilicet, & capacior cylindrus, & tubus gracilior calore ampliuntur, frigore contrahantur, exactamque proinde frigoris, & caloris graduum mensuram impediunt. Thermometrum hoc modo constructum, seu potius emendatum *Farenheitianum* dicitur, propterea quod *Farenheitii* opera, & industria ad eam perfectionem sit perductum.

200. Duo ad calcem animadvertenda sunt: primum; ut caloris gradus exactissime numerari, & dignosci possent, ad eos scalæ gradus adducendum esset hydrargirum, in quorum alio nullus, in alio maximus indicaretur calor: quod fieri non potest; cum neque hydrargirum, neque circumstantia corpora omni privari possint calore. Neque etiam exploratum est, utrum ad maximum calorem possit adduci. Secundum: Duplum hydrargiri ascentum non esse dupli caloris indicium; quo enim magis rarefcat corpus, difficilius distenditur: dupla proinde distensio plusquam du-

(a) *Hist. de l'Acad.* 1722.

duplam caloris vim requirit : Qua tamen p. oportio-
tione id negotii fiat, ignotum est.

201. Thermometri Farenheitiani constructio divisio-
nem graduum habet arbitrariam; neque certum ha-
bet a natura terminum, unde veram mensuram gra-
duum caloris desumamus. Instrumenti igitur perfici-
endi gratia *Christin* reg. & *Lugdunensis* societatis so-
cius re diligenter perpensa, plurimisque experimentis
factis, thermometer tandem illud hac ratione per-
fecit. Primo quidem experiendo comperit volumen
hydrargiri frigore glaciei correpti esse ad volumen
eiusdem in aqua ebulliente positi, ut 66, ad 67: si
igitur hydrargiri volumen in priori illo statu partes
habeat 6600, in secundo habebit 6700. Spatium igitur
CD inter utrumque terminum in 100 partes æ-
quales divisum gradus caloris a glacie ad ebullientis
aquæ calorem demonstrat. Infra punctum C (fig. 27.)
æquales pariter gradus notantur; sicut etiam supra
punctum D: primi quidem frigoris glacie intensioris,
secundi vehementioris, quam in aqua ebulliente, ca-
loris indices sunt. Si instrumenti capacitatem exa-
cte exploratam habeamus; thermometer ex noto
solummodo illorum terminorum altero construi po-
test.

202. Missas facio plures alias thermometri species,
quæ suorum auctorum nominibus distinguuntur, &
passim circumferuntur. In huiusmodi instrumentis
perficiendis operam præter alios impenderunt *Halley*,
Newton, *De l'Isle*, *Prins*, *Boberave*: præcipue au-
tem *Amontons*, & *Reaumur*. Quæ postremum hunc
habent auctorem, cæteris sunt celebriora, & accu-
ratissime constructa: eorum structuram, formam & con-
struendi rationem lege apud auctorem ipsum, ad quem
lectorem remitto (a).

203. Circa Thermometrorum usum unum aut al-
terum notandum est: si plura unius, vel diversorum
authorum thermometra in eodem loco & secum ipsis
conferantur; fieri potest, ut non eundem caloris
gradum indicent, si thermometra ipsa sint dissimilia,
inæqualia, aut diversum contineant liquorem: Alius
enim

(a) *Mem. Acad.* 1730. p. 452.
Mont. Phil. Tom. V.

enim alio facilius eodem calore dilatatur. Quare eodem semper, aut similibus, & æqualibus thermometris instituendæ sunt observationes.

204. Secundum: Ut aeris, seu atmosphæræ statum, & temperiem quoad calorem, & frigus dignoscas; non intra cubicula, & clausa conclavia, sed aperto sub cælo disponendum est instrumentum: intra cubicula parieti affixum, quæ intra cubiculum, non quæ atmosphæræ sit temperies, indicabit. Quod si thermometrum a cubiculo ad liberum aerem, aut vicissim transferas; quod in singulis hisce locis sit calor, & frigoris discrimen, dignosces. Neque etiam omittendum est, thermometra ad illos non affigenda esse muros, qui ob latentem caminum, vel hujusmodi alia plus, quam externus, & liber aer, calor habet.

205. Tertium: Ea etiam loca vitanda, quæ lucis solaris reflexioni obnoxia sunt: neque etiam ad solem exponatur thermometrum, candelæ præterea lux amoveatur; cavendum tandem ne inter observandum aut manus thermometrum, globum præcipue, contrectet, aut oris flatu illud multoties foveatur: in singulis enim hujusmodi calibus ab alia causa præter externi, & ambientis aeris calorem rarefcit spiritus, & alium, ac in atmosphæra existat, calor gradum index monstrabit.

DISSERTATIO

DE ELECTRICITATE ARTIFICIALI

ET MATERIA ELECTRICA.

206. **N**Ullum in Physica argumentum est, quod hisce temporibus sit æque commune, atque omni fere hominum generi æque notum, familiare, parique studio cultum, ac *Electricitas*, quam modo exponendam aggredimur. Argumentum quidem, si nominis tantum rationem, aut prima rei ipsius fundamenta, atque imperfectissimam ideam spectemus, antiquum: cum vis tantilla attrahens electri veteres philosophos non prorsus latuerit: re tamen novum. Ex una enim parte nihil præter nomen Electricitatis, & vim electri, qua paleas aut levissima aliqua corpuscula circa se posita ad se attraheret, veteres agnoverunt; ex alia vero eo, quo vivimus, sæculo tot a philosophis detecta, probata, & demonstrata sunt nova, mirabilia utiliaque Electricitatis phænomena, eoque res est perducta, ut non philosophi tantum in musæis experimenta Electrica instituunt, promoveant, examinent, & studiose prosequantur, verum quamplurimi etiam sint, qui privatis domibus eadem experimenta repetant. In omnibus fere conversationibus de hisce rebus sermo instituitur: hominesque sunt, qui Electrica machina sibi comparata provincias, & civitates circumumeant atque in frequentioribus urbium foris pacta mercede Electrica spectacula populo exhibent, & communia experimenta vicatim etiam repetunt.

207. Ne igitur physico in opere amplissimum hoc, & celeberrimum desideretur argumentum; rem totam

qua potero claritate exponam. Methodi causa dissertationem in duas dividam partes. In prima quid *Electricitatis*, & *Materiae Electricae* nomine intelligamus, hujusce studii progressum, & praecipua omnia experimenta, phaenomena, & proprietates, quas hactenus in re praesenti agnoscimus, in medium afferemus. In secunda autem quid circa eorundem effectuum causam tenendum sit, aut Philosophi hactenus cogitaverint, exponemus, totiusque rei theoriam in compendium redigemus, & phaenomena secundum ejusdem theoriae principia explicabimus.

P A R S P R I M A.

De Electricitatis, & materiae Electricae notione, Phaenomenis, & Proprietatibus.

D E F I N I T I O.

208. *Materia Electrica* nomine intelligimus subtilissimam quamdam, fluidissimam, atque mobilissimam materiam, quae producit omnia phaenomena, atque effectus Electricitatis, *attrahit, repellit, lucet, scintillat, calescit, incendit, inflamat, & fundit* etiam corpora. Hujusmodi sunt effectus, quos multiplici experimento ab illa materia produci ediscimus, ut statim ordine prosequemur. Eandem praeterea materiam esse ubique diffusam, omniaque fere corpora facillime pervadere, ex ipsismet experimentis edocemur. Aliam nos ejus materiae definitionem dare non possumus, nisi per effectus, & proprietates, quas cum postea evincamus, plane constabit datae definitionis veritas.

D E F I N I T I O.

209. *Electricitas* duo potissimum significat, effectus nimirum, & actiones materiae seu virtutis electricae, & vim ipsam, qua corpora electricata, seu materia electrica praedictos effectus producit. Qui sint hujusmodi effectus, modo recensuimus, & inferius demonstrabimus. Electricitas in posteriori sensu est communis illa plurimorum corporum proprietas, status, atque virtus, qua ipsa corpora, certa quadam praepa-

paratione præmissa, omnes relativos effectus produ-
cunt. Electricare igitur corpora, liceat in re nova
voces etiam cudere novas, est *materiam electricam*
corporibus communicare, aut in iis excitare, seu cor-
pora ad eum statum adducere, quo Electricitatis phæ-
nomena edere possint. Habes quid nominis sit propo-
sitionem nobis argumentum. Quid illud rei sit, quo ve-
pacto illa hætenus fuerit promota, deinceps aggre-
diamur.

ANNOTATIO HISTORICA.

310. Ambarum, Succinum, seu Electrum minuta
aliqua & levia corpuscula v. g. paleas, pennas & a-
lia similia ad se attrahere, & a se repellere, veteres
agnoverunt, eamque vim a græco vocabulo ἤλεκτρον E-
lectricitatem nuncuparunt. Unus ille erat effectus, quem
huiusmodi vi tribuerent antiqui, eoque nomine signifi-
carent, & cum rem ipsam curiosus non indagarent,
neque experimentis promoverent, non modo reliquos om-
nes Electricitatis effectus ignorarunt, sed ipsos etiam
latuit, huiusmodi virtutem aliis ab electro inesse, aut
communicari corporibus. Per plurima sæcula mirabilis
hæc Physicæ pars jacuit inculta. Nonnihil Fracastorum
de illa attrahendi proprietate in electro attigisse lego;
parum tamen progressus eam aliis reliquit colendam.
Primus rem hanc sub elapsi proxime sæculi initium do-
cte, & diligenter aggressus fuit Gilbertus, Medicus
Anglus, & Philosophus, ut illa erant tempora, illu-
stris. Argumentum sedulo tractando, quam plurima,
ab eo detecta, antea penitus ignota. Plurimis diversi
generis corporibus examinatis, invenit, non modo am-
barum, succinum, & electrum, sed quamplurima a-
lia electricitate, seu vi minuta corpora attrahendi esse
prædita, nominatim vero illam animadvertit in ada-
mantibus, & omnibus fere aliis gemmis, talco, gum-
mi, arsenico, sulphure, resina. Dum hæc omnia scrup-
ulose observabat, duo animadvertit, prædicta corpora
non tantum paleas, aut plumas, ut de Ambaro, seu
Electro crediderant antiqui v:rum etiam omnia alia cor-
pora levia iis admodum attrahere: Corpora deinde ele-
ctrica, in quibus nimirum vim attrahendi deprehende-
rat, non æqualem semper, atque constantem vim habe-
re. Eoque tandem teniando, & observando venit, ut

cognosceret corpora electrica, in quibus factum fuerat periculum, frictione opus habere, ut vim suam atque effectus electricos producerent: intensiorem esse eorundem corporum virtutem, quo ipsa magis essent sicca (a) Prima hæc erant, atque rudissima electricitatis fundamenta.

211. Post Gilbertum vixit, & floruit Des-Cartes. Ab homine naturalium scientiarum instauratore, mirum esset, hoc etiam argumentum non fuisse attactum. Mirabilius tamen, eas ab illo tradi electricitatis proprietates, effectus, & explicationes, quæ ætate nostra illustrem aliis peperere gloriam. Vitrum esse maxime electricum: ab hac materia levia corpuscula attrahi, & repelli: ab igne elementari illam non distingui: influentem, & effluentem materiam hac in re intervenire, non obscuræ sunt Cartesii sententiæ (b). Plurimis a Cartesio elapsis annis, Otto Guericke Consul Magdeburgi, Robertus Boyle, Honoratus Fabry rem electricam feliciter promovere. Quatuor imprimis Guericke debemus, quæ ad consequentia deinde inventa stravere etiam. 1. Sulphureum globum paravit, eoque frictione excitato atque revoluta, prima machinæ electricæ fundamenta posuit. 2. Hujusmodi globo præter alia observavit corpora electrificata non tantum attrahere, sed etiam repellere: corpusculum a globo attractum, post contactum repelli, & si dum repellitur, in corpus non electricum impingit, iterum ad globum attrahi. 3. Globum electrificatum, axi ad horizontem perpendiculari, per cameram deferrebat, qui quidem globus leve corpusculum in aere sustinens una secum circumducebat. 4. Dum tandem experiendi gratia diversa corpora globo admovebat, id etiam comperit, vim electricam a globo per corpus ipsi admotum ad ulnæ distantiam transmitti.

212. Eodem ferme tempore Boyle potissimum assiduitate, labore, ingenio compertum est, primo, corpora non qualicumque calore electrificari, sed frictione, seu calore ex frictione genito. Secundo, Corpus jam ab igne calidum longe facilius, atque efficacius electricum fieri.

(a) Transact. Philos. ad ann. 1767. vol. 57.

(b) Principior. par. 4. n. 24. ad 33. n. 84. 85.

feri, vimque electricam in illo excitari, quam si frigidum fricetur. Tertio, vim Electricam etiam in vacuo conservari, suosque illic effectus edere. Quarto denique vim electricam ab aliis ad alia corpora transmitti, ac communicari, & corpora vim illam ita accipientia etiam attrahere, repellere &c. (a)

213. Florentinis etiam Academicis aliqua debemus experimenta. Compertum ab iis fuit ambarum pariter attrahere, & attrahi, repellere & repelli, mutuasque proinde esse electricorum corporum actiones & effectus: ab eodem ambaro trahi fumum, non tamen flammam: ejus virtutem a frigore non destrui; omnesque tandem liquores ab ambaro attrahi.

214. Phænomena hucusque relata a tempore Roberti Boyle, ab annis scilicet 80. & amplius, Physicis omnibus erant nota: electricitatis tamen studium extra privata eorum musæa non producebatur, dicique illa possunt prima Electricitatis fundamenta, atque Epochæ. Multo post tempore eidem studio operam dedit Hauksbæe, Londinensis Socius, antiqua experimenta, & nota phænomena iterum, & diligentissime quidem examinavit, in bene multis correxit, quamplurima antea penitus ignota observavit, & totum hoc argumentum mirum in modum promovit. Anno 1709. tractatum de Electricitate edidit, in quo plurima amænissima, & ingeniosa experimenta a se ipso instituta proposuit, quibus de re Physica bene meretur. Post Hauksbæum magno animorum ardore eadem experimenta instituerunt quamplurimi Philosophi, imprimis vero Gray Londini (b), Parisiis & alibi Du-Fay (c), Weler, Nollet, le Monnier, Muschembroek, Gordon, Boze, le Roy, & innumeri fere alii, qui per omnem fere Europam maximo studio rebus Electricis operam navant.

215. Hujusce animorum contentionis, & ardoris causa fuit detecta demum rei ipsius utilitas, necessitas, amplitudo. Materia electrica, quæ primo curiositatis, & oblectamenti existimabatur argumentum, utile postea inventum est, & sæpe etiam necessarium. In vegetan-

tium

(a) Boyle de Mechanica Electricitatis productione.

(b) Transact. Philosoph. n. 366. 417. &c.

(c) Mem. de l'Acad. Royale an. 1734. 1737.

tium nutritionem, in animalium æconomiam, in morbos, & valetudinem, in omnia atmospheræ phenomena agit materia electrica. Ut postremum hoc caput, naturalem scilicet electricitatem in Aerometria, & Geographia Physica fuisse tractatum, modo omittamus; electrica materia, & electricificatio nutritionem, & vegetationem promouet. Rem experimentis confirmant Jallabert, & Nollet: primus varia narcissi, & jacinthi caepe diversis vasis vitreis aqua plenis, ut moris est, immisit: & cum germinarent jam omnia, essentque & vasa, & aqua, & germina, cæteraque prorsus paria; aquam in aliquibus ex hisce vasis contentam medio filo metallico electricificabat. Cum hoc unum in vasis. aqua; germinibus, floribus tractandis fuerit discrimen, id unum satis fuit ut electricificata caepe, germina, flores citius, uberius, feliciter provenirent. Parem habuit exitum Nollet: experimentum in Sinapi seminibus institutum. Gemina e seminibus per aliquot dies sæpe electricificatis provenientia 16. lineas erant longa, cum 3 tantum, aut 4 lineas alia discenterentur.

216. Quod morbos, & valetudinem attinet, tentatum sæpe, & tunc desideratum problema, solvit tandem Jallabert. deinde vero Sauvages, & alii. Genevensis quidam clavium fater, cognomine Noques, 52. annos natus, a longo jam tempore dextrum brachium paralyti correptum habebat. Hominem tentaminis gratia a die 26. Decembris ad totum februarium in diebus fere singulis per dimidiam horam electricificavit Jallabert. Intra id tempus sanitas homini fuit adeo restituta, ut ferream subscudem longam, magnæque ponderis ab uno extremo a repta manu dextra elevaret: similia multa Montipessulano pari exitu peregit Sauvages (a), & in Anglia Edwardus Spry: adeo ut materiam electricam aptum paralisis remedium esse dubitare amplius non possumus.

217. Peculiari inter cæteros commendatione dignus est Benjamin Franklin, qui Philadelphia in America omnium hactenus industriam superavit. Plurima nova atque mirabilia invenit, præcipue vero maximam analogiam inter materiam Electricam, & materiam fulmi-

(a) l'Electricisme du P. Paulian pag. XLV. &c.

minum, aliorumque metheororum igneorum, quorum natura, causæ, origo, & phaenomena ex aliis principiis hætenus præbantur. Cum nova hinc in Physicam, & causas naturales hominibus plerumque noxias lux oriretur, eaque propter Electicitatis studium non jam ab hominibus existimaretur tamquam & pura naturæ contemplatio, philosophis digna, humanae societati infructifera, atque inutilis, sed ab omnibus tandem hominum ordinibus tanquam augmentum humanae societati utile; mirum est quoniam a dore Frankliniana experimenta, & nova inventa in Europa etiam instituerint, & rem ulterius promovere studuerint Parisiis quidem Buffon, Lor, Daliward, Italæ P. Beccaria (de hisce rebus optime meritis) & alibi alii quamplurimi, quibus etiamnum hæc studia insigniter promonentur.

218. Ex materia Electricæ proprietatibus, phaenomenis, atque effectibus, quos modo agnoscimus, plurima quidem casui fortuito, ut plerumque fit, multa etiam Physicorum industria, & solertia debemus. Materiam Electricam esse verum ignem, aut saltem effectus ignis producere perinde etiam agere, ac materia fulminis, ad primum ordinem pertinent: quomodo autem huiusmodi virtus exciteur, quo pacto transmittatur, atque communicetur, intendatur, remittatur, & destruatur, quæ corpora sint Electrica, quæ huiusmodi virtute careant, & alia ejusdem generis multa ad secundam classem spectant.

219. Postquam philosophis innotuit, vim Electricam in corporibus frictione excitari, contactu communicari, & communicatam transmitti; facile fuit, eam invenire, & construere machinam, qua maximo laboris atque temporis compendio corpora fricarentur, iisque alia adjungerentur, quibus vim electricam transmittere possemus. Physici primo ad experimenta Electrica instituenda vitreum tubum adhibebant, cujus longitudo erat trium circiter pedum, diameter unius pollicis cum dimidio, crassitudo duarum fere linearum: eumque manu bene sicca secundum longitudinem fricabant. Laboris & molestiæ vitandæ, & temporis compendii causa in locum vitrei tubi manu tractandi globum cavum vitreum, aut capaciorem alium ejusdem materiae tubum, ope machinae velociter circumvolvendum adhibuerunt, cujus æquatori manus applicantur. Diameter globi est unius circiter pedis, crassitudo vitri duarum fere linearum.

nearum, seu unius cum dimidia. Totam machinam (fig. 28.) repræsentat: ejus partes, & dispositio multiplici ratione variantur. E G est globus vitreus concavus, minus circiter pedis diametri (licet hæc magnitudo variari possit): supra axem & polos facillime volvi debet. Illius loco adhibetur etiam ejusdem materie cylindrus. Vitrum aliis materiis præfertur; quia experientia probante, facillime & efficacissime omnium corporum frictione electrificatur. Friccio ad vim excitandam optima, fit manibus in parte E, quæ & arida sint oportet, & secundum palmas globo velociter convoluta supra æquatorem applicari debent, ut cum illo congruant. Cætera quæ ad machinam & multiplicem illius dispositionem, partes, partiumque munera, effectus, rationem spectant, ordine dabimus. Prius tamen animadverto, experimenta, quæ afferam, desumpta potissimum esse ex D. Franklin, Gray, le Roy, Hawksbee, du Fay, le Monier, Nollet, Beccaria, Muschembroek, & Parisiensibus Academicis, quos jam nominavi: eaque omnia videri ab omnibus facile possunt in actis Academicis, & in peculiaribus operibus; litteris, tractatibus, aut dissertationibus a citatis modo Auctoribus in lucem editis.

§.

Simpliciora Electricitatis phænomena, & observationes.

220. Non melius nos rerum Electricarum ideam tyroni philosopho dabimus, quam si phænomena ipsa gradatim, eoque ordine proponamus, quem Philosophi in tentaminibus suis, atque experimentis instituendis, natura, & ratione ducibus, tenuere. Prius scilicet faciliora illa tentamina, experimenta, atque phænomena proponendo, quæ humanæ menti veritatem quærenti viam sensim sternerent ad altiora. Hoc pacto occurrerent: non solum vim Electricam ejusque proprietates, atque phænomena ediscemus, quod caput est, verum etiam ipsommet humanæ mentis in rebus hisce inveniendis progressum animadvertemus.

221. Primo cum non tantum Electrū, sed aliqua alia corpora vim electricam habere animadvertum fuit;

fuit ; in animum sublit in omnibus corporibus periculum facere , ut quæ tandem corpora hujusmodi proprietatem haberent , exploraretur . Corporibus igitur aliis & aliis paullatim ad periculum adductis , manuque , aut alia ratione affrictis , compertum est , 1. aliqua esse corpora , pauca illa quidem , quæ effectus electricos attractionis citra ullam frictionem ederent : cujusmodi est *Electrum* , *Ambarum* , *Succinum* : quæ tria licet ab aliquibus confundantur , sunt tamen natura diversa . Ex prima hac observatione , quæ antiquissima est , duo præter alia per sese inferuntur : Primum , vim Electricam naturalem , prout vim attrahendi corpora significat , reapse existere in natura : Secundum , frictionem corporis non esse per sese & prorsus necessariam ad vim electricam , ejusque effectus (aliquos saltem) excitandos , & producendos : & aliqua simul esse corpora , quæ citra ullam hominum artem , & industriam sunt electrica .

222. 2. Alia corpora frictionis capacia (si pauca mox indicanda excipiamus) esse electrica , vim tamen , & phaenomena electricitatis non edere , nisi fricentur . Hujusmodi nominatim sunt omnes pretiosi lapides , *Adamantes* , *Carbunculi* , *Saphyri* &c. *Vitrum* , *Chrysellus* , corpora omnia in vitrum aliquo modo verla , *Malthæ vitreæ* , omnia *balsama* , *resinæ* , *pices* , *gummi* , *cera* , *bitumina* , *sulphur* , *gagates* , *asphaltes* , *filum sericum* , animalium pennæ , *crines* , *lana* , *capilli* & omnium animalium *pili* &c. hæc , inquam , & plura alia corpora electrica esse deprehenduntur , eam tamen virtutem solum post frictionem exerunt .

223. 3. Aliqua sunt corpora , quæ neque indole , atque ingenio suo , neque calore , & frictione excitata , & tractata electricitatem aliquam edunt : eaque sunt omnia *metalla* tam perfecta , quam imperfecta , & omnia fere mineralia v. gr. *Jaspis* , *marmor* , *magnes* , *agatha* , *ardosia* , *saxa* , *antimonium* , *zincum* , *Aqua* , & omnes alii liquores frictioni impares : omnia *animantia* , præcipuæque illorum productiones , aut partes , *puta* , *ossa* , *dentes* , *coria* , *pergamenum* , *ebur* , *cornua* , *squammæ* , *conchilia* ; omnes denique *plantæ* *viventes* , & plurima ab iis provenientia , qualia sunt *papyrus* , *tela* , *filum* , *chordæ* , & alia hujusmodi , quæ omnia quantumvis calefiant , & fricentur , aut nul-

lum

lum omnino (quod communius est) aut vix sensibile electricitatis indicium edunt.

224. 4. Hæc tamen corpora , quæ nullam calefactionem , aut frictionem electricitatem acquirunt , aut illius indicia , effectusque edunt , ab aliis corporibus , quæ frictione electricantur , vim etiam electricitatis accipiunt , illamque in alia corpora transmittunt , si illis , dum fricantur , sint contigua .

225 5. In corporibus citra ullam frictionem electricis hæc duo observantur ; 1. eorum vim atque effectus , quandiu frictione , aut calefactione non excitantur , esse debilissimos ; cum ad levissimas solum paleas , & alia similia attrahendum extendantur : 2. facile tamen eorum electricitatem excitari , intendi , & insignia edere phaenomena , si accedat frictio .

COROLLARIUM.

226. Corpora igitur omnia ad Electricitatem relata in duplici ordine & classe ponenda sunt : imo & duplex distinguenda est electricitas ; alia quidem *Naturalis* , *artificialis* verò altera : primam illa habent corpora *ambarum* , *electrum* , *sulphur* vitreo poculo fustum , quæ paleas , & levia alia corpuscula attrahunt citra ullam frictionem , præparationem , & artem . Secunda iis competit corporibus , quæ frictione , hoc est , arte electricitatem acquirunt , & supra fuerunt relata . E corporibus similiter alia sunt *natura* , & *origine electrica* , alia *arte solum electrica* , alia denique non *electricæ* .

227. Ex iis constat , frictionem , calefactionem , aut electricorum corporum contactum non esse necessaria ad electricitatem ; cum in corporibus origine electricis virtus huiusmodi exeratur , quin eorum aliquod præcedat .

228. Quoniam tamen vis hæc electrica naturalis , & effectus ab illa editi sunt tenuissimi ; & nullius fere momenti , aliaque ex parte corpora origine electrica intensissimam virtutem frictione , seu arte acquirunt ; hinc inter corpora *arte electrica* merito numerantur : ac proinde corpora omnia in *electricæ* , & non *electricæ* distinguimus . Prima sunt illa , in quibus electricitas frictione , aut calore excitatur , producit , aut intenditur , cuiusmodi sunt omnia ori-

gine, aut arte, aut utroque de capite electrica. Corpora *non electrica* illa sunt, in quibus prædicta ratione electricitas non excitatur, producitur, aut intenditur, quæ superius recensuimus. Atque hæc est receptissima corporum divisio, quod ad electricitatem spectat. Corpora *non electrica* non perinde intelligenda sunt, quasi nullo modo electricitatem habere possint; sed quatenus solummodo consueta methodo, & ratione illam non acquirant: aliunde enim experimentis demonstrabimus, quod hæc eadem sint communicatione maxime electrica. Sed claritatis, & distinctionis gratia recepta vocabula teneamus.

229. Aliud etiam deprehensum est inter corpora electrica & non electrica discrimen, quod scilicet corpora origine electrica frictione electricitatem excitent; ab aliis tamen excitatam non accipiant in sese, neque transmittant: si v. gr. globo vitreo circumvoluto atque electrificato corpus aliud origine etiam electricum admoveas, & ad contactum adducas; secundum hoc corpus materiam electricam a globo in se non accipit, neque in alia transmittit: corpora autem origine *non electrica* electricitatem quidem non excitant, ab aliis tamen excitatam facile recipiunt, & ad alia corpora transmittunt. Et hinc, si corpus non electricum sit, ab electricis omni ex parte circumdatum, tangatque volventem globum, atque electrificatum; materiam electricam in sese colligit, & servat. Cum aer siccus sit corpus origine electricum; omnia corpora v. gr. nubes aere suspensæ, & undequaque circumdatæ electricitatem, si quam habeant, servant, novam etiam accipere possunt, atque collectam servare. Si tamen aer sit pluvius, aut humidus; ad corpora non electrica ab electricis separandum aptus non est. Ex hac aeris proprietate, & materię electricę indole fulgurum, & fulminum phænomena, naturam, & effectus in loco deduximus.

230. Corporibus jam in *Electricis* & *non electricis* distinctis, dubitatio facile suborta est, essent necne priora corpora æqualiter electrica? Re experimentis probata, compertum est, innumeros esse in iis cor-

poribus electricitatis & virium intentionis gradus, imò Electricitatem in diversis corporibus gradatim ferè, & ordine decrefcere ulque ad corpora non electrica, in quibus nulla est hujusmodi virtus. Quodnam inter cætera corpora fit magis electricum, definire adhuc non possumus: indubium est, adamantes, gemmas, vitrum, crystallum inter priora locum habere.

231. Et hinc globus vitreus machinis electricis adhibetur, cum vitrum inter corpora maxime electrica numeretur, nulloque negotio ex hujusmodi materia globi, cylindri, aut alia cujuscumque magnitudinis, & figuræ corpora parentur: quod ex gemmis, aut adamantibus fieri nullo modo posset.

232. Tentando igitur ad id paulatim devenitum est, ut & vitrum ad vim electricam excitandam aliis omnibus materiis præferremus, & in globum conformaremus, qui ope machinæ circa proprium axem convolvi facile posset. Frictione enim opus esse, tentando compertum fuerat: & prius quidem nuda manu, ut dixi, citra ullam machinam cylindrus vitreus excitandæ electricitatis gratia perfricabatur: cum tamen id & esset per se incommodum, & ad vim excitandam non satis efficax medium existeret; facile fuit machinam excogitare, atque construere, quâ vitreo globo velocissime convoluto magna obri- neretur frictio.

EXPERIMENTUM I.

233. 1. Licet hætenus ignoremus, quodnam ex electricis corporibus intensiorem vim frictione acquirat; constat tamen vitrum facilius, citiusque electricitati, quam cætera omnia corpora, dummodo reliqua sint paria.

234. 2. Experimentis compertum est, & millies confirmatum, duo præcipue esse virtutis electricæ, ejusque effectuum impedimenta, quibus stantibus, quantumvis corpora electrica fricemus, vis hujusmodi non excitatur, & antea jam excitata destruitur, seu dissipatur: ea proinde in experimentis electricis instituendis, & feliciter prosequendis sedulo cavenda sunt. Primum est *humor*. Si corpora nimirum electrica sint humida, quantumvis frictionem prosequamur; aut

aut nulla, aut tenuissima solummodo virtus excitatur. Et cum corpora ab ambiente aere pro ejus tem-
periei & status ratione maxime afficiatur, si expe-
rimenta pluvio cælo; humido aere, aut vento etiam
non satis sicco spirante, capimus; inutiliter tentan-
tur, & in felicitet succedunt omnia. Contra vero
sereno cælo, arido fluente vento, & sicco aere cir-
cumstante, res optime vertunt, eoque felicius pro-
cedunt, quo, cæteris paribus, major & in fricandis
corporibus, & in ambiente aere siccitas fuerit. Si-
militer si corporum frictione præcedente, intensa jam
virtute excitata, globum sufflando; aut quacumque
alia ratione humectes; excitata virtus, ejusque effe-
ctus illico cessabunt. Huic causæ referendum est,
quod intensissimis æstatis caloribus infelicitet proce-
dant tentata hujusmodi experimenta; cum intensi ta-
lores copiosos vapores e corporibus elevent, hisque
aerem humectent. Non obscurum hoc indicium esse
existimo, materiam electricam idem cum elementari
igne existere. Utrumque extinguitur aqua, siccitate
accenditur; & servatur. Hinc etiam est, 1. quod
eo facilius, & efficacius excitabitur electricitas, quo
sicciora sint corpora; ad ignem ideo admoventur;
ut omnis humor exhaletur. 2. Nihil melius corpo-
rum frictio peragitur, quam manibus humanis bene
aridis, aut exsiccatò folio chartæ armatis, qua sci-
licet & frictio peragitur, & omnis exsugitur humor.

235. 3. Alterum Electricæ virtutis impedimentum
est ignis: si flamma candelæ, aut carbone accenso;
ferro rubescenti, & aliis hujusmodi globum jam ele-
ctricum tangas, aut illa globo proxime admoveas;
tota illico excitata jam virtus dissipatur. Aliqua hic
esse videtur inter vim electricam, atque magneticam
analogia; cum utraque igne destrui videatur. Res
tamen in electricitate eo mirabilior esse potest, quod
hæc materia aliud ab Elementari Igne esse non vi-
detur. De eo tamen inferius erit dicendi locus: in-
terim notasse sufficiat, flammam, res quantumvis le-
vissimam, ab electricis corporibus non attrahi.

EXPERIMENTUM II.

236. 1. Globus vitreus supra descriptus circa axem
velociter revolutus & aridas manuum palmas ejus
æqua-

æquatorem prementes fricans intra brevissimum tempus electricitatis indicia, & effectus edit; levia corpuscula ad distantiam usque trium pedum attrahit, aut repellit; quæ tamen distantia, sicut etiam motuum vivacitas varia est pro diverſo & globo, & æris, & fricantis corporis statu. Quamdiu durat globi circumvolutio, & frictio, durat etiam electricitas.

237. 2. Si interim faciem globo comminus admoveamus; levissimæ materiæ e globo emanantis sensum percipimus; quasi scilicet delicatissimum velum in faciei superficiem caderet, eamque tangeret. Utrumque hoc observatur phænomenon, quandiu volventis globi frictio perseverat: ea cessante, paulatim etiam observata hæc phænomena, hoc est, electricitas languescit, minuitur, & evanescit.

238. 3. Globo prædicta ratione revolvente vis electrica, & relata modo phænomena semper perseverant, quamvis unum, aut plura corpora electrica globum quacumque ex parte tangant. Quod si globus electricus a corpore aliquo non electrico tangatur, puta ab aliquo metallo, homine, vegetabili quocumque &c. tota virtus illico destruitur, si corpus istud non electricum cum terra communicet.

PROPOSITIO XIX.

239. *Materia, seu virtus Electrica est verum Corpus.*

Cum mihi ipsi statuerim materiæ Electricæ proprietates ab experimentis deducere & per illa tantummodo demonstrare; illo ordine theorematum proponemus, quibus probandis experimenta præmiserimus. Iisdem experimentis non modo Electricitatem in natura existere evincitur, sed definitionis etiam superius datæ veritas ostenditur; cum ex iis omnia illa phænomena, & proprietates in materia electrica demonstrentur, quibus illam definivimus. Dubitari solum aliquo modo posset, esset nec ne electricitas verum corpus: adertam igitur veritatem probemus.

240. *Propositio ex relatis modo experimentis, & ex inferius etiam afferendis demonstratur. Materia electrica corpora impellit, & repellit, in faciem observantis tanquam subtile velum impingit, verumque*
ta-

taſtus & impactionis ſenſum efficit: ipſameti materia ſeu viſ electrica lucet; ſtridet, inflammatur, in corpora violenter irrumpit, dolores vel vehementiſſimos creat, ut multiplici experimento ſtatim referendo conſtabit: luculentiffimis igitur phænomenis, effectibus, & ſenſuum testimoniis conſtat; vim electricam eſſe verum corpus. Ultero ſatemur aliquas in hacce materia obſervari proprietates, quas in nullo alio corpore deprehendimus; id tamen minime obſtat, quominus eam verum eſſe corpus ſtatuamus, cum omnes corporum characteres in ſeſe habeat.

241. Ad ea, quæ ſequuntur, experimenta recte intelligenda, obſervandum eſt corpora *non electrica* duplici modo, quod ad rem præſentem attinet, diſponi poſſe in machinis electricis: vel enim ita ſtatuuntur, ut ipſa per ſeſe, aut mediantibus ſolum corporibus *non electricis* terram contingant; vel ita aptantur, ut ab omni parte ſola corpora *electricæ* tangant. Cum hoc ſecundo modo diſponuntur, dici poſſunt *ſeparata*, propterea quod ſint ab aliis corporibus *non electricis* penitus ſejuncta.

242. Separari autem poſſunt tota machina, homo globum fricans, *conductor*, ſeu *catena*, & homo conductorem, catenam vel globum experiundi cauſa tangens; vel unum, aut aliqua ſolum ex iis: interimque ſecundum omnes ſeparandi combinationes experimenta inſtitui. Ratio corpora huiusmodi ſeparandi eſt etiam diverſa: *conductor* ſeu *catena*, quæ levior plerumque eſt, & ad magnas diſtantias aliquando extenditur, vel ſupra vitreos cylindros, vel chordas ſericas, quæ electricæ ſunt, ſuſtinetur. Homines, cum ab aliis non electricis experimentorum gratia ſeparandi ſunt, ſupra quadratas, aut cylindricas picis, ceræ, reſinæ aut ſulphuris maſſas aliquot pollices altas ſeſe ſiſtunt.

DEFINITIO.

243. *Conductor* in re præſenti dicitur illud corpus *Communicatione Electricum* DB, cujus beneficio viſ electrica a globo aut cylindro ad alia corpora tranſmittitur. Dicitur ſecundo conductor ille *tubus* horiſonti parallelus, ex unaque parte globum fere tangens, quo vim electricam ad plurima experimenta in-

Mont. Phil. Tom. V. V Ri-

stituendum dirigimus, quin eam ad alia corpora transmittere velimus: Utrovis sensu accipiatur *conductor*, debet esse a corporibus *non electricis* disjunctus: aliter vim omnem deperderet, iisque communicaret; filiis igitur sericis vel supra vitrum &c. sustineri & ab iis solum contingi debet (fig. 28.)

244. 2. *Conductor* ex materia per communicationem solummodo electrica fieri debet v. gr. aqua, metallis, hominibus, aut aliis animalibus: hæc enim sola sunt, quæ electricitatem perfecte transmittunt: omnia alia magis vel minus impediunt, prout sunt magis vel minus per frictionem electrica. 3. *Conductor* sit forma cylindrica, quantum fieri possit, levigatus, nullisque angulis, prominentiis &c. præditus: per cuspides enim & angulos materia electrica effluit, dissipatur, & ad quæ statuimus corpora non pervenit, ut par erat. Hæc duo innumeris experimentis probata in causa sunt, ut conductores fiant metallici, & cylindrici. De conductoribus duo etiam hæc experimentis demonstrantur. *Primum*, quod illius longitudo virium efficaciz, & transmissioni non officiat: conductorem jam 1300. pedes longum aliqui paraverunt, quin ex eo aliqua in electricitate observaretur diminutio (a). Utrum idem semper eveniet, quæcumque tandem sit conductoris longitudo; puta si ad unam, duas, aut plures leucas extenderetur; id non nisi post præmissa experimenta, & accuratas observationes pronuntiandum est. *Secundum*: Quod major vel minor conductoris moles in actionis intensitatem non influat, tantumque virium per vestem ferream, quam per subtile ejusdem metalli filum transmitti (b).

245. Quamvis hæc omnia cum primi, tum secundi etiam generis conductoribus æque conveniant; nihilominus cum postremi non ad vim electricam transmittendam, sed ad scintillas excitandum, diversaque experimenta instituendum comparentur; scintillæque eo vividiores habeantur, quo major fuerit conductoris moles, seu diameter, ut quotidianis experi-

(a) *Enciclop. ou diction. raisonnée v. Conducteur.*

(b) *Mem. de l'Acad. 1743.*

fiuntis edocemur, ellipse apud omnes certum; hinc hujusce generis conductores parandi sunt, quorum moles sit notabilis. Qui communius ad id muneris adhibentur, sunt tubi terrei grandiorum sclopetorum proprii. *Franklin* tubum chartaceum decem pedes longum, & unius pedis diametri, aurata charta coopertum adhibebat, cuius crassitiem plura spissioris chartæ folia seu laminæ componebant.

246. Vis electrica eadem est, siue magni, siue parvi, aut subtiles sint conductores: phænomena tamen attractionis & repulsionis, scintillarum efficacia, vivacitas, & intensitas a mole pendent: quam ratio, nem, matæ, an superficiæ, edita hujusmodi phænomena sequantur, non facile defines. Sunt qui superficialium, sunt & qui massarum rationem servari aut tument, omnesque rem experimentis confirmare adnituntur. Nullam earum rationum exacte observari, ex ipsismet observationibus facile deduces.

247. Ut a circumvoluto globo ad conductorem pertranseat electricitas; ita disponitur conductor, ut aliquo modo globum physice tangat; vel minima inter utrumque sit distantia. Quoniam tamen si conductor, durum scilicet plerumque corpus, globum contingeret, magna inde oriretur resistentia, quæ & globum, & rem totam pessumdaret; ut utrique caveatur malo, conductor aliquanto altius, quam globus statuitur, atque ab illius extremitate globum respiciente aliquæ chartæ simbriæ in filamenta desinentes demittuntur, quæ globum contingant, quin ullam sensibilem resistentiam opponant.

EXPERIMENTUM III.

248. 1. Corpora electrica globum volventem, & electrificatum tangentia non solum vim globi electricam non imminuunt, ut diximus, sed ipsa præterea nullum electricitatis indicium, attractionis scilicet, repulsionis, scintillationis edunt. Similiter si conductor globum tangens sit vitreus v.gr. aut alterius materiæ electricæ; vim electricam neque in globo imminuit, neque in se recipit, aut ulla ejus phænomena prodit.

249. 2. Si tamen conductor globum electricum tangens sit non electricus, ut plerumque fit, v. gr. vir-

V 2 ga,

ga, aut catena metallica; sequentia observantur: 1. Si hujusmodi conductor non sit *separatus*; vim electricam globi extinguit, seu recipit, nullum tamen electricitatis effectum proder. 2. Si cum tellure omnino non communicet; globum electricitate sua non spoliatur: ipseque conductor eandem virtutem acquirit, levia corpuscula attrahit, repellit, digitique extremitate attactus scintillat. 3. Quod si conductorem ita electricatum homo terræ insitens, aut catena ad terram usque pertingens tangat, ita ut aliqua tandem ratione conductor cum terra communique; tota illico ejus electricitas disparet, & extinguitur, etsi interim globus rapidissime volvatur: tum solummodo apparitura, cum, communicatione interrupta, globi frictio continuetur. 4. Si tamen homo, aut quodcumque aliud corpus *non electricum*, conductorem tangens sit etiam ipse *separatus*; tum non solum electricitatem conductori non adimit, sed sit etiam ipse electricus, & vulgaria electricitatis phaenomena edet: idque pariter fiet, etsi plures sint homines conductorem tangentes, dummodo sint omnes *separati*. Hoc secundum duplici modo fieri potest, vel enim singuli conductorem tangunt, vel manibus se seprehendentes continuam componunt catenam, primusque tantum conductorem tangit. 5. Si hujusce conductoris non electrici extremitati corpus aliquod electricum v. gr. vitrum, sulphur &c. appendatur, ita ut conductor maneat *separatus*; conductor quidem fiet electricus, & phaenomena electricitatis edet; nihil tamen hujusmodi in appenso corpore observabitur. 6. Quod si conductorem seu corpus *non electricum* non manu, sed vitro aut alio corpore electrico tangas; nihil de conductoris electricitate dissipabitur, aut vitro communicabitur.

PROPOSITIO XX.

250. *Licet ad aliquos naturalis Electricismi effectus nulla requiratur excitatio; ad Electricismum tamen artificialem, & præcipua etiam naturalis phaenomena habenda excitatione opus est.*

Propositio experimentis plane constat: Succinum & Electrum natura atque ingenio suo, nullaque præparatione, aut arte prævia ad sese levia corpuscula at-

attrahunt. Hujusmodi tamen effectus sunt tenuissimi, & paucissimi. Omnia alia Electricitatis phænomena umquam obtinemus, nisi corpora ipsa arte, a liquo nimirum ex supradictis modis trahemus, ut hucusque explicavimus. Et hinc licet corpora plurimum materiæ electricæ in sese habeant, quamdiu illa non excitetur, nullos effectus producant. Quæ in hac propositione dicimus, iis non opponuntur, quæ superius deduximus.

251. Ratio Electricitatem excitandi multiplex est, atque pro corporum varietate diversa. 1. Communius corpora origine electrica frictione excitantur, hujusmodi sunt vitrum, pix, sulphur, resina &c. 2. Aliqua sunt, ad quorum electricitatem excitandam non sufficit sola frictio, sed aliquam calefactionem præcedere opus est, qualia sunt marmora, dentes, & plurimæ animalium partes, atque exuviae. 3. Sola fusione electricatus sulphur: contactu tandem electrica fiunt omnia corpora origine non electrica. Cum de naturali electricitate loquimur, non illam hic intelligimus, quam in atmosphæra, & inter illam atque tellurem existere, in loco demonstramus, sed de electro tantum, & iis corporibus origine seu natura electricis, a quibus aliquos edidi effectus citra ullum artis adjutorium, hac propositione demonstramus.

PROPOSITIO XXI.

252. Corpora origine electrica materiæ electricæ resistunt, eamque ab aliis non accipiunt, neque transmittunt; corpora vero non electrica hujusmodi materiæ non opponuntur, eam in se ab aliis corporibus facile recipiunt, transmittunt, fiuntque proinde communicatione electrica.

Propositionem allata experimenta, & mille aliæ ejusdem generis observationes omnibus notissimæ demonstrant, licet alioqui videri posset incredibilis. Corpora non electrica globum tangentia, si cum terra communicent, illum electricitate spoliant; si cum tellure non comunicent; fiunt electrica, & phænomena electricitatis perinde edunt, atque globus ipse: electricitatem etiam aliis quibuscumque corporibus non electricis, quibuscumque comunicent, facillime, &

æque transmittunt, ac in se ipsis produnt, aut in globo deprehenditur: in quocumque igitur casu verum est, hujusmodi corpora materię electricę impedimento non esse, eam in se recipere, perque ipsa corpora electricitatem in alia transmitti.

253. *Secunda* propositionis pars iisdem experimentis constat: Corpora *electrica* globum aut conductorem *electricitatum* undecumque & quomodocumque tangentia, neque ulla in se ipsis electricitatis indicia, aut phænomena edunt, neque globi aut conductoris virtutem minuunt, neque tandem per ipsa vis electrica aliis cujuscvis generis corporibus, quę contingant, communicatur, & transmittitur. Quin imo si conductor tubo vitreo v. gr. committatur, qui alium item conductorem *non electricum* excipiat; frustum illud vitri in causa erit, ne ulla electricitas in sequentem conductoris partem communicetur: satis igitur constat *secunda* propositionis pars.

254. Et hinc universa, quę tractamus, corpora dei vere possunt, & sunt *electrica*, diverso tamen modo; hoc est, *origine* aut *communicatione*. Quę origine non sunt *electrica*, *communicatione* eam vim accipiunt, acceptam vel retinent, vel transmittunt, & phænomena electricitatis edunt: quę vero *communicatione* vim electricam non accipiunt, ea sunt *origine electrica*. In prioribus nullus contactus communicat, sed sola frictio aut calefactio virtutem excitat. Nihilominus nomina communiter recepta retinebimus; cum ea ad electricitatem originis referantur.

255. Ad corpora electricitati resistentia spectat etiam aer. Luculentissimis id experimentis constat, & superius jam fuit indicatum. Nisi ita esset, electricitas in globo frictione excitata aut conductori communicata illico dissiparetur, & disparet, perinde atque extinguitur, cum globum, aut conductorem corpore *non electrico* cum terra communicante contingimus: ab omni enim parte & machinam, & globum, & conductorem aer circumambit, & tangit: aer igitur medio contactu materiam electricam non recipit; illiusque proinde diffusioni, transmissioni, & dissipationi opponitur. Hujus resistentię causa materia electrica excitata, aut acquisita in globo, & conductore supra utrumque densatur, accumulatur, & peculiarem compositam atmosphæram magis, vel minus

nus densam, atque capacem pro ratione frictionis, & aliarum causarum, ac conditionum, a quibus earum virium excitatio, atque communicatio pendet. Aliis experimentis statim adducendis eadem veritas confirmabitur. Aerem tamen intelligimus siccum, & serenum: si enim sit humidus, copiosisque vaporibus refertus, qualis pluvio tempore, & humidis spirantibus ventis existit; tum vero ratione aquearum particularum, quæ magnam aeris massæ partem componunt, & sunt corpus *non electricum*, materia ipsa electrica per aerem diffundi, dispergi, dissiparique potest, id quod ipsismet experimentis innititur. Atque huic etiam causæ referendum est, quod humido aere experimenta electrica male procedant: excitata scilicet electricitas facile per aerem dissipatur; neque materia electrica eam in globo, aut conductore densitatem acquirit, quæ ad phænomena edenda necessaria existit.

256. Corpora igitur *non electrica* duplici modo possunt esse *separata*; primo, si aere omni ex parte circumdarentur; nullique, præter aerem, inniterentur corpori: secundo, si corporibus electricis cujuscunque speciei omni ex parte contingantur. Prior modus nubibus convenit, estque nobis in telluris superficie impossibilis: secundo ad corpora separanda, & experimenta instituendum utimur.

257. Animadversione dignum est, corporum electricorum resistentiæ, qua materiæ electricæ dissipationem impediunt, omnia experimenta electrica deberi: nullum phænomenon electricum haberemus, si materia electrica eadem facilitate, & proportionem, qua globi frictione excitatur, per aerem aut alia circumposita corpora dissiparetur, ut videtur, cum conductor *non electricus* globum tangens, & materiæ electricæ non resistens cum tellure communicat.

EXPERIMENTUM IV.

258. Agente machina, globum superius manu contingat homo aliquis cum aliis corporibus *non electricis* omnino *non communicans*: sequentia observamus: 1. Hujusce hominis corpus fit illico electricum, levia corpuscula ad 4. aut 3. pedum distantiam attrahit, aut repellit. 2. Cum ad hominem prope accedimus,

quemdam percipimus odorem, qui urinæ phosphorum referre videtur: cumque odorem non tantum versus omnes partes emittit hominis corpus, verum etiam quæcumque corpora non electrica ipse manu teneat, v. gr. ferrum & alia hujusmodi prædictum odorem exhalant. Quin imo ferrum seorsim ex globi contactu electricatum eundem odorem spirat.

359. 3. Quæcumque corpora *non electrica* cum prædicto homine *communicent*, dummodo sint *separata*, vim electricam una cum homine pariter acquirunt, eademque electricitatis phænomena edent: pone v. g. longam hominum seriem te se manibus prehendentium, & supra singulas sulphuris massas stantium, ordine post primum disponi, qui solus globum aut conductorem tangat, seu manu etiam catenam teneat, quæ e sericis cordis suspensa in longissimum tractum horizontis extendatur, semper a corporibus *non electricis* cum terra communicantibus *separata*. In utroque casu relata phænomena observabis: Illud præterea notatu dignum animadvertimus, quod catena, hominum series, aut alia corpora ab hominis contactu electricata ejus virtutem, & intensitatem non minuant, quantumvis magis semper, & magis eorum longitudo crescat. Quin imo prædictorum corporum, catenæ scilicet, hominum seriei &c. longitudine crescente; vividior tam in homine ipso, quam in aliis observatur virtus, & virtutis phænomena, quantumvis cætera omnia sint paria: quo quidem non minus admiratione dignum est hoc alterum, quod scilicet vis electrica in tota catena, tubo, aut serie hominum dispareat & dissipetur illico ac alius terræ insistenti digito eorum alterum contingat, aut quacumque alia ratione vel unius cum tellure fiat communicatio: ita ut eodem temporis puncto tota virtus tam hominis, aut annuli tacti, quam alterius cujuscumque vel remotissimi dissipetur. Quod si homo, qui solus globum tangit, a contactu desistat, reliquis, ut prius, manentibus; tota hominum series, catena &c. per aliquid temporis acquisitam virtutem servat, quæ tamen paulatim semper languescit, quoad penitus dissipetur, & evanescat. In hac virium conservatione, aut amissione non leve inter diversa corpora discrimen observatur; animantia enim citius vim amittunt, quam capaciores ferrei tubi: omnia

tamen in eo conveniunt, quod *separatione* interrupta æque cito vires amittant.

260. 4. Machina agente, & catena, aut hominum serie electrificata, alius solo insiliens, ac proinde non electrificatus manum paulatim ad catenam, seu potius ad alterius e serie hominis faciem admoveat; fluidum subtilissimum a facie sese contra manum diffundens, & ipsam lenissime, quasi tenuissimus ventulus vellicans; tactu ipso sentiet: magis accedente manu, major erit halitus sese diffundentis sensus: digito denique ad aliquam faciei partem, labrum v. gr. accedente, & digitus, & labrum in tenebris luminosa apparebunt, tandemque fere jam tangente digito, vivida quædam, & clara e proximiori faciei parte scintilla cum fremitu in digitum erumpit, & emittitur: ex qua & in digito, & facie dolor enascitur. Scintillæ vivacitas, magnitudo, & ortus inde doloris sensus ab electricitatis intensione dependet: aliquando est vividissimus, aliquando remissus: erumpit scintilla, quamcumque hominis, aut vestis illius partem contingas.

EXPERIMENTUM V.

261. Machina, & globo vitreo exposita ratione dispositis, ferreum filum, cujus diameter erat quadrans lineæ, duo mille hexapedas longum ope fericarum chordarum horizontaliter suspensum fuit: alia ejus extremitas globum fere contingit, ad alteram globus plumbeus suspenditur, ita ut & filum ferreum, & globus plumbeus cum corporibus electricis non communicent. Hisce ita constitutis, atque machina agente, observamus sequentia.

262. 1. Eodemmet sensibili temporis momento, quo electricitas filo ferreo fuit communicata, globus plumbeus ad duo mille hexapedas a machina locatus leviter corpuscula attrahebat, aut repellebat, scintillas emittebat, cum a corpore aliquo *non electrico* tangebatur: atque hujusmodi effectus eadem intensitate, vivacitate, & tempore a globo plumbeo edebantur, vel ad dictam distantiam & extremitatem fili, vel ad ejus medium, vel prope globum, vel quacumque alia in parte ex filo suspenderetur.

263. 2. Cum loco globi plumbei corpora *non electrica*

Strica adhibemus, cæteris eodem modo peractis, relativa phænomena eodem modo eduntur: nisi quod eorum intensitas, atque vivacitas pro corporum diversitate est etiam plane diversa: alia scilicet, ut diximus, facilius, promptius, & magis vivide electricitatem acquirunt, & phænomena edunt, quam alia.

264. 3. Si loco ferrei fili conductorem alium *non electricum* v. gr. lineam chordam adhibeamus; res perinde se habent, si electrificationis facilitatem excipias: longe enim facilius per metalla, quam per linum, & alia hujusmodi corpora electricitas recipitur, transmittitur, & communicatur.

265. 4. Cum, remoto plumbeo globo, corpus quodcumque aliud *electricum* in ejus locum substituimus; quantumvis conductor sit maxime electrificatus, nullum in substituto corpore electricitatis indicium, aut phænomenon deprehendes. Similiter si conductorem *non electricum* tollamus, & alio electrico v. gr. sericeo rem tentemus, vel conductorem quidem ferreum adhibeamus, illum tamen funiculis non sericis, ut fieri solet, sed lineis suspendamus; in utroque casu, quantumvis adnitamur, ut electricitatem, prædictaque ejus phænomena excitemus, nihil obtinebimus. In primo electricitati resistit conductor electricus; in secundo etsi conductor sit corpus *non electricum*, non est tamen ab aliis non electricis *separatum*.

266. 5. Etsi electricitas tam in conductore, quam in appenso plumbo sit intensissima; vix homo terræ insistens plumbum, aut conductorem in quacumque illius parte digito contingit, tota illico electricitas, & phænomena disparent, atque evanescunt: iterum tamen deprehenduntur, si digitum amoveat, & machina, ut prius, agere pergat. Fac tamen hominem esse *separatum*; quantumvis appensum plumbum, aut conductorem tangat, nihil de electricitate, observatisque ejus phænomenis decedet, imo & homo ipse electrificabitur, eademque in ipso phænomena deprehendentur.

267. 6. Filum ferreum ita dispositum fuit, ut primum quidem a globo per mille hexapedas recta horizontaliter distenderetur, inde duplici angulo facto iterum ad globum dirigeretur, priori ductui parallelum, atque ab eo decem pedes dissitum, eoque pacto quamdam rectanguli speciem referret: utraque extre-

mi-

mitas, a globo aliquot pedes erat separata, earumque uni plumbum appenditur, alteri vis electrica a globo communicatur ope exiguae catenae *separatae*, supra globum innixae, quae ab eo electricitatem accipiens per aliud sui extremum, conductori pro libito applicandum, admovendum, aut removendum, vim electricam illi communicat. Eodem autem temporis momento, quo exigua illa catena jam electrificata primo conductoris extremo applicatur, electricitas in opposita extremitate, & plumbeo globo animadvertitur, omniaque illic phaenomena supradicta eduntur, ita ut nulla haecenus diligentia aliquod temporis discrimen observari potuerit: eodem enim momento, quo catena conductoris extremo applicatur, scintillam e globo plumbeo educimus, aut bractear aureae attrahuntur, & repelluntur.

268. 7. A conductore ita disposito, & electrificato catenam remove: vim electricam 5. aut 6. minutis retinebit: vix tamen ac catenam separasti, primam conductoris extremitatem tange; illico emissae scintilla. & in tota catena, & in opposita extremitate, atque in appenso plumbeo globo electricitas omnis evanescit. Haec quidem, ut postea explicabimus, non obscuram referunt fulguris & fulminis ideam.

269. 8. Ferreum filum haecenus descriptum aliqua in parte ita secetur, ut extrema divisionis puncta minus, quam pedem a se invicem removeantur: agente machina, atque electricitate conductori applicata, & communicata, observamus, materiam electricam cum impetu sese ab uno ad aliud fili extremum per medium aerem projicere, & in plumbeo globo extremo conductoris puncto appenso eadem, ac prius, electricitatis phaenomena, atque indicia edere. Materiae electricae transitum ab uno ad aliud fili segmentum non impediunt aut ventus validissimus ope folium excitatus, aut corpora electrica inter utrumque segmentum data opera interposita: impediunt tamen, & penitus sistunt corpora *non electrica*, & omnia generatim corpora madefacta. Sed si resecta segmenta medio alio filo inflexo, & per mediam aquam transeunte committebantur, atque continuabantur; electricitas filo infuso per mediam aquam promptissime pertransibat. Hoc etiam notatundum observatur, quod sumus quantumvis spissus

nul-

nulli impedimento erat, flamma tamen interposita, illico sistebat materia, ejusque fluxus impediabatur.

PROPOSITIO XXII.

270. *Materia electrica est materia fluidissima, atque subtilissima: visque electrica aliud non est, quam hujusmodi materia excitata & in motu posita.*

Utraque propositionis pars ab experimentis jam expositis manifeste deducitur, & aliis phænomenis inferius proponendis ulterius confirmabitur. Materia, quæ per densissima corpora, qualia sunt metalla ver. grat. aurum, tetrum &c. permeat, ab aqua & quamplurimis aliis corporibus tum solidis, tum etiam fluidis non detinetur, sed per illa omnia liberrime, & citissime movetur, quæ tamquam halitus, & tenuissima aura suffiat; per omnes nostrorum corporum reconditores sinus, ossa, nervos, musculos pertranlit, lucet tandem, & flammam componit, atque mille alia hujusmodi phænomena edit, quæ non nisi a subtilissima substantia produci possunt, est proculdubio materia subtilissima, & fluidissima: auram enim, flammam, lucem esse materiam fluidissimam, & subtilissimam, certum est apud omnes. Propositionem luculentius etiam vel ad evidentiam ab iis experimentis demonstramus, ex quibus constat, materiam electricam non super solidorum corporum superficiem fluere, sed per intimam eorum massam, atque soliditatem permeare. Hæc alia est veritas, & electrici fluidi proprietas ab experimentis confirmata, ut sequenti propositione probabimus.

271. Secunda ejusdem propositionis pars æque evidens est. Etenim nullum omnino corpus in alia agere potest, nisi per verum motum. Neque vim materialem concipimus, quin corpus motum concipiamus, neque motum corpus intelligimus, quin vim materialem intelligamus. Quamdiu scilicet corpus aliquod omnesque ejus partes omnino quiescunt, nihil ab illo efficitur. Ipsamet ratio electricitatem in corporibus excitandi, ipsimet ejusdem effectus, atque characteres luculenter demonstrant, nihil hic apparere, nisi fluidissimam & subtilissimam materiam in motu positam. Præterea vero secunda hæc propositionis pars, quæ a nemine in dubium vertitur,

tur, ex eo etiam demonstratur, quod juxta experimenta inferius referenda nulla omnino electrica phaenomena a corpore quocumque origine, aut communicatione electrico edantur, quin ab eo subtilissimæ materiæ effluvia, torrentes, scintillæ, aut pennicilli erumpant, aut in illud confluant; neque vicissim materia illa e corpora uno in aliud effluat, quin electrica edantur signa, phaenomena, & effectus.

PROPOSITIO XXIII.

272. *Materia electrica, ejusque actio velocissime per longissima spatia transmittitur: atque per intimam deferentium corporum massam & soliditatem transcurrit, & permeat.*

Prima propositionis pars ab experimento §. 1. 2. 3. 4. 5. 6. luculentissime constat: ex iis enim demonstratur, sensibusque ipsis observamus, eam esse materiæ electricæ velocitatem, talique celeritate per longissimum spatium transmitti, atque ab uno ad aliud extremum percurrere, ut nullum omnino temporis discrimen, aut durationem distinguere possimus, dum ab uno conductoris extremo ad oppositum per 4. mille hexapedas transmittitur; quantumvis maxima diligentia ad hanc velocitatem, aut motum distinguendum adhiberetur, experimentumque ejus rei gratia potissimum institueretur. Multa in re præsentī notanda sunt ad materiæ electricæ proprietates, atque naturam, si fieri possit, magis explicandum.

273. *Primum:* Ex hoc & aliis quamplurimis experimentis edocemur, hujusmodi electricitatis per conductores, & quæcumque corpora non electrica transmissionem esse verum ejusdem materiæ motum, nequaquam vero actionis, aut virium solummodo diffusionem. Ex repentina illa electricitatis transmissione dubium oriebatur, materia ne ipsa transferretur, an potius ad instar soni, luminis, aut virium elasticarum per continuam materiam transmitteretur actio. Sed experimenta dubium omne tollunt: scintillæ enim, quas e conductore displodimus, lumineque illi pennicilli, qui a globo in catenam, seu conductorem, a conductoreque ipso perenniter erumpant;

punt, atque evibrantur, materiæ electricæ torrentes motu rapidissimo per corpora transcurrere demonstrant. Quænam autem sit vis illa primitiva, a qua hujusmodi materia ad motum adeo velocem agitur, id experimenta nostra non demonstrant, neque nos, nisi divinando conjicere possumus, ut ex lectione altera constabit.

274. *Secundum*: Quoniam igitur verus hic est materiæ electricæ motus, medioque hujusmodi motu relata modo phænomena, imo & omnes illius effectus peraguntur; consequens est, ut electricæ materiæ transmissio aliquantillum temporis quantumvis insensibile impendat.

275. *Tertium*: Ipsa tamen materia electrica, licet eadem intensitate, & viribus a globo vitreo in conductores transmittatur; multiplices velocitatis gradus in diversis corporibus habet, pro varia ipsorummet conductorum indole atque natura; magis minusve electricæ materiæ resistenti. Sunt corpora omnem materiæ electricæ transitum omnino negantia, qualia sunt origine electrica: sunt, quæ illam facillime recipiant, & velocissime transmittant, ut metalla: inter hæc & corpora origine electrica multiplex corporum species, atque ordo intercedit, quæ pro varia eorum natura multiplicem resistentiæ gradum diversum electricæ materiæ opponunt. Hucusque nullum agnoscimus corpus, per quod facilius, atque velocius transcurrat, quem per metalla: & hinc ex materia metallica communiter construuntur, & parantur conductores: quem vero ordinem inter se habeant aliorum corporum resistentiæ majores, aut minores, compertum non habemus. Hæc igitur inpræsentiarum constant; aliqua corpora electricitatis transmissionem penitus sistere, atque impedire: alia esse, per quæ tanta celeritate transcurrit, ut inter initium, finemque motus nullum omnino tempus percipiamus: per alia denique corpora transmitti quidem materiam electricam, sed sensibile tempus in transmissione, atque motu impendi. Hoc postremum multiplici experimento compertit *du Fay* (a).

276.

(a) *Mem. de l'Acad. anno 1733. Mem. quatriemel &c.*

276. Velocissimus hic materiæ electricæ motus, etsi alia deessent, non improbabilem inter fulmina & electricitatem analogiam ostenderet. Maxima scilicet illa fulminum velocitas, quæ magnum philosophis negotium facessit, simile modo habet in natura phænomenon: & cum aliunde omnia in fulminibus, & scintillis electricis conveniant, ut in loco demonstramus; electrica tandem experimenta ad physicam fulminum naturam, effectus, & phænomena agnoscendum nos duxerunt. Neque solum fulmina, sed omnia ignea metheora nihil aliud esse, quam electricitatem naturalem in atmosphæra excitatam, atque ab uno ad alium locum transcurrentem, ex rei utriusque phænomenis demonstratur. Interim notare sufficiat, momentarios, aut tardos etiam materiæ electricæ motus fulminum velocitatem, & tardum stellarum cadentium, ignis fatui, & aliorum metheoron motus referre: omnia hæc metheora eandem, ac fulmina ipsa, naturam habere, indubium mihi est, & in loco probavimus.

277. Secunda Propositionis pars ab experimentis etiam evincitur. Materia electrica per intimos humani corporis nervos, musculos, ossa, permeat, dolorem in eorum medullis creat, dum corpus humanum facto experimento Lugduno-Batavico succutit; ut inferius dicemus. Deinde eademmet materia metalla dissolvit, in vitrumque etiam convertit; hæc autem fieri nequeunt, quin per intimam corporum massam materia electrica permeet.

278. Rursus pix, atque vitrum, corpora nimirum origine & magnopere quidem electrica, huiusmodi materiæ maxime resistunt; eamque neque intra se recipiunt, neque transmittunt, nisi difficillime quibusdam solummodo in casibus: catenam igitur, seu conductorem metallicum pieis, & massices crusta per palmum unum, aut alterum obducimus: factoque experimento, æque vividæ educuntur scintillæ, omniaque alia electricitatis phænomena, & signa ante atque post catenæ partem pice obductam. Similiter tubus vitreus fuit hydrargiro repletus, atque ex utraque parte apertus, ut hydrargiro facillime communicari posset electricitas, & ab illo ulterius transmitti. Experimento autem instituto, & electricitate ad aliud tubi, seu hydrargiri extremum commu-

nicata, omnia ejus phænomena ad oppositam extremitatem edebantur. Cum igitur materia electrica per media illa corpora origine electrica non permeet, per mediam cæterorum corporum, hoc est, auri, argenti &c. substantiam permeare dicendum est.

279. Duo hic opponi possent. *Primum*: Quod corpora omnia electrificata suam circa se habeant electricitatis atmosphæram, hoc est, quod materia electrica circa tubum v. gr. electrificatum peculiarem componat atmosphæram, intra quam agit, ut inferius experimentis etiam probabimus: per eam igitur atmosphæram, aerem scilicet rarum transcurrere poterit, quin intimam corporum massam permeet. *Secundum*: Corporum impenetrabilitas, soliditas, atque densitas v. gr. auri velocissimo illi extraneæ materiæ motui opponitur. Resp. Materiam electricam circa conductorem aut alia corpora electrificata in atmosphæras componit: experimentis pariter constat, eandem materiam per exiguam aeris massam conductoris partes separantem cum impetu, & stridore vibrari; insimul tamen iisdem experimentis manifestum est, & probavit *Beccaria* (a), materiam electricam non per aerem & atmosphæram, quam componit circa conductorem, ab uno ad aliud extremum transcurrere, sed per ipsammet corporis substantiam, eandemque materiam longe densiorem intra conductorem, quam circa illum accumulari. Equidem cum magnam illam in aere resistantiam ad motum offendat, nullam vero, aut fere nullam in metallis; mirum non est, quod per conductorem, non circa illum transcurrat: id quod ex aliis præterea rationibus, & experimentis adductis evincitur. Ad id, quod secundo loco opponitur duo tantummodo dicam, materiam scilicet electricam per conductoris poros permeare, non per propriam illius substantiam impenetrabilem. Mirum id non videbitur, si quæ de corporum poris diximus, memoria adhuc tenes. Quæ autem vires, aut primitiva causa materiam electricam ad velocissimum illum motum per intimos metallo-

rum

(a) *Elettricità artificiale* cap. 3.

tum poros rectos, obliquos, tranversos impellat, a Deo quare.

PROPOSITIO XXIV.

280. *Materia Electrica per medium aerem perrumpit, atque evibratur; quantumvis magnam in perrumpendo aere resistantiam patiatur, eamque prius superare oporteat.*

Duo in propositione affirmantur, materiam electricam per medium aerem irrumpere; aerem tamen resistere, huiusmodique resistantiam prius superari oportere: utrumque experimenta superiora, & alia quamplurima conficiunt. Quod primum attinet; observamus materiam electricam ab una ad aliam divisi conductoris partem separatam per medium aerem transmitti: magno cum impetu evibrari; licet per unum, aut alterum pedem partes conductoris inter se distent. Deinde cum electricato conductori digiti apicem admovemus; ad eundem non paucos pollices a conductore adhuc distantem scintillæ electricæ exploduntur, & cum impetu, atque stridore intra digitum absorbentur. Alia afferre ad rem omnium confessione indubiam ulterius confirmandam supervacaneum omnino esset. Animadvertendum solummodo, non per qualemcumque aeris extensionem posse materiam electricam perrumpere, sed per modicam tantum unius, aut alterius pedis distantiam ab uno ad aliud corpus communicatione electrica vibrari. Hæc distantia eo major erit, quo minor fuerit siccitas aeris, electricitas autem intensior, & magis densa: quod aer humidus minus electricæ materiæ resistat: electricitatis vires aucta densitate augeantur: utrumque observationibus, partim jam supra relatis, partim etiam referendis innititur.

281. Secundam Propositionis partem, quam jam superius attigimus, plurima experimenta demonstrant. Primo si magna inter electricata corpora separata interponatur aeris massa; ab uno ad aliud non transmittitur, neque evibratur materia electrica, nisi is sit aeris humor, & impuritas, ut conductoris etiam munus agere possit. 2. Corpora electricata, & aere ab omni parte circumdata materiam electricam facile retinent, nisi aeris humor eam alio derivari per-

mitcat. Equidem nisi hæc esset aeris natura, atque conditio, vix ulla esset naturalis, aut artificialis electricitas, ejusque phænomena: hæc enim omnia, ut postea probabimus, ex eo pendent, quod materia electrica in aliis corporibus accumuletur, atque addensetur, in aliis vero rareseat, ut ab unis ad alia secundum æquilibrii leges transfluere possit: ad id autem opus omnino est, ut hujusmodi materia in corporibus, & circa corpora detineatur, atque a libero fluxu impediatur. 3. Electrici luminosi pennicilli e corporibus electricis erumpentes intra machinæ pneumaticæ recipientis eo facilius evibrantur, longius extenduntur, minus dividuntur, quo minus aeris intra recipientis capacitatem existat. Ita nimirum aptatur machinæ, ut per superiorem vitrei recipientis partem filum metallicum partim interius introducatur, partim vero exterius emineat, quin aeris extractioni, & vacui inductioni officiat. Agente machinæ, & catenæ extremitate superiori metallici fili parti applicatæ, per inferiorem ejusdem fili extremitatem intra recipientis capacitatem versus machinæ patinam metallicam hæc lege visitur pennicillus electricus, ac luminosus, ut dum recipientis est aere plenum, perinde intra recipientis, atque in aperto aere appareat; aere autem rarecente, & paulatim extracto, eadem ratione magis semper extendatur pennicillus, minusque dividatur; quod scilicet rarecente aere, liberius profluat materia electrica.

382. Hinc igitur est stridor ille, quocum scintilla electrica e conductore, aut ab alio quocumque corpore electricato per medium aerem evibratur, cum digiti extremitatem conductori admoveamus. Ex una enim parte aer, corpus maxime elasticum, rarum, & compressionis capax, ad sonum edendum est omnino aptissimus, immo & necessarius; ex alia vero, cum electricitati resistat, ab illa repellitur, rumpitur, dilatatur, ad oscillationes & tremorem agitur, in quibus externus consistit sonus. Nullus etiam hujusmodi stridor ab evibrata scintilla producitur, cum in vacuo exploditur. Analoga hæc etiam sunt tonitruum murmuri, ut in loco dicimus. Ex distis etiam infertur, atque experimentis confirmatur, aeris resistenciam aucta densitate augeri: sicut etiam mater

riæ

PROPOSITIO XXIV.

283. *Materia Electrica communicatur, addensatur,
& accumulatur in corporibus communicatione tantum
electricis, quamdiu non communicant, nisi cum corpo-
ribus origine electricis, atque proinde sunt separata.*

Propositionis sensus est, quod corpora non electri-
ca, qualia sunt metalla, ac proinde catenæ, aut
conductor, dum ex una parte corporibus electricis
excitatis, v. g. globo, aut tubo vitreo electricato
adhærent, ex nulla vero cum terra, seu corporibus
communicatione electricis communicant, electricita-
tem a globo accipiant, illaque in eis addensatur, at-
que accumulatur, quoad vel paulatim per humidum
aerem, vel per alia corpora electrica impura, vel
tandem per corpus non electricum, & cum tellure
communicans tota materia effluit.

284. Quod materiæ electricæ a globo, seu corpore
aliquo electricato transfluat, & communicatur in
corpora non electrica, jam supra brevissime attrigi-
mus, atque inferius luculentissime demonstrabitur,
cum Electricitatis theoriam, & materiæ electricæ
circulationem ex phænomenis, atque experimentis
evincemus: interim notare sufficiat, luminosum il-
lum penicillum, qui a globo in conductorem, & ab
opposita conductoris extremitate perenniter effluit,
agente machinâ, & in machinam etiam dirigitur a
cuspide alicujus ferreæ virgæ, quæ aënti machinæ
admoveatur, satis superque demonstrare, perennem
electricæ materiæ torrentem e globo in corpora non
electricâ communicari, in iisque recipi. Illæ etiam
vividissimæ scintillæ, quæ e corporibus quibuscum-
que electricatis exploduntur, & in corpora non ele-
trica exibrantur, cum ab iis tanguntur, aut alia a
hiis prope admoventur, rem omnino demonstrant. Sed
hæc iterum inferius ab experimentis deducuntur.

285. Materiam electricam corporibus non electricis
communicatam, in eis addensari, atque accumulari,
si & corpus sit separatum, & penicillus a globo in
ipsummet corpus, v. g. conductorem obducere pergat.
facile constat: *primò*, Quia siccus aer origine electri-
cus,

ens, & electricitati maxime resistens, atque conductorem omni ex parte circumdans materiæ dissipationem impedit, eamque in conductore, ac circa conductorem detineri compellit. 2. Experimento, & communicatione materiæ procedentibus, vividior ex conductore elicitur luminosa scintilla, aliaque etiam electricitatis phænomena eduntur intensiora, vividior ex scintilla dolor sentitur, efficaciores, atque ad majorem etiam distantiam sese produnt attrahentes, & repellentes vires: major etiam ab explosa scintilla stridor in aere editur, atque multa alia iis similia. 3. Id tandem luculenter demonstrabitur ab experimento Lugduno Batavico inferius exponendo; ex quo, & innumeris aliis constat, conductorem, & similiter omnia alia corpora non electrica paulatim materia electrica instrui, & veluti onerari.

286. Hujusmodi addensatio, atque accumulatio electricitatis in corporibus fit per ejusdem materiæ compressionem intra corporis poros, & circa illius superficiem. Quare cujuscumque corporis electricitas quosdam limites transcendere non potest: neque corpora magis semper & magis fieri electrica: habent enim corpora certos compressionis terminos, ultra quos progredi naturæ viribus non possumus. Corpora etiam diversa pro varia eorum indole, atque textura plus minusve electricæ materiæ in sese recipere possunt, majorisque, aut minoris compressionis ejusdem materiæ sunt capacia. Id modo nobis sufficit experimentis demonstrasse, materiam electricam hæc esse proprietate præditam: *quod nimirum sit addensationis, accumulationis, & compressionis capax.*

PROPOSITIO XXV.

287. *Corpora electrificata, quamdiu excitata, aut acceptam virtutem conservant addensata, atque accumulata, peculiarem electricitatis atmosphæram habent.*

Est dicere, materia electrica in corporibus, in quibus excitatur, aut recipitur, in atmosphære formam componitur. Id primo constat ex ipsismet electricitatis phænomenis: corpora electrificata ad aliquam a se ipsis distantiam & repellunt, & attrahunt, cæteraque electrica phænomena edunt: cum igitur hæc om-

omnia peraguntur media virtute, seu materia electrica ab iisdem corporibus effluente, aut circum illa existente; consequens est huiusmodi corpora aliquam circa se habere virtutis electricæ atmosphæram, atque virtutem, quam ab ipsa materia non distinguimus. 2. Cum ad electrificatum conductorem digitum admovemus, scintillæ eliciendæ causa, sequentia observamus: e majori distantia aut nullam, aut remissam, atque tenuissimam elicimus scintillam: digito gradatim ulterius admoto, vividior gradatim, & vividior semper vibratur scintilla, atque sentitur dolor, & succussio. Paria omnino atque similia in attractionibus, cæterisque phænomenis observamus: vis attrahens in data quadam distantia remississime agens, intensior semper, & intensior distantia decrescente evadit. Hæc eadem atmosphæra, atque electrica virtus secundum intensionem, atque extensionem plurimum alteratur: aucta enim electrificatione, intenditur, ampliatur; explosa scintilla, dissipatur, & evanescit. Corpora electrificata, atque tibi relicta aere circumquaque circumdata eandem longiori breviorive tempore conservant: aliqua enim corpora origine electrica v. g. ambarum eam semper habent, alia, quæ excitatione opus habent, tandem amittunt: in aliquibus eandem electricitatem per annum, & amplius observant *Du Fay*, & *Gray* (a): Corpora communicatione tantum electrica, qualia sunt metalla, eam vim ut plurimum post exiguum tempus amittunt; servarent tamen, si ea in impurum aerem circumpositum non transmitteretur.

288. Ex propositione, atque adductis rationibus experimento innixis deducitur ejusdem atmosphære electricæ indoles, atque natura. Ea scilicet cæterarum atmosphærarum instar circa corpus componitur, ad certum usque limitem extenditur, ab eo termino usque ad corpus ipsum intensitate, atque densitate crescit: pro varia electricitatis intensione fit etiam densior, atque amplius extenditur. Hanc corporum

X 3

ele-

(a) *Memoires de l'Acad. 1734. cinquieme Memoire &c.*

electrificatorum aut ipſarum electricos vortices aliqui nuncupant: loquere, ut libuerit.

COROLLARIUM.

289. Ex duplici hac propoſitione, atque ab ipſis etiam experimentis deducitur notabilis alia materiæ electricæ proprietas, quod ſcilicet illa vim habeat quæ, cum addenſata, atque in aliquo corpore accumulata eſt, ſeſe circumquaque expandere, atque diffundere adnititur, & ad æquilibrium in corporibus componere, illudque ſemper affectare. Si ab experimentis probare poſſimus, veram hanc eſſe materiæ electricæ proprietatem: facile erit demonſtrare, hoc etiam eſſe univerſale, & ſimpliciſſimum principium, atque totius rei electricæ theoriæ, & phænomenorum cauſam, ac fundamentum, quod ſcilicet materia huiusmodi in integro terreſtrium corporum ſyſtemate ſparſa, atque diſſuſa exiſtens, potensque in aliquibus corporibus alterari, excitari, transmitti, accumulari, addenſari, vim habeat, qua æquilibrium ſemper affectet, & ſeſe juxta æquilibrii leges, atque corporum indolem componere, & diſtribuire adnitatur. Rem modo pauca indicemus, ſuſius poſtea proſecuturi, Materiam electricam in corpora, in quibus antea non erat, in metallicum v.g. conductorem confluere, intra eorum maſſam recipi, circa illa atmophæras componere, in iſis atmophæris, atque intra illa corpora addenſari, & accumulari, haſtenus ab experimentis didicimus: cum primo electricato conductori, ſeu materiæ electricæ accumulatae digitum, aut aliud quodecumque corpus non electricum admoveamus, in quod electrica illa materia efluere, atque communicari poſſit; magno ſtatim impetu illa exploſitur ſecundum intenſitatis ſuæ rationem, atque per admotum illud corpus non electricum diſtribuitur. 2. Cum primum corpus aliquod electricatum v. g. conductorem alio corpore non electrico, ſeparato, quantumvis magno contingimus; electricitas illico in ſecundum hoc corpus a primo communicatur, transmittitur, & ita diſtribuitur, ut in utroque iſto corpore ad æquilibrium componatur. Ex his & quamplurimis aliis experimentis inferius adducendis ſatis evincitur, materiam electricam in corpore aliquo adden-

densatam sese per alia corpora expandere ; atque diffundere semper adniti ; physica idcirco circumdantium corporum origine electricorum resistentia opus esse , ut hujus materiæ virtus impediatur , ipsaque materia in separato corpore detineatur ; cum semel ac illa resistentia quacumque ex parte tollatur , illico versus eandem partem materia expandatur , & evibretur .

290. Porro corpora compressionis , addensationis , & accumulationis capacia , ejusque indolis , ut addensata versus quancumque partem effluant ; expandantur , & dilatentur , sunt proculdubio corpora virtute se se diffundendi prædita : undecumque tandem vis ea proveniat . Id sane est quod observamus in aere , & aliis corporibus elasticis fluidis , igne v. g. aut vaporibus . Unde autem materiâ electricâ vim illam habeat , ab aliqua nimirum elasticitate , an potius a simplicissima alia causa primitiva , id ego neque disputo , neque ab ullo mortalium divinari potest . Si tamen res ita se habet (habere autem modo leviter attigimus , latius infra probabimus) : materiæ electricæ accumulationi , atque addensationi in corpore , ruptoque æquilibrio , & vi ejusdem omnia electrica phænomena debemus : nisi accumularetur , atque addensaretur in corporibus , & vi præterea sese expandendi esset prædita ; neque rumpetur æquilibrium , neque cum impetu efflueret , neque scintillaret , neque alia ederet phænomena ab hac scintillatione , & expansione omnino pendentia . Sed de his postea .

PROPOSITIO XXVI.

291. *Materia electrica in corpus aliquod transmissa per illud uniformiter diffunditur ; dummodo tamen ipsum sit homogeneum .*

Propositio & a vi diffusionis materiæ , & ab experimentis demonstratur . Etenim cum illa habeat vim qua sese versus omnes partes ad æquilibrium componi adnititur , nisi obset peculiaris aliqua corporum resistitia , quæ magis ab una , quam ex aliis partibus diffusionem impediat : æqualiter versus omnes partes intra corpora homogenea diffundetur , & uniformiter sese expandet . Rem sane ita fieri in aere ,

corpore nimirum versus omnes partes (cum compressus est) sese dilatare conante, quotidie observamus . 2. Deinde conductor , aut corpus quodcumque aliud non electricum , sed homogœneum electricetur : in quacumque parte illud contingamus , & rem pari modo exploremus, æqualem virium intensiorem, scintillas æque vivas , pares succussiones , & huiusmodi alia phænomena observamus : vis igitur seu materia electrica uniformiter distribuitur intra corpora . Aliqua tamen animadvertenda sunt : 1. Ita diffunditur uniformiter hæc materia , ut atmosphæram uniformiter intensitate decreascentem componat . 2. Hæc electrica corporum atmosphæra aucta eorum superficie augetur , hoc est , corpora , quæ maiorem habent superficiem, atmosphæram etiam electricam habent ampliozem , atque intensiorem : licet aliunde plurimum in massa , & densitate differant . Quare electricitatis intensitas in corporibus communicatione electricis , de quibus modo loquimur, videtur esse proportionalis & materiæ electricæ accumulationi , seu densitati , & alicui etiam superficierum rationi directæ . 3. Crescente etiam corporum longitudine , amplior in iis observatur , atque intensior atmosphæra , eadem vel diversa sit corporum densitas , atque natura . Id saltem in pluribus corporibus deprehenditur , ut præter allata experimenta , videre est apud *Becariam* (a). Nequaquam tamen asserere audeam, duo hæc postrema aut in omnibus corporibus locum habere , aut in corpore aliquo esse semper atmosphære intensitatem, aut extensionem in directâ tatione superficierum , aut longitudinum . In re præsentî experimenta pedetentim semper sequi oportet :

292. 4. Si corpora in angulos desinant , aut eorum superficies acutis cuspidibus terminentur ; longè aliter se res habet , ut postea dicemus . Peculiarîa circa rem hanc phænomena experimentis passim confirmata probatæ propositioni non opponuntur , proprietates vero superius dictas confirmant .

PRO-

(a) *Elett. Artificiale* .

PROPOSITIO XXVII.

293. *Materia electrica motus in corpore non electrico fit versus omnes partes, antrorsum scilicet, retrorsum, ad omnia etiam latera, sursum, deorsum &c.*

Conductorem, aut catenam quantumvis longissimam, aut quodcumque aliud corpus communicatione electricum, postquam sint valde electricata, a globo separemus, & ex quacumque parte digito, aut alio corpore non electrico, neque separato contingamus; omnis illico materia electrica, qua erant imbibita, dispersa scintilla, emittitur. Materia igitur electrica per totum illud corpus æqualiter, aut uniformiter distributa, tam motu directo a globo versus catenæ extremitatem, quam retrogrado ab extremitate versus machinam, tam laterali, a centro nimirum versus peripheriam, quam etiam sursum, aut deorsum effluit: si catenam prope machinam contingis; tota materia retrogreditur, & ex parte contactus exploditur: si mediam catenam a latere tangas; tota materia partim motu directo, partim laterali cietur, & effluit.

294. Proprium scilicet hoc est materię vi diffusionis præditę, quę violenter compressa, atque addensata, ex quacumque parte effluendi via aperiatur, versus illam confluit, ut in aere observamus. Duo in natura sunt huic proprietati, aut phænomeno analoga, motus fulminis, & aeris compressio, & elasticitas. Fulgura enim vero non solum quoad velocitatem motus, sed quod etiam directam, retrogradam, & laterales directiones attinet, prædictam electricitatis proprietatem exhibent. Quamplurima etiam aeris phænomena fusc a nobis in loco exposita hanc electricę materię indolem omnino referunt.

EXPERIMENTUM VI.

295. Attractionem, & repulsionem corporum a materia electrica factam quamplurima diversa accidentia comitantur, quę & sunt observatione digna, & ad electricitatis naturam agnoscendum viam sternere possunt. Corpora origine electrica ad sese levia corpuscula attrahere, jam superius notavimus: hujusmo-

modi attractiones versus quamcumque trahentis corporis partem sunt; sunt tamen parum notabiles, cum ad exiguas solum distantias, atque minutissima levissimaque corpuscula extendantur: Attractionis igitur phænomena à corporibus electricis, cum fricantur, vel à *non electricis*, cum vim accipiunt, edita prosequamur: Corporis electrici v. g. globi vitrei frictione facta, constanter observamus, primo, attractionem fieri potissimum versus eam partem, quam fricamus: cum globum vitreum convolvimus, frictio fit plurimum supra ejus æquatorem fit, atque supra eundem æquatorem maximâ vis attrahendi observatur. Secundo, corpora attracta breviori, quæ fieri possit, via ad electricam corpus feruntur.

296. 3. Corpora solum per communicationem electrica, postquam sunt electrificata, ex omni parte, atque ad quælibet eorum puncta attrahunt: cum enim nulla in iis frictio locum habeat, & materia electrica per integram eorum massam, aut superficiem diffundatur, nulla eorum pars est, quæ non attrahat, & repellat. Observatur nihilominus, vim electricam hujusmodi corporum facilius, atque majori intensitate in eorum angulis sese exercere, ab iisque majori cum impetu erumpere, repellere, attrahere, quam ubi nullæ sunt cuspides, atque anguli. Affirmare non ausim, rem in omnibus corporibus non electricis eodem modo se habere: est in iis multiplex substantiæ, partiumque diversitas: a puriorique, aut impuriori corporum substantia multoties pendet major vel minor virium intensitas.

297. 4. Attractiones electricæ sunt reciprocae, tamque corpus attrahens versus attractum, quam postremum hoc versus primum accedere adnititur, & rēapse accurrit, nisi causa & impedimento aliquo detineatur. Electrificato tubo exigua & subtilia folia aurea aeræ laminæ imposita admoveamus; ad tubum folia volabunt: aureum folium manu teneamus, ne moveri possit, eique exiguum tubum electricum filo serico suspensum, & facile oscillans admove: tubum versus immotum folium accurrere observabis. Aureis foliis electrificatis, & aeræ laminæ v. g. impositis, manum admove: folia electrificata ad manum non electrificatam accurrent. Duo aurea folia, vel globos ex charta inaurata constructos æqualibus filis ita suspen-

pende, ut moveri æque facile possint: in eadem altitudine, atque ad 6, aut 7 pollicum distantiam inter se constituantur: eorū unī vim electricam communicā: eos illico ad sese mutuo, & æqualiter accurrere animāvertēs.

298. Tandem hæc, aut similia alia experimenta in omnibus corporum speciebus tentemus: omnia corpora a virtute electrica attrahi compērimus, si flammā excipiamus, quæ nullum attractionis indicium prōdit. Atque hinc liquet magnum inter vim electricam, & magneticam discrimen: cum secundā hæc ad ferrum tantummodo, atque magnetem extendatur, primā vero omnia corpora, flammā exceptā, comprehendat. Ex hisce etiā non obscurum elicitur argumentum ad vim magneticam in peculiari particularum effluvio constituendam: licet enim quamplurima sint phænomena & proprietates magneti peculiarēs, quarum causam, actionisque modum non facile comprehendamus, neque aliquid in vi electrica his analogum reperiamus; nihilominus cum summum difficultatis caput ipsimet attractionem, & repulsionem spectet utrobique communem; per ejusdem aut similis naturæ causas res est ubique petenda, atque explicanda: si igitur hujusmodi causam in rebus electricis fluentem materiam esse constet; idem etiā magneticarum proprietatum statuendum est principium.

EXPERIMENTUM VII.

299. Viribus electricis attrahentibus omnia naturæ corpora subesse experimur: magnum tamen est virium intensitatis, atque facilitatis, quibus corpora attrahuntur, discrimen. Quæ circa hoc experientia demonstrat, ad sequentia capita generatim reducuntur.

300. 1. Ex omnibus corporibus facilius, promptius, vividius attrahuntur metalla, & in his aurum, argentum, cuprum: atque hinc ex hisce potissimum metallis levia illa, atque exigua folia parantur, in quibus electricæ attractionis phænomena exhibemus, atque contēplamur.

301. 2. Corpora, quibus hujusmodi folia ad experimenta expediendum imponi debent; ut tubis electricis.

ca.

cat s admoveantur, debent esse *non electrica*, nominatim vero patinæ æreæ v. g., aut argenteæ affabre politæ, & levigatæ, quas ipse manu teneas, atque inferius tubo electricato admoveas. Si hæc varientur; experimenta quidem, & phænomena utcumque eveniunt, non tamen satis bene procedunt.

302. 3. Corpuscula, seu aurea hæc folia ad experiendum adhibenda, minuta esse debent, levissima, atque 3 circiter pedes supra terram elevata: neque inter illa & tubum electricum corpus aliquod *non electricum* esse debet, vel in patina elevari, quod minus a tubo distet, quam prædicta folia. Aliter omnis pene vis electrica ad interpositum, seu minus distans illud corpus *non electricum* derivaretur.

EXPERIMENTUM VIII.

303. *Attractionem* electricam sequitur, & æquat *Repulsio* ab eadem electricitate, atque in iisdem corpusculis peracta: atque hoc alterum est singularis electricitatis proprietas, cujus natura, & peculiaria phænomena ad sequentia capita experimentis comperita reducuntur.

304. 1. Minuta illa & levia corpuscula, aurea folia &c. quæ ad corpora electrica attrahuntur, electricato tubo superius v. g. ad justam distantiam admoveamus; si electricitas sit jam satis efficax, & intensa, vix folia ad tubum avolantia illum tangunt, cum illico resiliunt, & repelluntur. Si electricitas sit intensissima; folia ad tubum avolantia, ne ad illius quidem contactum perveniunt, sed a duorum vel trium pollicum distantia illico repelluntur: supra tubum (si illuc repellantur) manent in aere suspensa, quoad aliquantillo temporis elapso, iterum versus tubum præcipitantur, unde iterum repelluntur: eaque repulsionis, suspensionis, & attractionis continuata vicissitudo tamdiu tenet, quamdiu experimentum prosequi velimus.

305. 2. Si folia a tubo repulsa in corpus aliquod *non electricum* cadant, aut impingant, cui scilicet acquisitam electricitatem communicare possint; tum vero illico ac in corpus impigere, ad tubum revolant, ab eo similiter repellenda. Et hinc si supra patinam metallicam folia illa aurea tubo inferius ad-

moveas; folia ipsa ultro citroque celerrime vibrata, & ludicrum quoddam spectaculum exhibentia non sine jucunditate observabis.

306. 3. Folia ipsa, aut alia similia corpuscula, dum repelluntur, alia etiam corpuscula attrahunt, si per eorum viciniam transeant: contra tamen in attractione, seu dum ad tubum electricum præcipitantur: quod scilicet in primo vim etiam ipsa habeant electricam a tubo, quem fugiunt, communicatam: in secundo, ut illam acquirant, ad tubum advolent. Quod si is, quo utimur, tubus sit solummodo communicatione electricus, eumque, dum folia repulsa in aere manent suspensa, digito contingamus: illico folia ad tubum præcipitantur, non amplius ab illo avolutura, quoad nova tubo communicetur electricitas.

307. 4. Quoniam attractio & repulsio sunt vires contrariæ, ad oppositos terminos tendunt, atque ab una ad aliam fit transitus; in hujusmodi transitu erit earum virium æquilibrium, factum igitur fuit periculum ad hujusmodi æquilibrium assequendum, & corpusculum in aere suspensum detinendum. Ferreæ laminæ horizontali, sericis funiculis suspensæ, separata, & mediocriter electricitatæ folium aureum quadratum tenuissimum, & exiguum inferius admoveatur, donec ad laminam ferream advolet. Cum ab illa post contactum vibretur, & postea iterum, electricitate amissa, attrahatur; manum repulso folio inferius objiciendo remque in diversis distantiiis tenendo, ad id perventum est, ut folium inter manum, & laminam ferream conservaretur suspensum, oppositosque angulos, manui unum, laminæ alterum opponeret.

308. 5. Si foliis aureis a tubo electrico repulsi, ac proinde electricitatis corpora admoveas electrica, aut non electrica, quorum tamen electricitas excitata, aut communicata, minor sit, & remissior, quam illa est tubi, a quo folia vim suam acceperunt; folia ad hujusmodi corpora attrahentur; nequaquam tamen, si oblata corpora parem, atque tubus, electricitatem habeant. Similiter loco tubi repellentis alium substitue: si tuborum electricitates sint æquales; folia a primo repulsa perinde a secundo repulsa esse pergent;

si se-

si secundi tubi remissior sit electricitas; ad eum precipitabuntur.

309. 6. Eidem electrico tubo quamplurima aurea folia admoveamus, ad illum omnia æqualiter accurrunt: post contactum tamen non solum a tubo, sed a se ipsis mutuo repelluntur, & fugiunt, ita ut eo magis sese fugiant, & repellant, quo intensior fuerit electricitas. & ipsa longius repellantur. Idem observabis phænomenon, si ferreæ laminæ, seu conductoris extremitati quemdam a pendas argentorum filorum libere pendentium pennicillum, aut pulveres etiam laminæ ad ipsius extremitatem imponas. Electricitate enim laminæ ferreæ communicata, minutissima pulveris grana vibrantur, a lamina ferrea, & a sese mutuo recedendo. Omnia etiam pennicilli huius sese expandunt, singula a singulis repulsa. Eundem effectum mutua particularum repulsionis in corporibus etiam liquidis observamus, quantumvis fluidorum corporum partes genio suo relicte sibi mutuo adhæreant.

COROLLARIA.

310. Ab hisce experimentis plurima deducuntur modo fusius explicanda. 1. Patet discrimen inter corpora origine, & corpora communicatione tantum electrica: quod prima ex ea solum parte agant, per illam accipiant, ex illaque emittant electricam materiam, in qua fricantur: dum interim omnes ejusdem corporis partes fere nullum electricitatis indicium edunt. Longe aliter se res habet in corporibus communicatione tantum electricis: satis est, materiam electricam ex una tantum parte applicari, ut per omnem illico corporis massam æqualiter distribuatur. Posterioris ratio videtur esse, præter compressionis, & dilatationis materiæ electricæ virtutem, quod corpora non electrica hoc veluti proprium ejusdem materiæ receptaculum, non ita vero corpora origine electrica, ut plurimi Physici suspicantur, & primus asseruit *Wasson*, eam facile recipiant, facileque etiam amittant, si a nulla impediuntur resistentia: dum e contrariis corpora origine electrica, & vitrum nominatim, non solum materiæ electricæ resistent, sed eam etiam aliis corporibus numquam communicent; nisi cum alium

aliunde circa se ipsa recipiunt. Hactenus saltem nullam arte potuit consequi, ut a vitro electricitatem elicceremus, nisi eam aliunde acciperet. Primum vero præter modo dicta ex eo est, quod cum corpora origine electrica v. gr. vitrum materiam intra se aliunde non recipiant; illa ab una ad aliam vitri partem intra ipsum non transmittitur; confluunt igitur, atque addensatur circa partem affricam. Cum tamen aer hac illac etiam eidem materię resistat; ad latera etiam non delabitur, neque proinde circa globum in atmosphæram componitur. Ex proprietatibus igitur materię electricę experimento compertis, & ex noto corporum electricorum a non electricis discrimine phenomenon descendit. Hinc etiam est notabilis alia eorum corporum differentia, quod scilicet corpora communicatione electrica semel ac attingantur corpore non electrico, neque *separato*, omnem electricitatem, explosa scintilla, amittunt; non vero corpora origine electrica. Id vero ulterius confirmat quod superius diximus, materiam electricam intra corpora non electrica fluere, non vero circa illa per eorum atmosphæras, & aerem gyibrari.

311. 2. In corporibus communicatione electricis v. s. hæc versus omnes partes æqualiter agit, distribuitur, effunditur; cuius rei causa ex hactenus dictis satis constat.

302. 3. Quod flamma a materia electrica non attrahatur, neque repellatur, ex peculiari ejus partium statu provenit. Flamma sunt particule corporum, quæ inflammantur, inter se divisæ, & peculiari motu agitæ. Dum in corporibus quiescebant, nullam componebant flammam: omnes autem hujusmodi particule, dum flamma non sunt, hoc est, cum motum, atque statum non habent, attrahuntur: Si igitur solummodo non attrahuntur, postquam in flammam abierunt, id totum a statu inflammationis pendet. Dicine poterit, flammam non attrahi, quia ejus partes continuo semper motu distant, atque dissipantur?

PROPOSITIO XXVIII.

313. Corpora levia attrahuntur, donec æqualem acquirant electricitatem, seu atmosphæræ densitatem.

Ex-

Experimenta propolita rem remonstrant . Corpora levia vix electricam atmosphæram attingunt , atque ingrediuntur , attrahi incipiunt : lentius tamen & remissius , quam cum intra eandem atmosphæram altius fuerint immersa ; quo magis ad electrificatum corpus admoventur , magis etiam augetur attractionis intensitas : interim tamen dum attrahuntur , & ad corpus accedunt , electrificantur , & vim acquirunt : quamdiu igitur ad contactum non perveniunt , augetur ut plurimum eorum electricitas , cum ejus intensitas uniformiter usque ad corpus electrificatum major semper existat : cum ad contactum pervenire , ad summam electricitatis intensiorem accedunt ; tum vero ob peculiarem ejus materiæ indolem , tendentem semper ad æquilibrium , & æqualem diffusionem , vim electricam æque intensam accipiunt , atque in attrahente corpore existit : illa igitur materia in attracto corpore æque densa , & accumulata æquales habet vires , imo & atmosphæram , aut , si mavis , vorticem circa seipsum æquis viribus sese expandentem , atque corpus attrahens . Cum igitur corpora attracta tum solum repellantur , cum ad contactum pervenire , aut prope contactum (si electricitas sit maxime intensa) ; usque ad contactum autem semper attrahantur ; manifestum est , levia corpora attrahi , donec acquirant æqualem electricitatem , seu atmosphæræ densitatem .

314. Attractio igitur corporum ex eorum inæqualitate virium , seu densitatum materiæ electricæ , aut vorticum tum intra ipsa corpora , tum circum ipsa existentium provenit . Quamdiu enim attrahuntur corpora ; virium intensitates non habent æquales ; cum primum materia electrica ad æqualem in utriusque virium , & atmosphæræ intensitatem pervenit ; illico se fugiunt corpora : inæqualitas igitur virium in attractionem influit .

315. Rursum ex eodem principio , atque experimento sequitur , vim diffusionis in hoc etiam ejus materiæ phænomenon maxime influere : ex ea enim virtute oritur æqualis illa ejusdem materiæ per duo præfata corpora , attrahens scilicet , & attractum distributio ; cum igitur uniformis hæc , atque æqualis distributio , seu æqualitas virium ad corporum repulsionem requiratur ; tamdiuque sese attrahant cor-
po-

pora, quamdiu ad eam virium æqualitatem non perveniant; consequens est, utriusque phænomeni principium, & causam esse vim illam diffusionis materiæ electricæ. De his tamen iterum redibit sermo.

PROPOSITIO XXIX.

316. *Ubi est inæqualitas virium, seu densitatum materiæ electricæ in duobus corporibus, illic est attractio; ubi vero vires fuerint æquales, illic repulsio.*

Est dicere, tamdiu corpora sese mutuo attrahent, quamdiu inter illa sit inæqualitas virium, seu densitatum materiæ electricæ; tamdiu vero sese repellent, quamdiu æqualem habuerint electricitatis intensionem. Propositio ex modo dictis fere jam demonstrata est: ulterius tamen experimento; & ratione confirmatur. Et quidem, quod secundam partem attinet, cum materiæ electricæ particulæ vim habeant, qua sese mutuo ad æquilibrium componere adnituntur, & per corpora uniformiter distribuuntur; consequens est, ut sese mutuo, & æqualiter repellant; imo mutua hæc, atque æqualis earum repulsio est ejus diffusionis, atque distributionis causa: nisi sese repellerent, in compressionis statu permanerent. Pone igitur duo levia corpora æqualem habere electricitatem, atque ad mutuum contactum pervenisse: cum atmosphæras, aut vortices electricos habeant æque intensos, & sese mutuo repellentes, alterum ab altero necessario fugient. Sed experimentis, quæ ultimo retulimus, ad evidentiam demonstratur, corpora æqualiter electrica sese mutuo repellere, quoad extra suarummet virium atmosphæras detrudantur. Cum experimenta rem eandem in omni corporum genere demonstrent; cum non modo solida, sed etiam fluida, non modo corpora electrica, sed etiam non electrica, imo & electricitas ipsa, seu particulæ electricæ, dummodo libere moveri possint, sese expandant, fugiant, repellant; cum æqualem electricitatis intensionem habent: satis ab experimentis demonstrata est secunda propositionis pars.

317. Primam similiter phænomena, & experientia evincunt. Equidem corpora electricata, & virium atmosphæris prædita ad sese attrahunt corpora quæcumque non electricata, & ab iis vicissim attrahuntur.

tur, seu potius ad illa æqualiter deferuntur, & impelluntur: cum omnis actio corporum sit mutua: in his autem omnibus est actionum, & virium inæqualitas. Deinde si foliis aureis, aut quibuscumque levibus corporibus electricis alia admoveas etiam electricata, minori tamen, aut majori virtute prædita, quam prima, ad sese mutuo semper trahuntur; quæcumque tandem sit corporum species, quæ observationibus abhibentur; sat igitur experimentis demonstrata est utraque propositionis pars.

C O R O L L A R I U M.

338. Quamplurima ex hoc principio, & electricæ materiæ proprietate phænomena deducuntur, & effectuum explicatio, quos passim in rebus electricis observamus; & partim jam retulimus, partim vero deinceps afferemus: unum modo indicare, & deducere sufficiat, alia multa inferius prosecuturi. Iterati illi aureorum foliorum, & imaguncularum itus, & reditus atque promptissima, ac vivacissima motuum lusio a tubo ad patinam, & vicissim a patinæ ad tubum, est necessaria illius principii consequentia. Folium aureum non electricum patinæ impositum, & tubo electricato admotum, ab illo (vix ejus atmosphæram ingreditur) attrahitur, cum sit virium inæqualitas: vix ad contactum pervenit, æqualem virium intensitatem, & atmosphære densitatem acquirit: illico igitur repellitur ad patinam: semel ac patinam impingit, corpus nimirum communicatione electricum, & cum Terra communicans; vim totam, & atmosphæram amittit, quæ ob vim diffusionis per Telluris globum distribuitur, ut postea fusius explicabitur: amissa electricitate, en virium iterum inæqualitatem: ad tubum igitur avolat folium materiam accepturum, & denuo revoluturum. Atque hoc modo actionum, & virium æqualitas, inæqualitas, earumque vicissitudo ludicrum illud spectaculum nobis exhibet. Quodsi loco patinæ metallicæ corpus aliquod origine electricum substituas, cui aureum folium imponatur, & supra quod recidat: tum vero post primam repulsionem a tubo ad illum non revolat; quia cum electricitatem acceptam non transmittat, virium æqualitate servata, semper repellitur:

tur: illud tamen digito contingit, illico ad tubum revolat; quia vires ab illo extraxisti; ad inæqualitatem rediit. Si folium a tubo sursum in aerem repellatur; 7 aut 8 minuta suspensum detinetur, quibus elapsis in tubum labitur, & attrahitur: quia eo in casu paulatim solummodo materiam electricam circumposito aeri impuro, & nataantibus in illo vaporibus communicat, atque ad inæqualitatem reduci-
tur. Plurima his similia inferius exponemus; atque eodem principio explicabimus.

PROPOSITIO XXX.

319. *Vires repellentes eo sunt majores in corporibus electricis, quo intensiores sunt electricitates aliunde æquales.*

Hæc propositio non solum ex probato hætenus principio, sed, quod caput est, ab ipsismet experimentis deducitur. Materię electricę particulę, cum vi præditę sint, qua sese mutuo repellunt; ad æquilibrium quoad densitatem, & raritatem secundum corporum ipsorum indolem distribuuntur: quo magis igitur hujusmodi particulę fuerint accumulataę, atque compressę, & densę; eo intensior in iis erit vis repellens, atque diffusionis secundum propriam corporum elasticorum compressorum indolem, ut in aere animadvertimus, cujus vis elastica compressioni & accumulationi partium est proportionalis. 2. Crescente electricitate corporum, augetur etiam eorum atmosphæra electrica non solum secundum amplitudinem, sed etiam secundum intensitatem, cæteris quidem paribus: sicut igitur crescunt vires attrahentes, aucta virium intensione; crescent etiam repellentes, cum utriusque virtutis elementa, hoc est, partes electricę numero, & accumulatione augeantur. Præterea commune hoc etiam est aliis qualitatibus, puta calori, luci &c.

320. Sed experimenta ipsa citra omnem argumentorum, & verborum ambagem propositionem demonstrant: quamdiu tubus, aut conductor modicam habent vim electricam; levia corpora non solum ad minorem distantiam, sed etiam remissius repellunt post contactum, quam postquam vehementius electricantur: cum igitur in contactu pares sint virium
Y 2 in-

intensiones in utroque corpore sese contingente; eo vehementius sese repellunt corpora, quo intensiores in iis fuerint electricitates aliunde æquales.

PROPOSITIO XXXI.

321. *Intensitas virium attrahentium est in ratione directa inæqualitatis virium, seu electricitatum, hoc est, eo vehementius sese attrahent corpora, quo major in iis fuerit densitatum electricarum inæqualitas, aut differentia.*

Duo hæc ratione, & experimentis confirmata habemus, æqualitatem virium, seu densitatum esse principium, & causam repulsionis, inæqualitatem vero attractionis: æqualitas non potest augeri; possunt tamen augeri intensitates, & vires utrinque semper æquales: & hinc vires repellentes crescunt solummodo crescentibus virium densitatibus aliunde semper æqualibus; cum æqualitas sit semper ad repulsionem necessaria. Ex adverso inæqualitas multiplici ex capite augeri potest inter duorum, aut plurium corporum vires: vel enim in uno corpore crescunt, in alio minuuntur, vel in uno augentur, in alio invariatae manent: vel inæqualiter crescunt, aut decrescunt in utroque; atque hoc modo plures combinationes fieri possunt circa duarum virium inæqualitatem, quas inferius prosequemur, cum peculiaribus phaenomena exponemus: Modo universalem legem probare sufficiat.

322. Corpora levia omnia electricitate destituta, & ad atmosphæram corporis electricitati admota attrahuntur: rursus si duo levia corpora tubo electrico admoveamus, quorum unum nullam, aliud vero aliquam, sed remissiorem, quam tubus ipse, electricitatem habeat; longe vehementius primum ad tubum rapitur, quam secundum: atque hoc ipsum generaliter in omnibus corporibus. Deinde plura levia corpora inæqualiter electricemus, atque eidem tubo, ad æquales distantias admoveamus: vehementius semper illa attrahi, & ad tubum convolare observabimus, inter quæ major existit virium, seu intensitatum differentia: quocumque tandem ex capite id discrimen proveniat. Ratio etiam ipsa proprietatibus electricis aliunde notis innixa rem demonstrat: Inæqualitas

litas virium, seu densitatum attractionem semper producit: aucta igitur causa, crescet etiam secundum eandem rationem effectus. Quare duo corpora inæqualibus electricitatibus prædita consideranda sunt relatu ad se invicem, atque ad attractionis phænomena, quasi inter illa non esset nisi densitatum discrimen, atque virium differentia; secundum illam enim tantummodo sese mutuo attrahunt. Plurima hic explicari possent nota alias phænomena, quæ a duabus hæc propositionibus dependent: omnes etiam virium combinationes adduceremus, secundum quas electricitatum discrimina, atque relativæ actiones comparari possunt: omnia tamen hæc commodius infra explicabimus.

§.

EXPERIMENTA, ET PROPOSITIONES

Q U Æ

MATERIÆ ELECTRICÆ PHÆNOMENA
IGNEA, ET LUMINOSA SPECTANT.

EXPERIMENTUM I.

323. **H**Ætenus priores materiæ electricæ proprietates, *Excitationem* nimirum, *Communicationem*, *Attractionem*, *Repulsionem*, *Motum* consideravimus; aliqua etiam obiter attigimus ejusdem materiæ lucem, atque calorem spectantia; postrema hac duo pari sane admiratione digna modo prosequamur: atque ex modo dicendis superius jam exposita iterum confirmabuntur.

324. 1. Si corpora quædam origine electrica vehementer perfricemus, atque in tenebris contemplemur; lucem illa ex sese emittere animadvertemus: quin etiam eorum aliqua post peractam frictionem in tenebris servata diuturnum satis tempus lucebant: id quod in adamantibus potissimum, aliisque pretiosis lapidibus comperit *Boyle*, *Guerike*, *Hauksbæe*, *Du Fay* & alii.

325. 2. Hujusmodi lumen non tantum in aperto aere & pleno, sed etiam in vacuo diffundebatur, & lucebat: primumque hoc fuit lucidum phænomenon in materia & corporibus electricis animadversum. Magna, quæ inter ipsum, & phosphoros intercedit, analogia bene multis persuadet, eandem utrobique esse causam, & materiam. Hæc phænomena nihil fere sunt, si cum aliis modo dicendis comparentur.

326. 3. Omnia corpora, quæ electricitatem aliqua tandem ratione, frictione nimirum aut communicatione acquirunt, hoc est, omnia, aut fere omnia corpora nobis nota, sicut attrahunt, & repellunt, cum electrificantur, ita & lucem aliquam, ac ignem ex se emittunt, aut in se recipiunt. Lucis tamen, & scintillarum e diversis corporibus erumpentium vivacitas, intensitas, color magnum inter se discrimen habent. Inter omnia corpora origine electrica primum tenet locum adamas, gemmæ reliquæ, & vitrum; quorum lux clarior, & vividior est, quam illa ambari, resinæ, picis &c.

327. 4. Hominem electrificatum & separatim alius non electrificatus, neque separatus digito attingat; luminosa illico scintilla a contacta hominis parte in digitum evibratur, quæ non modo illuminat, sed eum in digito, ac contacta hominis electrificati parte dolorem creat, quem ex adustione sentimus; vividiorque, aut remissior est pro electricæ materiæ atque scintillarum erumpentium intensitate.

328. 5. Cum scintilla elicitur vivacissima, ac in spiritum vini dirigitur, in eoque recipitur, eum inflammatur, idemque omnino in aliis corporibus similibus peragit. Duo hæc postrema phænomena, quorum primum *Du Fay*, secundum *Ludolf* primi experti sunt, dubitare amplius non permittunt, fluidum electricum esse verum, ac proprium ignem, quam sententiam omnium primus in medium produxit *Du Fay*. Infra tamen demonstrabimus, ignem electricum peculiare habere proprietates, quæ communi minime conveniunt.

330. 6. E corporibus origine electricis clarior, vivacior, atque intensior elicitur scintilla, cum illa corporibus non electricis fricantur, puta charta inaurata, manu arida, & aliis similibus. Iterum tamen hic animadvertendum est, hoc phænomenon, sicut & alia

alia superius relata, feliciter non procedere, nisi corpora ad experimentum adhibita prius exsiccantur, si aliquam forsitan habuissent humiditatem ante frictionem. Eadem etiam scintillæ vividiores, atque intensiores sunt (cæteris paribus) post vehementem frictionem, quam post paucas solum globi revolutiones; quod argumento est, corpora electricas scintillas evibrantia fluido electrico parumper instrui, quasi sclopetum, seu potius cunniculi nitrato pulvere instruantur: Quæ quidem cum superius dictis consonant, imo ea confirmant.

331. 7. Alia præterea animadversione digna in hoc ipso experimento observamus: si ille, qui globum, aut corpus aliud electricum perfricat, cum tellure ipse per se se, aut mediis solummodo corporibus non electricis communicat; electricitatem in globo excitat, & ad conductorem transmittit: si sit *separatus*, quantumvis vehementer, & diutine frictio producat, nulla in globo electricitas excitatur, neque in conductorem transmittitur.

EXPERIMENTUM II.

332. Ita construatur machina, ut globus & in libero aere, & intra machinæ pneumaticæ recipiens, aere plenus, aut evacuatus convolvitur, atque fricari facile possit, ut a *Du Fay*, aliisque peractum fuit. Machina agente & globo quatuor hisce indicatis modis fricato, generaliter observamus, materiam, lucem, atque ignem electricum longe facilius, intensius atque vivacius in vacuo, quam in pleno excitari; per vacuum, quam per liberum aerem, diffundi.

333. 2. Si globum evacuatum communi ratione fricemus; frictione vix incepta, vivacissimos luminis radios ex tota globi circumferentia versus centrum per vacuum diffundi, atque ad hujusmodi phænomenon producendum vel levissimam frictionem satis esse animadvertimus. Aerem deinde in globum paullatim ingredi permittamus: tum vero quantumvis frictio data opera procedat vehementissima; lumen electricum sensim remitti, eoque magis languescere observamus, quo plus aeris ingreditur. Rem etiam intra aerem condensatum intra recipiens tentavit *Du Fay*, atque experimento comperit, aeris densationem

electricitati obesse, nullamque globi, aut tubi vitrei aere densato, & violenter compresso pleni frictionem satis esse ad ejus electricitatem excitandam, & electrica phenomena tum intra, tum extra tubum edenda (*).

334. 3. Ea facilitate in spatium vacuum irrumpit, ut satis sit, recipienti, seu vasi cuicumque evacuato tubum electricum admove: ante contactum enim fluidum electricum in vacuum irrumpit, totamque objecti vasis capacitatem illuminat. Clarius etiam, atque vividior animadvertitur materię electricę in vacuo splendor, cum vas ipsum evacuatum succutitur, circumagitur, aut alio quocumque modo movetur, quam si maneat immotum.

335. 4. Phænomenon mirabile pariter atque jucundum hac in re *Hanksbee* omnium primus, plures vero alii post ipsum observarunt: Globum vitreum cavum 6 pollicum diametri cera signatoria fusa interius ita obduxit, ut tota zona inter utrumque polarem circulum esset illita, & opaca; a polis solummodo circulare spatium a cera liberum, & diaphanum relinqueretur. Globo evacuato, machinę aptato, & supra manum prementem circumvoluto, cum e polis observabatur, in interiori, concavaque globi superficie supra opacam ceram luminosa manus fricantis imago, manui ipsi respondens apparebat in parte, qua premit manus: itaque distincta visibatur imago, quasi manus ipsa esset luminosa, cera vero signatoria esset omnino diaphana si digitus tantummodo premat, digitus tantum videbitur: uno verbo, illę solum manus partes apparent lumine depictę, quę globum premunt, digitorum intervallis penitus obscuris.

EXPERIMENTUM III.

336. Corpora communicatione tantum electrica lucem.

(*) Lorsque l'air fut condensé du double de l'état naturel, j'eux beau froter le tube, je ne pus pas percevoir la moindre lumière, & il ne parut aucune étincelle.

cem atque scintillas multo vividiores, ac intensiores, & impetu longe vehementiori emittunt, quam corpora origine electrica. Atque hinc est, quod ad huiusce generis experimenta, & phænomena observandum priora illa corpora semper adhibeamus, aliisque omnibus præferamus. In iis scintillis eliciendis præter ea, quæ supra diximus, præcipue observamus frequentia. *Primum*. Si conductorem non electricum, v. gr. ferreum filum, catenam, animalia ope globi vitrei electrificata, vel globum ipsum digito attingimus; scintillæ ab hisce corporibus in digitum evibrantur; a prioribus tamen corporibus ignis electricus vividior, intensior, magis unitus, majorique strepitu, quam a globo erumpit, & veluti exploditur, quantumvis omnem, quam habent, electricitatem a globo priora illa corpora accipiant.

337. *Secundum*: Scintillarum evibratarum intensitas atque vehementia rationem superficiei & longitudinis corporum e quibus evibrantur, habere videntur. Rursus evibratæ scintillæ eo ut plurimum clariiores sunt, magisque splendent, quo majori cum impetu evibrantur: vehementior vero est impetus pro ratione intensitatis materiæ e corpore non electrico erumpentis, hoc est, in ratione densitatis, atque accumulationis materiæ in corpore electrificato. Et hinc cum conductores, seu tubi satis longi, atque capaces adhibentur, post vehementem & diuturnam eorum frictionem adeo promptæ, vividæ, & intensæ e tubo evibrantur scintillæ, ut tubum ipsum fulgurare diceret: fulgura nimirum, ut in parvo fieri potest, perfecte referunt: cum præter splendoris oculos ferientis vivacitatem, scintillæ in objecta corpora e distantia satis magna vehementissimo impetu, & strepitu in oculi ictu evibrentur, atque acutissimum generent dolorem.

338. *Tertium*: Si tubum electrificare diuturno tempore pergemus, quin ab illo scintillas eliciamus: postquam satis materiæ electricæ in tubum pertransiit, & densam atmosphæram circa ipsum componit, materia ipsa electrica nullo externo corpore extrahente, e conductore suamet indole, atque ingenio evibratur: tubus interim circumquaque luminosus apparet, & aliquando etiam fluidum electricum sub forma scintillarum & torrentis ignei erumpit: id tamen

men a conductoris figura maxime dependet : per conductoris enim angulos , si quos habeat , atque extremitates ignis plerumque effluit ; effluendo pennicilli formam refert , cujus apex tubum ipsam respicit , illique inhæret , atque insistit , ad partem vero oppositam basis dilaturatur , & radii ipsi ampliantur , ac diverguntur . Luminosi hujusce pennicilli radii non solum a corpore recedendo divaricantur , sed eo magis ampliant , quo vehementior fuerit electricitas & materia densior . Eorum evibratio strepitu quodam peragitur , eum sonum referente , quem capilli , aut virides rami subtiles edunt ardendo .

339. *Quartum* : Cum digitum v. g. tubo electrificato ad scintillam eliciendam admoveamus ; novus apparet radiorum electricorum pennicillus luminosus , digito adhærens , priori quidem respondens , multo tamen minor , & positione contrarius . Radii enim qua parte digito insistant , divaricantur , & cum extra digiti superficiem in aere parum extendantur , stellam quamdam luminosam digito insistentem referunt , quo nomine eos postea radios nuncupabimus . Generatim præterea observamus , quod in duorum , aut plurium corporum communicatione electricorum comparatione , quorum alia aliis sint vehementiori electricitate instructa , pennicillus semper appareat ex corporis vehementius , & intensius electrici ; stellula autem e contrario ex parte minoris electricitatis videatur . Atque hinc , & ex aliis experimentis inferius adducendis statim demonstrabimus , pennicillum luminosum esse materię electricę e corpore effluentis indicium , stella vero materię ejusdem influxum in corpus aliquod minus electricum indicare . Neque etiam omittendum , quod si conductor sit vehementi electricitate instructus , in cuspidem desinat , illumque ulterius semper electrificare pergamus ; ex ea cuspe pennicillus perenniter effluat , & copiosum exilientis fluidi torrentem referat .

340. *Quintum* : Secundus ille pennicillus , seu stella pro intensiori etiam tubi electricitate , atque superficie vividior est , & vehementior ; tamdiuque durat , quamdiu prior alius , effluentis materię indicium , apparet , & corpus minus electrificatum alteri vehementius electrico rite admoveatur . Singulis hæc pennicillis in manum v. g. receptis acutus semper

per generatur dolor. Ab iis præterea, cum in spiritum vini, pulverem nitratum, aut alias materias facile comburendas recipiuntur, prædicta corpora inflammantur; aliqua etiam funduntur, aut in calcem rediguntur, pro varia corporum indole: pluraque alia peculiarissima fulgurum phænomena, species, & affectiones exhibentur.

EXPERIMENTUM IV.

341. Nullum hactenus circa rem Electricam factum fuit experimentum, quod vel æqualem sui admirationem hominibus ingereret, vel eos ad rem ipsam probandam atque hæc studia promovendum æque alliceret, ac experimentum *Lugduno-Batavicum*, nuncupatum vulgo *de Leiden*, alioque nomine *Coup foudroyant* (ictus fulminans) appellatum. Primus experimenti auctor *Cunæus*, nobilis Lugduni-Batavorum civis, rem fortuito casui debuit: cum enim Phyllicam Experimentalem coleret, & quædam experimenta electrica anno 1746 repeteret; in eam, quam modo dabimus, machinæ & rerum combinationem, atque effectum antea ignotum incidit. Assumatur vitrea phiala tenuis, bene munda atque exsiccata, quæ ad medium usque aqua impleatur: pars vitri aquæ superflans diligenter interiùs, exteriusque detergatur, atque exsiccetur: phialam hoc modo paratam manu ita prehende, & tene, ut manus partem tantummodo, & faciem aquæ respondentem complectatur. A conductore ducta sit catena, seu ferreum filum, quod ita inflectatur, atque dirigatur, ut per phialæ collum intromissum in aquam immergatur: quin tamen vitrum aliqua in parte contingat. Rebus ita dispositis, agenteque machina, cum satis jam electricitatis excitatum atque conductori communicatum fuerit; dum interim manu dextra v.g. phialam tenes, sinistra conductorem quasi scintillam eliciturus continge.

342. 1. Tum vero vix conductorem digito attingissi, atque ab illo scintilla evibratur, illico in oculi istu eam in manu, cubitis, pectore, aliisque corporis partibus intimam ac violentissimam concussionem senties, quæ medullitus omnino corpus penetret, & te quasi mortuum, & repentino fulmine percussum suis-

se

se persuadeat. Non melius hujusce experimenti effectus ideam comparabis, quam ex ipsismet verbis *Petri van Muschembroek*, rem experti : *Tenant de ma main droite le vase de verre, tandis que j'essais de l'autre a tirer des étincelles; tout d'un coup ma main droite fut frappée avec tant de violence, que j'eux le corps ébravé comme d'un coup de foudre . . . les bras & tout le corps sont affectés d'une manière terrible, que je ne puis expliquer : en un mot, je crus, que c'étoit fait de moi (a).*

343. 2. Alia etiam est ratio ejusdem experimenti instituendi : loco nimirum phialæ vitreum quadratum satis amplum adhibetur, cujus utraque facies fuso stanno illinitur, & obducitur præter quamdam earum circumferentiæ fasciam duos fere pollices largam, quæ circumquaque relinquitur pura. Vitreum quadratum pluteo metallico ita impone, ut inferior stanni lamina cum terra communicet, superiorem vero catena, aut ferreum filum a conductore ductum contingat. Si, superiori laterali facie, seu lamina stannea vehementer jam electrificata, ope ferrei fili duplici flexura curvati (quem ipse vitreo manubrio gubernes, & manu teneas) communicationem inter utramque stanneam laminam inducas, (quod fiet, si uno eodemque tempore singulæ hujusce fili extremitates singulas quadrati laminas stanneas contingant, experimentum recte instituisti. Hac ratione rem peregit *Franklin*, omniaque experimenti *Lugduno-Batavi* phænomena quadrato hujusmodi vitreo produxit, ideoque quadratum *Magicum* nuncupatur. Cum experimentum postrema hac ratione peragitur, post vehementem electrificationem fulgur adeo rapidum, splendens, & vehemens a superiori lamina per filum inflexum ad inferiorem evibratur, ut illius splendorem ferre omnino oculi non possint. Strepitus etiam una simul editur, qui ad magnam distantiam auditur, & tonitrum refert. Scintilla hæc seu fulgur aureum folium inter duas lamellas vitreas interpositum in transitu offendens, in istu oculi ita fundit, atque intra vitrorum substantiam adeo profunde, & me-

dul-

(a) *Lettre de Mr. Muschembr. a Mr. de Reaumur.*

dullitus coagmentat, ut nulla deinceps arte separari possint.

344. 3. Hujusce tamen experimenti effectus, & sensus ex illo in nobis habiti (cum priori modo res instituitur) non sunt in omnibus periculum facientibus omnino iidem: primo enim opus est, ut excitata, atque communicata electricitas sit satis vehemens, atque intensa. 2. Pro multiplici varioque hominum temperamento, debilitate & viribus acutiorem vel remissiorem sensum, dolorem, aliosque effectus producit. Sunt tamen, quibus vel mortem ipsam parient, ut facile ex relata fulguris vehementia intelligere possumus, & periculum in aliquibus jam animantibus factum nos docebit.

Plurima theoremata ex allatis hucusque experimentis deducuntur, quorum partem modo proponemus, alia in lectionem sequentem aliis præterea observationibus confirmanda remittimus.

PROPOSITIO XXXII.

345. *Spatia, & corpora illuminare, est alia etiam materiae electricæ proprietas.*

Hæc Propositio est purum corollarium ex relatis modo experimentis descendens. Constat enim, materiam electricam, cum excitatur, & copiose a machina, aut globo in catenam, a catena etiam in alia corpora, vel etiam in machinam, seu globum transmittitur (hoc enim ultimum etiam evenire statim probabimus), luminosam esse: vel illa perenniter tamquam torrens erumpat, atque pennicilli, & stellæ formam appareat, vel potius vivide, interrupte tamen evibretur, vel tandem ab corpore vehementissima electricitate prædito atque excitato undequaque in atmosphæræ modum dispergatur. Quocumque ex his modis materia electrica transmittatur, luminosi corporis munus agit, lucem etiam illam, quam inter globum & digitos manus globum fricantis observamus, esse pariter materiam electricam ab homine fricante in globum transeuntem statim probabimus. Si quis vero diceret, materiam electricam ex se quidem non esse luminosam, sed lucem solummodo ab illius actione excitari, eamque comitari: id ab experimentis probari primum oporteret; cum præcipue animadver-

tamus, materiam electricam non modo in pleno, verum etiam in vacuo, non in uno tantum, sed a quocumque corpore effluat, aut ingrediatur, lumen emittere.

346. Inter alias luminis proprietates in electricitate observatas, & quibus materiam ipsam electricam luminosam esse demonstramus, recenseri debent colores prismatis Newtoniani. Si per medium prisma in vividum torrentem electricum aspiciamus; omnes septem colores prismatis notissimos observamus; atque circumposita corpora vicina a torrente illuminata iisdemmet coloribus prædita apparent, quibus interdiu lumine solari depicta conspiciuntur.

PROPOSITIO XXXIII.

347. *Notissimas etiam Ignis proprietates superius relatas, perfectiori tamen atque intensiori gradu habet materia electrica.*

Propositio post adducta modo experimenta aliis probationibus non indiget. Notiores, atque propriiores ignis proprietates sunt *incendere, inflammare, in vapores, fumos, cineres, calcem redigere, fundere*: omnia hæc peragit etiam materia electrica, ut modo retulimus: magnum tamen inter utrumque interest discrimen: Ignis noster relatos effectus lentissime, & remisse producit: si cum viribus electricis comparetur; hæc enim vehementia, intensitate, atque brevitate ferè incredibili illa omnia efficiunt, ut & ab experimentis nostris evidenter inferimus, & partim etiam in experimento Batavico observamus, quantum in minimo, atque arte nostra perquam debili maxima ipsius naturæ phænomena imitari possumus. Quanta enimvero est differentia inter artem & naturam, inter scintillam electricam e conductore, aut globo elicitam, & fulmen aut terræmotum, tanta etiam existit in harum causarum effectibus. Qua sane vehementia in oculi ictu fulmine, hoc est, scintilla electrica a natura ipsa e vibrata in fumos, vapores, cineres, & calcem redigantur corpora, vix concipere possumus. Est igitur materia electrica purus ignis Elementaris, aut etiam communis? Hoc vero est, quod in sequenti lectione differemus, in qua & relatas jam, atque demonstratas proprietates ulterius explicabimus, & alia etiam

iam adjungemus, quibus materia electrica non leviter ab igne discriminatur; five id a propria utriusque natura proveniat, seu potius a diversis aliis materiis, quas alter præ altera secum deferat.

Atque ex hucusque dictis satis constat Electricæ materiæ definitionis a nobis in hujusce tractatus limine propositæ veritas. Eam enim per illas proprietates definivimus, quas deinde multiplici propositione indubiis experimentis demonstravimus.

PROPOSITIO XXXIV.

348. *Materia electrica multo facilius, copiosius, atque velocius e corporibus effluit, aut in corpora ingreditur per cuspides & angulos, quam per obtusas, latasque superficies.*

Hoc aliud est generale electricitatis phenomenon in omnibus corporibus rei ipsius capacibus observatum, ab experimentis deductum, atque demonstratis jam ejusdem materiæ proprietatibus consonum, imo & innixum. Experimenta rem probantia num. 306. 307. &c. descripsimus: e quibus constat non modo per cuspides facilius, & copiosius effluere materiam electricam; verum etiam totam electricitatem per conductorem in cuspidem desinentem perenniter transmissam, licet intensissima sit, per cuspidem ipsam sub fulgentissimi pennicilli forma ita perenniter & copiose effluere, ut conductor ipse aliis ex partibus tactus aut nullas, aut valde remissas scintillas evibret: quasi scilicet nullam, aut vix sensibilem electricitatem habere; licet eodem tempore a globo in conductorem, & ab uno hujusce extremo ad aliud per totam ejus longitudinem vehementissima, & copiosissima electricitas transcurrat. Atque hinc est, quod conductor in acutum apicem desinens, quantumvis adnitamur, nihil aut parum electricitate instruitur, & siquam tandem tenuissimam accipiat; id non nisi post multum temporis, atque laboris obtineamus. In eandem rem est notissimum *Jallabert* experimentum: ferræ virga conductori admodum plus materiæ electricæ, atque e majori distantia elicit,

cusi

culpide ad conductorem conversa, quam si rotundum caput convertatur (a).

349. Ex superioribus habemus, materiam electricam in corporibus communicatione electricis addensari, in atmosphæram componi, magna vi sese expandendi præditam esse, per conductorum longitudinem velocissime transferri, & magnam in circumposito aere resistantiam offendere, ab eoque potissimum habere, ut in atmosphæram circa conductorem componatur: Ex his autem omnibus sequitur, eandem materiam per spicula potius, & culpides, quam per latas superficies effluere, & ingredi; major scilicet illic est corporum longitudo, minus aeris cuspidi, quam latæ superficiei respondet, atque resistit, densiorque tandem per spicula; quam per alias partes adigitur, & transmittitur materia. Jam vero indolis est fluidi cujuscumque maxime compressi, & sese dilatare, atque expandere conantis, ut illac potissimum, majorique vi effluat, qua & minus resistitur, & magis ipsum ad effluendum, aut influendum compellitur: rationi igitur atque notis maseræ electricæ proprietatibus consonat, atque innititur veritas in Propositione asserta, & experimentis aliunde demonstrata.

350. Plurima alia ex iisdem experimentis deducuntur, quorum partem jam superius aliis observationibus stabilivimus, & obiter modo confirmationis gratia iterum indicabimus, tamquam probatæ jam doctrinæ corollaria: partim vero ad Electricitatis theoriam spectant, atque in sequenti lectione prosequemur.

COROLLARIA, EX DICTIS.

351. Primum: Constat igitur 1. materiam electricam & in pleno, & in vacuo existere, atque utrobique sua phænomena edere, excitari, lucere, attrahere, repellere, scintillari &c. Hæc omnia experimenta ultimo relata evincunt. Interim tamen non decidimus, per-

meet

(a) Hist. de l' Acad. 1735. p. 18.

meet necne illa materia per vitrum in vacuum: suus statim erit huic argumento locus.

352. *Secundum* : Satis proinde ab experimentis demonstratur, neque materiam electricam esse aerem, neque ejus phaenomena ab aere producti. Puerat hæc allicujus præclari alias philotophi opinio, vel potius conjectura, dum res electrica ad id, quo modo est, lumen non pervenerat. Equidem intra machinæ Pneumaticæ recipiens aere (quantum humana industria fieri potest) evacuatum materia electrica existit, ejus phaenomena eduntur.

353. *Tertium* : Lumine, & scintillis electricis ulterius confirmatur, aerem materiam electricam magnopere resistere. Eandem veritatem superius aliis observationibus probavimus; his nova hæc etiam experimenta consonant, eamque ulterius confirmant: materiam enim electricam, semel ac inducitur vacuum, per illud sese facillime diffundere & luce adimplere, dum interim nihil hujusmodi in pleno peragit, numeris 300. &c. observavimus: placidissime etiam in vacuo lux diffunditur, longior, magisque collectus erumpit illic penicillus: dum in pleno contraria sunt omnia.

354. *Quartum* : Sicut decrecente aeris densitate, facilius electrica phaenomena eduntur; ita ex adverso aeris densitate crescente, magis semper augentur electricarum rerum phaenomena. Est dicere, corpus electricatum facilius in rariori, difficilius in densiori aere phaenomena electrica producit. Hoc etiam modo dictis consonat, & experimentis innititur. Aer scilicet corpus materia electrica instructum circumdans, est naturale repagulum, quo fluidum illud, ne a corpore abeat, detinetur: rarecente igitur aere, debilitatur etiam naturale electricitatis impedimentum; faciliusque a premente semper, & urgente fluido detento perumpetur.

355. *Quintum* : Materia electrica novam nobis rationem, & vim demonstrat, qua corpora alias opaca ipsiusmet actione fiunt pellucida. Alia hæc est illius proprietas, nobis ab experientia tantum nota. Materiam electricam esse luminosam, aut cum luce conjunctam demonstravimus: ea autem corpora, quæ luminis actione, aut materiam transmittunt, sunt aut fiunt pellucida: cum ergo tanta sit electrici flui-

di vehementia, ut trans signatoriam ceram agat, indeque illic efficiat, ac si reapse transmitteretur (in sensu statim explicando); consequens inde est, signatoriam ceram electricitate aut fieri pellucidam, aut pellucidi corporis munus agere. Hic vero pelluciditatis status neque lumine communi obtineri potest, neque post peractum experimentum permanet, ut in aliis corporibus, quæ pellucida sunt ad lucem solem, fieri videmus: primum a magno virium electricarum excessu supra lumen provenit: Secundum vero, quia prædictum phænomenon est præsentis tantum, & actu agentis electricitatis effectum. Sed de hoc iterum inferius.

356. *Sextum*: Corpora origine non electrica non solum materiam electricam in sese recipiunt, addensatam, & accumulata servant, sed eam etiam facillime emittunt: contraria omnia in corporibus origine electricis accidunt. Hinc tamen inferri nolim; plus materæ electricæ in primis, quam in secundis contineri; cum ex multiplici alio capite res possit provenire. Utrum etiam scintillæ a postremis illis corporibus elicantur, ab interioribus eorum sinibus exploduntur, an vero a materia solummodo circum eorum superficiem accumulata evibrentur, ab experimentis edocebimur.

P A R S S E C U N D A.

Philosophorum de materia Electricæ natura opiniones: probabilior totius rei theoria, & principium exponitur, quo Electricitatis phænomena hucusque notæ explicantur.

357. Hactenus, præcipuæ rerum Electricarum phænomena, æque experimenta proposuimus, ex iisque materię electricę proprietates deduximus: plurima supersunt nobis prorsus incognita, quæ fortasse ventura tempora, & major posterorum diligentia invenient: plurima etiam omnem humanam industriam fuzient. Inter hæc postrema locum potissimum habent ipsiusmet fluidi electrici natura, excitatio, virium acquisitio, propagatio. Quid scilicet rei est materia electrica? Est ne eorum fluidorum aliquod, quibus nomina saltem imposuerunt Philosophi, Ma-

teria *Ætherea*, *Ignis Elementaris*, *Materia subtilis*, siqua existit ab aura *ætherea* distincta? An potius est peculiare aliud fluidum ab hisce & omnibus cæteris antea notis distinctum? 2. Unde materie Electricæ adveniunt, quove pacto acquirit mirabiles illas, atque prodigiosas vires, quibus effectus vix aliquam credibiles exequitur? Qua etiam ratione subtilissimum illud fluidum per solida corpora permeat, mirabilique celeritate excurrit, ac intimam eorum substantiam penetrat? Hæc & alia quamplurima sunt, quæ hæc nostra ætate omnium Philosophorum ingenia torquere possunt.

ADNOTATIO HISTORICA.

358. Circa materie Electricæ naturam triplex posissimum est Physicorum opinio. Est ignis elementaris, inquit philosophi hac tempestate celebres; Ignis ille secundum hujusce sententiæ fautores præter notissimas istius proprietates, quas in loco recensemus, & in omnibus corporibus indiscriminatim exerit, aliis etiam magis peculiaribus præditus est, quas solummodo in quibusdam corporibus, & circumstantiis prodire neque enim novum, aut mirum est, in uno eodemque fluido plurimas inesse proprietates ac vires, a quibus diversæ, imo & aliquando in speciem saltem oppositæ videntur effectus pro corporum diversitate, in quibus fluidum ipsum existit. Atque hoc primum est sententiæ caput à Franklino statuta, qui mira ingeni sagacitate, industria, & labore rem Electricam in America promovebat.

359. Materiam Electricam ab *Ætherea* non distinguunt alii, earumque postremam cum Elementari Ignis nequaquam confundunt. Materia hæc *ætherea* ab antiquissimis philosophis Græcis, Romanis, Barbaris nota atque admissa, si hosce Physicos audiamus, est omnium naturalium motuum, atque effectuum universali principium, & commune naturæ virtutum promptuarium, quæ ab illa statuta a Deo legibus distribuuntur. Hinc ergo materie tribuitur corporum gravitas, calor, frigus, elasticitas, & mille id genus alia. Hic philosophandi modus non multum a Cartesianismo abluat; notum est, similia omnino materie subtili tribuisse Cartesianum, in eamque omnium virtutum & motuum originem retulisse. Eam sententiam nullus hominum falsam esse

esse demonstrabit, aut secundum illam adducta hactenus phænomena explicari non posse conficiet: licet quamplurima sint maximi ponderis argumenta, quæ eandem opinionem impugnent. Quod tamen cum meo quidem iudicio potissimum implicat, est ipsiusmet rei obscuritas, atque multiplices hypotheses. Ætheris naturam definire, ejus diffusionem statuere, omnium rerum naturalium motus, & effectus in illam referre, atque tamquam primum unicum & universale virium promptuarium a Deo statutum concipere, hæc, inquam, omnia atque quamplurima alia, quæ in hac sententia admittere oportet, obscurissima sunt, & maxime incerta. Sed hæc, iterum dico, sententiam capto potius difficilem & non nisi multis discussionibus, atque experimentis præmissis tenendam ostendunt, quam falsam esse demonstrant.

360. Tertia demum sententia materiam Electricam peculiare quoddam esse fluidum statuit ab omni alio Philosophis hactenus noto distinctum; eamque distinctionem ex singulari ejus materie indole ac proprietatibus deducunt, quæ communibus aliorum corporum legibus conformes esse non videntur. Res ipsa & mira electricitatis phænomena opinioni probabilitatem conciliare videntur. Qui in hunc sensum ratiocinantur, materiam magneticam ab omnibus etiam aliis fluidis distinctam esse autant, quamvis non levis inter effectus electricos & magneticos intercedat analogia. Cum res sit maxime obscura, & sæpe etiam fiat, ut ab ea parte stet veritas quæ majoribus in speciem difficultatibus premitur, nullam ego dictarum opinionum refellam, satisque mihi erit, si quæ probabiliora mihi videntur, in medium afferam.

361. Generalia tamen hæc sunt, propius in rem ipsam descendunt Nollet, & Franklin: quorum primus phænomena electrica per duplicem materiam torrentem contrario sensu fluentem exponit, alium scilicet a corpore electrificato effluere, alium vero in illud vicissim eodem tempore affluere contendit, materiamque Effluentem, & Affluentem nuncupat. Quin etiam duplicis torrentis ope experimentum Lugduno-Batavicum fieri existimat, unumque per medium phialæ vitrum effluere, dum interim alias ad vitrum alia ex parte accurret: vitrum igitur a materia electrica permeari inde deducit: Materiam etiam electricam a machina & glo-

bo vitro in conductorem transmissam ab ipsomet potissimum vitro egredi autumat, in cuius locum alia e circumpositis corporibus materia in globum ipsum affluit: de qua re videri potest concertatio inter le Roy, & Ab. Nollet in actis Acad. Parisiensis (a), quorum primus opposita omnia secundum Franklin systema egregie propugnauit. Quid rei sit istud Franklini systema, sequentia aperient.

PROPOSITIO XXXV.

362. *Materia Electrica ab Igne Elementari non videtur esse distincta.*

In hac Propositione simplicium causarum naturam attingimus, quæ experimenta & sensus nostros fugiunt. Ab observationibus igitur illam demonstrare non possumus, sed tamen attenta illa, quam habemus, de Igne Elementari idea experientie innixa; perpenſis etiam materię Electricę proprietatibus hucusque expositis, & multiplici experimento demonstratis, propositionem ita evincimus.

363. Habemus scilicet primo, huiusmodi materiam esse subtilissimum fluidum corpora etiam densissima permeans, per illaque velocissime transcurrent: constat secundo, & magis adhuc probabitur, per uniuersa terrena corpora eandam esse diffusam; multiplici ratione in iis alterari, excitari, atque huiusmodi excitatione ad effectus suos producendos agi, viresque suas explicare: Tertio probauimus, materiam electricam, cum ab uno ad aliud corpus copiose evibratur, celebriores notissimasque proprietates Ignis, & Lucis edere: vividissime lucet, circumposita corpora illuminat, proprios eorum colores producit, omnes præterea prysmatis colores primitivos in se habet, aut potius ejus actio, atque radius per prisma trajectus in omnes colores modificatur, aut distribuitur; corpora deinde inflamat, in vaporem, fumum, calcem, pulverem redigit pro varia eorum indole, alia fundit, dolorem in nobis creat, qualem ex combustionem experimur. Omnia autem hæc

(a) Hist. de l' Acad. 1753. Mémoires &c.

hæc sunt notissimi characteres, & proprietates Ignis, atque materiæ luminis. Omittendum etiam non est, ab eadem electrica materia illiusque actione rarefcere corpora, plantarumque, & aliorum vegetantium nutritionem promoveri, atque adjuvari: Cum igitur univcrsa hæc nulli præter Ignem convenient, aliunde vero constet, nequaquam illa communi, atque impuro Igni, quem omnes tractamus, & novimus, perfecte saltem convenire: aliud dicendum non superest, quam materiam, de qua loquimur, esse Ignem Elementarem.

364. Quominus nostra propositio probabilitatem transcendat, sequentia etiam argumenta faciunt: Multiplex scilicet est inter materiæ Electricæ, atque Inis Elementaris phænomena discrimen. 1. Vitrum materiæ Electricæ maxime resistit, neque illam facile in se recipit, aut transmittit, ut supra jam indicavimus, & infra ulterius confirmabitur: lux tamen non modo illa solaris, verum etiam electrica per vitra transmittitur facillime: vitrum præterea ipsum ad ignem intensissimum solarem aut terrestrem vehementissime calefcit, imo & funditur: nihil huiusmodi in scintillis electricis quantumvis intensissimis animadvertimus. Quin imo electricitatis actionibus non calefcunt corpora, quantumvis diuturno tempore torrentes electricos excipiant: ut periculo sæpius facto ope thermometri edocemur; contraria autem omnia in igne observamus; duo igitur hinc inferri posse videntur, lucem electricam a materia ejusdem nominis esse diversam, postremamque hanc ab Igne etiam plurimum differre.

365. Resp. Plurima ab uno eodemque Igne Elementari sunt, dum est quibusdam corporibus permixtus, quæ ab illo, dum purus existit, aut cum aliis corporibus adjunctus, aut diverse sunt, aut nulla ratione peraguntur. Multiplex hujusce rei exemplum habemus in natura: nitrum seorsim ab aliis corporibus, etsi ad ignem applicetur, vix ullum aut strepitum, aut notabilem effectum edit; cum sulphure tamen permixtum horrendas strages producit. Purus ignis elementaris seorsim ab aliis corporibus vix est sensibilis, prodigiosos saltem illius effectus non producit: cum aliis materiis permixtus vires acquirit pene incredibiles: a diversis proinde corporibus, quibus-

buleum permisceatur, diversa etiam producit effecta, & phænomena. Licet igitur materia electrica non calefaciat; ignem inde haud esse non probatur, nisi prius demonstraretur, ignem elementarem, quocumque in statu sit, eum effectum producere, quibuscumque tandem aliis materiis, seu substantiis sit permixtus.

366. Eodem modo ad plures alios effectus ab electrica materia atque ab igne, aut luminoso fluido diversa tamen ratione editos responderi potest. Novimus enim, materiam electricam in istu oculi corpora fundere; pauca tamen corpora, licet aliunde sint maxime ad comburendum apta, v. gr. sulphur, bituminaque alia, ab eadem inflammantur: contraria omnia in igne communi observamus. Incredibilis etiam ejusdem materię efficacia in producendis effectibus cum ignis communis viribus comparari non possunt. Uno verbo, aliquæ in materia electrica proprietates animadvertuntur, communi igni nequaquam convenientes, & vicissim: utrumque igitur diversi omnino generis fluidum esse videtur.

Resp. Phænomenorum discrimen in argumento adductum non inficior; eo tamen utriusque materię diversitas non satis mihi suadet. Aliter dicere porteret, ignem, atque lumen solare diversi omnino esse generis, atque ignis Elementaris, & lux corporum terrestrium: quale enim discrimen inter effectus atque vires radiorum solarium ope speculi caustici in foco confluentium, & ignem nostrum communem? Quin imo radii ipsi solares in foco congregati differre a se ipsis prope contactum adhuc non unitis omnino viderentur: cum nulla sit proportio inter vehementissimam, & incredibilem radiorum intensitatem in foco ad eorundem ante focum efficaciam, & effectus. Alia etiam quamplurima exempla in natura novimus omnino similia. Vapores ex. gr. ab aqua elevati sunt pura puta aqua; attamen eo in statu quale quantumque est eorum ab aqua discrimen, quæ proprietates toto cælo differentes, quoad compressionem, elasticitatem, raritatem, & hujusmodi alia spectat? Si quis vero ex hoc proprietatum, atque phænomenorum discrimine adeo notabili diversitatem etiam inter aquam & vapores inferret; male sane philosopharetur; cum ab experientia habeamus,

mus, ex solo status discrimine ab una eademque substantia phænomena, & effectus produci maxime diversos. Quidni igitur simili ratione de Elementari igne philosophemur? Præcipui ejus characteres, & notiores proprietates materiæ Electricæ conveniunt: illa ergo, in quibus differunt, ex diverso ejusdem omnino fluidi statu pendere atque derivari non poterunt?

In re obscurissima, atque ad simplicium causarum systema pertinente, in quibus homines cæcutimus, hæc dixisse satis; cum propositionem nisi ut conjecturam nobis quidem probabiliorē affirmemus.

PROPOSITIO XXXVI.

367. *Ignis Electricus est materia ubique in terrenorum corporum systemate diffusa, & per globum integrum atque illius atmosphæram distributa.*

Hic jam est communis Phyllicorum sensus circa Ignem Elementarem, ut in loco dicimus, & experientia probamus: neque alia est eorundem opinio circa materiam Electricam; etiamsi aliqui ab igne illam distinguant. Experimentis tamen res probari facile potest. Primo de corporibus origine electricis res apud omnes constat, licet hujusmodi corpora sint luxmet electricæ materiæ tenacissima, neque facile aut propriam communicent, aut alienam recipiant. Corpora autem universa communicatione electrica ad experimentum, & machinam electricam adducta, pro diversa, quæ ad machinam, aut catenam applicantur, ratione materiam electricam communicant aut accipiunt; eam tamen semper impertiunt, quoties electricitate sua prius non fuerint spoliata, & corpori minus electrico admoveantur. Corpus enim quodcumque communicatione electricum, atque materia sua non spoliatum machinæ seu globo separatis, & electrica materia destitutis prope admoveamus; luminosum illico penicillum ab illo versus machinam evacuatam effluere animadvertemus: cum igitur hujusmodi penicillus sit electricus torrens a corpore effluens, ut & statim probabimus, & ab assertoribus etiam materiæ affluentis, & effluentis admittitur; manifeste eruitur, in omnibus cor-

corporibus terrestribus materiam electricam esse diffusam.

368. Id etiam evincit naturalis ejusdem materię vis superius demonstrata, qua se circumquaque per omnia corpora diffundere, atque ad æquilibrium componi semper adnititur. Integrum tandem telluris globum esse amplissimum dię materię promptuarium, atque receptaculum vel ad evidentiam hæc duo probant, quod scilicet corpora quęcumque materię electricę accumulatione electricata eam illico, ac cum tellure comunicent, amittant & in eam transferant: & præterea quod materia in catenam a globo transmissa sit perennis torrens a tellure per machinam & globum derivatus: quorum primum experimentis supra relatis constat, secundum statim probabitur: ex utroque evidenter deducitur, globum terraqueum materiam electricam perenniter ex se emittere, & perenniter etiam in se recipere, ubicumque tandem experimenta instituantur.

PROPOSITIO XXXVII.

369. *Materię Electricę diffusio, atque densitas non est in omnibus corporibus æqualis.*

Si omnia corpora essent homogeneę materię, atque similia; æqualis ubicumque esset electricę materię densitas juxta ejusdem indolem satis jam demonstratam: alius tamen est rerum status; corpora alia aliis magis materię electricę resistunt, alia aliis facilius intra se recipiunt, & transmittunt: quia etiam inæquales ipsa electricos torrentes ex se emittunt, cum vel ad evacuatam machinam, vel corpori cuicumque alteri sua materia spoliato admoventur; materia igitur electrica non æqualiter per omnia corpora distribuitur, aut æquali densitate in iis acenmulatur: si neque æqualem, aut æqualiter eam materiam recipiunt, neque æqualiter comunicant, aut emittunt, magnoque alias resistentiarum discrimine illi opponuntur; consequens est, longe imparem esse dię materię in diversis quamplurimis corporibus densitatem. Hanc propositionem omnes admittunt veram.

PROPOSITIO XXXVIII.

370. *Materiam Electricam ad æqualem sui diffusionem, æquilibrium, & densitatem semper tendere, atque adniti, ex ejusdem materiæ indole, & experimentis constat.*

Hæc propositio (quam jam superius attigimus) ad theoriam rei Electricæ a *Franklin* stabilitam propius accedit; licet aliunde ab aliis etiam non negetur: duplici enim effluentis, & affluentis materiæ torrente admissio, stat adhuc, utrumque ejusmodi fluxum a materiæ virtute provenire. Constat enimvero ab experimentis jam relatis, materiam electricam a catena, conductore, aut corpore alio electricato in corpus quodcumque communicatione electricum; & prope admotum illico vibrari; dummodo minor sit in admoto corpore, quam in catena, aut conductore electrica materia, atque proinde illius densitas: scimus etiam ab omnibus, & singulis ejusdem corporis homogenei & electricati partibus eodem modo scintillas vibrari æque intensas, si corpus communicatione electricum æqualiter, & similiter admoveatur: quod addimus propter ea, quæ superius circa angulos & culpes corporum electricorum diximus. Ab experientia præterea habemus, in sequentibus & similibus aliis casibus nullam omnino scintillam haberi, primo, si electricatæ catenæ aut conductoris pars una alteri admoveatur scintillæ eliciendæ gratia: *Secundo*, si una pars machinæ, aut ad machinam spectans aliam contingat. *Tertio*: Cum unus idemque homo ex. gr. electricatus, aut plures secum ipsis mutuo communicantes, & electrici alius alium digito ad scintillam eliciendam contingant.

371. In omnibus iis postremis casibus materia electrica est in singulis ejusdem, aut diversorum similium corporum sese contingentium partibus æqualiter diffusa, ac densa, contra vero in prioribus ex hypothesi, atque ex ipsa rerum positione: in illis igitur eatenus expanditur, & diffundi adnititur, donec ad æquilibrium distribuitur: cum vix æquilibrium obineatur in secundis, nulla haberi possit scintilla. Ulterius hæc ex statim dicendis confirmantur.

372. Ex Propositione igitur tamquam corollarium sequitur; quod attentis rerum naturis, atque materiæ Electricæ indole, hæc semper in æquilibrio existeret in corporibus nullaque in iis signa electrica, ad scintillas, penicillos; & stellas spectantia, ederentur; si nulla tum in iisdem corporibus, tum etiam & potissimum in dictæ materiæ intensitate, atque densitate debitaque distributione fieret mutatio. Quamdiu enim est æquilibrio, nulla est actio ex parte una contra aliam prævalens: est autem æquilibrio, quoties materia electrica habet in corporibus homogeneis parem densitatem, in heterogeneis vero illam, quæ sit singulorum texturæ, & indoli proportionalis.

PROPOSITIO XXXIX.

373. *Arte tamen, imo & a natura ipsa multisies fit, ut ignis electricus in aliquibus corporibus accumuletur, in aliis vero rareseat, & consequenter ut tollatur æquilibrio.*

Duplex in hac propositione insinuat Electricitas; artificialis nimirum, atque naturalis, de quarum prima in præsentiarum agimus, secundam vero tum proponimus, cum de fulmine, & cæteris meteoris disputamus. Quod primam attinet (alia enim in loco probatur) luculentissime ex hucusque disputatis constat: machina enim electrica id potissimum obtineri, ut ad conductorem perennis fluat materiæ torrens, qui in conductore ipso recipiatur, servetur, ac proinde accumuletur; dum cum tellure non communicat, res ipsa, & experimenta superiora faciunt. Torrentem enim in conductorem influere vel oculorum testimonio tuamur, cum ab alia ejusdem catenæ extremitate penicillum luminosum effluentem animadvertamus. Hujusmodi torrentes in *separato* conductore accumulari, ipsamet separationis ratio, seu circumstantium corporum origine electricorum ac proinde electricam materiam non recipientium indoles evincit: conductorem enim electrificatum aere, aut vitro v. gr. circumdatum vim materiamque suam servare, res est prorsus indubia: id autem haberi a dictorum corporum ambientium resistentia, vel inde patet, quod rupta semel separatione, & con-

ductore cum terra semel communicante, tota illico illius electricitas disperdatur. Rem eo deduxit *Le Monier*, ut phialam experimento Lugduno-Baravico adhiberi solitam, quasi sclopetum, materia electrica bene instructam, a conductore & machina separare, alio adducere, diuturno tempore instructam servare, ut pro libito in hoc vel illud corpus, in uno vel alio loco illam exploderet, tandem didicerit, atque rei modum docuerit (a). Jam vero hoc pacto electricitatis æquilibrium rumpi, res est per se manifesta.

374. Dum igitur res electrica hoc modo, & arte tractatur, in aliis quidem corporibus addensatur, & accumulatur materia; interimque in alteris rarescit. Supposito enim antecedenti æquilibrium, illud rumpi opus est, cum plus materię in datum quodcumque corpus introducitur, quam in illo antea existerat: in illo autem corpore, unde illud materię extrahitur, minus, quam antea, dum æquilibrium erat, remanere, res ipsa demonstrat.

PROPOSITIO XL.

375. *Phænomena Electrica, quę ad penicillum, scintillas, torrentes electricos luminosos, aut non luminosos spectant, ab eo eduntur, quod ignis electricus secundum æquilibrii leges a majori densitate in minorem erumpat, hoc est, a corpore ubi densior est atmosphæra, in aliud, in quo rarior est, effluat.*

Omnes propositiones, quas modo demonstramus, mutuam inter se connexionem, & catenationem habent; eaque propter mutuam a se invicem lucem accipiunt, cum ad eandem theoriam spectent. Præter jam relata, & adhuc adducenda experimenta, ipsamet electricę materię indole probari res potest: eam enim in corpora influere, in iis addensari, atque retineri, expandi tamen semper & ad æquilibrium sese componere adniti satis hucusque demonstravimus: inde autem sequitur, quod, si duo aut plura corpora sibi prope admoveantur, quorum unum majorem acceptę materię electricę densitatem habeat,

(a) *Hist. de l'Acad.* 174.

beat, quam aliud; ex primo ad secundum erumpere, atque evibrari debeat materia; cum majori densitati majores etiam respondeant, atque insint vires: hujusmodi ignis, dum ita magno cum impetu ab uno in alterum corpus exploditur, & reapse in secundum illud corpus transit, & relata edit phænomena, hoc est, scintillatur, lueet; penicilli formam acquirit, stridet etiam atque fremit, & perenni luminoso torrenti elabitur. Eadem etiam veritas ab ipsismet experimentis deducitur: Etenim neque inter ejusdem, aut diversorum corporum æquali electricitate præditorum partes, cum sibi invicem admoventur, electrica illa signa eduntur; neque corpora inæqualiter electrificata ad se mutuo accedunt; quin signa illa luminosa, electricitatis characteres, atque effectus, appareant, & ea semper explodantur, ut penicillus ex parte majoris densitatis, stella autem contra in opposito corpore minus electrico videatur, in sensu hætenus tradito.

P R O P O S I T I O X L I.

376. *Penicillus luminosus est nota materia electrica effluentis e corpore, ubi densior, ad corpus, ubi rarior illa existit: contra vero stella alicui corpori inbarena est ejusdemmet materiae in corpus illud influentis nota: Unicum proinde materiae torrentem in quolibet experimento electrico agnoscimus, ab uno quidem corpore effluentem, in aliudque influentem.*

Hanc propositionem eo in sensu asserimus, quatenus duplicem materiam, *effluentem*, & *assluentem* superius expositas negamus, unicumque torrentem statuimus, qui e corpore effluens penicillum, in corpus influens stella ostendit. Innumera scilicet experimenta quotidie instituimus, in quibus duplex illud phænomenon animadvertitur, ex una parte penicillus, ex alia vero respondens stella: agente v. gr. machina, conductori constanter, & perenniter electrificato digitum aut corpus metallicum prope admove, & iterum alioquin insistens: penicillum luminosum in conductore, stellam in digito observabis. Unde autem est ille penicillus, unde etiam stella? est ne duplex ignis electrici torrens, a duplici singillatim corpore egrediens, aliisque alii respondens, & ex opposito

occurrens? Dicimus, in his & omnibus aliis ejusdem generis experimentis unus est materię torrens a corpore uno penicilli forma effluens, atque in altum instar stellulę ingrediens. Quod si probaverimus, universim. etiam de omni re Electrica demonstratum erit, unicum semper inibi intervenire materię torrentem ab uno corpore egredientem, in aliud vero secundum æquilibrii, & virium, densitatumque leges ingredientem; ejusque torrentis beneficio omnia electrica phænomena produci, atque explicari.

377. *Primo*: igitur agente machina, & materię electrica a globo in conductorem transfluente, reque in loco obscuro observata, apparet in alia quidem conductoris extremitate globum fere contingente stellula luminosa, in opposita vero penicillus: electricus nimirum torrens conductorem ingrediens stella, egrediens vero penicillum refert.

378. *Secundo*: Conductoris munus homo quicumque agat corporibus electricis impositus, unoque digito globum fere tangat, dum alium alterius manus digitum ad corpus communicatione electricum, v. gr. hominem solo insistentem distendit: in primo quidem stellam, in posteriori penicillum observabis: res enim eodem redit, sive homo, sive metallum conductoris vices agat.

379. *Tertio*: Duas cuspides metallicas ita statuas; ut una quidem conductori, alia autem machinę sit annexa, aliaque alteri opponatur, & se prope respiciant: machina agente, prior cuspis penicillum, posterior autem stellam ostendet. Materia Electrica in conductore accumulata, per spiculum metallicum in machinam, ubi rarior est materia, perenniter refuit, ab unoque proinde spiculo effluit, & in aliud influit. Metallice cuspides erant omnino a corporibus communicatione electricis separatę, neque nisi conductori, & machinę communicabantur. Si spicula permutes; quod primo penicillum, postea stellam demonstrabit, & vicissim. Experimentum multiplici alia ratione instituitur; id tamen semper observatur, quod si conductoris extremum globo oppositum aliqua tandem ratione cum machina (pręcipue si separata sit) communicet, hoc est, ad eam ita admoveatur, ut scintilla aut penicillus electricus edi possit; videatur semper in dicto conductoris extremo

penicillus, in parte vero machinæ respondenti stellæ conductor igitur uno sui extremo ad globum stellam demonstrat, alio vero ad machinam ostendit penicillum: perenniter nimirum a globo in conductorem, a conductore in machinam, ab eaque iterum per globum in conductorem fit ejusdem materiæ fluxus.

380. *Quarto*: Si Machina cum terra comunicet, conductor autem sit separatus; conductoris extremum globo admotum demonstrat stellam, oppositum vero penicillum: contra vero si machina sit separata, conductor autem cum terra comunicet; ab hujusce extremo globum respiciente loco stellæ apparet penicillus. In primo casu materia per machinam in conductorem, in secundo a conductore in machinam fluit: quod quidem experimentum ulterius statim explicabimus.

381. *Quinto*: Corpus quodcumque communicatione electricum, & suamque electricitatem spoliatum conductori prope admoveamus, ut scintilla & penicillus haberi possint, aliunde tamen materiam nisi a conductore accipere nequeat: duo autem in iis casibus animadvertemus, penicillum ad conductorem apparere, stellam in admoto corpore fulgere, eoque solum electricitatem in primo imminui, in secundo augeri, seu acquiri. Experimentum hac ratione instituit *Le Roy*: filum metallicum 27. pollices longum subulo vitreo immisit, ita ut filum dimidiam tantum lineam extra tubum produceretur: præterea vero tubuli aperturas cera Hispanica obturavit, ne a Mundæ, quam per cuspidem vim electricam accipere posset filum: tubumque exinde aliis capacioribus tubis vitreis etiam inclusit. Rebus ita paratis, conductori electrico, & ejus duobus angulis, aut cuspidibus extremis singuli luminosi penicilli offluebant; apicem fili prope admovit: penicilli illigo disparuerunt, stella in fili apice apparuit, ab aliisque ejusdem fili parte scintillæ emicabant. Uno verbo, nullum est experimentum hucusque notum, quod secundum hanc propositionem non explicetur, ejusque veritatem non confirmet.

382. *Sexto*, ut nura alia omittam, quæ apud *B. Beccaria* videri possunt, quotiescumque duo corpora communicatione, sed inæqualiter electrica ad contactum

tum fere admoventur; ex parte majoris electricitatis exploditur penicillus, aut scintilla sub forma penicilli, ex parte vero corporis minus electrici responder eodem tempore stelia: & si utrumque sit separatim, omnia illa signa disparent; cum utrumque corpus parem tum habeat electricitatem: omnia hæc ex modo dicendis ulterius confirmabuntur.

PROPOSITIO XLII.

383. *Unicus ille materiae fluxus, atque torrens, quem in rebus Electricis admittimus, fit a tellure, cui machina insit, supra globum ad conductorem.*

Hæc etiam propositio præcipuum habet locum in theoria Electrica *Franklini*, atque tum ex dictis, tum ex adducendis modo experimentis deducitur:

Primo quidem in re Electrica hæc universaliter demonstrant experientiae. 1. Si & machina; & conductor sint a tellure separata; tenuissima tantummodo signa electrica e conductore obtinemus: quæ brevissimo tempore disparent: ea vero. tenuissima signa alternatim modo a conductore, modo a machina eduntur; alternationis causam statim dabimus: ad rem nostram satis est, quod quantumvis velocissime volvatur globus, & reliqua omnia accuratissime exequar; nihil præter remissa illa pauca, & brevissima signa, atque electricitatem obtinebis. In hoc igitur casu electricum torrentem in conductorem non transmittit machina.

384. 2. Fac tamen, ut cum tellure communicet machina, conductor autem separatus maneat: tum vero perennem semper; & quantum voles, vehementissimam electricitatem in conductore animadvertes, scintillas, penicillos ex illo evibrari, tandiuque rem durare observabis, quamdiu experimentum eodem modo producere velis; stellamque insuper deprehendimus in illa conductoris extremitate, quæ globum respicit. Unum inter duos hosce casus discrimen est, quod cum tellure communicet machina in secundo, non item in primo: ab eo igitur discrimine est effectuum secundi a primo differentia, hoc est, fluxus atque materiae torrens a machina in cætenam.

385. 3. Invertamus tamen ordinem; cum tellure

communicet conductor, non vero machina: contraria omnia observantur: conductor nullum, machina autem omnia electrica signa perenniter exhibet. Hac scilicet rerum positione fit materiæ electricæ fluxus per conductorem in machinam: in hæc ultima, utpote *separata* accumulatur, dum interim conductor cum terra communicans, majorem, quam tellus ipsa, densitatem acquirere non potest.

386. 4. Quod si tum machina, tum etiam catena cum solo communicent; quantumvis globum volvas, & aditaris, nullum neque a machina, neque a catena signum obtinebis. Quod scilicet in hujusmodi circumstantiis fiat quidem materiæ fluxus a tellure in machinam, ab hac per globum in conductorem; sed cum omnia hæc solo insistant, cum eoque communicent, nulla in iis fieri potest materiæ accumulatio, & nulla proinde signa eduntur; quæ juxta jam dicta ab irruptione densioris in rariorem materiam producuntur.

387. 5. Cum experimentum electricum in obscura camera instituimus, inter globum & digitos fricantis manus puncta luminosa jam toties descripta, globo adhærentia animadvertimus; & similem omnino lucem in metallicorum filorum globum ex opposita parte tangentium, & conductori affixorum observamus; ex utraque parte stellam, acceptæ materiæ electricæ signum, quod in nulla alia globi parte visitur. Id vero argumento est, materiam a fricantis manu ad globum, a globo ad fila metallica & conductorem fluere: & inde etiam modo probabimus, neque ab aere, neque a vitro materiam conductori suppeditari.

388. In eandem rem est experimentum *le Roy*: globum vitreum inaurata charta, foramine unius pollicis in medio perforata, fricabat, quod quidem foramen, aut circulus basim agebat infundibuli cujusdam vitrei decem pollices longi, & chartæ uniti. Infundibuli collum oblongum manu prehensens tenebat, eoque revolutum globum charta *separata* fricabat. Machina agente vix tantillum electricitatis in conductorem fuit transmissum, quantum scilicet in charta inaurata continebatur; postea vero quantumvis prosequeretur, nihil obtineri potuit. Filo metallico intra infundibulum immisso, ejusque cus-

pide prope globum admota, & machina, ut prius, agente, penicillus luminosus a fili cuspidē in globum effluebat, quo & globus, & conductor electricitatem acceperunt, atque signa edebant. Quodsi antequam in tubum vitreum filum metallicum immitteret; pulvinum a globo separabat, cui alius digitum objiceret; penicillus illico luminosus a digito in pulvinum effluebat.

389. Tria hinc liquent: 1. Exiguū filum pulvinum fuisse illico suamet electrica materia spoliatum; cum postea a digito penicillum accipiat, & prius unam vel alteram debilem scintillam conductorem evibraverit. 2. Materiam electricam in conductorem neque a vitro, neque per medium vitrum transmitti; sed de hoc statim: 3. Terram tandem illam perennem scaturiginem esse, ex qua torrens electricus per machinam supra globum in conductorem transfluit.

PROPOSITIO XLIII.

390. *Neque vitrum seu globus vitreus machinæ, neque aer machinam ipsam, conductorem, aut globum ambiens materiam electricam suppeditant.*

Hoc aliud est Electricæ theoriæ caput cum aliis omnibus consentiens, ab iis deductum, atque experimentis innixum. Et primò a duobus observationibus postremo loco relatis res est plane manifesta. Deinde cum aer machinam, atque conductorem semper circumdet, & contingat: signa electrica numquam non ederet catena, cum aer materiam semper globo suppeditaret, per quem in catenam transflueret: fieri enim haud posset, ut ignis electricus in conductore deficeret. Cum igitur contraria omnia observentur; nullam ab aere in conductorem, aut machinam transfluere materiam electricam tenendum est. Accedit etiam asserta illa jam aeris proprietas, quod scilicet indole sua materiæ electricæ recipiendæ resistat, aptissimumque existat corpus, ut aliud quodcumque communicatione electricum, & aere undequaque circumdatum ignem suum electricum servet: æque enim materiæ externæ recipiendæ, ac propriæ elargiendæ resistit. Hic tamen notanda sunt, quæ alibi jam diximus de aere humido, deque vaporibus in illo natantibus: sicut enim per humidum vapo-

rosolumque aerem facile disperditur materia electrica conductoris; ita etiam si in medio hujusmodi aere conductor sit electricitate minori, seu rariori prædictus, quam aer humidus, ignem ab aere in conductorem affluere juxta æquilibrîi legem, non negamus.

391. De vitro iisdem prorsus argumentis res demonstratur; tantum enim abest, ut vitrum ignem electricum suppeditet, ut vel parvi vitri interpositio sufficiat ad eum materiæ fluxum impediendum; qui, vitro sublato, a tellure & homine per globum in conductorem transmitteretur. Equidem nisi res ita esset, nulla amplius afferri posset ratio; quare a machina, & globo separatis materia electrica in conductorem non transmitteretur, quod est experimentis demonstratum. Hinc iterum inferre non possumus, aut ullam materiam a vitro emitti, aut copiosum ignem electricum in ipso non contineri: satis enim est, vitrum suæ electricitatis esse tenacissimum, ut utraque illa consequentia cadat.

392. Contra propositionem arguit *Nollet (a)*. Ponimus aerem magnam electricitati resistantiam opponere; ac proinde ignem electricum neque aliis corporibus communicare, neque ab aliis recipere: repugnant tamen experimenta: scintillæ a conductoribus ad unius aut alterius pedis distantiam per medium aerem evibrantur: conductores ipsi corpora levia ab aliquorum pedum distantia attrahunt, repellunt, sustinent: in hisce & quamplurimis aliis similibus casibus a conductore per medium aerem transluit, & emittitur materia electrica. Neque ad rem explicandam satis est humor aeris, seu vapores, qui aerem ambientem efficiunt impurum: adeo enim id a veritate aberrat, ut potius quo siccior extiterit aer, eo melius experimenta electrica, atque relata modo phænomena peragantur: aer igitur electricitati non resistit, sed eam & communicat, & aliunde recipit.

Resp. Hæc omnia jam explicavimus, & magis illa pro nostra theoria faciunt, quam eam impugnent: aerem non dicimus insuperabilem: contrarium &

ma-

(a) *Histoire de l'Acad.* 1753. P. 49.

magnopere resistantem dicimus : id vero innumeris experimentis demonstramus : scintillarum per aerem stridor, figura, atmosphæra electrica conductoris, materiæ addensatio, & alia plurima a nobis jam relata aut dictam aeris resistantiam evincunt, aut ab illa omnino pendent, & consequuntur. Nihil ulterius addo ad argumentum explicandum; propterea quod ea omnia jam sunt exposita, & satis a nobis demonstratum, aerem non solum materiæ electricæ resistere, ejus dissipationem, dispersionem, atque transitum impedire, verum etiam neque illam ab aliis corporibus electrificatis accipere, aut illis, ut electrificentur, impertire : deinde totam hanc rem statim iterum explicabimus.

393. A globo, aut tubo vitreo materiam electricam eorum vitrorum propriam, & intra eorum poros antea consistentem conductori communicari, existimat etiam *Nollet*, quod sequenti argumento probare adniscitur. Materiam electricam esse puram putamque materiam ignis, atque lucis, ab omnibus jam aut statuitur, aut non negatur : jam vero vitrum illud est corpus, quod ardentissimo igne formatum, & luci vel tenuissimæ facillime pervium & lucem, & ignem intra se facillime recipit, transitum permittit, accipit, communicat, seu transmittit : unde ergo erit insuperabilis fere illa partium vitri tenacitas, quæ materiam electricam intra ipsas irretitam adeoprehendat, ut neque illam abire permittat, neque in ejus locum externam possit recipere? Resp. Qui hisce & aliis similibus argumentis a ratione tantum petitis rem electricam, sicut & quamplurimos alios Physicos effectus, statuere, atque definire vellet, inter chymeras ille recenseret quidquid nos circa prædictum argumentum sensus, & experimenta docent. Nihil equidem contra rationem statuendum : in re tamen præsentia experimenta sunt primum consulenda, eaque longissimo intervallo dubiis, atque obscuris rationibus a nostra philosophorum idea petitis præferenda sunt. Nullus est, qui adductam in argumento vitrorum indolem ignoret, & materiam electricam plurimis saltem lucis, & ignis proprietatibus donatam esse non fateatur : hæc tamen omnia obscurissimum tantummodo argumentum esse possunt ad assertam in vitro resistantiam

ne-

negandum. De re enim, atque phænomeno agitur, quod in simplicissimo materiæ mechanismo positum ad simplicissimum particularum mechanismo, atque primitivum fere earum statum prope videtur spectare: in quo quidem, siquo in alio, experimenta potissimum inspicienda sunt. Cum ergo indubia atque manifesta experimenta a nobis jam relata assertam vitri resistenciam demonstrent; parvi pendenda quæcumque obscura ratio iis opposita. Deinde neque vitri, neque materiæ electricæ proprietates nisi ab experimentis novimus; plures etiam sunt, quas adhuc ignoramus, quasque nos sola experientia docebit; inter quas locum etiam illa habet, de qua modo disserimus: Tandem licet materia electrica luceat, inflammet, pluresque alias habeat tum lucis, tum ignis proprietates; atque inde pro una eademque re haberi possint; nihilominus aliqua in materia electrica deprehendimus, quæ neque luci, neque igni conveniunt, & vicissim: hæc igitur tria sunt una eademque materia, quæ tamen diversam statum rationem habeat.

394. Summa rei, qua tota difficultas tollitur, superius jam numero 333. fuit exposita. Eadem materia fluidissima, & subtilissima, & est ignis elementaris, & materia lucis, & electrica: ejus tamen actio, & effectus a diversis corporibus pendent, quibuscum illa permiscetur. Phænomena, & effectus ignis, & materiæ electricæ magnam partem conveniunt: ex parte differunt: quod idem in omnibus sit elementum, primi causa est: secundum externorum corporum mixtio, & adjunctio facit.

PROPOSITIO XLIV.

395. *Vis compressionis, atque diffusionis materiæ Electricæ est universale principium, & causa, unde omnia electricitatis phænomena producantur.*

Ab eo nimirum, quod materia electrica propria indole ad æquilibrium semper tendat, alia vero ex parte possit in corporibus comprimi, addensari, & accumulari, hoc est, ab eo quod æquilibrium semper affectet, illudque rumpatur, omnia ejus phænomena pendent, atque eduntur. Nullum est electri-

cum experimentum, quod huic principio non consonet, ab eo non probetur, illudque vicissim etiam non demonstret, ut statim plurima percurrendo palam fiet: satis interim sit propositionem ita brevissime stabilire. Si materia non ad æquilibrium semper tenderet; quantumvis in uno præ aliis corporibus accumularetur; ab eo tamen ad alia non transiret, & sese expanderet, sed in suo accumulationis, & densitatis statu constanter maneret compressa, ut visitur in mollibus non elasticis. Rursum si materia electrica ad æquilibrium tenderet, accumulari tamen, atque addensari non posset; ab uno etiam ad alia corpora non efflueret; cum semper in æquilibrio servaretur, quod quidem perturbari, atque tolli non posset. Posita vero utraque illa proprietate, necessario consequitur, materiam electricam posse in corporibus addensari, & magis, quam in aliis accumulari, rumpique proinde æquilibrium: rupto æquilibrium opus iterum est, ut materiam a majori densitate ad minorem effluere indole sua adnitatur, & cum primum possit, reapse transfluat: in hujusmodi autem fluxu phænomena universa electrica produci, supra demonstravimus: a primo igitur ad ultimum constat, phænomena electrica ab adducto principio provenire. Ignis electrici accumulatio ab eo tandem dependet, quod aliqua corpora illum intra se facile recipiant, & transmittant, alia autem neque recipiant, neque transmittant: primi generis sunt corpora communicatione electrica, secundi illa origine electrica, hinc est, quod ille ignis in corpus communicatione electricum corporibus electricis circumdatum transmitti, recipi, in illoque addensari possit, eaque ratione vires acquirere, quibus in alia corpora non electrica magno impetu irrumpat. Hoc unum est, quod in omnibus machinis, & experimentis electricis tum naturalibus tum artificialibus evenit: quæ omnia deficerent, si vel in materia electrica, vel in cæteris corporibus dictæ modo proprietates deessent; aut ignis electricus eam aliunde proprietatem non haberet, quod frictione nimirum excitetur, & transeat ab uno ad aliud corpus. Rem omnem luculentius statim confirmabimus, cum totum experimentorum mechanismum, & phænomena per datam

modo causam exponam, & ad unicum illud principium reducam.

PROPOSITIO XLV.

396. *Duplex igitur est corporum electricitas tum naturalis, tum artificialis; alia nimirum Positiva, altera vero Negativa.*

Est dicere: corpora duplici modo possunt electrificari, seu ad eum statum reduci, in quo phænomena electrica edant, materiam electricam in iis accumulando, & ad maiorem densitatem augendo, quam ipsummet corpus genio indoleque sua haberet; aut naturalem alicujus corporis materiam electricam diminuendo, ac proinde rarefaciendo. Quodcumque corpus in se spectatum certam intra se ipsum habet electricam materiam propriam naturæ, atque indoli proportionalem: si nova materia in illud introducatur, priorique adjungatur; in illo fit prædictæ materiæ densitas major, quam ejus corporis indoles ferret: si propriæ materiæ pars aliqua ab eo expellatur; rarior in illo erit remanens materia, quam ejus natura requireret. Primum dicimus *Electricitatem positivam*, seu *per excessum*; secundum *negativam* seu *per defectum* materiæ. Electrificare igitur corpora aliud non est, quam naturalem vaporem electricum eorum naturis convenientem, & proportionalem in iis augere, vel in iis minuere.

397. Propositionem hoc modo expositam quamplurima confirmant, præterquam quod ex hætenus demonstratis, aut relatis experimentis descendit. Electrica phænomena eduntur a virtute diffusionis materiæ electricæ duorum aut plurium corporum, cujus interruptum est æquilibrium: ut tollatur autem æquilibrium inter duprum corporum electricitates, opus est, ut unum vel alterum plus materiæ recipiat, vel deperdat, quam suamet indoles naturaliter ferre potest: quamdiu duo corpora habent electricitates eorum naturis proportionales, quantumvis alias inæquales, si nimirum corpora sint heterogenea; est inter illa æquilibrium.

398. 2. Phænomena electrica eduntur a torrente, aut fluxu materiæ ab uno in aliud corpus transcurrentis: quamdiu autem est æquilibrium, non trans-

fuit materia : solum rumpitur æquilibrium , cum vel in eorum uno plus iusto addensatur , vel plus iusto rarefcit : tunc enim sunt actiones , & resistentiæ inæquales.

399. 3. Cum duo corpora communicatione electrica materiam habent suismet naturis proportionalem ; licet unum alteri admoveatur , nullum edunt electricitatis signum , ut passim videmus : hic enim casus est omnium corporum naturalium , quamdiu in ea nullam mutationem ars , aut natura inducit : quod scilicet in eo statu sit inter huiusmodi corpora perfectum æquilibrium , quod ad vires electricas spectat. Cum vero duo hæc exoerientia etiam demonstret , posse naturalem alicujus corporis electricam materiam ab illo extrahi , & in aliud transfundi , atque accumulari ; & præterea edi semper electrica signa , quoties duo huiusmodi corpora eo in statu ad se invicem accedunt : consequens est , utrumque id corpus esse in statu electricitatis , hoc est , in statu edendi signa electrica .

400. 4. Dum corpus aliquod communicatione electricum penicillum emittit , aliud sibi admotum stellam demonstrat , utrumque signa electrica edit ; primum tamen *positivam* , secundum *negativam* habet electricitatem relatu ad primum ; cum posterius corpus materiam a priori emanantem intra se recipiat .

401. 5. Tandem , ut plurima alia omnino similia prætermittam , numquam fit , ut corpus communicatione electricum , a vi tamen sua spoliatum , alteri accumulatione materiæ instructo prope atque rite admoveatur , quin a primo quidem stella , a secundo autem penicillus , aut similes alii effectus electrici edantur .

402. Tam igitur corpora per excessum , quam per defectum electrica suas circa se ipsa atmosphæras virium habent , intra quas phænomena edunt in ratione inversa distantiarum , si cætera sint paria . Magnum est inter huiusmodi atmosphærarum naturas discrimen : corpus electricum per excessum atmosphæram suam circa se habet *positivam* , & materialem , ignem nimirum electricum a globo in ipsummet corpus v. gr. catenam transmissum , intra hujus massam accumulatum , circa eandem compositum , & ab aere , ne dissipetur , impeditum : hæc igitur

at-

atmosphæra a corpore ipso effluit. Atmosphæra corporis per defectum electrici in eo consistit, quod corpus ipsum igne suo electrico sit spoliatum, atque proinde materia electrica a circumposito aere, impuro tamen & humido, ad corpus e quadam distantia affluat: utraque igitur atmosphæra ab uno eodemque principio oritur, vi materiæ, qua sese ad æquilibrium componere adnititur, atque insimul ab aeris resistentia, qua materiæ electricæ vel recipiendæ opponitur, vel receptam repellit: ex hisce duobus est, ut materia a corpore, ubi superabundat, circumquaque diffundatur, & effluat ad corpus, ubi rarior est, & deficit, undequaque affluat.

403. Contra duplicem electricitatem *positivam*, & *negativam*, & indicia, seu criteria, quæ ad eas statuendas, atque discernendas asserimus, argumentatur in hunc modum *Nolles*. Experimentum numero 350. 357. relatum, quo potissimum nostra theoria innititur, in duplicis etiam torrentis systemate exponi potest: Etenim cum volventi globo ferreum filum intra vitreum infundibulum admoveatur; intenditur, atque augetur in globo, & conductore electricitas, quia antea a solo aere, postea & ab aere, & a ferreo filo electricitas globo communicatur. 2. Splendidior est penicillus luminosus in fili cuspide globum respiciente; quia torrens electricus per filum in globum influens contrario torrente a globo in ferrei fili cuspidem intra infundibulum erumpenti intenditur, magisque excitatur. 3. Quodsi a lamina metallica intra infundibulum *separata* post factum experimentum, & remoto jam infundibulo a globo, scintillæ eliciuntur; in causa est, quia materiam a conductore accepit. 4. Tandem id etiam in relato experimento observamus, quod in alia ferrei fili extremitate extra infundibulum producta punctum quoddam luminosum, seu stellam animadvertamus: ea autem est cujusdam penicilli initium, cujus radii nimium divaricati visibiles non sunt, sed a filo tamen erumpere facile deprehenduntur, cum candelæ flammam sensibilibiter agitent: in hoc igitur etiam casu per medium illud ferreum filum duplex contrarius torrens ab experientia demonstratur.

404. Tria priora capita secundum theoriam nostram apte explicari, non distinetur *Nolles*; ea tamen in sua-

suamet opinione exponere adnititur, cui unice favere existimat, quod quarto loco additur.

Resp. Hisce omnibus non infringitur relati experimenti atque rationis secundum nostram solummodo opinionem pondus. *Primum*: Supponit, ab aere etiam in globum materiam electricam communicari, atque transmitti: id tamen esse falsum, ab ipsismet experimentis conficitur: quamdiu machina est separata, quantumvis omni ex parte sit ab aere circumdata; nullam electricitatem conductori communicat, sed omnem ab illo accipit (ut experimentis evicimus), quod tamen fieri deberet, si aer machinam undequaque tangens materiam electricam illi communicaret. Uno verbo: quamdiu machina fuerit separata, erit semper electricitate vacua, nisi eam a conductore accipiat: quorsum igitur est, aut unde probatur transmissio illa materię electricę ab aere in machinam atque globum? Ad *secundum*: Probare primum oporteret secundum illum atque contrarium materię torrentem a globo in filum ferreum erumpentem, & primo, qui indubius est, occurrentem. Quo magis machina fuerit igne electrico spoliata; eo splendidior observatur penicillus a filo erumpens, & in machinam fluens: contra si machina paulatim materiam suam electricam recuperet; remissior atque languidior sit penicillus a filo effluens: si igitur nullus tandem in machina supersit ignis, aut contra supponatur æque densus; atque in filo ferreo; in primo quidem casu vivacissimus erit penicillus in filo, nullus autem in secundo: rursus in primo casu nullus e machina effluet ignis electricus, cum evacuata penitus supponatur: in secundo etiam nullus hinc & inde erit torrens: cum omnia sint ad æquilibrium.

405. *Tertium* pariter nulli experimento innititur: imo periculum fiat, cum nullus adhibetur conductor; æque e metallica lamina elicientur scintillę, quarum materia non nisi a filo metallico communicari potest: cum igitur in filo ipso habeamus causam sufficientem & certam; effectus juxta philosophandi regulam repeti aliunde non potest. *Quartum* tandem theoriam nostram optime confirmat: stella est influentis materię nota, atque indicium: cum igitur metallicum filum sit canalus ille, per quem ignis

gnis electricus in machinam transiit; ut hujusmodi materiæ torrens ab una parte effluat, in aliam influere debet: effluens ex parte machinam respiciente penicillum refert, influens vero per oppositum extremum stella exhibet. Interim dum metallicum filum ex oppositis extremitatibus penicillum, & stella monstrat, opus est, ut a parte machinæ opposita cum corporibus communicet, a quibus transmittendam materiam accipere possit. Si quis in candelæ flamma tremor a torrente electrico excitatus animadvertitur; non ille ab igne electrico effluente, sed ab influente provenit: hujusmodi tamen tremor (ut in simili jam supra diximus) est argumentum, atque indicium maxime æquivocum ad torrentis directionem detegendam: cum igitur indubiis argumentis compertum aliunde habeamus, stellam electricam esse influentis materiæ notam; allatæ etiam phænomeni circumstantiæ observatio nostram theoriam ulterius confirmat.

COROLLARIA:

ET REGULÆ IN ELECTRICIS OBSERVATÆ.

406. Ab exposita hactenus virium theoria sequentes regulæ descendunt, quas generaliter observari, experimentis ipsis edocemur.

Primo: Materia electrica, si inæqualiter in aliquibus corporibus sit distributa; fortius, atque violentius ex illa parte aget, & sese expandere adhibetur, ubi major fuerit illius densitas; ex illa minus aget, debiliusque resistet, ubi rarior exciterit: ex majoris igitur densitatis loco sese sponte sua ad alia corpora diffundet, in quibus major sit ejus raritas. Ab eo conatu sequitur naturalis impetus, atque motus; ab impetu & motu ad æquilibrium inducendum, ac servandum supra dicta omnia phænomena pendent. Analogiam habemus in aere, illiusque Elasticitate.

407. *Secunda*: Inæqualitas igitur virium, & actionum, hoc est, densitatum, quibus materia electrica in diversis corporibus sibi vicinis existit; & agit, omnium Electricitatis phænomenorum causa existit. Est dicere; quamdiu in aliquo corporum systemate

ma-

suamet opinione exponere adnititur, cui unice favore existimat, quod quarto loco additur.

Resp. Hisce omnibus non infringitur relati experimenti atque rationis secundum nostram solummodo opinionem pondus. *Primum*: Supponit, ab aere etiam in globum materiam electricam communicari, atque transmitti: id tamen esse falsum, ab ipsismet experimentis conficitur: quamdiu machina est separata, quantumvis omni ex parte sit ab aere circumdata; nullam electricitatem conductori communicat, sed omnem ab illo accipit (ut experimentis evicimus), quod tamen fieri deberet, si aer machinam undequaque tangens materiam electricam illi communicaret. Uno verbo: quamdiu machina fuerit separata, erit semper electricitate vacua, nisi eam a conductore accipiat: quorsum igitur est, aut unde probatur transmissio illa materię electricę ab aere in machinam atque globum? Ad *secundum*: Probare primum oporteret secundum illum atque contrarium materię torrentem a globo in filum ferreum erumpentem, & primo, qui indubius est, occurrentem. Quo magis machina fuerit igne electrico spoliata; eo splendidior observatur penicillus a filo erumpens, & in machinam fluens: contra si machina paulatim materiam suam electricam recuperet; remissior atque languidior sit penicillus a filo effluens: si igitur nullus tandem in machina supersit ignis, aut contra supponatur æque densus; atque in filo ferreo; in primo quidem casu vivacissimus erit penicillus in filo, nullus autem in secundo: rursus in primo casu nullus e machina effluet ignis electricus, cum evacuata penitus supponatur: in secundo etiam nullus hinc & inde erit torrens: cum omnia sint ad æquilibrium.

405. *Tertium* pariter nulli experimento innititur: imo periculum fiat, cum nullus adhibetur conductor; æque e metallica lamina elicientur scintillę, quarum materia non nisi a filo metallico communicari potest: cum igitur in filo ipso habeamus causam sufficientem & certam; effectus juxta philosophandi regulam repeti aliunde non potest. *Quartum* tandem theoriam nostram optime confirmat: stella est influentis materię nota, atque indicium: cum igitur metallicum filum sit canalus ille, per quem ignis

gnis electricus in machinam transiit; ut hujusmodi materiae torrens ab una parte effluat, in aliam influere debet; effluens ex parte machinam respiciente penicillum refert, influens vero per oppositum extremum stella exhibet. Interim dum metallicum filum ex oppositis extremitatibus penicillum, & stella monstrat, opus est, ut a parte machinae opposita cum corporibus communicet, a quibus transmittendam materiam accipere possit. Si quis in candelae flamma tremor a torrente electrico excitatus animadvertitur; non ille ab igne electrico effluente, sed ab influente provenit: hujusmodi tamen tremor (ut in simili jam supra diximus) est argumentum, atque indicium maxime æquivocum ad torrentis directionem detegendam: cum igitur indubiis argumentis compertum aliunde habeamus, stellam electricam esse influentis materiae notam; allatae etiam phaenomeni circumstantiae observatio nostram theoriam ulterius confirmat.

COROLLARIA:

ET REGULAE IN ELECTRICIS OBSERVATAE.

406. Ab exposita hactenus virium theoria sequentes regulae descendunt, quas generaliter observari, experimentis ipsis edocemur.

Primo: Materia electrica, si inæqualiter in aliquibus corporibus sit distributa; fortius, atque violentius ex illa parte aget, & sese expandere adhibetur, ubi major fuerit illius densitas; ex illa minus aget, debiliusque resistet, ubi rarior extiterit: ex majoris igitur densitatis loco sese sponte sua ad alia corpora diffundet, in quibus major sit ejus raritas. Ab eo conatu sequitur naturalis impetus, atque motus; ab impetu & motu ad æquilibrium inducendum, ac servandum supra dicta omnia phaenomena pendent. Analogiam habemus in aere, illiusque Elasticitate.

407. *Secunda:* Inæqualitas igitur virium, & actionum, hoc est, densitatum, quibus materia electrica in diversis corporibus sibi vicinis existit, & agit, omnium Electricitatis phaenomenorum causa existit. Est dicere; quamdiu in aliquo corporum systemate

ma-

materia fuerit vel æqualiter densa, vel æqualiter rara (secundum corporum indolem); nullus sequetur illius motus ab uno versus aliud corpus, neque aliud phænomenon ab eo motu pendens.

408. *Tertia*: Quamprimum autem densitas, aut raritas, ac proinde virium intensitas fuerit inæqualis (quod arte quidem obtinetur); phænomena electrica consequuntur. Et hinc in uno eodemque corpore, & corporum systemate potest materiæ electricæ densitas augeri, aut minui, quin effectus alqui edantur: si nimirum in singulis ejus systematis corporibus æqualiter semper crescat, aut minuatur ejusdem materiæ densitas, aut raritas, attenta semper corporum indole. In his vires & phænomena repulsionis non intelligimus, ut ex jam dictis manifeste liquet.

409. *Quarta*: In uno eodemque corpore eadem materiæ electricæ quantitas, densitas, aut raritas manere semper potest, & tamen electricitatis phænomena ab illo edi possunt: Si nimirum in circumstantibus corporibus ejusdem materiæ densitas mutetur, atque inæqualitas virium inducatur.

410. *Quinto*: A corporibus igitur phænomena electrica possunt ob duplicem virium inæqualitatem edi, per defectum scilicet, atque per excessum: hoc est, si corporis alicujus vires electricæ, atque materiæ densitas major aut minor sit, quam in circumpositis corporibus.

411. *Sexta*: Ingenitas, seu vires electricitatis in corporibus inæqualiter electricis est excessus, seu differentia virium, quibus duo illa corpora prædita sunt, & in se mutuo agunt. Quoniam tamen hæc lex admodum generalis est, eam ulterius in plures casus distinguamus.

412. Ponamus duo corpora communicatione electrica, quorum naturalis electricitas sit v. g. ut 8, unum quidem esse *positive* electricum, & habere materiam ut 12, aliud vero *negative*, atque habere materiam ut 4: relativa eorum electricitas est 8, summa scilicet duarum differentiarum, seu integra differentia unius ab altero.

413. Si utrumque sit electricum per excessum, unum v. g. ut 9, aliud vero ut 12; erit relativa eorum electricitas 3. Eadem servatur regula in corporibus

ribus electricis per defectum. Quare omnes casus ad unam simplicemque legem modo propositam reducuntur.

414. Ex lege autem sequitur, unum idemque corpus certa quadam electricitate instructum innumeros habere electricitatis virium gradus, majores, & majores, minores etiam & minores relatu ad diversa corpora, quibuscum comparari potest, pro varia nimirum virium in iis corporibus diversitate.

5.

PHÆNOMENA ELECTRICA SECUNDUM
PROPOSITAM THEORIAM ET
PRINCIPIUM.

415. Non melius datam hactenus theoriam confirmare possumus, quam si phænomena ipsa electrica secundum illam recte explicentur, illique plane cohæreant: id vero est quod modo exequemur, idque eo erit facilius, quod theoria ipsa pedetentim solummodo ab ipsismet phænomenis fuit deducta. Pauca solum attingemus, alia omittentes, cum omnia ad idem principium revocentur.

416. I. Machina, globo, conductore, reliquisque omnibus, quæ ad rem opus sunt, paratis, atque dispositis, & machina insuper agente, frictio a globo in manu facta materiam electricam manus excitat, & ut ita dicam, accendit: rupto ab ea parte æquilibrio, materia in fricantis corpore existens illuc sese expandit, partesque aliæ ab aliis protruduntur. Supra vitrum illabens materia inter duas oppositas resistentias detinetur: ab una parte vitrum, ne intra globum, ab alia vero aer, ne circumquaque diffundatur & dissipetur, constanter impediunt. Inde est, quod a globo inter vitrum & aerem supra ejusdem globi æquatorem usque ad punctum manui oppositum, & conductori respondens deferatur: interimque neque versus unum, neque versus alium polum ab iisdemmet resistentiis impedita expanditur: Communicatio, seu contactus globi atque conductoris resistentiam aeris ea ex parte tollit, estque tamquam canalis apertus, quo fluidum omni alia ex parte maxime prorsum, naturaque sua elasticum sese projicit: cum conductor vaporem illum electricum intra se facillime recipiat,

ne-

neque illi opponatur. Conductor aere undequaque circumdatus spectari debet, tamquam electrica apotheca firmissimo vallo septa: acceptum igitur vaporem intra sese retinet, & circa se etiam, cum ejus intensitas aeris resistentiam superare potest, in atmosphæram componit, aere partim excluso, partim quoque superato.

417. Quo tamen pacto frictio vaporem excitat, ad diffusionem determinat, & quasi accendit? Hic vero nodus est, quem non facile solvas. Rem ego ita mihi fingo: vapor electricus est ignis elementaris, aut de illius saltem genere: Jam vero frictione ignem quemcumque excitari compertum est: excitatio autem ignis est vera accensio, postrema hæc est, partes ignis ad motum determinare, seu obstaculum tollere, quo igneæ particulæ unice impediabantur, ne moverentur: suum scilicet est inter partes ignis æquilibrium, in quo illas conservat æquale singularum elaterium, virtus sese diffundendi mutuaque earum pressio: motu frictionis illud æquilibrium ex attrita parte tollitur; versus illam igitur exeruntur intentæ semper vires partium ignis, quæ eodem in corpore pressæ undecumque detinebantur. Videnda sunt quæ diximus de Ignis accensione.

418. II. Hinc e parte æquatoris globi a manu ad conductorem sese revolventis scintillas elicimus, non vero (aut saltem multo remissiores) a parte quæ a conductore ad manum volvitur. Singulæ enim partes ejusdem fasciæ vitri vaporem a manu ad conductorem adducunt, indeque ut plurimum regrediuntur vacuæ.

419. III. Ignis inter digitos fricantes & globum apparens est vaporis torrens a manu in vitrum perenniter effluens: ab eodemmet torrente est stella conductoris extremo globum respicienti inhærens, atque etiam ex oppositis ejusdem conductoris cuspidibus penicilli forma emicans, & tandem in digiti apice stellam iterum referens: omnia scilicet hæc sunt unus idemque vaporis torrens ab alijs ad alia corpora transiens, qui quidem in ingressu stellam, in egressu vero penicillam exhibet, atque hæc duo phænomena pluries in longa aliqua corporum serie edere potest.

420. IV. Forma penicilli a resistentia aeris provenit;

nit: idem enim visimus in exilientis aquæ filo, quod ob interpositum resistentem aerem in plura semper & plura dividitur fila, & ramulos. Inde est, quod torrens electricus per vacuum erumpens unum tantummodo corpus luminum continuum aliorum fluit-dorum instar componit. Stridorem, seu crepitum ab aere etiam provenire, id demonstrat, quod torrens ille electricus placidissime in vacuo projiciatur, & evibretur. Stellam vero in corporum ingressu referre, ab eo est, quod vapor per aerem ad corpus affluit in plurima jam filamenta divisus, atque proinde in plura quoque diversa corporis puncta separata intulrat.

421. V. Cum & machina & conductor cum Tellure communicant, eique aut ipsa per sese aut mediis solum corporibus communicatione electricis insistant; nulla omnino signa electrica eduntur, licet modo jam exposito vaporis torrens perenniter fluat; tunc enim neque in machina rarefcit, neque in conductore accumulatur: sed qui a prima, ad secundum transit, & ab illo in terram perenniter influit, ab eadem tellure in machina insimul suppletur: est igitur semper æquilibrium, & corpora vaporem sibi convenientem semper retinent.

422. VI. Si utrumque sit separatum, exiguus, qui in machina erat, vapor in conductorem illico affluit, & paucis atque debilibus scintillis e conductore eliciendis satis est; quæ tamen brevissime extinguuntur: aliquid deinde vaporis in exhaustam machinam ab aere profluit. Hinc vicissim aliqua etiam signa edit machina: eo tamen vapore in conductorem transmissio, silet iterum machina: at conductor brevia languentiaque signa producit: tandemque alternus hic status durat, quamdiu agit machina, resque in eodem statu servantur.

423. VII. Si sola machina, aut sola catena cum terra communicet; signa omnia, & phænomena rite procedunt, atque eduntur; sed illud agit vices machinæ, quod cum terra communicat: si sola nimirum machina sit separata; edet illa, non autem conductor, signa electrica; propterea quod vapor a conductore in machinam fluat, in illaque accumuletur; dum conductor tantum transmittit, quantum accipit:

pit : solumque proinde habet suum naturalem vaporem.

424. VIII. Si accumulata in conductore materia , machina vero exhausta , homo solo insistent , atque proinde naturali suo vapore instructus , digitum conductori , & machinæ extendat , & prope admoveat ; scintillam e conductore eliciet , machinæ autem dabit : quia scilicet vaporem habet rariorem , quam primus . densiorem , quam secunda .

425. IX. Conductorem per excessum electricum duo homines simul , aut seorsim fere contingant ; quorum primus solo insistat , secundus autem partem machine exhaustæ efficiat , globum v. g. fricans : longe vehementior scintilla in secundum , quam in primum exploditur , quia major est differentia inter conductorem & secundum , quam inter conductorem ipsam & primum hominem . Quamplurima sunt alia phænomena his prorsus similia , quæ eandem habent causam .

426. X. Fasciculus filamentorum metallicorum a conductoris extremitate globo opposita pendens , tamquam penicillus dispergitur , aliaque ab aliis filamentis repelluntur & expanduntur , cum conductor ipse habet electricitatem per excessum . Vapore etenim per metallica illa fila copiose effluente , sunt illa etiam electrica , æqualique vaporis densitate instruuntur : se ipsa igitur mutuo repellunt . Et hinc eo magis expanditur fasciculus , quo densior per fila vapor effluxerit . Simile phænomenon exhibent hominis vehementer electricitati , & conductoris munus agentis capilli : factio enim in tenebris experimento , eos observabis jucunde sese fugere , & expandere , lumenque ex se emittere . Capilli metallicorum filorum , & cuspidum insimul vices agunt : utrorumque phænomenon edunt , hoc est , sese repellunt , & luminosos penicillos emittendo lucent . Alia multa his analoga ex eodem principio explicabis .

427. XI. Alternus ille imaguncularum ex folio inauratæ chartæ , aut metallico factarum ludus , attractio , repulsio , itus & reditus , quos supra retulimus , traditæ hætenus theorizæ corollarium existunt . Imaguncula supra metallicum catinum conductori inferius admotum , ad conductorem profluit , ob virium inæqualitatem : vix conductorem tangit , ab eo illi-

co resilit, quia in contactu æqualem vaporis densitatem acquirit, atque habet conductor: sese igitur mutuo repellunt: vix ad metallicum catinum *non separatim* appellit, vaporem suum illi communicat, atque in sese amittit ex eadem æquilibrii lege: cum igitur amisso vapore sublato jam sit æquilibrium, ad conductorem iterum profilit, parem vaporem inde apportat, eundem ludum tamdiu productura, quamdiu experimentum producere velis. Si catinus sit ex materia origine electrica; ad conductorem post primam repulsionem non resilit imaguncula; quia acceptum vaporem non communicat, cum illum intra se non recipiat corpus origine electricum: servato igitur vapore, durat æquilibrium, & consequenter repulsio. Angulos semper conductori, & catino opponit, atque convertit imaguncula; quia anguli ac cuspides sunt, qua vaporem potissimum recipit, atque emittit. Si ex superiori parte conductori admoveatur imaguncula, post contactum sursum resilit, & per aliquod tempus in aere pendula sustinetur; eo quod aere undique circumdata (corpore origine electrico) acceptum vaporem, & atmosphæram æque densam, atque habet conductor, servat; inde vero æquilibrium, & constans repulsio. Quoniam tamen aer est impurus; paulatim etiam vaporem suum amittit imaguncula: unde post aliquod tempus amisso iterum æquilibrium ad conductorem præcipitatur, eundem ludum peractura. Ex eodem principio sunt quamplurima alia phænomena specie solum ab hætenus exposito differentia: cuiusmodi est illa imagunculæ in aere suspensæ ope globi per totam cameram circulatio superius a nobis relata; atque alterna etiam & continuata unius, aut multiplicis tintinnabuli ope unius aut multiplicis mallei percussio. Prope conductorem vehementer electricatum metallicum tintinnabulum in aere suspensum ita appone, ut cum terra communicet, & in eadem conductoris altitudine existat: inter illud, & conductorem malleus sit suspensus, in aere libere mobilis. Electricato conductore, ad illum malleus celeriter accurrit; vix illum tangit illico contra tintinnabulum pellitur, illoque pulsato & vapore suo illi communicato, ruptoque proinde æquilibrium ad conductorem illico recurrit, ab eo ite-

rum repellendus. Plurima tintinnabula multiplici modo disponi possunt, simul, aut consequenter pulsanda: ita ut viribus electricis obtineri possit harmoniacus concentus.

429. XII. Homines quicumque *separati* cum conductore aliquo modo communicantes; & se ipsos manibus v. g. prehendentes, neque a se mutuo, neque a conductore scintillam eliciunt; quia eundem omnes conductorem componunt, vaporemque habent æqualiter densum: ab iis vero scintillas eliciunt qui solo innituntur, aut qui cum machina exhausta communicant: postremi tamen hinc longe vehementiores, quam primi. Omnia iterum hæc ab eodem principio sunt: homines illi separati mutuum suimet vaporem æquant: eorum superant, qui solo insistant; eos tamen longe magis, qui cum machina exhausta communicant. Alia multa phænomena superius obiter exposuimus, alia statim explicabimus: omnia vero, quæ vel jam attigimus, vel ab aliis relata offendes, cum exposita theoria cohærere, facile animadvertes.

PROPOSITIO XLVL

430. *Fulmen Artificiale Electricum e quadrato vitri magico Franklini, aut phiala Lugduno-Batarica editum, est etiam explosio violentissima vaporis electrici ab una ad aliam quadrati, aut phialæ superficiem æquilibrii reparandi causa recurrentis.*

Hoc etiam phænomenon, quod per duplicem materiam *effluentem*, & *affluentem* exponit Nollet, per unicum tantummodo fluidi electrici torrentem juxta traditam theoriam explicamus. Res igitur hoc modo peragitur: supra internam phialæ, aut superiorem quadrati vitrei superficiem fluidum electricum a conductore illuc perenniter fluens magnopere accumulatur. Hujusmodi addensatio vaporis fit intra aquam, aut stannum, supraque illam vitri superficiem partem aqua aut stanno coopertam: reliqua ejusdem superficiem pars supra aquam phialæ, aut circa stannum penitus nudata reliquitur, ut impedimento sit, ne vapor in stanno accumulatus ad inferiorem quadrati, aut exteriorem phialæ superficiem pertranseat: trans-

eun-

eundo enim effectus esset omnino nullus: estque proinde ad rem obtinendam plane necessarium superficierum communicationem, seu vaporis ab una ad aliam transitum prædicta, aut simili alia ratione impedire. Eo impedimento interposito magna vaporis vis intra phialam accumulatur, dum in exteriori superficie non modo non augetur materiæ densitas, verum etiam minuitur; duplici proinde de capite æquilibrium tollitur, & magna inducitur inæqualitas, quia scilicet in una parte augetur, in altera vero minuitur densitas. In una vitri superficie rarefcere vaporem & repelli eadem ratione qua supra oppositam accumulatur, peculiaris est vitri ipsius proprietatis experimentis quamplurimis confirmata, quæ totius rei, de qua modo agimus, præcipuum caput est.

431. Hisce omnibus politis, nullo jam negotio ex vi vaporis, ruptique æquilibrii ratione fulmen accidere, hoc est, vehementissimam scintillam electricam, quæ omnia fulminis, fulguris, & tonitrus phænomena in exiguo imitetur, consequens est omnino necessarium. Cum enim experimentum superius descriptum peragis, digito catenam tangente, impedimentum ad æquilibrium tollendum tollis, viamque facillimam, & apertam vaporis sufficis, qua velocissime per tuummet brachium, pectus & alia membra ab una ad aliam vitri superficiem evibretur ignis electricus.

432. Traditam phænomeni expositionem, insimulque Propositionem probabimus, si tria hæc conficiamus. 1. Vitro reapse indicatam inesse proprietatem. 2. In hoc etiam casu locum non habere duplicem materiam *affluentem*, & *effluentem*. 3. Tandem (quod caput est, unde etiam prima duo pendent) materiam electricam per vitrum sincerum nonnisi difficillime permeare, ab unaque ad aliam ejusdem superficiem transire.

433. Hoc tertium (ut ab illo incipiamus) experimentis constat: corpora origine electrica, quale est vitrum, vaporem neque accipiunt, neque emittunt. In vitrum tamen nominatim penicillum luminosum & vividissimum dirigamus, ita ut vitrum possit contingere: ante contactum semper a vitro refugit, incurvatur, & supra vitri superficiem inter ipsum &

aerem labitur ; cum , si loco vitri corpus quodcumque communicatione electricum supponamus , penicillus illico intra ipsum penetret , recipiatur , & veluti immergatur . Tandem fac^o , ut arcus conductor ab una ad aliam quadrati magici electrici superficiem transiens ad tenuissimam vitri lamellam in altera superficie positam dirigatur : hoc unum satis est , ut nullus habeatur effectus , immensaue fulminis electrici intensitas cohibeatur : tolle lamellam , reliquis omnibus manentibus , fulmen illico evibratur . Vitrum a vapore esse penitus insuperabile , non statuimus : novimus a naturali fulmine multoties rumpi : id unum dicimus , vitri substantiam maximam , quam sciamus , opponere vaporis resistentiam : hæc tamen plurimum minuitur , si vitrum valde impurum sit ex terreis particulis , aut etiam fissuris ruptum . Addo hocmet experimentum Lugduno-Batavicum satis probare , vitrum non esse a vapore electrico facile penetrabile : alioquin neque rumperetur æquilibrium , neque materia intra phialam accumularetur .

434. Quod secundum attinet , quadratum magicum (idem est de phiala dicendum) dum vapore instruitur , seu ante fulminationem electricatur , estque aere undequaque circumdatum , qui origine electricus vaporem neque accipit , neque communicat , nisi paulatim post magnam resistentiam : ad fulmen autem explodendum aliud non requiritur , quam contactus arcus conductoris ad inferiorem superficiem : in huiusce contactus momento , & fulminis explosione unicum fieri vaporis effluentis torrentem , ex eo patet , quod in apice , seu extremitate arcus conductoris quadratum inferius tangentis appareat luminosissimus , & vehementissimus penicillus contra quadratum evibratus , atque proinde unica etiam scintilla ex una tantum parte emicans : ex supra dictis igitur unicus ibi est vaporis torrens . Deinde si duplex hic esset materiæ torrens , alius quidem ad phialam , alius vero a phiala effluens ; per mediam vitri substantiam vapor exiliret : consequentiam admittunt , qui illam opinionem tenent : tum vero , dum phiala electricatur , vapor intra illam non accumularetur : a quo enim , ne exterius efflueret , detineretur ? Non equidem ab aqua , aut metallo , cum sint communi-

catione electrica; non etiam a vitro, ut contendunt; cum igitur vitrum, exterius manus prehensum teneat: vapor electricus libere omnino ab interiori capacitate phialæ per vitrum fluere, perque manum, & hominem liberrime diffunderetur: æqualis igitur esset vaporis densitas in phiala, in vitro, in homine, in conductore, seu catena: esset igitur æquilibrium, nullumque proinde fulmen, aut violenta vaporis explosio.

435. Pars tandem tertia primo loco a nobis proposita ex modo dictis est manifesta. Primo enim non fit experimentum, neque phiala vapore instruitur, quamdiu exteriorem superficiem non tangat manus, aut corpus aliud communicatione electricum, sed ære undequaque, aut corporibus aliis origine electricis circumdatur: quod scilicet per prima, non ita vero per secunda vapor transmitti, atque a vitri superficie recedere possit: quamdiu aer circumquaque phialam ambit, vaporem in ejus superficiem detinet. *Secundo*. Vitrum a vapore electrico non penetrari, modo probavimus; jam vero experimentis superius relatis constat, quod si vaporem electricum supra externam vitrei globi cavi, & vacui superficiem accumulamus, hoc est, si globum ipsum tricemus, aut supra illum penicillus illabatur, & sese expandat; ab interiori illico superficie per spatium aere vacuum luminosus etiam penicillus diffundatur, a vitri superficie recedens. Quamdiu globus est aere plenus, ipsemet aer vaporem a vitri superficie recedere impedit; eo impedimento sublato, vaporem supra unam superficiem accumulari, & condensari, supra alteram vero rarefcere, ab illaque recedere, idem plane est effectus, aut sese semper comitantur. Alia multa ejusdem naturæ brevitatis gratia omittimus. Duo tantum hic annotamus, hæc, quæ modo diximus, eleganter etiam cum tradita hætenus theoria, & principio congruere, ab illoque sponte descendere, atque hæc alia est ejusdem theoriæ, principii, & præsentis propositionis confirmatio: & hoc primum: Deinde ex his etiam omnia illa solvuntur, quæ contra propositionem afferri possent: & hoc alterum.

436. Contra Propositionem, & quæ de vitri impenetrabilitate diximus, sequentia opponit *Nollet*, præ-

clarus Philosophus experimentalis. Assumatur vitreum recipiens superius apertum, superiori illius aperturæ & collo subtilis phialæ collum mastiche interius agglutinetur, ita ut phiala intra recipientem existat: vacuo deinde facto, aquaque in phialam infusa, quoad $\frac{3}{4}$ suæ capacitatis adimpleat, in aquam conductoris electrici extremitas immergatur: tum vero ab inferiori phialæ superficie in vacuum luminosum vaporem quasi cribratum profilire animadvertimus (a). II. Succussionem seu fulmen Electricum hac etiam ratione obtinuit Nollet: intra phialam vacuum, quam manu tenebat, radii ferrei curracibus annulis instructi desinebant: tum vero conductorem alia manu tangendo succussionem Lugduno Batavicam sentiebat: fieri autem id non posset, nisi luminosus ille vaporis penicillus per vacuum diffusus trans vitrum fluere (b). III. Quotiescumque fulminantem scintillam ope conductoris ita dirigimus, ut illa vel per spissiore chartam, vel per inauratum subtilioris chartæ folium pertranseat, ex ipsamet foraminis forma scintillam a phiala egressam, non vero ad illam fluxisse cognoscimus: id enim chartacei foraminis velut barba demonstrat: chartæ præterea folium, quod inauratum quadratum tangit, rufatum observamus: quodsi chartæ loco vitrum substituiamus, aurata frustula a quadrato separata, & vitro adhærentia animadvertimus. Omnia autem hæc, inquit, torrentem non ad phialam, sed a phiala per medium vitrum fluere demonstrant.

437. Resp. Nihil est quod in allatis experimentis non admittamus, ex illis tamen duplicem materiæ electricæ torrentem probari aut systema hætenus expositum infringi, inficiamur, cum secundum nostram theoriam omnia hæc, & similia alia experimenta faciant. Ad primum: luminosi materiæ torrentes in argumento relati in vacuo recipiente visuntur, & ab externa phialæ superficie per totum vacuum sese diffundere apparent. Unde tamen probabitur, eos lu-
mi-

(a) *Hist. de l' Acad.* 1753. pag. 12. *Mem. &c.*

(b) *Hist. de l' Acad.* 1747. p. 33. *Hist.* 1753. p. 14.

minofos torrentes ab interiori phiala capacitate per medium ipsius vitrum egredi, atque pertransire? Hoc ab experimento non conftat, quamdiu non probetur, eam materiam aliunde, quam ab phialæ capacitate provenire non poffe: Id tamen eft, quod neque ratio, neque experimenta ipfa demonftrant; immo & oppofitum rationibus; atque experimentis fuperius allatis evincitur. Fac enim luminofos penicillos: materiamque proinde electricam per vitrum transmitti, atque ab una ad aliam ejus fuperficiem facile pertransire: præterquam quod id efferet corporum origine electricorum, quale eft vitrum, indoli, & notiffimis proprietatibus fuperius jam demonftratis penitus contrarium; cum ea electricitati maxime refiftant, propriam aliis corporibus non impertiant, neque ab aliis recipiant, & per fe fe transmittant; unde efferet, quod materia electrica intra phialam vitream addenfaretur, ipfaque phiala quafi electricum fclopetum electrico vapore inftrueretur, & adimpleretur? Si vitrum eft ab ipfa materia permeabile, immo quafi perforatum clibanum ipfam effluere permittit; nihil efferet unde electricitas intra phialam ceteretur, quin per vitrum, ut per corpora non electrica non diffunderet: præcipue cum aliunde habeamus, materiam electricam ex propriam indole ad fui diffusionem femper adniti.

438. Clarius adhuc patebit ejusdem rei veritas, fi confideremus, experimentum Lugduno-Baravicum eo perductum effe a *le Monier*, ut ipfe phialam vitream electricitate inftrueret, inftructam non folum ab conductore separaret, fed separatam ad diffufa loca deferret, & per notabile tempus inftructam fervaret, ut diverfis tandem tempore, loco, & corporibus experimentum perageret. Dum per longum tempus phiala electricitate inftructa fervatur; materia ipfa electrica per phialæ vitrum efflueret, fi per illud pertransire poffet. Luminofi igitur illi penicilli, ac torrentes electrici in experimento allati non ab interna phialæ fuperficie, & capacitate per medium vitrum pertranfeunt, fed ab externa fuperficie recedunt, repelluntur, atque per vacuum capacitatem diffunduntur. Id ab experimentis ipsis conftat, materiam electricam ea ratione fupra, aut intra unam vitri fu-

perficiem accumulari , atque addensari , qua ab opposita recedit , & nisi ab una recedat , supra aliam non addensari . Instituatur experimentum , dum phialam undequaque cingit aer : nihil obtines , phiala non electrificatur , neque instruitur , aer ambiens externam materiam repelli non permittit . Manu phialam prehende ; res bene vertit ; per manum , & hominem , corpus communicatione electricum materię depulsioni datur locus . Sit tandem phiala in vacuo , ut ad rem propius veniamus ; recte etiam omnia in experimento procedunt : cum enim nulla jam sit aeris resistentia , etsi manu phialam non teneas , electrica tamen materia externa repellitur ; phiala igitur instruitur : hinc igitur sunt luminosi illi torrentes in vacuo observati . Quę modo diximus , duo etiam confirmant in ipsomet experimento ab illius auctore observata : *primum* , electricitate omnino eadem , & vacuo perseverante , luminosi torrentes , atque effluxus paullatim semper minuuntur , quoad penitus evanescent (a) . Unde tamen hoc ? intra phialam eadem semper est materię electricę densitas , atque accumulatio : extra phialam nulla est aeris resistentia ; vitrum etiam ipsum materię transitum non impedit : quare igitur exterius non effluit ? Quia , inquit *Nollet* , dum interim fit experimentum , aliquid humoris ad externam phialę superficiem adhæret . At tamen etsi id fieret , magis istud materię effluxum juvaret , quam impediret : cum aqua , æque humor electricitati obstaculo non sint , immo illam facillime recipiant , & in causa etiam sint , ut humidus aer (corpus alioquin materiam electricam non recipiens , neque transmittens) eam facile admittat , atque effluere amplius non impediat . Secundum nostram vero theoriam rei causa est omnino obvia : tantum enim materię ex una superficie decedit , quantum supra aliam oppositam accumulatur : quamdiu igitur intra phialam electricitas perseverat invariata ; fluxus ab externa etiam superficie cessat : quod minime fieret , si materia interna per medium vitrum posset transire .

(a) *Hist. de l' Acad.* 1744. 1753. pag. 13.

439. *Secundum* : Si scintillam e conductore eliciamus ; vividum lumen fulgura referens in vacuo aut phiala apparet. Educta scintilla , ignis electricus intra phialam exploditur , atque plurimum minuitur ; secundum igitur datam theoriam æqualis materia eodem tempore per vacuum ad extimam phialæ superficiem evibratur , ut æquilibrium semper existat : hinc igitur est illa luminis coruscatio ad singulas scintillarum evibrationes. Omitto alia ejusdem experimenti phenomena relatis omnino similia , quibus nostra propositio magis semper confirmatur .

440. II. Secunda difficultas superius proposita ex hucusque dictis , atque ex ipsamet theoria solvitur . Aliud illa non continet , quam succussionem Lugduno-Batavicam ope phialæ vacuæ elicitam : peculiaris tamen rei circumstantia nihil in experimento ipso immutat . Succussio in hoc etiam casu habita non ab interna phialæ capacitate per mediam ejus vitri substantiam provenit , sed per conductorem ipsum , quem tangis , & manum ad externam phialæ superficiem discluditur , ut ruptum virium æquilibrium reparetur : eatenus enim in hoc etiam casu fit experimentum , & phiala vacua electricitate instruitur , quatenus plurimum vaporis electrici intra phialam addensatur , & æqualis interim materiæ copia ab externa superficie recedit : hoc modo rumpitur naturale virium æquilibrium . Cum primum conductorem digito attingis , manu altera phialam tenendo , viam materiæ electricæ aperis , qua a phiala , ubi densissima est , ad externam ejus superficiem , ubi rarissima existit , motu violentissimo evibretur . Succussio igitur non est scintilla a phiala per medium vitrum permeans , sed materia per manum ad phialam accurrens : idque est in omni experimento hujusmodi commune .

441. III. Quod tertiam difficultatem , atque experimentum nobis objectum attinet , non satis video , quid ab illo experimento pro una vel alia theoria afferri possit . Massa & partes ex quibus chartæ componuntur , eam habent indolem , molliem , inæqualem adeo texturam , plexum , & flexibilitatem : materia etiam electrica singulari adeo ratione in corpora agit attrahendo , repellendo , multipliciter & inæqua-

qualiter comburendo, ut nihil in illo experimento videam, quo nostra propositio infirmetur. Quin immo attenta partium chartæ natura, atque textura, electricæque materiæ indole, necesse est, ut foramen modo sit ab una, modo ab alia, modo ab utraque, modo etiam a neutra parte rasum, aut hirsutum, modo secundum torrentis, ac scintillæ electricæ directionem, modo etiam contra. Quid enim si dicam, hirsutam debere esse foraminis circumferentiam a parte illa, in quam primo scintilla irrumpit? id sane est, quod ab igne electrico attrahente, irrumpente, repellente multipliciter fieri potest, ut consideranti patebit.

442. Opponitur 2. Corpus electrificatum ab eadem sui parte eodemmet tempore & attrahit, & repellit diversa corpora: qui autem id posset simul fieri sine duplici materiæ torrenti, quorum unus affluat, alter vero effluat? II. Deinde ejusdemmet liquoris effluxus ab aliquo vase est semper acceleratus, vel vas liquorem continens ope conductoris electrificetur, vel liquor ipse prope corpus electrificatum collocetur: duplex autem hic casus secundum nostram theoriam explicari omnino, & fieri non potest. Si vas electrificatum in primo casu liquorem effluente materia propellit; corpus vicinum & similiter electrificatum in secundo liquorem ab effluxu potius impediret, quam adjuvaret. III. Si tubo vitreo recens perfrecto, atque electrificato oblongum aliquod subtile, & facile flexibile corpus admoveas, puta oblongum filum, tenuissimam metallicam bracteolam; in corpore ipso multiplicem flexuram, atque sinus oppositos animadvertes; indubium sane duplicis materiæ torrentis indicium. IV. In conductoris cylindrici superficie circulum describe, & in diversis ejus circuli punctis diversa etiam tenuissima, & flexilia fila appende: Similiter in interiori superficie circuli trium pedum diametri plura hujusmodi fila etiam infige, ita ut omnia libere dependeant, & volvi possint: Conductor ita per circuli centrum transmittes, ut utriusque fila sibi in eodem plano mutuo respondeant. Rebus ita constitutis, electrificetur conductor: tum vero animadvertes, conductoris fila cororam radorum divergentium ab eodem centro recedentium compo-

nere; illa vero amplioris, & concavi circuli coronam similiter, sed radiorum convergentium efficiunt, quæ quidem ad unum idemque etiam punctum, atque utriusque coronæ centrum diriguntur: hæc autem omnia non nisi a duplici torrente proficisci possunt (a).

443. Ad hæc omnia facilis est responsio. Primum est pura putaque nostræ theoriæ consequentia, quam satis jam superius explicavimus: omnia hic sunt secundum rationem æquilibrî intensitatum, seu virium materiæ: Si ergo ab una eademque parte plura simul corpora levia conductori admoveantur, quorum unum parem, alia minorem, altera majorem, quam conductor ipse, electricitatem habeant; uno eodemque tempore alia quidem repellentur, dum interim magno alia velocitatum, & virium discrimine attrahentur. Ad II. Utrumque etiam secundi experimenti phænomenon expolitæ theoriæ conforme est: in priori quidem cum vas, tum etiam liquor parem aut cum conductore, aut saltem inter se habent electricitatem: sese igitur mutuo repellent: effluentis igitur liquoris velocitas addita electricitate magis augeatur, quam si sola partium gravitate flueret. Alterius casus similis omnino, aut eadem est ratio: partes singulæ fluentis liquoris eandem, seu æque intensam habent electricitatem: se igitur mutuo repellunt; partes igitur liquoris jam fluentes non solum gravitate sua, sed aliarum etiam partium fluidi totum vas adimplentis actione ad effluendum urgentur: auctis proinde viribus velocius effluent. Ad III. Tenacissima, & facile flexibilis bracteola dum a conductore electricato attrahitur, in sinus, atque flexus incurvatur, & hoc quidem alio de capite a duplici materia penitus diverso: primo enim vel ob inæquales partium distantias inæqualiter bracteolæ (non satis forsitan homogeneæ) partes electricantur. 2. Ab aeris resistentia, quæ non levis esset, si tota simul bracteola, nullo sinu facto, undequaque ad conductorem accederet. Equidem dum subtiles hu-

(a) *Hist. de l'Acad.* 1753. pag. 40.

hujusmodi bracteolæ, aut similia alia levissima corpuscula pondere suo per aerem labuntur, in similes sæpe sinus incurvantur: causa tamen trahens in omnibus illius partibus est sola gravitas, neque ad phænomenon explicandum contrarius aliquis materiæ fluxus requiritur. Ad IV. Phænomenon ultimo loco relatam theoriam nostram confirmat. Priora fila conductori circumposita distenduntur, atque tamquam circuli radii divergunt; quia ob contactum conductoris eandem non solum inter se, sed cum conductore ipso habent electricitatem: a se igitur mutuo, atque a conductore repelluntur; opus igitur est, ut coronam divergentium radiorum component. Exterioris autem circuli fila ob magnam a conductore distantiam electricitatem habent multo minorem, atque remissiolem, quam conductor: ad hunc igitur tamquam ad centrum attrahuntur: coronam proinde convergentium radiorum efficere debent. Ulterius in iis explicandis, atque probandis non immoror, quia ex ipsismet theoriæ principiis dependent, & superius a nobis fuerunt in casu non dissimili exposita.

444. Opponitur ulterius. Ipsæ etiam electricæ scintillæ a corpore electrificato diplosæ duplicem materiæ torrentem demonstrare videntur. Etenim dum homo terræ insistens hominem electrificatum tangit, scintilla electrica in eorum utroque visitur, & in utroque etiam intumescit, & vivum dolorem creat. Deinde ipsamet scintilla per sensibile aliquod tempus non durat, sed in momento temporis apparet, & disparet, quin vel prius per gradus intendatur, aut postea sensim languescat, atque diminuatur. Duo autem hæc vix in unius tantum torrentis systemate intelligi poterunt: quare enim materia electrica paullatim ab uno in aliud corpus non influit, & influendo diuturnam scintillam, seu visibilem torrentem non efficit?

445. Resp. Quidquid hic opponitur, facillime secundum expositam theoriam solvitur; & si quam habet difficultatem, æque duplicis torrentis systema impugnatur. Lumen electricum in utroque corpore apparet, & in utroque doloris sensum creat, licet sit unus idemque materiæ torrens; quia eadem materia, & ab uno corpore erumpit, & in aliud irrumpit, at-

atque tam in ingressu, quam in ingressu intimas ipsorum corporum partes afficit, tamquam verus ignis quo animalis corporis membra pervadantur: cum igitur ignis ille electricus satis collectus, atque densus, maximaque velocitate ab uno corpore in aliud evibretur: mirum non est, si in utroque non solum clarissime appareat, sed etiam molestiam; dolorisque sensum generet. Ad secundum. Non dissimili ratione phænomenon explicabis, quamlibet ex duabus sententiis teneas. Cum conductor in acutam cuspidem definit, & vehementem, constantemque recipit electricitatem; tum vero non solum ab illo exploditur scintilla, sed perennis luminosæ materiæ torrens ab ipso per cuspides magno impetu, & sensibili stridore effluere apparet: cum conductor in cuspidem non desinat, aut non sit vehementer electricus, digitumque ad illum paullatim admoves; paullatim etiam intra conductoris atmosphæram materia electrica ad digitum pertransit: interim tamen neque scintillæ instar evibratur, neque luminosus apparet torrens, quia ad contactum, aut prope contactum perventum adhuc non est, materiaque proinde densitatem ad scintillam lumenque efficiendum necessariam non habet, obstante interim tum utriusque corporis distantia, tum interpoliti aeris resistentia. Quamprimum autem ad id punctum & viciniam digitum admoveas, ubi duplex hoc resistentiæ caput materiæ viribus impediendis satis jam esse non possit; tum vero ipsa ruptis carceribus magno impetu evibratur. Post evibrationem seu dislosionem, æquilibratis parumper viribus, omnis explosio intermittitur, quoad rupto iterum æquilibrio, ad novam dislosionem veniamus. Plurima hujusce rei exempla habemus in natura, in igne nimirum paullatim ad pulverem pyrium admoto, & in mille aliis.

446. Opponitur etiam a *Nollet* sequens argumentum, quo non solum unius tantum torrentis ratio, sed etiam ipsiusmet electricæ materiæ proprietates evertere adnititur. Si tota res electrica unico materiæ torrente perageretur, opus sane esset, materiam ipsam esse infimul & maxime elasticam, & maximæ compressionis capacem, atque intra conductorem magnopere condensari: hæc tamen sunt, quæ
con-

concipi omnino non possunt: quomodo enim ita addensabitur materia electrica intra illud corpus, per cuius poros facillime movetur? Deinde illamet facilitas ad motum, liquiditas atque elasticitas inter se pugnare videntur, neque simul in eodem corpore conjungi. Tandem velocissimus ille huiusce fluidi motus versus omnes partes, directus, lateralis, retrogradus vix concipi aliqua ratione possunt.

Respondeo: Hæc omnia, ut fere omnia in duplicis etiam torrentis systemate admitti debent. Deinde huiusmodi sunt, quorum exempla habeamus in natura, & experimentis innitantur, satis hoc ultimum esse debet, ut omnes illico difficultates, & argumenta opposita evanescant. Quod materia electrica sit maxime elastica, compressionis, & dilatationis capax; satis supra demonstravimus: id non esse unicum ejusdem rei exemplum, satis intelligitur ex proprietatibus aeris, quas suo loco explicavimus. Est enim vero aer corpus fluidum, magnæ compressionis, atque dilatationis capax; ejus præterea particulae sunt subtillissimæ, &, cum compressæ fuerint, versus quamcumque partem secundum omnes directiones expanduntur, atque moventur: quidni igitur rem eandem in alio fluido existere posse, & perfectiori quidem modo, non fatebimur? Motus retrogradus fluidi elastici, atque compressi est effectus, qui elasticitatem ipsam consequitur, ut in aere ipso visitur. Tandem intra corpora, per quæ liberrime transluit materia electrica, addensari potest; quia externus aer conductorem ambiens, est corpus origine electricum, quod resistantia sua dictam materiam impedit, intra conductorem detinet, atque ea ratione ad magnam densitatem compellit. Hæc quidem esse materiae electricæ proprietates, negare non possumus: quodsi satis non intelligimus, quamam ratione, & primitivo, atque simplicissimo mechanismo ista omnia a simplicissima materia proveniant; commune id est omnibus philosophis malum, quod majorem Physicarum rerum partem comprehendit. Quamcumque circa rem electricam opinionem teneas, cum ad primitivum totius rei cardinem pervenimus; hæcere nobis aquam fateamur oportet.

447. Penicillum, & stella luminosam esse notam, pri-

primum quidem materiæ effluentis, secundam vero influentis; sequentibus impugnat *Nollet*. In casu experim. nti numero 306 &c. relati fila metallica, quorum cuspides machinæ conductori cominus admovebuntur, penicillum, & stellam exhibent, ea tamen phenomenon varietate, ut nihil inde certi concludi posse videatur. Penicillus luminosus in fili machinam respicientis apice observatus a stella quidem differt; verum si ejusdem fili extremitatem globo paulo supra manum fricantis cominus admoveas; penicillum non dissimilem in filo animadvertes: cum autem illa in parte globus sit electricus, materiamque a manu ad conductorem adducat; ignis a globo potius in filum, quam e contrario effluet: penicillus igitur in hoc casu non effluentis, sed influentis materiæ nota existit. 2. Quod stellam, & filum conductorem respiciens attinget, non minus res est varietati, atque mutationibus obnoxia: Etenim si fili cuspidis sit satis acuta, stella veluti luminosum punctum apparet, quod magis sensim distenditur, atque dilatatur, quo magis ad conductorem acceditur: si extremum sit obrutum, & latius; stella etiam erit latior, & pariter decresciente distantia inter filum & conductorem ampliatur, & magis in longum producitur, ita ut penicillus aliquando esse videatur. 3. Tandem si filum hujusmodi ope ceræ Hispanæ separatum manu altera teneas, alterius vero digito ejus extremitatem a conductore aversam contingas; intendetur ad oppositum fili extremum stella; quod quidem argumento est, materiam electricam per filum versus conductorem fluere, atque fluendo stellam formare: stella igitur etiam est effluentis materiæ effectus.

448. Ad hæc omnia facilis est responsio, neque iis probatæ propositionis veritas infringitur. Ad *primum*: Duplici casu formari potest penicillus in fili metallici cusptide, cum illa paulo altius, quam fricans manus globo admoveatur: 1. Cum materia electrica a conductore in machinam transmittitur, quod multoties fieri demonstravimus; tunc enim ea globi pars materia electrica est jam spoliata. 2. Cum densior est in filo, quam in dicta globi parte electricus ignis; id quod multoties etiam evenit. Quod si ex

ad-

adverso densior supra globum, quam in filo extiterit; tum quidem stellam in ejus cuspide observabis. *Secundum* nihil, nisi puram putam legem electricitatis virium decrescente distantia crescentium continet: juxta hanc legem est, quod filo, ejusque cuspi-
de paulatim ad conductorem accedente, ignis electricus intensior semper & intensior, ac proinde ampliorem etiam, & productiorem stellam referens appareat, & in filum influat. *Tertium* est pariter theoriæ, & simplicissimæ ejus legis effectus: digitus alterum electricitati fili extremum tangens, materiam aliquam ab illo elicit, cum filum ignem a conductore paulatim recipiendo, & in sese colligendo, majorem, quam digitus, habeat materiæ densitatem: diminuta in filo materiæ densitate, copiosior in illud a conductore transmittitur; & hinc intensior, atque splendidior sit stella, necesse est.

F I N I S.

INDEX

I N D E X

101

T O M I V.

AEROMETRIA Physica, seu de Elemento Aeris, Telluris Atmosphæra &c, pag. 3.

L E C T I O I.

Aeris natura, & Proprietates. 5

PROP. I. Id, quod nomine Aeris significamus, est corpus : ac proinde est extensum, impenetrabile, cæterasque corporis proprietates, & attributa in se continet. *ib.*

PROP. II. Duplicis generis admittendus est Aer, impurus scilicet, qui in vaporum congerie puro aeri admixta consistit, & *atmosphæra* dicitur; purus alius, quem prope terram numquam respiramus, sed supra atmosphæram longissime extenditur &c. *ib.*

PROP. III. Est etiam corpus maxime fluidum, subtile, sonorum, elasticum. 7

PROP. IV. Perperam omnino dicitur, aerem purum, & elementarem esse humidum calidum, siccum; ex se enim neque humidus, neque calidus, siccus, aut frigidus dici potest; eas tamen omnes qualitates ab aliorum corporum particulis in aere ipso natantibus habet. 11

PROP. V. Est etiam Aer peculiare corpus ab aura seu substantia *Ætherea* distinctum. 13

PROP. VI. Aer etiam purus, & elementaris independentem omnino a vaporibus terrestribus in Terræ centrum gravitat. 14

PROP. VII. Aeris massa est maxime elastica, & mirabilis compressionis capax. 18

COROLL. Circa gravitatem, Elaterium, & compressionem Aeris. 21

(Figuram & labendi indolem.

circa (Ponderis rationem. *ibid.*

(Diversam densitatem.

(Gravitatis mutationes. 22

circa (Elasticitatem densitati proportionalem. 23

(Virium elasticæ, & prementis æqualitatem. *ib.*

(Majus elaterium inferioris aeris. *ib.*

PROP. VIII. Vis elastica Aeris plurimum calore augetur. 24.

SCHOL. Pondus Aeris definitur, rarefiscendi, sese dilatandi, *Mont. Phil. Tom. V.* &c ela-

- elaterii vires, particularum subtilitas, & alia similia exponuntur. 25. ad 29.
 Rudis Aeris idea, & hypothesi, illius definitio realis. *ib.*

L E C T I O II.

- Plurima Aeris Phænomena, quæ ab aeris gravitate, compressione elaterio pendent, proponuntur, explicantur, & eorum causis deducuntur. 30
 PHENOM. I. Tubus *Torricellianus*, seu suspensio fluidorum in tubis. 31
 II. Gravitas in vallibus, supra montes. 32
 III. Vires aeris intra cameram ad sustinendum mercurium &c. 33
 IV. Pressio, & sensus in manu &c. 34
 V. Vesicæ inflatio, disruptio &c. *ib.*
 VI. Aere extracto descendit Mercurius. 35
 VII. Manus inflatio, dolor, cucurbita &c. 35. 36.
 VIII. Tubus Torricelli in bilance &c. 37
 IX. Vesica corrugata in vacuo &c. *ib.*
 X. Aer in recipiente compressus &c. 38
 XI. Hemisphæria Magdeburgica. *ib.*
 XII. Corporum adhæsiō ope aeris. 40
 XIII. Anthliarum phænomena, aquæ ascensio. *ib.*
 XIV. Extractio Aeris ope anthliæ e recipiente. 41
 XV. Liquores &c. in vacuo. 42
 XVI. Sclopetum pneumaticum. 43
 XVII. Aves, & animantia alia in vacuo. *ib.*
 PROP. IX. Omnia corpora, in quibus experimenta hactenus capere potuimus, aere intra eorum poros consistente plurimum scatent. 45
 PROP. X. Aer ille factitius, de quo loquebamur maximam partem sunt halitus &c. *ib.*

L E C T I O III.

- De Tubis capillaribus. 52
 DEFIN. *ib.*
 OBSERV. Circa tuborum capillarium phænomena. 52. 53
 PROP. XI. Liqueurum per capillares tubos ascensio aeri crasso stagnantem liquorem prementi, & sursum per tubos urgenti referri nequit. 54
 PROP. XII. Fluidorum per tubos capillares ascensus, & recensita phænomena legibus attractionis corporum quas philosophi hanc qualitatem admittentes statuunt, non sunt con-

conformia, ac proinde per vim attractionis non explicantur. 55

PROP. XIII. Liqueurum per tubos capillares ascensio a ratione insensibilium atmosphærarum, quibus liqueurum, tuborumque pattes præditæ sunt, potissimum provenit &c. 58

L E C T I O IV.

De Aere, prout est Terrestris Atmosphæra. 61

DEFIN. Atmosphære, Halituum, Vaporum. 63

PROP. XIV. Atmosphæra est massa, & fluidum quoddam impurissimum, ex omnigena terrestrium corporum varietate, eorumque particulis conflatum. 63

COROL. Recensentur species particularum atmosphære. 65

SCHOL. Circa Aeris colorem &c. 67

PROP. XV. PROL. Modum, & peculiarem legem, atque causam, quæ halitus terrestres e suis corporibus eyellat, & sursum elevert, secundum Physicæ Hydrostaticæ leges explicare. 68

Dico hujusmodi causam fere esse calorem, rationem superficiem, aeris pressionem, tuborum capillarium mechanismum, potissimum vero vim Electricam. 69. 73

COROLLARIA I. II. III. IV. V. VI. VII. VIII. Circa multiplicia phænomena, & effectuum varietatem in vaporum elevatione &c. passim observatam explicantur. 75. ad 78.

PROP. XVI. Inter cæteras vaporum & halituum proprietates præcipua, & maximi momenti illa est, quod aerem reddant salubrem aut insalubrem: seu salubritas, aut insalubritas aeris. 80

PROP. XVII. Atmosphæra terrestris in perpetuo semper & perturbato insensibilium, & sensibilibium partium motu tum in ejus superficie, tum intra illius massam, & profunditatem existit. 81

PROP. XVIII. Licet figura Atmosphære, seu suprema illius superficies sphærica esse debeat, & haberi possit, spectata solummodo gravitantis aeris, & vaporum natura, physice tamen non est rigorose sphærica, sed sphæroidica, versus polos depressior, altior versus æquatorem. 83

ATMOSPHERÆ Altitudo. 86

ATMOSPHERÆ Munera. 88

DE METHEORIS

S E U

DE IIS, QUÆ IN ATMOSPHERA TERRESTRI
VISUNTUR.

L E C T I O V.

De Ventorum natura, nomine, numero, historia, causis, directione, motu, & qualitatibus. 90

DEFIN. Ad rem necessariæ, præcipua ventorum nomina, definitiones, & divisiones in diversis maribus usitatæ. 92.
ad 94.

PROP. XIX. Causa ventorum generalium in Zona Torrida spirantium non est Telluris vertigo, ut aliqui sibi persuasum habuere. 95

PROP. XX. Venti generatim omnes ex rupto aeris æquilibrio gignuntur: id vero æquilibrium rumpendi multiplex existit culpa: præcipuæ sunt calor, frigus, ponderis aut elasticitatis mutationes, fermentationes aeræ, electricismus naturalis. ib.

PHÆN. I. II. III. IV. V. VI. Circa ventos prope terram, aut in magna altitudine: ventorum oppositionem, turbines: ventos Zonæ Torridæ; Peruanos, Eteias, Periodicos &c. 102. ad 108

Ventorum celeritas, qualitates, & utilitas. ib.

L E C T I O VI.

De veris Metheoris Igneis, Fulgure scilicet, Tonitru &c.

111.

DEFIN. Multiplex Metheoron igneum &c. ib.

OBSERVATIONES Circa fulmina &c. 112

9.

VERA FULMINUM CAUSA, ET THEORIA
PROPOSITUR.

PROP. XXI. Materia Electrica modo a telluris superficie ad nubes & atmosphæram ascendit, modo etiam ex adverso ab atmosphæra ad tellurem descendit. 115

CO-

COROL. Circa dispersionem, fluxum & æquilibrium materiæ electricæ inter terram, & nubes: inter unumaliumque terræ locum, unam aliasque nubis partes. 118. &c.

PROP. XXII. Fulmina, & fulgura aliud non sunt, quam copiosi materiæ electricæ torrentes, seu scintillæ e nubibus ad terram, a terra ad nubes, aut ab una ad aliam nubem profluentes, aut explosæ: omniaque fulminum phænomena a notissimis materiæ electricæ proprietatibus descendunt, atque explicantur. 122

§. Ulterior ejusdem propositionis confirmatio, multiplex fulminum phænomenon, & tota eorum theoria exponitur. 127.

PHÆNOMENA Fulminum, fulgurum, tonitruum singularia explicata. 130

I. Velocitas Fulminum. ib.

II. Eorum lumen vividissimum. 131

III. Tonitrus, eorumque propagatio, successio, diuturnitas, interruptio &c. ib.

IV. Dispositio fulminum in editiora loca. 134

V. Arbores præ turribus feriuntur &c. 135

VI. Effectus, & vires fulminum in metalla, liquores &c. 136.

VII. Accidentia motus, atque directionis fulminum intra nubes per aerem, & alia corpora. 137

PROP. XXIII. Maxima fulminum pars evibrantur e nubibus, aut per nubes transcurrunt: aliqua e terra sursum erumpunt: aliqua etiam intra terram ab una in aliam partem disploduntur. 140

PROP. XXIV. Fulmina, & copiosi illi materiæ electricæ torrentes, qui a nubibus in terram descendunt, ab una telluris parte, ubi major est positiva electricitas, ad aliam, ubi minor est, per medias procellosas nubes provenire, & transcurrere videntur: &c. 142

COROL. Et phænomena alia fulminum. 148

L E C T I O VII.

De aliis Metheoris igneis, Stellis cadentibus, Trabe, columna &c. præcipue vero de Aurora Boreali, & tandem de Metheoris Aqueis. 154

§. De Aurora Boreali **DEFIN.** Seu potius ejus phænomeni descriptio, atque adnotatio historica. 159

PROP. XXV. Aurora Borealis supra nubes aliquando, sed tamen intra atmosphæram semper perficitur. 165

PROP. XXVI. Materia septentrionalis Auroræ sunt iidem-

met vapores, halitus, & ignis, ex quibus confurgit, & conflatur atmosphæra, & a quibus cætera methæora proveniunt. 166

PROP. XXVII. Non una esse videtur Auroræ Borealis cuiuscumque causa, materia, & modus: in aliquas peculiariter influere videntur phosphorici spiritus, hoc est, halitus, atque exhalationes, a quibus nascuntur phosphori: aliæ a multiplici generis halitibus in nubibus multiplici ratione fermentatis, & inflammatis proveniunt: in omnes tamen generatim insuit, potissimaque illarum phenomena edit materia Electrica. 167

L E C T I O VIII.

De Metheoris aqueis, nubibus, rore, pruina, & aliis. 172

§. De Nube, & Nebula. 176

PROP. XXVIII. Nebulæ eandem habent naturam, ac Nubes; neque aliud sunt, nisi nubes depressiores, & humiliores: 177

§. ROS, & Pluvia. 178

PROP. XXIX. Triplicem nos distinguimus roris speciem: primus est invisibilis illa pluvia ab atmosphæra nocturno tempore descendens: secundus est plantarum, potissimum vero herbarum sudor: tertius e terra universum sub vespere ascendit. 178

PROP. XXX. Pluvia nihil est aliud, quam aquæ ab aere, seu potius a nubibus in aere pendulis, & sensum sese in guttas resolventibus decedentes. 182

§. Pruina, Nix, & Grando. 186

L E C T I O IX.

De Metheoris lucidis, seu emphaticis, Iride scilicet, Halone, Parhelio, Paraselene & Virgis. 188

§. IRIS, Observationes circa illam. 186

DEFIN. Ad rem spectantes. 190

PROP. XXXI. Iris primaria, seu Iridis colores ex eo efficiuntur, quod radii solares in pluviae e nube labentis guttas, quasi in aqueas phialas incidentes, in easque ingressi, post duplicem refractionem, & unicam reflexionem ita ab iis erumpant; ut ad spectatoris oculos reflectantur sub angulis 41. 14'. 41. 30'. 41. 45'. eoque pacto in spectatoris oculo prædictorum colorum sensum efficiunt. 192

COROL. & Phænomena I. II. III. IV. V. VI. Iridem primariam, ejus colores, oppositionem ad Solem. 193

(Di-

- (Diversitatem pro spectatorum etiam diversitate. 195
 (Omnes colores in eadem gutta. 196
 (Altitudinem Solis necessariam, ut Iris videatur. *ib.*
 circa (Figuram Iridis semper circularem. 197
 (Iridem lunarem. 198
 (Singulare phænomenon Americanum. 199
 §. De Halone, Parheliis, Parafelene, & Virgis. 201
 PROP. XXXII. Halones ex eo oriuntur, quod radii solares,
 aut lunares sub Sole, aut Luna intra telluris atmosphæ-
 ram in nubem incidant compositam ex vaporibus, seu in-
 sensibilibus guttulis, quæ minores sint iis, in quibus pin-
 guntur Irides, & præ raritate sua sint in aere suspensæ.
 201.
 COROL. Circa opinionem *Cartesii*, & *Huighens*, Halonis
 figuram, & similia. 204
 §. Parhelia, & Parafelene. 205
 OBSERVATIO *Hevelii*. *ib.*
 PROP. XXXIII. Parhelia, & Parafelene non aliunde oriun-
 tur, quam ex intersectionibus halonum luce satis vivida
 fulgentium, ex quibus fit, ut ob geminatum lucem splen-
 didius quadrata illa elucescant, & solem referant: acce-
 dere etiam potest peculiaris aliqua radiorum solarium re-
 flexio. 207

PYROTECHNIA PHYSICA

S E U

DE ELEMENTO IGNIS.

L E C T I O I.

- De Physica Ignis natura, & Proprietatibus. 208
 DEFIN. Rarefactionis, condensationis, compressionis, Fusio-
 nis &c. 209
 OBSER. In rem necessariæ circa diversos ignis effectus.
 210. 211.
 PROP. I. Ignis neque est spiritus, neque medium aliquod
 inter spiritum, & corpus: sed est materia, seu verum
 corpus. 212
 PROP. II. Ignis primigenius, seu elementaris non consistit
 præcise in insensibili & intestino insensibilium particula-
 rum motu; sed est aliquid ab hujusmodi motu diversum.
 213.

C c 4

PROP.

- PROP. III. Ignis igitur elementaris simplex & purus non sunt heterogeneæ diversorum corporum particulæ intestino & multiplici inter se motu agitatae : sed peculiaris quædam substantia Elementaris simplex ab aliis corporibus distincta. 216
- PROP. IV. Ignis est materia quædam simplex inalterabilis, maxime fluida, quæ fluiditatem numquam amittit. 218
- PROP. V. Particulæ ignis Elementaris sunt omnium terrestrium corporum, quæ novimus, particularum subtilissimæ: omnes etiam soliditate, & duritie superant. 222
- PROP. VI. Materia Ignis est ubique & circumquaque diffusa. 223
- COROL. Materia igitur ignis elementaris naturali vi sese diffundendi, & ad æquilibrium per corpora distribuendi prædita est &c. 224
- PROP. VII. Materia Ignis neque ubique est æqualiter diffusa, neque in singulis corporibus æqualiter invenitur, neque ab omnibus æqualiter, & eadem tenacitate retinetur. 226.
- PROP. VIII. PROBL. Estne Ignis in terra, aut prope terram existens corpus grave, ut cætera omnia corpora atque elementa? 228
- COROL. Circa gravitatem ignis impuri; levitatem Elementaris extra terram existentis &c. 234

L E C T I O II.

- Plurimi Ignis effectus, & phænomena ad planiorem illius naturæ explicationem proponuntur, eorumque ratio explicatur. *ib.*
- COROL. & Phænomena. 238
- I. Diversus contractionis, & dilatationis gradus in corporibus terrestribus. *ib.*
- II. Phænomenon singulare thermoscopii, atque amyanthi, vulgari igni resistentis. 235. ad 238
- III. Fusio metallorum quo pacto fiat. *ib.*
- IV. Corpora non æque cito calescunt, rarescunt, detumescunt, refrigerantur &c. 239
- V. Duplex in sensibili igne differentia, carbones, flamma &c. *ib.*
- VI. Corpora fluida facilius rarescunt, &c. quam solida. 241.
- VII. Corpora ignita in vacuo posita &c. 242
- VIII. Productio ignis multiplex explicatur: fermentatio effectus ignis quid, & quomodo hæc? 243. 244
- IX.

I N D E X.

109

- IX. Nulla accensio in vacuo. 245
 X. Multiplex etiam extinguendi modus. ib.
 XI. Quomodo fervorem in liquoribus excitet. 247
 XII. Ignis activitas in diversis corporibus diversa. 248

L E C T I O III.

De calore.

- DEFIN. ad rem necessariæ. 249
 OBSERV. Circa caloris, & frigoris effectus. ib.
 PROP. IX. Eadem est materia, & natura caloris, atque Ignis: consequenter igitur ad ea, quæ hætenus de Igne diximus, constitit calor &c. 250
 COROL. I. Duplex distingui potest calor. 252
 II. Eodem modo excitatur, augetur, intenditur, remittitur calor, atque, ignis. 252
 III. Calor non est qualitas absoluta in sensu Peripatetico. 253.
 PROP. X. Calor in anima est quidam doloris, aut gaudii sensus, ac perceptio: causa immediata hujusce doloris, aut gaudii, seu calor in corpore est intensior vel remissior sensivarum nostri corporis partium motus ope spirituum animalium auctus, communicatus, & traductus: Causa vero originalis hujusce motus in corpore, & sensus in anima sunt vel particulæ ignis elementaris in corpus introductæ, vel aliquid illius intestini & vibratorii particularum motus, qui, si nimis intenderetur, ignem mixtum efficeret. 258
 COROL. I. Calidum igitur corpus potest frigescere, atque gelari &c. 259
 II. Intensitas caloris rationem habet compositam ex densitate, & rapiditate partium. ib.
 PROP. XI. Calor cujuscumque corporis calidi ex natura rerum communicatur secundum ejusdem corporis massam, aut densitatem, seu in ratione massæ, si cætera sint paria. 260
 PROP. XII. Calor a corpore quocumque calido hinc inde diffusus decrescit in ratione duplicata reciproca distantiarum ab ipso corpore calido, seu in ratione inversa quadratorum distantiarum a corpore. 262
 §. Caloris excitatio, effectus, & aliqua phænomena. 264
 I. Excitatio caloris, & Ignis eadem. ib.
 II. Calore dilatantur corpora &c. ib.
 III. Calore fit etiam nutritio plantarum. 265

IV.

- IV. Aer agitato, aut quiescens eundem habet calorem. 265.
 V. *Antiparistasis* antiquorum falsa. 266
 VI. Aqua fervens eundem habet calorem &c. 267

L E C T I O IV.

De Frigore, seu statu corporum calori contrario.

- PROP. XIII. Corpus quodcumque animatum, aut inanime dicitur, & est frigidum, cum insensibiles ejus partes inter se quiescunt; atque ad intestinum motum congelatione aliqua impediuntur. 269
 PROP. XIV. Causa physica ejus status, in quo corpus est, & dicitur frigidum sunt partes salinæ, nitrosæ &c. 271.
 §. Aliqua frigoris Phænomena, causa, proprietates, & aliqua ulterius argumenta. 275
 I. Præcipuæ Frigoris proprietates numerantur 4. ib.
 II. Frigore servantur corpora a putredine immuniâ. 276
 III. Sal a putredine quomodo carnes servet. 277
 IV. Præcipua frigoris causa sunt spiritus salini. ib.
 V. Usus balnei ad calorem imminuendum. 278
 VI. Hyberno frigore humana membra dehiscunt, gelascent. 278
 VII. Teneri fructus, flores &c. frigore marcescunt &c. 279.

L E C T I O V.

- De Thermometris, seu de caloris, & frigoris critério, atque mensura. 282
 DEFIN. & COROL. circa raritatem, & densitatem. ib.
 PROP. XV. Corporum rarefactio fit per majorem pororum dilatationem, aut numerum; condensatio autem per eorundemmet pororum contractionem, aut destructionem &c. 283.
 §. DE THERMOMETRIS. 284
 THERMOMETRUM DREBBELIANUM. 285
 THERMOMETRUM FLORENTINUM. 286
 THERMOMET. FARENHEITIANUM. 287

DISSERTATIO

D E

ELECTRICITATE &c.

291

P A R S P R I M A .

De Electricitatis, & materiæ Electricæ notione, phænomenis, & proprietatibus.	292
ANNOT. HIST.	293
§. Simpliciora Electricitatis phænomena, & observationes.	298.
COROL. Circa distinctionem corporum in <i>electricæ</i> , & <i>non electricæ</i> .	300
§. Inæqualitas electricitatis in corporibus.	301
EXPERIMENTUM I.	302
EXPERIMENTUM II.	303
PROP. XVI. Materia, seu virtus electrica est verum corpus.	304
DEFIN. in rem necessariæ.	305
EXPERIMENTUM III.	307
PROP. XVII. Licet ad aliquos naturales Electricismi effectus nulla requiratur excitatio; ad Electricismum tamen artificialem, & præcipua etiam naturalis phænomena habenda excitatione opus est.	308
PROP. XVIII. Corpora <i>origine electricæ</i> materia electricæ resistunt, eamque ab aliis non accipiunt, neque transmittunt: corpora vero <i>non electricæ</i> hujusmodi materiæ non opponuntur, eam in se ab aliis corporibus facile recipiunt, transmittunt, fiuntque proinde communicatione electrica.	309
EXPERIMENTUM IV.	311
EXPERIMENTUM V.	313
PROP. XIX. Materia electrica est materia fluidissima, atque subtilissima: visque electrica aliud non est, quam hujusmodi materia excitata, & in motu posita.	316
PROP. XX. Materia electrica, ejusque actio velocissime per longissima spatia transmittitur, atque per intimam deferentium corporum massam & soliditatem transcurrit, & permeat.	317
PROP. XXI. Materia electrica per medium aerem perrumpit, atque evibratur, quantumvis magnam in perrumpendo aere resistantiam patiatur, eamque prius superare oportet.	321
PROP.	

PROP. XXII. Materia electrica communicatur, addensatur, & accumulatur in corporibus communicatione tantum electricis, quamdiu non communicast, nisi cum corporibus origine electricis. 323

PROP. XXIII. Corpora electrificata, quamdiu excitatam, aut acceptam virtutem conservant addensatam, atque accumulatam, peculiarem electricitatis atmosphæram habent. 324.

COROL. Ex duabus hisce propositionibus. 326

PROP. XXIV. Materia electrica in corpus aliquod transmissa per illud uniformiter diffunditur, dummodo tamen ipsum sit homogeneous. 327

PROP. XXV. Materię electricę motus in corpore non electrico fit versus omnes partes, antorsum scilicet, retrorsum, ad omnia etiam latera, sursum deorsum &c. 329

EXPERIMENTUM VI. ib.

EXPERIMENTUM VII. 331

EXPERIMENTUM VIII. 332

COROL. ab hisce experimentis. 334

PROP. XXVI. Corpora levia attrahuntur, donec æqualem acquirant electricitatem, seu atmosphære densitatem. 335

PROP. XXVII. Ubi est inæqualitas virium, seu densitatum materię electricę in duobus corporibus, illic est attractio; ubi vero vires fuerint æquales, illic erit repulsio. 337

COROL. Ex hoc principio. 338

PROP. XXVIII. Vires repellentes eo sunt majores in corporibus electrificatis, quo intensiores sunt electricitates aliunde æquales. 339

PROP. XXIX. Intensitas virium attrahentium est in ratione directa inæqualitatis virium, seu electricitatum, hoc est, eo vehementius sese attrahent corpora, quo major in iis fuerit densitatum electricarum inæqualitas, aut differentia. 340.

EXPERIMENTA

E T

PROPOSITIONES QUÆ MATERIÆ

Electricę Phenomena ignea, & luminosa spectant.

EXPERIMENTUM I. 341

EXPERIMENTUM II. 342

EXPERIMENTUM III. 344

EX-

EXPERIMENTUM IV.

PROP. XXX. Spatia, & corpora illuminare, est alia etiam
materie electricæ proprietas. 347

PROP. XXXI. Notissimas etiam ignis proprietates superius
relatas, perfectiori tamen atque intensiori gradu habet ma-
teria electrica. 349

PROP. XXXII. Materia electrica multo facilius, copiosius,
atque velocius e corporibus effluit, aut in corpora ingre-
ditur per cuspides, & angulos, quam per obtusas lateraque
superficies. 350

COROL. I. Tum in vacuo, tum in pleno materia electri-
ca existit. 352

II. Non est aer, neque ejus phænomena ab aere eduntur.
353.

III. Aer illi magnopere resistit. *ib.*

IV. Crescente densitate aeris, intenduntur etiam electrica
phænomena. *ib.*

V. Electricitas corpora aliquo modo diaphana efficit. *ib.*

VI. Corpora *non electrica* materiam in sese recipiunt &c.

354.

P A R S S E C U N D A.

Philosophorum de materie electricæ natura opiniones, atque
probabilior totius rei theoria, & principium exponitur,
quo electricitatis phænomena hucusque nota explicantur.

354.

ANNOT. HIST. 355

PROP. XXXIII. Materia electrica ab igne elementari non
videtur esse distincta. 357

PROP. XXXIV. Ignis electricus est materia ubique in ter-
renorum corporum systemate diffusa, per globum inte-
grum, atque illius atmosphæram distributa. 360

PROP. XXXV. Materie electricæ diffusio atque densitas non
est in omnibus corporibus æqualis. 361

PROP. XXXVI. Materiam electricam ad æqualem sui dif-
fusionem, æquilibrium, & densitatem semper tendere at-
que adniti, ex ejusdem materie indole, & experimentis
constat. 362

PROP. XXXVII. Arte tamen, imo & a natura ipsa multo-
ties fit, ut ignis electricus in aliquibus corporibus accu-
muletur, in aliis vero rareseat, & consequenter ut tolla-
tur æquilibrium, 363

PROP. XXXVIII. Phænomena electrica, quæ ad penicil-
lum, scintillas, torrentes electricos luminosos, aut non lu-
minosos spectant, ab eo eduntur, quod ignis electricus se-
cun-

cundum æquilibrii leges a majori densitate in minorem erumpat, hoc est, a corpore, ubi densior est atmosphæra, ad aliud, in quo rarior est, effluar. 364

PROP. XXXIX. Penicillus luminosus est nota materiæ electricæ effluentis e corpore, ubi densior, ad corpus, ubi rarior illa existit: contra vero stellula alicui corpori inhærens est ejusdemmet materiæ in corpus illud influentis nota: unicum proinde materiæ torrentem in quolibet experimento electrico agnoscimus, ab uno quidem corpore effluentem, in aliudque influentem. 365

PROP. XL. Unicus ille materiæ fluxus, atque torrens, quem in rebus electricis admittimus, fit a tellure, cui machina insitit, supra globum ad conductorem. 368

PROP. XLI. Neque vitrum, seu globus vitreus, machinæ, neque aer machinam ipsam, conductorem, & globum ambiens materiam electricam suppeditant. 370

PROP. XLII. Vis diffusiva, atque compressiva materiæ electricæ est universale principium & causa, unde omnia electricitatis phænomena eduntur. 373

PROP. XLIII. Duplex igitur est corporum electricitas tum naturalis, tum artificialis; alia nimirum *positiva*, altera vero *negativa*. 375

COROL. & Regulæ in Electricis observatæ. 379

§. PHÆNOMENA Electrica secundum propositam theoriam, & principium. 381

PHÆNOMENON I. II. III. IV. V. VI. VII. VIII. IX. X. XI. XII. *ib.* ad 386

PROP. XLIV. Fulmen Artificiale Electricum e quadrato vitri magico *Franklini*, aut phiala Lugduno Baravica editum est etiam explosio violentissima vaporis electrici ab una ad aliam quadrati, aut phialæ superficiem æquilibrii reparandi causa recurrentis. 386

Finit Tomi Quinti.





ERRORES VOLUMINIS V.

		ERROR	CORRECTIO
pag. 10	linea 28	fufiffime	fufiffime
<i>ibi</i>	36	diffuiffionem	diffuiffionem
13	39	qua	quæ
14	40 43	anthilia	anthlia
15	6	fucceffionem	fuccuiffionem
<i>ibi</i>	17	emboles	embolus
22	43	ferre	fere
28	20	augeat subtiles	augeat. Subtiles
34	33	præmens	premens
52	43	matallis	metallis
56	24	materia	materiæ
60	41	ratione	rationem
61	18	fi	li
70	7	minimis	minimos
<i>ibi</i>	22	exiftentiis	exiftentis
71	34	&	at
75	37	radas	radat
81	31	cormutenfis	carmutenfis
90	32	translatio	fluxio
147	25	fulphures	fulphuris
150	18	fulgures	fulguris
153	18	fic	fit
158	34	producentis	producendis
		ferret credendum...	ferret: Credendum
163	15 16	est .. oculus	est .. oculos
170	37	calorumque	colorumque
184	38	prodigiofo	prodigio
189	15	tentate	tentata
208	26	coronæ	corona
198	6	adfpicitur. Iris	adfpicitur Iris
<i>ibi</i>	10	revolvens	refolvens
209	32	agem	agam
212	7	fluda	fluida
213	2	corpus	non est corpus
217	40	percipiuntur	percipiuntur
220	14	igno	igne
234	38	reftituta	reftitura
242	10	fed cum	fed eum
247	33	vafi	vafis
248	29	est	&


pag. 250	linea 5	quoad	quod
255	43	femiunciæ	<i>deleatur</i>
260	44	fenfibilibus	fenfibilis
265	30	dispartiantur	dispertiantur
277	1	excitatur: integra	excitantur: integra
		perinde	proinde
<i>ibi</i>	32	humori	humor
286	9	sphære	sphære
288	18	dicimus in multi- plices	dicimus. Sit linea BD
294	20	etiam	viam
296	18	gemina	germina
298	38	occurrerent	agendo
303	3	afficiatur	afficiantur
309	18	electrificatus	electrificatur
310	20	diei	dici
317	7	corpora	corpore
320	18	componit	componi
328	30	tatione	ratione
330	36	aeræ	æreæ
<i>ibi</i>	39	oscillans	oscillantem
336	12	pervenire	pervenere
346	28	adducudendis	adducendis
352	21	maferiæ	materiæ
358	16	matriæ	materiæ
365	34	stella	stellam
366	16	stella	stellam
377	18	350. 557	381. 388
379	5..7	stella	stellam
391	1	phiala	phialæ
398	9	ut	aut
<i>ibi</i>	44	stella	stellam
399	3	306	379. &c.

A61

4653392







134

